





北齊 魏 收 撰

中

華

書

局

卷 第

至

卷一二(紀)

册

魏書卷十三二

皇后列傳第一

如 周禮有夫人、嬪婦、御妻之定數焉。 漢因秦制,帝之祖母曰太皇太后,母曰皇太后,妃曰皇后,餘則多稱夫人,隨世增損,非 魏晉相因,時有昇降,前史言之具矣。

等,後庭漸已多矣。又魏故事,將立皇后必令手鑄金人,以成者爲吉,不成則不得立也。又 爲 後置女職,以典內事。內司視尙書令、僕。作司、大監、女侍中三官視二品。監,女尙書,美 世祖、高宗緣保母劬勞之恩,並極尊崇之義,雖事乖典禮,而觀過知仁。高祖改定內官,左 立中宮,餘妾或稱夫人,多少無限,然皆有品次。世祖稍增左右昭儀及貴人、椒房、中式數 右昭儀位視大司馬,三夫人視三公,三嬪視三卿,六嬪視六卿,世婦視中大夫,御女視元士。 人,女史、女賢人、書史、書女、小書女五官,視三品。 中才人、供人、中使女生、才人、恭使宮 **海。而章、平、思、昭、穆、惠、煬、烈八帝,妃后無聞。|太祖追尊祖妣,皆從帝諡爲皇后,始** 魏氏王業之兆雖始於神元,至於昭成之前,世崇儉質,妃嬙嬪御,率多闕焉,惟以次第

列

人視四品,春衣、女酒、女饗、女食、奚官女奴視五品。〔三〕

資卒,速侯等欲因帝會喪爲變,語頗漏泄,帝聞之,知其終不奉順,乃先圖之。於是伏勇士 於宮中,晨起以佩刀殺后,馳使告速侯等,言后暴崩。速侯等驚走來赴,因執而殺之。 神元皇后竇氏,沒鹿回部大人賓之女也。賓臨終,誠其二子速侯、回題,令善事帝。 及

銘,稱屆帝葬母封氏,遠近赴會二十餘萬人。有司以聞,命藏之太廟。 文帝皇后封氏,生桓、豫二帝,早崩。桓帝立,乃葬焉。〔三高宗初,穿天淵池,獲一石

次妃蘭氏,生二子,長子曰藍,早卒,次子,思帝也。

桓帝皇后祁氏,四生三子,長曰普根,次惠帝,次煬帝。 平文崩,后攝國事,時人謂之 饗太廟。 岸 聲。」遂良 曰:「國自上世,遷徙爲業。 在襁褓。 烈帝之崩,國祚殆危, 平文皇后王氏,廣寧人也。 久不啼,得発於難。 時國有內難,將害諸皇子。后匿帝於袴中,懼人知,呪曰:「若天祚未終者,汝便無 興復大業,后之力也。 今事難之後,基業未固。 昭成初欲定都於灅源川,築城郭,起宮室,議不決。 年十三,因事入宫,得幸於平文,生昭成帝。 十八年崩,葬雲中金陵。 若城郭而居,一旦寇來,難卒遷動。」乃 太祖即位,配 平文崩,昭成 后聞之,

辰,辰姦猾,終當滅汝。」悉勿祈死,其子果爲衞辰所殺,卒如后言。 斷,專理內事,每事多從。 初,昭成遺衞辰兄悉勿祈還部落也,后戒之曰:「汝還,必深 人長孫秩逆后,元眞送于境上。后至,有寵,生獻明帝及秦明王。 昭成皇后慕容氏,元眞之女也。 初,帝納元眞妹爲妃,未幾而崩。 后性聰敏多知,沉厚善決 建國二十三年崩。 元眞復請繼好,遺大 防衛

皇

即位,配饗太廟。

懼,仰天而告曰:「國家胤胄,豈止爾絕滅也!惟神靈扶助。」遂馳,輪正不傾。行百餘里,至 七介山南而得冤難。 與太祖及故臣吏避難北徙。 獻明皇后賀氏,父野干,東部大人。后少以容儀選入東宮,生太祖。 俄而,高車奄來抄掠,后乘車與太祖避賊而南。 苻洛之內侮也,后 中路失轄,后

請救,乃得免。會劉顯部亂,始得亡歸。 外朝大人悅,舉部隨從,供奉盡禮。顯怒,將害后,后夜奔亢遲家,匿神車中三日,亢遲舉室 此,今盡亡失。汝等誰殺之。」故顯不使急追。至太祖得至賀蘭部,羣情未甚歸附,后從弟 祖去之。后夜飲顯使醉。向晨,故驚厩中羣馬,顯使起視馬。 后泣而謂曰:「吾諸子始皆在 後劉顯使人將害太祖,帝姑爲顯弟亢遲妻,知之,密以告后,梁眷亦來告難。后乃令太

殺 吾子也。」、染干慚而去。 後后弟染干忌太祖之得人心,舉兵圍逼行宮,后出謂染干曰:「汝等今安所置我,而欲

後后少子秦王觚使于燕,慕容垂止之。后以觚不返,憂念寢疾,皇始元年崩,時年四十

六, 祔葬于盛樂金陵。後追加尊諡, 配饗焉。

帝從羣臣議,令后鑄金人,成,乃立之,告於郊廟。 道武皇后慕容氏,寶之季女也。中山平,入充掖庭,得幸。左丞相衞王儀等奏請立皇后, 封后母孟爲漂陽君。[於]後崩

祖末年, 后以舊法薨。 事,寵待有加,以鑄金人不成,故不得登后位。魏故事,後宮產子將爲儲貳,其母皆賜死。 道武宣穆皇后劉氏,劉眷女也。 太宗卽位,追尊諡號,配饗太廟。 登國初,納爲夫人,生華陰公主,後生太宗。 自此後宮人爲帝母,皆正位配 后專理內 太

饗焉。

鑄金人不成,未昇尊位,然帝寵幸之,出入居處,禮秩如 明元 泰常五年薨,帝追恨之,贈皇后璽綬,而後加諡焉。 昭哀皇后姚氏,姚興女也, 興封西平長公主。 后焉。 葬雲中金陵。 太宗以后禮納之,後爲夫人。 是後猶欲正位,而后謙讓不 后以

皇后列侮第一

地,未聞有莘之國,立太姒之饗。此乃先皇所立,一時之至感,非經世之遠制,便可罷祀。」 廟庭。 旭 配饗太廟。 明元 及太宗卽位,拜貴嬪。泰常五年薨,諡曰密貴嬪,葬雲中金陵。 高祖時,日相州刺史高閭表修后廟,詔曰:「婦人外成,理無獨祀,陰必配陽 密皇后杜氏,魏郡鄴人,陽平王超之妹也。 又立后廟于鄴,刺史四時薦祀。以魏郡太后所生之邑,復其調役。 初以良家子選入太子宮, 世祖即位,追奪號諡, 後甘露降于 有寵, 以成天

本無位 崩,時年六十三。韶天下大臨三日,太保盧魯元監護喪事,諡曰惠,葬崞山,從后意也。 尊爲皇太后,封其弟漏頭爲遼東王。太后訓釐內外,甚有聲稱。 爲 后嘗登崞山,顧謂左右曰:「吾母養帝躬,敬神而愛人,若死而不滅,必不爲賤鬼。然於先朝 色,好揚人之善,隱人之過。世祖征凉州,蠕蠕吳提入寇,太后命諸將擊走之。眞君元年 世祖保母。 先是,世祖保母竇氏,初以夫家坐事誅,與二女俱入宮。操行純備,進退以禮。太宗命 . 次,不可違禮以從園陵。 性仁慈,勤撫導。 此山之上,可以終託。」故葬焉。 世祖威其恩訓,奉養不異所生。 別立后寢廟於崞山,建碑 及卽位,尊爲保太后,後 性恬素寡欲,喜怒不形於

太武皇后赫連氏, 赫連屈丐女也。 世祖平統萬,納后及二妹俱爲貴人,後立爲皇后。高

宗初崩、祔葬金陵。

太武敬哀皇后賀氏, 代人也。 初爲夫人, 生恭宗。 神麝元年薨, 追贈貴嬪, 葬雲中金

陵。後追加號諡,配饗太廟。

景穆恭皇后郁久閭氏,河東王毗妹也。 少以選入東宮, 有 寵。 眞君元年, 生高宗。 世

旭 末年薨。 高宗卽位,追尊號諡 葬雲中金陵、配饗太廟。

之功。 日昭,葬於廣寧磨笄山,俗謂之鳴雞山,太后遺志也。 高宗乳母常氏,本遼西人。 高宗即位,尊爲保太后,尋爲皇太后,謁 太延中,以事入宫,世祖選乳高宗。 於郊 廟。 依惠太后故事 和平元 年崩, , 慈和 别 詔 立 天下大臨三日 履順,有劬勞保護 一寢廟, 置守陵二 諡

鼻后列傳第

百家,樹碑頌德。

後,御服器物一以燒焚,百官及中宮皆號泣而臨之。后悲叫自投火中,左右救之,良久 撫養教訓。年十四,高宗踐極,以選爲貴人,後立爲皇后。高宗崩,故事:國有大喪,三日之 后生於長安,有神光之異。朗坐事誅,后遂入宮。世祖左昭儀,后之姑也,雅有母德, 文成文明皇后馮氏,長樂信都人也。父朗,秦、雍二州刺史、西城郡公,〇日樂浪王

|弈,顯祖因事誅之,太后不得意。||顯祖暴崩,時言太后爲之也 **遂臨朝聽政。及高祖生,太后躬親撫養。是後罷令,不聽政事。** 顯祖卽位,尊爲皇太后。丞相乙渾謀逆,顯祖年十二,云居于諒闇,太后密定大策,誅 太后行不正,內寵字

憑,諸鷙鳥傷生之類,宜放之山林。其以此地爲太皇太后經始靈塔。」於是罷鷹師曹,以其 極,省決萬機。 地爲報德佛寺。 承明元年,尊曰太皇太后,復臨朝聽政。太后性聰達,自入宮掖,粗學書計。 高祖詔曰:「朕以虚寡,幼纂寶歷,仰恃慈明,緝寧四海,欲報之德,正覺是 太后與高祖遊于方山,顧瞻川阜,有終焉之志,因謂羣臣曰:「舜葬蒼梧,一 及登算

側,大怒,將加 皆受復除。 方山 分之八。 於長安,[10]又立思燕佛圖 妃 太后以高 不從。 ,又起永固 豈必遠祔山陵,然後爲貴哉!吾百年之後,神其安此。」<u>高祖</u>乃詔 太后嘗以體不安,服菴閻子。 祖富於春秋,乃作勸戒歌三百餘章,又作皇誥十八篇,文多不載。太后立文宣王 性儉素,不好華飾,躬御縵繒而已。 極罰,太后笑而 石室, 將終爲清 於龍城,皆刊石立碑。 釋之。 廟焉。 太和 宰人昏而進粥,有蝘蜓在焉, 五年起作, 宰人上膳,案裁徑尺,羞膳滋味 太后又制,內屬五廟之孫,外戚六親緦麻 八年而 成, 刊石 后舉 立 碑, 有司營建壽陵於 匕得之。 頌太后功德。 減於故 高 祖 事 一駒

千萬 然性不宿憾,尋亦待之如初,或因此更加富貴。 勝 忍,能行大事,生殺賞罰,決之俄頃,多有不關高 王遇、張祐、苻承祖等拔 數。 .億計,金書鐵券,許以不 自太后臨朝專政,高祖雅性孝謹,不欲參決,事無巨細,一禀於太后。 后性嚴明,假有寵 自微閹,歲中而至王公,王叡出入臥內,數年便爲宰輔,賞賚財 待, 死之詔。 亦無所縱 李沖雖以器能受任,亦由 左右纖介之愆, 是以人人懷於利欲,至死 祖 者。是以威福 動加 捶 兼作,震動 見寵 楚, 多至 帷 幄, 而 一百餘 內外。故杞道 密 太后 不 加 思 錫賚, 多智略, 退。 少亦數十。 不可 帛 猜 以

上壽,太后忻然作歌,帝亦和歌,遂命羣臣各言其志,於是和歌者九十 太后曾與高祖幸靈泉池,燕羣臣 及藩 國使 人、諸方 渠 、帥, 各令 爲其方舞。 人。 高祖 帥羣臣

皇

私。 又自以過失,懼人議己,小有疑忌,便見誅戮。迄后之崩,高祖不知所生。 太后外禮民望元丕、游明根等,頒賜金帛輿馬,每至褒美叡等,皆引丕等參之,以示無 如李訢、

李惠之徒,猜嫌覆滅者十餘家,死者數百人,率多枉濫,天下寃之。

毀慕 陵 內則方丈,外裁揜坎,脫於孝子之心有所不盡者,室中可二丈,墳不得過三十餘步。今以山 不申罔極之痛,稱情允禮,仰損儉訓之德。進退思惟,倍用崩感。又山陵之節,亦有成命, 近臣 以 以 於 萬 致怪。 ·始親 盡 素 .從服,三司已下外臣衰服者,變服就練,七品已下盡除卽吉。 設耐祭於太和殿,公卿已 、帳、縵茵、瓷瓦之物,亦皆不置。此則遵先志,從册令,俱奉遺事。而有從有違,未達者或 過禮。諡曰文明太皇太后。葬于永固陵,日中而反,虞於鑒玄殿。 世所仰,復廣爲六十步。辜負遺旨,益以痛絕。其幽房大小,棺槨質約,不設明器。至 十四年,崩於太和殿、時年四十九。其日,有雄雉集于太華殿。 痛慕之情。其宣示遠近,著告羣司,上明儉誨之善,下彰違命之失。」及卒哭,孝文服衰, 公事。 梓宮之裏,玄堂之內,聖靈所憑,是以一一奉遵,仰昭儉德。 高祖毁瘠,絕酒肉,不內御者三年。 高祖酌飲不入口五日, 其餘外事,有所不從, 韶曰:「尊旨從儉,

自 表遷西以爲山園之所,而方山虛宮至今猶存,號曰「萬年堂」云。 初 高祖 孝於太后,乃於永固陵東北里餘,豫營壽宮,有終焉瞻望之志。及遷洛陽,乃

事,令后具條記在南兄弟及引所結宗兄洪之,悉以付託。 時守庫者亦私書壁記之,別加驗問,皆相符同。 咸曰「然」。乃下臺,后得幸於齋庫中,遂有娠。 安,遇事誅,后與其家人送平城宮。 此女當大貴。及長,姿質美麗。 文成元皇后李氏,梁國蒙縣人,頓丘王峻之妹也。日日后之生也,有異於常,父方叔 後諡曰元皇后,葬金陵,配饗太廟。 世祖南征,永昌王仁出壽春,軍至后宅,因得后。 高宗登白樓望見,美之,謂左右曰:「此婦人佳乎。」」左右 常太后後問后,后云:「爲帝所幸,仍有娠。」 及生顯祖,拜貴人。 臨訣,每 一稱兄弟,輒拊胸慟泣, 太安二年,太后令依故 及仁鎭長

逐薨。

即位,爲夫人,生高祖。皇興三年薨,上下莫不悼惜。葬金陵。承明元年追崇號諡,配饗太廟。 獻文思皇后李氏,中山安喜人,南郡王惠之女也。姿德婉淑,年十八,以選入東宮。顯祖

以罪賜死,有司奏追廢后爲庶人。 舊制薨。 子,有二女,入掖庭。 金閭兄勝爲平涼太守。 孝文貞皇后林氏,平原人也。日三叔父金闆,起自閣官, 高祖仁恕,不欲襲前事,而禀文明太后意,故不果行。 后容色美麗,得幸於高祖, 金閭,顯祖初爲定州刺史。 生皇子恂。 未幾爲乙渾所誅,兄弟皆死。 有寵於常太后,官至尚書 以恂將爲儲貳, 諡曰貞皇后,葬金陵。 太和七年后 了、平涼 及恂 勝 依 無

昭儀 昭儀 書慰以敍哀情。 以次進。 建,六宫無主,請正內位。 規 自以年長,且前入宮掖,素見待念,輕后而不率妾禮。后雖性不妬忌,時有愧恨之色。 孝文廢皇后馮氏,太師熙之女也。太和十七年,高祖旣終喪,太尉元丕等表以長秋未 爲 內主,譖構百端。 車駕南伐,后留京師。 及車駕還洛,恩遇甚厚。高祖後重引后姊昭儀至洛,稍有寵,后禮愛漸衰 高祖從之,立后爲皇后。 尋廢后爲庶人。后貞謹有德操,遂爲練行尼。 高祖又南征,后率六宮遷洛陽。及后父熙、兄誕薨,高祖爲 高祖每遵典禮,后及夫、嬪以下接御皆 後終於瑶光

孝文幽皇后,亦馮熙女。 母曰常氏,本微賤,得幸於熙,熙元妃公主薨後,遂主家事。

卒。 后崩 至,寵愛過初,專寢當夕,宮人稀復進見。 生 后 后有姿媚,偏 與北平公夙。 高祖服 終,頗存訪之,又聞后素疹痊除,遣閹官雙三念璽書勞問, 見愛幸。 文明太皇太后欲家世貴寵,乃簡熙二女俱入掖庭, 時年十四。 未幾疾病,文明太后乃遣還家爲尼, 拜爲左昭儀,後立爲皇后 高祖 **獪留** 念焉。 遂迎赴洛陽。 歲 其 餘 而 二 早 太

豫,后便公然醜恣,中常侍雙蒙等爲其心腹。中常侍劇鵬諫而不從,憤懼致死。是時,彭城公 疾左右,具知其事 奉謁高祖,自陳本意,因言后與菩薩亂狀。 主,宋王劉昶子婦也,年少嫠居。北平公馮夙,后之同母弟也,后求婚於高祖,高祖許之。 公主志不願,后欲强之。 始以疾歸,頗有失德之聞,高祖頻歲南征,后遂與中官高菩薩私 婚有日矣,公主密與侍婢及家僮十餘人,乘輕車,冒霖 高祖聞而駭愕,未之全信而秘匿之,惟彭城王侍 亂。 及高祖在汝南 雨,赴懸瓠

后 曲 賜之衣裳,殷勤託寄,勿使漏洩。 或遣侍婢與相報答。 輔少主稱命者,賞報不貲。又取三牲宮中妖祠,假言祈福,專爲左道。母常或自詣宮中, ,高祖問其本末,敕以勿洩。至洛,執問菩薩、雙蒙等六人,迭相證舉,具得情狀 此 後,后漸憂懼,與母常氏求託女巫,禱厭無所不至,願高祖疾不起,一旦得如文明太 高祖自豫州北幸鄴,后慮還見治檢,彌懷危怖,驟令閹人託參起居,皆 亦令雙蒙充行,省其信不。自己然惟小黃門蘇興壽密陳委

皇

對,豈令汝傳也一」高祖怒,敕后母常入,與后杖,常撻之百餘乃止。 雖以罪失寵,而夫人嬪妾奉之如法,惟令世宗在東宮,無朝謁之事 拜稽首,涕泣歔欷。令入東房。及入宮後,帝命閹人有所問於后,后駡曰:「天子婦,親 術,可具言之。」后乞屛左右,有所密啓。 斬。 猶有情也。」高祖素至孝,猶以文明太后故,未便行廢。 良久,二王出,乃賜后辭 過,致愧二王。又云「馮家女不能復相廢逐,且使在宮中空坐,有心乃能自死,汝等勿謂 不獲命。 知 柱之,后猶不言。 之。 高 后頓首泣謝,乃賜坐東楹,去御筵二丈餘。 高祖 祖 及入,高祖云:「此老嫗乃欲白刃插我肋上!可窮問本末,勿有所難。」高祖深 以 乃喚彭城、北海二王令入坐,言:「昔是汝嫂,今乃他人,但入勿避。」二王固辭, 疾臥含溫室,夜引后,幷列菩薩等於戶外。后臨入,令閹人搜衣中,稍 高祖 乃以綿堅塞整耳,自小語呼整再三,無所應, 高祖敕中侍悉出、唯令長秋卿白整在側、 高祖令菩薩等陳狀, 高祖尋南伐,后留京師 乃令后言。 又讓后曰:「汝 死訣。[三]再 事 取衞 有寸刃便 隱 母 自 有 直 面 吾 妖 刀

海王 我耳」整等執持,强之,乃含椒而盡。殯以后禮。梓宮次洛南,咸陽王禧等知審死,相視 吾死之後,可賜自 一詳奉宣遺旨、長秋卿白整等入授后藥、后走呼不肯引決、曰:「官豈有此也、是諸王 高祖 疾甚,謂彭城王勰曰:「後宮久乖陰德,自絕於天。若不早爲之所,恐成漢末故 盡別宮,葬以后禮,庶掩馮門之大過。」高祖崩,梓宮達魯陽,乃行遺詔 輩 北

曰:「若無遺詔,我兄弟亦當作計去之,豈可令失行婦人宰制天下,殺我輩也。」諡曰幽皇后,

葬長陵塋內。

初,乃舉室西歸,達龍城鎮,鎭表后德色婉豔,任充宮掖。及至,文明太后親幸北部曹,見后 孝文昭皇后高氏,司徒公肇之妹也。父颺,母蓋氏,凡四男三女,皆生於東裔。 高祖

麥貌,奇之,遂入掖庭,時年十三。

世宗之意,后自代如洛陽,暴薨於汲郡之共縣,或云昭儀遣人賊后也。世宗之爲皇太子,三 命,誕育人君之象也。」遂生世宗。後生廣平王懷,次長樂公主。及馮昭儀寵盛,密有母養 **猶照者,主上來求,女不獲已也。昔有夢月入懷,猶生天子,況日照之徵。此女必將被帝** 曰:「何以知之。」宗曰:「夫日者,君人之德,帝王之象也。光照女身,必有恩命及之。 如 日一朝幽后,后拊念慈愛有加。 是數夕,后自怪之,以白其父颺,颺以問遼東人閔宗。宗曰:「此奇徵也,貴不可言。」颺 初,后幼曾夢在堂內立,而日光自窗中照之,灼灼而熱,后東西避之,光猶斜照不已。 後 有 司 奏請 加昭儀號,諡曰文昭貴人,高祖從之。世宗踐作,追尊配饗。 高祖出征,世宗入朝,必久留后宮,親視櫛沐, 母道隆備。 女避

先葬城 西 長陵東南,陵制卑局。 因就起山陵、號終寧陵、置邑戶五百家。 肅宗詔曰;

后列傳第一

皇

后

大蛇長丈餘,黑色,頭有「王」字,蟄而不動。 姑婦之禮。 |祖,祔廟定號,促令遷奉,自終及始,太后當主,可更上尊號稱太皇太后,以同漢||晉之典,正 自夷,遷奉未遂,永言哀恨,義結幽明。 「文昭皇太后,德協坤儀,美符文姒,作合高祖,實誕英聖,而夙世淪暉,孤塋弗祔。先帝孝感 廟號如舊。」文昭遷靈櫬於長陵兆西北六十步。 廢呂尊薄,禮伸漢代。」又詔曰:「文昭皇太后尊配 靈櫬旣遷,置蛇舊處。 初開終寧陵數丈,於梓宮上獲

世議歸咎于高夫人。葬永泰陵,諡曰順皇后。 于太廟。 御未備,因左右諷諭,稱后有容德,世宗乃迎入爲貴人。 宣武順皇后于氏,太尉烈弟勁之女也。 后靜默寬容,性不妬忌,生皇子昌,三歲夭歿。 世宗始親政事,烈時爲領軍,總心膂之任,以嬪 其後暴崩,宮禁事秘,莫能知悉,而 時年十四,甚見寵愛,立爲皇后,謁

居瑤光寺,非大節慶,不入宮中。建德公主始五六歲,靈太后恒置左右,撫愛之。神龜元 後拜爲皇后,甚見禮重。性妬忌,宮人希得進御。及肅宗卽位,上尊號曰皇太后。 宣武皇后高氏,文昭皇后弟偃之女也。世宗納爲貴人,生皇子,早天,又生建德公主。 **尋爲尼**,

不蒙侍接者。 近臣,稱婦人妬防,雖王者亦不能免,況士庶乎?世宗暮年,高后悍忌,夫人嬪御有至帝崩 佛寺,嬪葬皆以尼禮。 年,太后出覲母武邑君。時天文有變,靈太后欲以后當禍,是夜暴崩,天下寃之。 由是在洛二世,二十餘年,皇子全育者,惟肅宗而已。 初,高祖幽后之寵也,欲專其愛,後宮接御,多見阻遏。高祖時言于 喪還瑤光

視焉。 男,次第當長子,子生身死,所不辭也。」旣誕肅宗,進爲充華嬪。先是,世宗頻喪皇子,自以 春秋長矣,深加愼護。爲擇乳保,皆取良家宜子者。養於別宮,皇后及充華嬪皆莫得而撫 乎。」及肅宗在孕,同列猶以故事相恐,勸爲諸計。后固意確然,幽夜獨誓云:「但使所懷是 生太子。唯后每謂夫人等言:「天子豈可獨無兒子,何緣畏一身之死而令 皇家 不 育冢 嫡 聞之,乃召入掖庭爲承華世婦。而椒掖之中,以國舊制,相與祈祝,皆願生諸王、公主,不願 勿過三人知也。」后姑爲尼,頗能講道,世宗初,入講禁中。 Щ 北縣有趙胡者,善於卜相,國珍問之。胡云「賢女有大貴之表,方爲天地母,生天地主。 宣武靈皇后胡氏,安定臨涇人,司徒國珍女也。母皇甫氏,產后之日,赤光四照。 積數歲,諷左右稱后姿行,世宗

及 《肅宗踐阼,尊后爲皇太妃,後尊爲皇太后。臨朝聽政,猶稱殿下,下令行事。 後改令

義,代 行 稱 事 重 羣 行 問 祭 臣 心禮, 訪 侍中崔光。 E 書曰陛下,自稱 尋故式。 光 便據漢和熹鄧后薦祭故 門下召禮官、博 日股。 太后以肅宗沖幼,未堪親祭,欲傍周禮夫人與君交獻之 士議,以爲不可。 (事,太后大悅,遂攝行初 加 太后欲以幃幔自鄣, 記 田口。

策孝 是 西 林 、太后 秀、州 遠 太 后 法 敕 流 性 造申 郡 堂, 聰悟,多才藝, 計 吏於 訟車 命侍 一,時御 朝堂。 臣射,不能 焉 姑旣爲尼, 当出 自雲龍大司馬門,從宮西北,入自千秋門,以納 者罰之。 幼 相依託, 叉自 1射針 略得佛經 孔, 中之。 大義。 大悅, 親 覽萬機,手筆 賜左右 布 冤訟。 帛 一斷決。 有差。 叉親 先 幸

造 物 含氣 太 后 貞。」帝詩 與 庸宗 幸 華林園,宴羣臣于都亭曲水,令王公已下各賦七言詩。 曰:「恭己無爲賴慈英。」王公已下賜 帛 有差 太后詩曰:「化光

數 萬 太 后 父薨 及 改 。 百僚 **一葬文** 昭 表請公除,太后不許。 高后,太后不 欲令肅宗主事 尋幸 永 事,乃自? 寧寺 爲喪主,出 親 建刹 於九級之基,僧尼士 至終寧陵, 親 奠遣 女赴者 了, 還

哭於

太

極

殿,至

於

訖

事,皆自主焉

其 少 者 列 百餘匹。 後 後幸左 幸 嵩 高 藏、王公、嬪、主 山,夫 唯長樂公主手持絹二十匹而出 人、九 嬪 已 、公主 下從者 已下從者數百 一百餘 人,皆令 ,示不異衆 人,昇于頂中。 任 力 負 而 布 無勞也。 網,即 廢諸淫 以 世稱其廉 賜 之,多者過 記,而 胡 儀 天神 同、陳留 一百匹, 不在

章武,傷腰折股。 公李崇,章武王融並 貪人敗類,穢我明主。」 尋幸闕口溫水,登鷄頭 一以所負過多,顚仆於地,崇乃傷腰, 融至損脚。 山, 自射象牙簪,一發中之, 時人爲之語 曰:「陳留、

敕示文武。

我入。」太后與肅宗向東北小閤,左衞將軍奚康生謀欲殺叉,不果。 「無此語」。遂至于極昏。 西林園,讌文武侍臣,飮至日夕。叉乃起至太后前,自陳外云太后欲害己及騰。 於顯陽殿,幽太后於北宮,於禁中殺懌。 人,謀殺叉,復奉太后臨朝,事不克,僧敬坐徙邊,車渠等死,胡氏多줜黜。 時太后得志,逼幸淸河王懌,淫亂肆情,爲天下所惡。 太后乃起執肅宗手下堂、言:「母子不聚久,今暮共一宿、諸大臣送 其後太后從子都統僧敬與備身左右張車渠等數十 領軍元叉、長秋卿劉騰等奉肅宗 後肅宗朝太后於 太后答云

武 內,豈宜輕脫如此一」后大怒,自是不召僧敬 統並見親侍。一二年中,位總禁要,手握王爵,輕重在心,宣淫於朝,爲四方之所厭穢。 元。 解體,所在亂逆,土崩魚爛,由於此矣。僧敬又因聚集親族,遂涕泣諫曰:「陛下母儀海 自是朝政疏緩,威恩不立,天下牧守,所在貪惏。 自劉騰死,叉叉寬怠。太后與肅宗及高陽王雍爲計,解叉領軍。 鄭儼汙亂宮掖,勢傾海內,李神軌 太后復臨朝,大赦改 文

太后自以行不修,懼宗室所嫌,於是內爲朋黨,防蔽耳目,肅宗所親幸者,太后多以事

殺之。 日,見人心已安,始言潘嬪本實生女,今宜更擇嗣君。 事出倉卒,時論咸言鄭儼、徐紇之計。 隙屢起。 下愕然。 方懸賞募賊,又於禁中殺領左右、鴻臚少卿谷會、 有蜜多道人, 鄭嚴慮禍,乃與太后計,因潘充華生女,太后詐以爲男, 能胡語, 肅宗置於左右。 於是朝野憤歎。 太后慮其傳致消息,三月三日於城南大巷中 遂立臨洮王子 剑為主, 年始三歲, 天 太后乃奉潘嬪女言太子 紹達,並帝所親也。 便大赦改年。 母子之間,嫌 · 即位。 肅宗之崩 經數

妹馮翊君收瘞於雙靈佛寺。 拘送太后及幼主於河陰。 及武泰元年,分朱榮稱兵渡河,太后盡召肅宗六宮皆令入道,太后亦自落髮。 太后對傑多所陳說,榮拂衣而起。 出帝時,始葬以后禮而追 加諡 太后及幼主並沉於河。 |榮遣騎

芬、范陽盧道約、隴西李瓚等女,但爲世婦。 頗 有酒德、專嬖充華潘氏,后及嬪御並無過寵。 孝明皇后胡氏,靈太后從兄冀州刺史盛之女。 諸人訴訟,咸見忿責。 太后爲肅宗選納, 靈太后欲榮重門族,故立爲皇后。 抑屈 武泰初,后既入道,遂居 人流。 時博陵 崔孝 肅宗

於瑤光寺。

卿及宗正卿元孝友等奉詔致禮,幷備宮官侍衞,以后駕迎於晉陽之丞相第。 后,大赦天下。齊受禪,降爲中山王妃。 興和初,詔侍中、司徒公孫騰,司空公、襄城王旭,兼尚書令、司州牧、西河王悰,兼太常 孝靜皇后高氏,齊獻武王之第二女也。 後降于尚書左僕射楊遵彦。 天平四年, 詔娉以爲皇后, 王前後固辭, 帝不 五月,立爲皇

良有以也。 年稚子幼,漢武所以行權,魏世遂爲常制。 史臣曰:始祖生自天女,克昌後葉。 靈后淫恣,卒亡天下。傾城之戒,其在茲乎。鈎弋 子貴母死、矯枉之義不亦過哉!高祖終革其失,

校勘記

魏書卷十三 皇后傳亡, 後 人補 諸本目錄此卷注「闕」,百衲本、南本、汲本、局本卷末均有宋人校語云: 以北史,又取高氏小史及修文殿御覽附益之。」 殿本入考證, 止云: 魏收書 一魏收書

皇

后列傳第

校勘記

亡,後人所補。」

也無考。

- ハリン 宮人」,「春衣」,北史卷一三后妃傳作「青衣」。 中才人至 視五品 這裏所敍內職,無可參證, 是非無從判斷。 以意點斷。 內「恭使宮人」,通志卷二〇作「恭信 上文「椒房、中式數等」、「中式」
- 二 三 年。 沙漠汗之子桓帝猗竾、穆帝猗盧分國爲三部,各統其一,昭帝卽位之二年也卽是桓帝卽位 和帝是遠祖、顯誤。本書卷一字紀, 桓帝立乃葬焉 桓帝乃封氏子,故傳稱他卽位葬母,今從北史、御覽改。 諸本「桓」作「和」,殿本作「昭」,北史卷一三、御覽卷一三九六七六頁作「桓」。 稱昭帝二年「葬文帝及皇后封氏」。當時昭帝祿官和文帝 之二 按
- \neg | |231 |___/ 桓帝皇后祁氏 北史卷一三、御覽同上卷頁「祁」作「惟」。
- 35. 故顯不使急追 裹「不使」二字當是誤倒。 北史作「故顯使不急追」。按「顯使」指上文所云劉顯派來謀害拓跋珪之使, 這
- √ ∪ 封后母孟為漂陽君
- \neg 高祖時 據改 諸本「高祖」作「高宗」。 按事見卷一〇八之一禮志一太和十九年六月,「宗」字訛,
- 西城郡公 卷八三外戚馮熙傳作「遼西郡公」,墓誌集釋元悅妃馮季華墓誌圖版八三稱祖朗「封

西 西 郡 朗似不 公一。 按朗與其兄崇於北燕未亡時, 得封遼西公。 地形志不載「西城郡」或「西郡」。 **先降魏**, 崇封遼西王, 事見卷九七馮跋傳。 然隋書卷二九地 理志 上張 景旣封遼 掖 郡 Щ 丹

條稱後魏一又有 洒郡」。 疑作「西郡」是。

- ナし {顯 顯祖年十二 祖紀明 云 拓跋弘顯祖生於 諸本及御覽同卷六七七頁「十二」作「十三」, 興光元年四五四,至 和平六年四六五即位,只十二歲,此紀「三」字訛, 北史作「十二」。 按卷五高宗紀、
- 頓丘 太后立文宣王廟於長安 王,立廟長安。『文』當爲『燕』之譌。」按馮太后爲父燕宣王立廟長安,屢見紀載,錢說 今據改。 王峻之妹也 諸本「頓丘」上有「母」字。 錢氏考異卷三八云:「按外城傳北史卷八〇、魏書卷八三上, 御覽同卷六七八頁無。 按頓丘王李峻乃后兄, 馮朗 是。 追贈燕宣 見卷
- 平原人也 「平涼太守」。 八三上峻本傳補,「母」字行,今據删 北史卷一三、御覽同上卷頁「原」 當時封公多取本郡,又習慣以充當本州、郡的 作「涼」。 按下云叔父金闆封「平涼公」, 刺 史、太守爲榮。 疑作「平涼」是。 金闆兄勝為
- 省察所遣閥 下「然」字作「皆其信者也」。 人是否可信。 如 **※御覽** 按作 「皆其省不」不 則意謂所遣閹人和雙蒙都是幽后 可解。「省其信不」,是說 御覽同卷六七九頁「省其信不」 信任 幽后 的 人。 又派 意義不同, 心腹

皇

省其信不

百衲本「省」作「皆」、諸本作「省」。

汲本注「一作『皆』」。

但都可通。今從南本以下諸本。

乃賜后辭死訣 北史卷一三、及御覽同上卷頁無「死」字。 張森楷以爲「死」字行。 按「死訣」意謂

誓不再見,亦通,今仍之。

二吾 **遂攝行初祀** 御覽卷一四〇六八二頁「初」作「祠」。 按上文稱「太后以肅宗幼冲,未堪親祭」云

云,則不僅攝行初祀。疑作「祠」是。

魏書卷十四

神元平文諸帝子孫列傳第二

與弟建議,勸賀訥推太祖爲主。及太祖登王位,紇羅常翼衞左右。 上谷公紇羅,神元皇帝之曾孫也。 初,從太祖自獨孤如賀蘭部, 又從征伐,有大功。 招集舊戶,得三百家, 約

羅有援立謀,特見優賞。 及卽帝位,與弟建同日賜爵爲公。 卒。

子題,少以雄武知名,賜爵襄城公。 從征中山,受詔徇下諸郡,撫慰新城,皆安化樂業

進爵爲王。 擊慕容麟於義臺,中流矢薨。 帝以太醫令陰光爲視療不盡術,伏法。

子悉襲,降爵爲襄城公。 卒,贈襄城王。

世 祖踐作,拜護東夷校尉,進爵建德公,鎭遼西。 建德公嬰文,神元皇帝之後也。少明辯, 有決斷, 太宗器之。 典出納詔命,常執機要。

真定侯陸 神元皇帝之後也。 世祖時, 以武功頗蒙恩遇, 拜散騎常侍, 賜 爵真定侯。

卒。

輕之。 孝 静時,鄴宮創制 陸 卒於州。 曾孫軌, 字法寄, ,以軌爲營構使。 稍遷洛陽令。 除徐州刺史。 時天下多事,軌惟以深刻遇下,死多酷濫,識者非之。 **軌風望旣陋**, 又無學術,雖歷名位,時人

武陵侯因,章帝之後也。 從太祖平中原,以功封曲逆侯。 世祖時,改舒武陵。

功,拜太宰、大都督、中外諸軍、錄尙書事。 長樂王壽樂,章帝之後也。 位選部尚書,南安王,改封長樂王。 矜功,與尚書令長孫渴侯爭權,並伏法。 高宗卽位,壽樂有援立

望 都 公顏,昭帝之後 也。 隨太祖平中原,賜爵望都侯。 世祖以頹美儀容,進止可觀,使

迎左昭儀於蠕蠕,進爵爲公。卒。

栢肆 留心黃老,欲以純風化俗, 過多,坐発官。 也,幷州守將封竇眞爲逆,素延斬之。 曲 陽 侯素延, 中山 桓帝之後 平, 拜幽 雖乘輿服御,皆去彫飾,咸尙質儉,而素延奢侈過度,太祖深銜 也。 州刺史。 以小統從太祖征討諸部, 豪奢放逸,左遷上谷太守。 時太祖意欲撫悅新附,悔參合之誅,而 初定幷州, 後賜爵曲陽侯。 爲 刺 史。 太祖 素延 之驚於 時 太祖 殺戮

積其過,因徵,坐賜死。

|郁忠正,追贈順陽王,諡曰簡。 官,諸君何疑。」遂奉顯祖臨朝。 無 中尙書。 ··「不見天子,羣臣憂懼,求見主上。」渾窘怖,謂郁曰:「今大行在殯,天子諒闇,故未接百 順陽 公郁,桓帝之後也。 從高宗東巡臨海,以勞賜爵順陽公。 |郁率殿中衞士數百人從順德門入,欲誅渾。 少忠正亢直。 後渾心規爲亂,朝臣側目,郁復謀殺渾,爲渾所誅。 初以羽林中郎內侍, 高宗崩,乙渾專權,隔絕內外, 渾懼, 逆出問郁曰: 「君入何意。」 郁 勤幹有稱。 百官震恐,計 高宗時, 顯祖錄 位殿

顯 尙 書 祖 左僕 傳位 宜 ·爲朋黨,朝臣咸憚之。 都 射 王 有定策 対南 目 辰, 平公。 勳 桓帝之後 0 高 乙渾 祖 卽 也。 然好財利,在州,政以賄成。 位, 之謀亂也,目辰 初以羽林郎從太祖南伐至江。 遷司徒,封宜都王, 與兄郁 除雍州 議 欲 殺 有罪伏法 潭, 刺 史, 事 高宗 泄 一,爵除 鎭 被 卽 長安。 位, 談, 目辰 以 |日辰 勞累遷侍中。 逃 性亢 隱 得觅。 道耿

馬 助 比 於 琨 而 識帝 壽 去。 延 劉 日 穆帝 於已所 帝 琨 陽 行 Щ 召之, 躬 逐暴 五百 初穆帝 統 長子六脩,少而 陳 乘步 大 崩 不 里, 閱 兵 還。 皮肉, 輦 穆帝 少子 爲 普 後 使 根先守于外, 穆帝怒, 繼 比 欲 Щ 人導從出遊。 取 延 兇悖。 爲 以給 有 劉 變赤。 桑懼 率衆: 寵 比 穆帝五年,遣六脩爲前鋒 欲 延。 伐 聞 及晉 焚 以 難 之。 六脩望見, 爲 燒 ,率衆來赴。 後 懷帝 後 輜 六脩 帝 重 軍 爲 亦 來 六脩 突圍 劉聰 利 朝,穆帝 以 六件 出 爲 所執 攻六脩,滅之。 遁 穆帝 居新 走。 殺 叉 穆帝 謁 平城 ,與輔相衛雄、范班 命拜 比延。 縱 騎 伏 遣六脩 追 路 比 而 之,殺 帝 左, 延, 黜 改服微行 其 六脩 與桓 及至,乃是 母。 傷 帝 不 甚 從。 六脩 及姬澹等 子 衆 民間 普 此 穆帝 根 帝 有 ·'; 有 延, 驊 率 因 救 賤婦 精 騮 大 慚 功 獵 奴心 坐 駿 騎 劉

吉陽男比干,太祖族弟也。 以司衞監討白澗丁零有功,賜爵吉陽男。 後為南道都將,

戰沒。

江夏公呂,太祖族弟也。 從世祖平涼州有功,封江夏公,位外都大官, 委以朝政, 大見

尊重。 卒,贈江夏王,陪葬金陵。

襄國。 寬和柔順,於是大人梁蓋等殺屈,共推孤。 成在南,來未可果,比至之間,恐生變詐,宜立長君以鎭衆望。 高涼王孤,平文皇帝之第四子也。 後烈帝臨崩、顧命,迎昭成立之,社稷可安。及崩,羣臣咸以新有大故,內外未安。昭 多才藝,有志略。 孤曰:「吾兄居長,自應繼位,我安可越次而處大 烈帝之前元年,國有內難,昭成 次弟屈,剛猛多變,不如孤之 如

業。」乃自詣鄴奉迎,請身留爲質。 子斤,失職懷怒,構寔君爲逆,死於長安。太祖時,以孤勳高,追封高凉王,諡曰神武 石虎義而從之。昭成卽位,乃分國半部以與之。

| 斤子樂真, 三 頻有戰功,後襲祖封。 太宗初,改封平陽王。薨。

神元平文諸帝子孫列傳第二

三四九

三五〇

子 禮 ,襲本爵高涼王。 薨,諡懿王。

子那,襲爵。 拜中都大官。 驍猛善攻戰。 正平初,坐事伏法。 顯祖卽位,追那功,命子

| 統紹封。 薨。

祖樂眞 子大曹,性愿直。 勳著前朝,改封太原郡公。 高祖時,諸王非太祖子孫者,例降爵爲公。 卒, 無子,國除。 世宗又以大曹從兄子洪威紹。 以大曹先世讓國 功重,曾 恭謙! 好

禮弟陵,世祖賜爵襄邑男。 進爵 爲 子。

學,爲潁川太守,有政績。

孝靜

初,在潁

川聚衆應關

西,齊獻武

王遣將討平之。

子壤,位于 柔玄鎭 司 馬。

寒子鷙,字孔雀。 容貌魁壯,腰帶十圍。 爲羽林隊仗副。 高祖末,以征討有功,賜爵晉

陽男。 累遷 領軍、畿部都督。

之逼 以測 量。 也,鷙從駕北迎。 武泰元年,介朱榮至 本圖 有在 一,願 旣到 便發邁。」帝從之,前至長子,以介朱榮赴援, 河 陰, 河內, 殺戮朝士,驚與榮共登高冢俯而觀之,自此後與榮合。 欲入城 ,鷙奏曰「河內 晝 則閉門? 夜引駕 除鷙車騎 乃勸帝曰:「黄河 入,此之意趣 將軍, 封 元顥 華 が難 Щ

莊帝既殺亦朱榮,榮從子兆爲亂,帝欲率諸軍親討,

鷙與兆陰通,

初,入爲大司馬,加侍中。 仞,寧可卒渡。」 帝遂自安。 及兆入殿,鷙又約止衞兵。 帝見逼,京邑破,皆由鷙之謀。

即答曰:「斬反人元禧首,是以得之。」衆皆失色,鷙怡然如故。 陽王坦恃力使酒,陵侮一坐,衆皆下之,不敢應答。 鷙有武藝,木訥少言,性方厚,每息直省闥,雖暑月不解衣冠。 坦謂鷙曰 「孔雀老武官,何因 興和三年薨,贈假黃鉞、尚書 曾於侍中高岳之席,咸 得王。」鷙

子大器,襲爵。 後與元瑾謀害齊文襄王,見害。 令、司徒公。

孤孫度,太祖初賜爵松滋侯,位比部尚書。

子乙斤,襲爵襄陽侯。

卒。

顯祖崇舊齒,拜外都大官,甚見優重。

子平,字楚國,襲世爵松滋侯。 以軍 功賜艾陵男。

高祖遷都,萇以代尹留鎭。 子萇,高祖時,襲爵松滋侯,例降侯,賜艾陵伯。 除懷朔鎭都大將,因 別賜萇酒,雖拜飲,而顏色不 **長性** 一剛毅,雖有吉慶事, 未嘗開 泰。 高 П 祖

「聞公一生不笑,今方隔山,〔三〕當爲朕笑。」竟不能得。 六合之間, 亦何事不有。」 左右見者, 無不扼腕大笑。 世宗時,爲北中郎將, 高祖 日:「五行之氣,偏 河內太 有 所

神 元 平 文 諸 帝 子 孫 列 傳 第

者, 守。 度支尚 莨以 書、侍中、雍州刺史。 率令輸 河 橋 船 石一雙,累以爲岸。 桓路狹,不便行旅,又秋水汎漲,年常破壞, 卒,諡 日成。 橋闊 一,來往便利,近橋諸郡, 莨中年以後, 官位微達, 乃爲船路, 無復勞擾, 乃自尊倨,閨門無禮。昆 逐廣 公私賴之。 募空車從京出 歷 位

季不穆,性又貪虐,論者鄙之。

頌德。 言,手 自保。 官不 爲 莨 自 無潔之行,凡有餽贈者,辭多受少,故人不厭其取。 子 而 捶擊。 子華,字伏榮,襲爵。 子 華撫集豪右,委之管籥,衆皆感悅,境內帖然。 長史鄭子湛,子華親友也,見侮駡,遂即去之。 孝莊初,除齊州刺史。 先是,州境數經反逆,邢杲之亂,人不 鞠獄訊囚,務加仁恕。 而性甚褊急, 子華雖自悔厲,終不能 當其急也, 齊 口不擇 人樹碑 改。在

氏 達攝 曾 後 就 除 行 親 州 濟州刺史。 人飲 事 食,夜還 洛周 余朱兆之入洛也,

齊州城人趙洛周逐刺史丹陽王蕭贊,表濟南 子元顯先隨子華在濟州 大吐,人以爲中毒,甚憂懼 邀路 ,子華遂掬 改表,請子華復爲齊州 吐盡噉之,其母 刺 乃安。 史。 子 大守房 華 尋 以母 母 房

憂還都。

孝靜初, 除南兗州刺史。 弟子思通使關西,朝廷使右衞將軍郭瓊收之。 子思謂瓊僕

自勝。 曰:「速可見殺,何爲久執國士」」子華謂子思曰:「由汝粗疏,令我如此。」以頭叩牀,游泣不 子思以手捋鬚、顧謂子華曰:「君惡體氣。」尋與子思俱死於門下外省。

子思,字衆念,性剛暴,恒以忠烈自許。元天穆當朝權,以親從薦爲御史中尉。 先是,

兼尚書僕射元順奏,以尚書百揆之本,至於公事,不應送御史。[三至子思]奏曰:

寺臺省,並從此令。唯肅宗之世,爲臨洮舉哀,故兼尚書左僕射臣順不肯與名,又不送 簿。故中尉臣酈道元舉而奏之,而順復啓云「尚書百揆之本,令僕納言之貴,不宜下 隸 驅,除道一里,王公百辟避路。」時經四帝,前後中尉二十許人,奉以周旋,未曾暫廢。府 中尉,送名御史。」尋亦蒙敕,聽如其奏。從此迄今,使無準一。 案御史令云。「中尉督司百僚,治書侍御史糾察禁內。」又云。「中尉出行,車輻前

改 獻伯後注云:「案舊事,御史中尉逢臺郎於複道,中尉下車執板,郎中車上舉手禮之。以 此 去 易高 月朔旦,臺移尙書索應朝名帳,而省稽留不送。尋復移催幷主吏,忽爲尙書郎中裴 而 臣 祖 了,明非敵體。」臣旣見此,深爲怪愕。 旋省二三,未解所以。 .初上臺,具見其事,意欲申請決議,但以權兼,未宜便爾。 日復一日,遂歷炎涼。 舊命,卽遺 一移問,事何所依。 又獲尚書郎中王元旭報,出蔡氏漢官,似非穿 正謂都省別被新式,

灼然 付名至,否臧何驗。臣順專執,未爲平通,先朝曲遂,豈是正 臺不屬都堂,亦非今日。 文陽 與司 明矣。 隸 始 傅嘏 校 知 尉 裴 又皇太子以下違犯憲制,皆得糾察, 傳,皆云 、王亦規壞典謨,兩人心欲自矯。 尚 書令俱 旣爲中丞,百僚震悚。[K] 以此而言,則中丞不揖省郎蓋已久矣,憲 會殿庭,並 又尋職令云:「朝會失時,即 専席 而 坐,京師號之爲三獨坐。 臣案漢書宣秉傳云,韶徵秉爲御史中 則令僕朝名宜付御史,又亦彰矣。 加彈 ;糾。」則百官簿帳,應送上 法? 又尋魏書崔琰 (傳 臺, 惑, 不

納言之本,令僕百揆之要,同彼浮虛,助之乖 執 異端,忽焉至此,此而 謹案尚書郎中臣裴獻伯、王元旭等,望班士流,早參淸宦,輕弄短札,斐然若斯,苟 不綱,將隳朝令。 請以見事免獻伯等所居官,付法科處。 失,宜明首從,節級其罪 尚 書

穆 詔 所忿,遂停。 曰:「國異政,不可據之古事。 元顥之敗,封安定縣子。 付司檢高祖 孝靜 舊格,推處得 時,位侍 中 而 失以聞。」尋從子思奏。 死 仍爲元天

萇 弟珍字金雀,襲爵艾陵男。 [型]世宗時,曲事高肇,遂爲帝 寵昵。 彭城王勰之死,珍率

壯士害之。後卒於尚書左僕射。

平弟長生,位游、騎擊將軍。 卒。 孝莊時,以子天穆貴盛,贈司空。

約 陽 爲 王深北討,天穆奉使慰勞諸 兄弟。 天穆,性 未幾,榮請天穆爲行 和厚,美形貌,善射,有能名。年二十,起家員外郎。 軍 臺,朝廷不許,改授別將, 路出 秀容,分朱榮見其 令赴 法 令齊 秀容。 整, 六鎭之亂,尚書令李崇、廣 有 是時? 將 領 北 氣 鎭 紛亂 深 相 所 結

葛榮,天穆增封,通前三萬戶。 除太尉,封上黨王,徵赴京師。 及榮赴洛,天穆參其始謀, 尋監 榮之討葛榮,詔 乃令天穆留後,爲之繼援。 國史,錄尚 、書事,開府,世襲幷州刺 天穆為前軍 ·都督,率京師之衆以赴之。 莊帝踐作,天穆以榮之眷 史。 呢,特

蜂起,六鎭蕩然,無復蕃捍,惟榮當

職路衝,招聚散亡。

天穆為榮腹

心,除幷

州

刺

史。

破之。 州北 授 間 儁 果, [5] 擁率部曲, 屯據鄭城, 以拒 楡 河間 表置新安郡,以杲爲太守,未報。 葉, ,衆踰十萬。 海界。 初, 故因以號之。 太守。 杲乃請降,傳送京師,斬之。 杜洛周 靈太后詔流人所在皆置 杲深耻恨,於是遂反。 劫掠村塢,毒害民人,齊人號之爲「踏楡賊」。先是,河南人常笑河北 鮮于脩禮 杲東掠光州,盡海 爲寇, 洛周、葛榮, 增天穆邑萬戶。 一命屬郡縣,選豪右爲守令以撫鎭之。 瀛冀諸 所在流人先爲土人凌忽,聞杲起逆,率來從之,旬朔之 會臺申汰簡所授郡縣,日以果從子子瑤資蔭居前, 而還。 州 又破都督李叔仁軍 人多 垂將三 避 載。 亂 南向 及廣陽王深等敗後,杲南 幽 州前北平府 詔 天穆與齊獻武王討 時青州刺 主簿 史元 渡居 河間 人好 食 邢 Τġ 世

三五五五

神元

平

炎熱, 時 欲還師 元顥 乘 ,天穆苦執不可,榮乃從之。 虚陷滎陽,天穆聞莊帝北巡, 莊帝還宮,加太宰,羽葆、鼓吹,增邑, 自畢公壘北渡, 會車駕於河內。 **介朱榮以天時** 通前 七

內 門,受納財貨,珍寶充積。 姪,位遇已重,畏憚天穆,俯仰承迎。 乘車馬出入大司 是惡之,與際同時見殺。 天穆以疏屬。本無德望,憑藉介朱,爵位隆極, 子儼,襲,美才貌。 馬門。 位都官尚書。 天穆與榮相倚,情寄特甚。 而寬柔容物,不甚見疾於時。 前廢帝初,贈丞相、柱國 天穆曾言世隆之失, 及齊受禪,聞敕召,假病,遂怖而卒。 一大將軍、雍州刺史,假黃鉞,諡 樂常 當時燻灼, 莊帝以其榮黨, 以兄禮事之,而众朱世隆等雖 樂卽 加杖,其相 朝野傾悚。王公已下每旦盈 外示寵敬, 親任 如 此。 国 武 詔 築 莊 天 子 穆

無前 西 太宗時,拜 河 公敦,平文帝之曾孫也。 中都 大官。 世 祖 太祖初,從征,被堅執銳,名冠 時,進爵 西河公,寵遇彌篤。 卒,子撥襲。 諸將。 後從征中山,所向

雅州刺 司 史。 徒石, 歷比部侍郎、華州刺史、102累遷征南大將軍。 平文帝之玄孫也。 忠勇· 有膽略,尤善騎射。 從 卒,贈司徒公。 世 祖 南討,至瓜步。 位尚書令。

武 衞將軍謂,烈帝之第四子也。 寬雅有將略,常從太祖征討有功, 除武衞將軍。 後謝

歸家,顯祖善禮遇之,賜几杖服物,致膳於第。 卒,賜秘器。

子鳥眞,膂力絕人。 隨太祖征伐,屢有戰功,官至鉅鹿太守。

以子丕貴重,進爵樂城侯。 東陽王太妃。 子興都,聰敏剛毅。 卒,追贈定州刺史、河間公,諡曰宣。 高宗時,爲河間太守,賜爵樂城子。爲政嚴猛,百姓憚之。 謝老歸家、顯祖益禮之,賜几杖服物,致膳於第。 其妻婁氏,爲 顯祖初,

子提,襲父侯爵。

提弟丕,世祖擢拜羽林中郎。 從駕臨江,賜爵興平子。 顯祖卽位,累遷侍中。 丞相乙

渾謀反, 丕以奏聞。 詔丕帥元賀、牛益得收渾,誅之,遷尚書令,改封東陽 公。

高祖時,封東陽王,拜侍中、司徒公。

時有諸疑事三百餘條,敕丕制決,率皆平允。

恕之,放其同籍丁口雜使役調,永受復除,自己若有姦邪人方便讒毀者,即加斬戮。 子超生,車駕親幸其第,特加賞賜。 以執心不二,詔賜丕入八議,傳示子孫,犯至百,聽責數 尋遷太

神元平文諸帝子孫列傳第一

敗 周 百 乘 僚 渥 帝 觀 . 后 賜 瞻, 以 敬 珍 莫不 納 寶。 焉 祗 丕聲 聳。 然 諂 氣 唯苟 事 高 要 朗, 頹 人, 小爲 博記 驕 侮 短劣, 或 輕 事 一賤,每 , 麥望亦 饗 一讌之 見王 不 際, 叡 逮 之。 苻 恒 居 承 坐端 祖 高 祖 常 傾 必 文 身下 抗 明 太后 音 之。 大言 重 年 敍 敬 列 舊 旣 往 存 成 問

一臣 段氏 尙 書 哉 卒 令 時 鄰 諡 王 文 哉 叡 明 日 宣 隣 太 恭 哉 詔 后 妃。 爲 臣 賜 哉。 王 叉 叡 特 金. 造宅 君 賜 即 則 丕 が故 亡逸於 金 紐 券。 亦 爲 太 上 丕 后 造 臣 親 則 甲第。第 造 履 勸 冰 戒 於 歌 成 下。 辭 帝 以 若 后 賜 能 羣官, 親 如 幸 此 之, 太太 丕 率 Ŀ 平豈難 百 疏 贊 官 謝 文武 致 乎 饗落焉。 太 后 及 令 丕 使 妻

盛 欲 高 祖 給 禮 曹 一,於 過 從 高 1 所 之, 祖 臣 大 實 恐 夫 文 四 急 以 稽 明 H 上 太 延 而 時 不 訖 后 人 許 引 日 各將 ,不 見 丕 清 後 公 救 卿 立 例 吏, 災 東 於皇 降 窘, 宫, 别 王 掌給 信 餌 若任 詔 , 封 堂, 日 過 其 太后 平 所 外 年 陽 出 郡 尙 州 曰:「今京師 幼 郡 公 復 小 亦 慮姦 ·,有 然,不 求 致 良 何 旱儉 仕 急 過 難 認認 辨 之? \equiv 欲 不 日 聽 許 丕 卿 給 等 飢 日 之 貧 可 便 之 臣 議 訖, 年 共 人 出 在 所 有 宜 關 四 何 夕 逐 難 丕 食。 思 也 諓 <u>بن</u> ? 觀 如

及 車駕南 伐 不與 廣 陵王 羽留守京師 並 加 使持 節 詔 <u>不</u> 羽 日 留 守非賢莫可 太

已。」高祖曰:「老者之智,少者之決,何得辭也。」及高祖還代,丕請作歌,詔許之。歌訖,高 其 尉年尊德重,位總阿衡;羽朕之懿弟,溫柔明斷。故使二人留守京邑,授以二節,賞罰在手。 祗 允成憲,以稱朕心。」丕對曰「謹以死奉詔。」 羽對曰「太尉宜專節度,臣但可副貮而

曰:「公傾朕還車,故親歌述志。 今經構旣有次第,故暫還舊京,願後時亦同茲適。」

祖

獫狁 來,與 以 言,先皇建都於此,無何欲移,以爲不可。中原其如是所由擬。口己數有篡奪。 自建邑平城以 下未定,居于涿鹿,既定之後,亦遷于河南。」尚書于果曰:「三」「臣誠不識古事,如聞百姓之 中原。」羆曰:「臣聞黃帝都涿鹿。 可。 推之,謂爲不可。 刺 任 安土 城王 ·史穆羆進曰:「移都事大,如臣愚見,謂爲未可。」高祖曰:「卿便言不可之理。」 臘曰:「北 馬常出北方,廐在此置,卿何慮無馬。今代在恒山之北,爲九州之外,以是之故,遷于 之寇,南有荆揚未賓,西有吐谷渾之阻,東有高句麗之難。 及高 天 澄宣旨,敕臣 重遷,物之常性,一旦南移,懼不樂也。」丕曰「陛下去歲親御六軍討蕭氏,至洛,遣 地 祖欲遷都,臨太極殿,引見留守之官大議。 並固,日月齊明。 征伐之舉,要須戎馬,如其無馬,事不可克。」高祖曰「卿言無馬,此理粗 |等議都洛。 臣雖管見膚淺,性不昭達,終不以恒代之地,而擬伊洛之美。但 初奉恩旨,心情惶越。凡欲遷移,當訊之卜筮,審定吉否, 以此言之,古昔聖王不必悉居中原。」高祖曰:「黃帝以天 乃詔丕等,如有所懷,各陳其志。 四方未平,九區未定。 燕州 以此

元

以 決 疑, 股 此 時 旣 謂 不 誕等日,昔周 疑,何 須卜也。 邵 卜宅 昔 軒轅 伊洛, 1 兆 乃識 龜 焦, 至兆。 h 者請訪諸賢哲,軒轅乃問天老,天老謂 今無若斯之人, ٢ 亦 無益 然卜者所

爲 善。 遂從其言,終致昌吉。 然則至人之量 未然,審於龜矣。 爲家,或南或北,

羣官 遲 速 無常。 目 卿等或 南 移 以 之民,股自多積倉儲,不令窘乏。」丕曰:「臣仰奉慈詔,不勝喜舞。」高 分股無為 移 徙 也。 普 平文皇帝 棄背率土,昭成營居盛樂, 太祖道武 皇帝神 祖 詔

武 光 應 迹 洪 天, 規 遷 居平城。 前 懷州 刺史青龍,前秦 **股雖虛寡**,幸屬 州 勝 刺史呂受恩等仍守愚固,帝皆撫而答之,辭 殘之運,故移宅中原,肇成皇宇。卿等當 奉 ·先君 屈 IIII 合德, 退。

留 宁 帝 詔 叉將 日 北 中 巡,丕遷太傅、錄尚 原 始構,須股營視 書事。 ,在代之事,一委太傅。」 頻表 固 一讓,詔 斷 表啓,就家 賜 上 一所乘 車馬,往 拜 授。 來 及 府 車 省。 駕 發 代,丕

及 隅 此 異 亦不 姓 晚 丕 王 乃 雅 逼之, 稍 者 愛 本 加 雖 但 風 弁 較 不 帶 誘示 於 ···, 而 達新式,至於變俗遷洛 公 大理, 爵 不 能 而 !修飾 令 利享封邑, 其 容 不 儀。 生 同 異。 亦 高 不 祖 , 改官制 至 快。疑[四] 以 於 丕 衣 年 衰 服, 冕已行, 體 禁絕 重 , 亦 舊言, 朱 不强 服 列 皆 責。 位, 所 丽 不 及 罷降 丕 願 猶 . 非 常 高 太 服 祖 祖 列 知 子孫 其 在 如 坐

高 祖 南征,丕表乞少留, 思更圖 後 舉。 會司 徒馮誕薨,詔六軍反旆。 丕叉以熙薨于代

都 誘引,陷君不德。 ,表求鑾駕親臨。 脫縱 欲爲孝,其如 令、 部曰:「今洛邑肇構, 跂望成勞, 開醫今, 豈有以天子之重, 遠赴舅國 僕已下可付法官貶之。」又詔以丕爲都督,領幷州刺史。 大大孝 何? 縱欲爲義,其如大義何。天下至重,君臣道懸,豈宜苟相 後詔以平陽

妻子隆同產數人,皆與別居。 初,李沖叉德望所屬,旣當時貴要,有杖情,自己遂與子超娶沖兄女,卽伯尙妹也。 後得宮人,所生同宅共產。 父子情因此偏。 丕前

甸,改封新興公。

弟及餘庶兄弟,皆徙敦煌。 城,每於測問,令丕坐觀。隆、超與元業等兄弟並以謀逆伏誅。 勉之,乃還晉陽。 坐,但以先許不死之詔,躬非染逆之身,聽免死,仍爲太原百姓,其後妻二子聽隨。 不成,口 恂 ,因舉兵斷關,規據脛北。 丕父子大意不樂遷洛。 雖致難,心頗然之。 **丕時年垂八十,猶自平城力載,隨駕至洛陽。** 及高祖幸平城,推穆泰等首謀,隆兄弟並是黨。 時丕以老居幷州、雖不預其始計,而隆、超咸以告丕。 高祖之發平城,太子恂留於舊京,及將還洛,隆與超等密謀留 有司奏處孥戮,詔以丕應連 高祖每遣左右慰 丕亦隨駕至平 隆、超母 丕外慮

都亭,特令二子扶侍坐起。 高祖崩,丕自幷州來赴,世宗引見之。以丕舊老,禮有加焉。 丕仕歷六世,垂七十年,位極公輔,而還爲民庶,然猶心戀京邑, 尋敕留洛陽。 後宴于華林

絕 人 事 O, 尋認以丕爲三老。 景明四年薨, 年八十二。 詔贈左光祿大夫、 冀州

諡 日 平

不

能

自

封 涇 縣男。 長 子隆,先以反誅。 隆弟乙升、超,亦同誅。 超弟儁、邕,並有軍功。 **儋封新安縣男,邕**

|淮 陵 淮 陵侯大頭, 性 |謹密,帝甚重之。 烈帝之曾孫也。 位寧北將軍,遷右將軍。 善騎射,擢爲內三郎。 卒,贈高平公,諡 從世祖 有戰功,賜爵。 日 烈。 高宗初 ', 封

和 因 世 馬 入 龍,以功拜尚書,進爵爲公。 祖 蹶,賊衆逼帝,齊以身蔽捍,決死擊賊,賊 、其宮中,得婦 以微服入其城,齊固諫,不許,乃與 河間 公齊,烈帝之玄孫也。 人裙,繫之槊上,世 後 少雄傑魁岸,世祖愛其 與 新 祖 興 、數人從 乘 王 而 俊討 (乃退, 上, 世 禿髮保周, 因 祖 世 此 入。 祖 得 勇壯,引侍左右。 得上馬。 拔, 城 坐事 內旣 齊有力焉。 発官 覺,諸 是 日 門 微 悉閉 齊, 賜 從征 酻 世 浮陽 祖幾至 赫 世 連昌, 祖 及 一危殆。 齊等 世 從 祖

迅 復賜 劉 義隆 **爵河間公**, 將 裴方 明陷 與武 仇 都王 池, 楊保宗對鎮駱谷。 世 祖 復 授 齊前 將 軍 時保宗弟文德說保宗閉險自 與 建 興 公古 丽 討之, 遂克. 仇池 固 有期矣, 威振

刺

宗 衆 秦 州 助文德。 上馬,馳驛送臺。 主簿邊因知之,密告齊。 齊擊斬 殺龍,擒亮之。 諸氐遂推文德爲 齊晨詣保宗,呼曰:「古弼至,欲宣詔。」保宗出,齊叱左右扶保 氐遂 主,求援於劉義隆。 平。 以功拜內都 大官。 義隆遣將房亮之、苻昭 卒,諡曰敬 、啖龍等率

長子陵,襲爵。陵性抗直,天安初,爲乙渾所害。

陵弟蘭,以忠謹 見寵。 高祖初,賜爵建陽子。 卒於武川鎮將

李彪 忤旨,左遷太尉主簿。 俄爲從事中郎 在 邢 之豐沛 臣 「抗衡。 一本枝也。」員外郎馮俊,昭儀之弟,恃勢恣撾所部里正。 巒曰:「此兒竟可,所謂王孫公子,不鏤自雕。」巒曰:「露枝霜條,故多勁節, 爭路,俱入見,面陳得失。彪言,御史中尉避承華車蓋,駐論道劍鼓,安有洛陽 子 ,自應分路揚鑣。 志 ,字猛略。 志言神鄉縣主,普天之下誰不編戶,豈有俯同衆官,避中尉。「心高祖曰「洛陽 少清辯强幹,歷覽書傳,頗有文才。 自今以後,可分路而行。」及出,與彪折尺量道,各取其半。 爲洛陽令,不避强禦,與御史中尉 志令主 一吏收繫,處刑除官。 非鸞則 高祖 縣令與 鳳 曲 此 我 其

目 . 喪明。 車駕南征,高祖微服觀戰所,有箭 以志行 恒州事。 世宗時,除荆州刺史,還朝,御史中尉王顯奏志在州 欲犯帝,志以身障之, 高祖便得免。 矢中志目,因 日,抑買良 此

人爲婢, 兼剩請供。 會赦発。 肅宗初, 兼廷尉卿。 後除揚州刺史,賜爵建忠伯。 志在州威

名雖減李崇,亦爲荆楚所憚。尋爲雍州刺史。

晚年躭好聲伎,在揚州日,侍側將百人,器服珍麗,冠於一時。 及在雍州、逾尚華侈

斂無極,聲名遂損。

所乘,遂棄大衆奔還岐州。 人果開門引賊,鎖志及芬之送念生,見害。前廢帝初,贈尚書僕射、太保。 及莫折念生反,詔志爲西征都督討之。 賊途攻城。刺史裴芬之疑城人與賊潛通,將盡出之,志不聽。城 念生遺其弟天生屯隴口、江北 與志相: 持。 爲 賊

吐京胡曹僕渾等叛,招引朔方胡爲援。 扶風公處眞,烈帝之後也。少以壯烈聞。 處眞與高涼王那等討滅之。 位殿中尚書,賜爵扶風公,委以大政,甚見尊 性貪婪,在軍烈

暴,坐事伏法。

文安公泥,國之疏族也。 性忠直壯烈,有智畫。 太祖厚遇之,賜爵文安公,拜安東將

軍。 卒。

子屈,襲爵。 太宗時居門下,出納詔命。 性明敏,善奏事,每合上旨,賜爵元城侯,加功

勞將軍,與南平公長孫嵩、白馬侯崔玄伯等並決獄訟。 斤行左丞 連 太宗以屈沒失二將,欲斬之。 屈 丐。 相, 屈督會稽公劉潔、永安侯魏 命掌 軍 國, 甚有 時幷州 整譽。 動捍之,動沒於陳,潔墜馬,胡執送屈丐,唯屈 後 刺史元六頭荒淫怠 吐 京胡 與離石胡 太宗東巡,命屈行右丞相,山陽侯奚 事, 出以兵等叛,公司置立 乃赦屈 令攝 州 事 將 屈 校 縦 衆 外 酒 猶 引 頻 存。 赫

使帳 爲羽翼。 下二人隨磨渾往,規爲逆。 子磨渾,少爲太宗所知。 以勳賜爵長沙公,拜尚書,出爲定州刺史。 元紹之逆也,太宗潛隱於外,磨渾 磨渾旣得出,便縛帳 卒。 下詣太宗斬之。 與叔孫俊詐云太宗所在 太宗得磨渾, 大喜,因 一。紹

廢

政

事,太宗積其前後失,檻車徵還,斬於

市

校勘記

魏書卷十四 元平文諸帝子孫列傳亡, 諸本目錄此卷注「闕」, 後 人補以北史, 百衲· 又取高氏小史附益之。 本、南本、汲 本、局· 本卷末有宋人校語云: 後卷魏收舊史亡者 魏收 皆放 書神 此。

殿本考證云:「魏收書亡,後人所補」。

斤子樂眞 卷二太祖紀 天興二年、 諸本及北史卷 卷三太宗紀永興元年並見「高涼王樂眞」 一五魏宗室傳上「樂眞」作「眞樂」。 按下 文大曹傳 知這裏「眞樂」 稱「曾祖樂眞」 乃誤 倒, 又 今

神元平文諸帝子孫列傳第二 校勘記

三六五

2

今方隔 Щ 册府卷二七一三三一四頁「山」下有「河」字。 按文義當有此字。

遂廣募空車從京 出者 諸本及北史卷一五「募」字空格、今據册府卷六七八八一〇〇頁補

*3*5. 至於公事不 應送御史 北史卷一五「送」上有「爲」字, 通志卷八〇魏宗室傳「送」下有「名」字。

按「爲送」不洽文義。下文稱元順「不肯與名」,又云:「不宜下隸中尉,送名御史。」 當時 所

於所謂「公事」卽臣僚集會之事,是否關具名册送御史臺,並非尚書省的「公事」都該送御史臺。

這裏「送」下當脫「名」字。

ブゲリ 又尋魏書崔琰傳晉文陽□傅嘏傳皆云旣爲中丞百僚震悚 錢氏考異卷三八云:「按三國崔琰、

傅嘏二傳,並不云爲御史中丞。『晉文陽』或疑『晉陽秋』之譌。 書當是王沈魏書。 「晉文陽」或是「晉陽秋」之訛,傅嘏雖魏人,和司馬氏關係很深,可能敍及他

然嘏魏人,非晉人也。」

按此魏

的 事跡。

-Ŀ 萇弟珍字金雀襲爵艾陵男 諸本及北史卷十五「雀」訛「省」, 今據墓誌集釋元珍墓誌 圖版四四

改。 又墓誌稱珍「胙土晉陽男」,不云襲艾陵男。據上文珍父平傳,襲爵松滋侯,又以軍功賜艾

艾陵伯、當即在此時改封珍爲晉陽男、故誌稱「胙土」、不云「襲爵」。傳和誌互見、未必傳誤。 平死,長子萇襲松滋侯,其艾陵男爵當由珍襲封,故此傳云云。據萇傳稱太和降爵,賜 此

類封爵、歷官、名字、諡號等史、誌不同的很多,凡不能斷定史誤者,今後不二一 出 校記

不 幽州前北平府主簿河間邢杲 廧 幽州、也不得稱「府」。 「平北」乃其時幽州刺史某 通鑑卷一五二四七五〇頁「北平」作「平北」。 人所帶的軍號, 魏制。五品以上 按北平郡 魏屬平州, 將 軍開府

置屬

,有主簿。

這裏「北平」當是「平北」倒誤。

- **へ** 九 し 通志卷八〇如上摘句。 會臺申汰簡所授郡縣 因 僑置郡縣,其中就有原擬以邢杲充任太守的新安郡 此「杲深耻恨」。 觀前後文,通志是對的,今據改。 按「休簡授郡縣」不可解,一汰簡所授郡縣」即指汰簡以河北流民設置的 諸本及北史卷一五此句作「會臺申休簡授郡縣」。 沒有簡去的河間郡又給了杲的從子子路, 諸本下並注「疑」字。
- 位尚書令雍州刺史歷比部侍郎華州刺史 紀天安元年記「殿中尚書、鎭西大將軍西河公元石」救懸瓠。 亦見缺漏 常珍奇傳 不應於石本傳不載。 且如紀所書,石爵爲「西河公」。 北史卷一五同。 按此傳簡略, 其事又見於卷五六鄭義傳、 此傳不云封爵,但稱「司徒」, 疑有脫文。 卷六顯祖 卷六
- 匹 永受復除 四荷頹傳、卷九三王叡傳並見「永受復除」語,知這裏「求」乃「永」之訛,今改正。 諸本「永」作「求」。按這是元宏給予元丕的特權,並非元丕請求,「求」字不可通。 卷
- 神 尙 元 書于果日 平 文 諸 帝 諸本「果」作「杲」,通鑑 -子 孫 列 傳 第 校 卷一三九四三五二頁作「果」。 勘 記 按于果附本書卷三一、北史卷

二三于栗磾傳。通鑑是,今據改。

中原其 如是所由 擬 此句不 可解,必有訛脫,通鑑卷一三九四三五二頁載于果語,無此句,當亦因

不可解而删去,知訛脫已久。

雖較於公爵而利享封邑亦不快 北本、殿本及北史卷一五「較」作「駮」。 按大意是說雖降封爲

公 而享受封邑之利,元丕却仍然不快。但作「較」或「駮」都不易解,當有訛 脫。

有杖情 諸本「情」下注「疑」字。 按「杖」同「仗」、「杖情」即依恃之情、無可疑。 今删。

二台 豈有俯同 衆官避中尉 上有「趨」字。 按

當時句法,應有此字,當是脫文。

念生遺其弟天生屯隴 天生「戰於隴口」。 胡注:「隴口,隴坻之口也。」 口 諸本及北史卷一五「隴」作「龍」。 按卷十肅宗紀 通鑑卷一五〇四六八三頁稱元志與 IE. 光 五. 年 八 月、卷五 九蕭寶夤傳、

卷七三雀延伯傳都說莫折天 人生在隴 東大敗元志。 作「隴」是,今據改。

後吐京胡與離石胡出以兵等叛 卷二八劉潔傳「出以兵」作「出以眷」,疑作「眷」是。

魏書卷十五日

昭成子孫列傳第三

等來寇南境,昭成 川 度漠北。 寔君者,昭成皇帝之庶長子也。 高車 遣劉 匹 面 冦 庫仁遊戰於石子嶺。 抄,復度漠南。 性愚戆, 安忍不仁。 苻洛軍 昭成時不勝, ·退,乃還雲中 不能 昭成 季年, 親勒衆軍,乃率諸部避難 苻堅遣其行唐公苻洛

是說 及宮 徨廬. 皇帝 對。 仗,遶汝廬舍,伺便將發,吾愍 寔君 堅 舍之間 人奔告苻洛 及秦明王翰皆先終,太祖年六歲,昭成不豫,慕容后子閼婆等雖長,而 初,昭成 曰「天下之惡一也。」乃執寔君及斤,轘之於長安西市 曰:「帝將立慕容所生,而懼 以弟 寔君 軍 孤 、堅將李柔、張蚝勒 視察,以斤言爲信, 讓國,乃以半部授孤。 丽 相告。」時苻洛等軍猶在 汝爲變,欲先殺汝,是以頃 兵 乃率 內 其屬盡害諸皇子,昭成 孤卒,子斤失職懷怨,欲伺隙爲 逼,部衆 離散。 君子 苻堅聞 津, 日以來, 諸子戎服, 夜持 夜常警備, 之, 亦暴崩。 召燕鳳問其故,以 國統未定。 亂。 其夜,諸 諸皇子 是時, 挾仗 皇 斤 獻 子 狀 兵 因 徬 婦 明

寔君孫勿期,位定州刺史,賜爵林慮侯。 卒。

子六狀,真定侯。

及長統兵、號令嚴信、周旋征討、多有克捷。 秦明王翰, 昭成皇帝第三子。少有高氣,年十五便請率騎征討,帝壯之,使領二千騎。 建國十年卒。日太祖即位,追贈秦王、諡 明。

侍從出入。 子儀,長七尺五寸,容貌甚偉,美鬚髯,有算略,少能舞劍,騎射絕人。 從破諸部,有謀戰功。 太祖幸賀蘭部,

失。」 作色問之。 **釁將內起,是可計之。」太祖以爲然。** 以兵威 子孫相承,不失其舊。 垂壯其對,因戲曰:「吾威加四海,卿主不自見吾,云何非失。」儀曰:「燕若不修文德,欲 及太祖將圖慕容垂,遣儀觀釁。 自强,此乃本朝將帥之事,非儀所知也。」及還,報曰:「垂死乃可圖,今則未可。」太祖 登國初,賜爵九原公。 儀曰:「垂年已暮,其子寶弱 乃祖受晉正朔,三爵稱代王, 後改封平原公。 垂問儀太祖不自來之意,儀曰:「先人以來,世據北土, 而無威,謀不能決。 東與燕世爲兄弟。 慕容德自負才氣,非弱主之臣。 儀之奉命, 理謂: 非

幷 北 都 財 州 物。 自 平,儀 太祖 中山 $\overline{\mathcal{H}}$ 尋遷都督 原 征 功 至 行 衛辰, 儀出別道, 獲衛辰尸, 傳首行宮。 臺, 多 棝 楊塞外, 遷尙 韶儀 中外諸 書令。 守尚 軍事、左丞相,進封衞 分農稼, 書 從圍 令以鎭之,遠近 大得 中山。 人心。 慕容德之敗也,太祖以普驎妻周氏賜 強懐附。 慕容寶之寇五原,儀攝據朔方, 玉。 中山 太祖大喜,徙封東平公。 尋徴儀 平,復遣儀討鄴,平之。 以丞相 入輔。 又從 命督屯田於河 要其還 儀, 幷其僮 太祖 征 高 協り還代 路。 僕 儀 及

陳留公虔,稍大稱異。時人云:「衞王弓,桓王矟。」

別

從

西

北

破

其別

部。

又從討姚平,有功,賜

以絹

布綿牛馬羊等。

儀膂力過

人,弓力將十石;

以 而 事 歌 舞,遂 陛 世 下, 祖 之初育 對飲 陛 下 申 明察,臣輙 也, 且。 太祖 召 羣 喜,夜召儀 自安。 臣入,賜儀 忽奉夜 入。 御 公韶,怪 馬、 太祖 御 帶、鎌錦 曰:「卿聞夜喚,乃不怪懼乎。」儀曰:「臣推誠 有之,懼實 等 無也。」太祖告以世祖生,儀起

儀 並 禮 先 之, 是, 共 上谷 談 侯 當 岌 世 之務,指 張袞,代郡 畫 Щ 許謙 河, 等 分 有名 別 城 于時, 邑, 成 學博· 敗 要害, 今古,公 造 初 次 來入 備 舉。 國 開儀待 謙 等歎服, 士,先就 相謂曰:

「平原公有大才不世之略,吾等當附其尾。」

亂 伏武 太祖 士 以 伺 儀 太祖 器望, 欲 待之尤 爲 逆。 重, 崇子遂留在伏士 數幸 其第, 如 中 家 , 人禮。 太祖召之, 儀 矜 將有 功 侍 所 寵 使。 遂 與宜 遂 留 聞 都公穆崇謀為 召 ,恐發,踰

卷 十 五 三七二

牆告狀? 殺 公卿 欲 太 以 祖 厭當 秘 而 天 恕之。 災。 儀內不自安,單騎遁走。 天賜六年,天文多變,占者云「當有逆臣伏尸流血」。太祖惡之,頗 太祖使人追執之, 逐賜 死, 葬 以 庶 人 禮。

儀 十五子。

作,除定州 室 祖 殺其親嬖人。 有事,咸就諮焉。 子纂,五 刺史,封 歲,太祖命養於宮中。 後 中 悔 薨, 諡 過 川 修 公, 謹, 進 一
爵
爲 拜 內 大將 王, 少)明敏, 賜步 軍 o 挽 動 居官淸約簡慎, 几以 止有禮, 優異 之。 太祖 更稱 愛之,恩與諸皇子同。 纂好酒愛佞, 廉 平。 纂於宗屬最長, 政 以 賄 世 成, 祖 世 踐

纂弟良,性忠篤。 太宗追錄 儀 功,封南陽王以紹儀 後。

日

簡

都將 遊於白登之東北,幹以騎從。 自 請 」。從世祖 射之,以二箭 良弟尉,機悟沉勇,善弓馬,少有 南巡,進爵新蔡公。 下 雙鴟。 太宗嘉之,賜御馬弓 有雙鴟飛鳴於上,太宗 高宗卽位,拜都官尚 父風 太宗卽位,拜 矢 金帶 命 書。 左右 __, 內 以 卒,諡 將 射之,莫能 旌 軍、都將,入備禁中。 其 日 能, 昭 軍 中。 中 於是 鴟 旋 號 飛 日射 稍 太宗 鴟 幹 出

减 乃就 子順,通 山解鞍放馬,以示有伏,賊果疑而避之。 解諸方之語,便騎 射。 世 祖 時,爲 司 衞 監 從征 蠕蠕,忽遇賊別部,多少不

高 祖 初, 賜 爵沛郡公。 後拜南豫州 刺 史。 大胡山 蠻時時鈔掠, 前後守牧多羈縻而已。

里作 鈔 减 十人,皆著蠻衣,云是 衣,亦參射限,命射 射者二十餘人,禎 服, 賊 乃設畫,召 賊 入境,不 自是境 如 此, 合死 過十人,當在 無暴掠,淮南之人相率投附者三千餘家,置之城東 新蔡、襄城蠻 以不。」蠻等皆叩 自發數箭皆中,然後 不 鈔 中 賊。 順 魁三十餘 西南五 即責 順 乃臨 而斬之。 十 ·頭曰:「合萬死。」 坐,偽 人,順盛武 里許。」即 命左右以次 蠻魁等伏伎畏威,相 舉目瞻天,微有 命騎 裝, 而 於州 追掩, 順 射,並 刨 西 斬之。 果縛 風 **|爲置|** 中。 動 前間 送十人。 視股慄。 酒, 汝水 先出 乃遣 使之觀射。 之側, 蠻還,并 蠻 囚 日 頄 又預教 「風氣 犯死罪者,使服 告諸蠻 名曰 加 先選 左右 歸 慰 少暴,似 義 諭 左右 坊 取 死 爾 諸 能 蠻 鄉 軍

以待之,不久自當 丘 進 生 城 幷諸預 人告云:「刺史欲遷 初, 豫州 (謀者。 城豪胡 悔服。」語未訖,而城中三百人自縛詣 醎 丘 曰:「吾不負 生數與外交通。 城 中大家, 人, 送之向 人何以叛, 及禎為 代。 刺史, 共謀 但丘 翻 丘 生 州 城。 生嘗· 誑 門, 誤。 城 有 陳丘 人石 犯, 若 卽 生譎誑之罪。 道 懷 收掩, 起 恨 以 圖 衆 事 爲 必 密 不 大 告順 軌 丘生 懼。 詐 單 吾 速 以 騎 掩 婚

後 徴 爲 都 牧 尙 書。 薨,贈 侍 中 儀 同 三司 諡 簡 公。 有 八 子。 逃走。

順恕

而

不

間

第 五. 子 初 瑞 母 尹氏, 有娠致傷。 後晝寢, 夢一 老翁具衣冠告之日 吾賜汝

汝勿憂之。」寤而私喜。 又問筮者,筮者曰:「大吉。」未幾而生職,顧以爲協夢,故名職,字天

賜。位太中大夫。卒,贈太常卿。

之,自延秋門出,遂迎立太宗。 儀弟烈,剛武有智略。 元紹之逆,百僚莫敢有聲,惟烈行出外,詐附紹募執太宗。 以功進爵陰平王。 薨,諡曰熹。 子裘襲。 紹信

霸 **麟旣自立,遂害觚以固衆心,太祖聞之哀慟。及平中山,發普驎柩,斬其尸,收議害觚者高** 止 之逾厚。 代程 觚 以求賂。 烈弟觚,勇略有膽氣,少與兄儀從太祖,侍衞左右。使於慕容垂,垂末年,政在羣下,遂 同等,皆夷五族,以大刃剉殺之。 觚因留心學業,誦讀經書數十萬言,垂之國人咸稱重之。太祖之討中山,慕容普 太祖絕之。 觚率左右數十騎,殺其衞將走歸。 乃改葬觚,追諡秦愍王,封子變爲豫章王以紹觚。 爲慕容寶所執,歸中山, 垂待

公。 慕容寶之敗也,別率騎七百邀其歸路,由是有參合之捷。 常山王遵,昭成子壽鳩之子也。少而壯勇,不拘小節。 太祖 及平中山、拜尚書左僕射、加 初,有佐命勳,賜爵略陽

侍 中,領勃海之合口。 [E] 及博陵、勃海羣盜起,遵討平之。 遷州牧,封常山王。 遵好酒,

賜四年,坐醉亂失禮於太原公主,賜死,葬以庶人禮。

寬征 素宗屬之懿,又年老,帝每引入,訪以治國 始如一,時論賢之。 及平統萬, 祖 有象,有假, 而從之。 初 子素, ,復襲爵。 ,罷諸雜調。 韶羣臣議定皇子名,素及司 以素 太宗從母 有類。 有威懷之略,拜假節、征西大將軍 休屠郁原等叛, 有司 伏惟陛下當盛明之運, 薨,諡 所生,特見親寵。 奏國用不 日康,陪葬金陵,配饗廟 素討 定, 固請復之,惟素曰:「臣聞『百姓不足,君孰與足。」」帝善 之, ·徒陸麗議曰:「古帝王之制名,其體 少引 斬渠 [政事。 應昌發之期, 內侍, 率, 以鎭之。 固辭疾歸第。 徙千餘家於涿鹿之陽, 立平原郡以處之。 頻歷顯官, 庭 誕生皇子, 後拜內都大官。 賜爵尚安公,拜外都大官。 雅性方正 宜以德 有 Ji. 居官五十載, 高宗卽位、務景 命。」高宗從之。 有信, 有義, 終

祖壯之,即日拜都幢將,封暨陽子。 擊,兩槊皆折。 當爲國立 長子可悉陵,年十七,從世 事 陵抽箭射之,墜馬,陵恐其救至,未及 , 勿如 此也。」 卽 祖 拜 獵, 卒于中軍都將。 內 遇 行 阿 猛 干。 虎, 叉 陵遂空手搏之以獻。 從平 ·拔劍,以刀子戾其頸,使身首異處 涼州 沮渠茂虔 世祖 令 日「汝才 驍 將 與 力絕 凌 世 相

弟陪斤,襲爵,坐事國除。

從弟 書 尋 懸 陷忠賢,多昭 出 左僕射。 爲 暉 高 親 雍州刺史,在州 祖 子昭 寵 大怒, 詔曰 納貨元叉,所以贈禮優越。 用 所指導也。 事 小小 了,稍 字 阿倪, 遷左丞 貧 阿倪愚騃, 虐 靈太后臨朝, 尙 0 ,大爲人害。 書張 世宗崩,于忠 誰引 彝引兼殿 爲尙 爲郞」於是 後 執 中 入爲尙書, 諂事劉騰, 進號征西將軍。 書、 鄎。 政 昭 河南尹 高祖 黜彝白 爲黃 , 0 將爲 菛 聲而 衣守 郎, 齊郡王簡 佷 尙 叉 戾, 書, 曲 事之。 昭 理 舉哀,云 逐停 務 峭 忠專 廢。 急, 而 所在 權 世 昭 擅 宗 乃作 威, 思之。 贈倘 昭

玄 時 依 議 善之。 法 昭 舉劾,當時咸爲玄懼,出帝重其强正,封臨 子玄,字彦道,以節 後除尚書左丞。 儉知名。 出帝卽位,以孫騰爲左僕射 莊帝時, 爲洛陽令。 淄 縣子。 ,騰卽齊獻武王心膂。 及前 後從帝 廢帝卽位,玄上 入關 表乞葬莊 仗入省, 帝,

之正直、雖朱雲、汲黯何以仰過。」紹曰:「 之,恐陛 佞 昭 因 弟紹 下復被哀帝之名。」以其言正, 此 逐 字醜倫。 加加 "杖罰" 令其致死。 少聰慧。 遷尙 帝責紹不重聞。 書右丞。 遂不罪焉。 但恨戮之稍晚,以爲愧耳。」卒於涼州 紹斷 及出,廣 決不避强禦。 紹曰:「脩姦佞甚於董賢,臣若 平王懷 拜紹,賀曰:「阿翁乃皇家 世宗詔令檢趙脩獄 刺史。 示因 「景除 以脩

西 [將軍,有翼贊之勤,百僚咸敬之。 陪斤弟忠,字仙德。 少沉厚,以忠謹聞。 太和四年, 高 祖時, 病篤辭退, 累遷 右僕射 養疾於高柳。 ,賜爵城陽公,加侍 與駕親送都門之 .中、鎭

外, 賜雜綵二百匹,羣僚侍臣執別者, 莫不涕泣。 及卒,皆悼惜之。 諡曰宣, 命有司爲立碑

銘。有十七子。

子盛,字始興,襲爵,位謁者僕射。卒。

暉,深害其能,因辭之於帝,詔尚書崔亮馳驛檢覆。 禁之旁。 誣,稱壽興壓己爲婢。 盛弟壽興,公 壽興因踰牆出。 少聰慧好學。 壽興終恐不免,乃令其外弟中兵參軍薛脩義將車十乘, 脩義以大木函盛壽興,其上加麥,載之而出。 世宗初,爲徐州刺史, 亮發日,受暉旨,遂鞭撻三寡婦, 在官貪虐,失於人心。 遂至河東,匿脩義 運小 其從兄侍 麥經 令其 共 自

逢赦,乃出見世宗,自陳爲暉所諮,世宗亦更無所責。

初,壽興爲中庶子時,王顯在東宮,賤,因公事壽興杖之三十。

及顯有龍,

爲御史中尉,

奏壽興在家每有怨言,誹謗朝廷。 因帝極飮無所覺悟,遂奏其事, 命帝注可,直付壽興賜

帝書半不成字,當時見者亦知非本心,但懼暉等威,不敢申拔。 及行 刑日,顯自往看

壽興命筆自作墓誌銘曰:「洛陽男子,姓元名景,有道無時, 其年不永。」餘文多不載

顧謂其子曰「我棺中可著百張紙,筆兩枚,吾欲訟顯於地下。 若高祖之靈有知,百日內必

取顯,如遂無知,亦何足戀。」及世宗崩,顯尋被殺。 壽興之死,時論亦以爲前任中尉彈高 鼰

昭成子孫列傳第三

鷞 譵 卷 + Ŧ. 三七八

靈太后臨朝,三公郎中崔鴻上疏理壽興,詔追雪,贈豫州刺史,諡

益生,少亡。

讒諷所致。

忠弟德,封河間公。 卒於鎭南將軍,贈曹州刺史。

德子悝,潁川 太守。 卒於光州 刺史、諡 日 恭

子嶷,字子仲。 出帝初,授兗州刺 史。 于時城人王奉伯等相扇謀逆。 州土往討之,四旦嶷返, 棄城出走, 復任。

封濮陽 縣伯。 孝 靜時,轉尙書令,攝選部。 嶷雖居重任,隨時而已。 薨於瀛州刺史,贈司徒

公,諡 日 一靖懿 發斷嶷

要

闕而

出。「九」詔齊州刺史尉景、本州刺史蔡儁各部在

忠子暉,四字景襲。 少沉敏,頗涉文史。 世宗即位,拜尚書主客郎。 巡省風俗,還,泰

事稱旨,爲給事黃門侍郞。

宗頗惑左右之言,外人遂有還北之問,至乃牓賈田宅,不安其居。 初,高祖遷洛,而在位舊貴皆難於移徙,時欲和合衆情, 遂許冬則居南,夏便居北。 **順乃**請 間 言事。 世宗曰: 世

戀土,故發冬夏二居之詔,權寧物意耳。 ·先皇遷都之日,本期冬南夏北, 股欲聿遵成詔, 乃是當時之言,實非先皇深意。 故有外人之論。 輝目 先皇 且北來遷人,安居 移 都 ,爲百姓

日莊。

壽興弟

歲久,公私計立,無復還情。 陛下終高祖定鼎之業,勿信邪臣不然之說。」世宗從之。

櫃,唯 鷹侍中」。 再 暉入乃開,其餘侍中、黃門莫有知者。 遷侍中, 領右衞 將軍 ٠, 雖無補 益 深被親寵。 侍中盧昶亦蒙恩眄,故時人號曰「餓虎將軍 凡在禁中要密之事, 暉別奉旨藏之於

首,出 繼,道路 有差,天下號曰「市曹」。 遷東部尚書,納貨用官,皆有定價,大郡二千匹,次郡一千匹,下郡五百匹,其餘官職各 調 絹 不 五萬 斷。 匹。 其車少脂角, 即於道上所逢之牛, 生截取角以充其用。 然聚斂無極,百姓患之。 出爲冀州刺史,下州之日, 連車載物, 發信都,至湯陰 暉檢括丁 間, 戶,聽其歸 首尾相

登加 **令能** 勤 是任,必逞爪牙, 縱 其才則政平物理,失其 也。 有簡舉,良未平當。 、貶退。 不。 肅宗 竊 以大使巡省,必廣迎送之費,御史馳糾,頗回威濫之刑。 初,徵拜尚 若德敎有方,清白獨著,宜以名聞,卽加褒陟。 如 此 則不出庭戶 有所噬搏。 書左僕射,詔攝 人則 愚謂宜令三司、八座、侍中、黃門,各布耳目,外訪州鎭牧將治人,守 訟興怨結。 广,坐知 若選後生年少、血氣方剛者,恐其輕肆勁直,傷物處廣。 四方,端委垂拱, 吏部選事。 自非察訪善惡,明加貶賞,將何以黜彼貪怠 上疏曰:「臣聞治人之本,實委牧守之官。得 明賞審罰矣。」又表以「御史之職, 若治績無効,貪暴遠聞,亦便示牒, 且暫爾往還,理不委悉, ,陟此清 鷹鸇

昭

成

子

孫

列

傅

第

宜簡宿官經事、忠良平愼者爲之。」詔付外,依此施行。

皆須表聞,違者雖有功,請以違詔書論。三曰:國之資儲,唯藉 靜邊以息占役,安人勸農, 惠此中夏。 爲, 御史之職,務使得賢,必得其人,不拘階秩,久於其事,責其成功。 自 生長姦詐,因生隱藏,出縮老小,妄注死失。收人租調,割入於己。 本,飢荒多年,戶口流散。 而 非更立權制,善加檢括,損耗之來,方在未已。請求其議,明宣條格。」帝納之。 動,頃來邊將,亡遠大之略,貪萬一之功,楚梁之好未聞, 銳於姦利之所致也。 平吳之計, 自有良圖, 不在於一城一戍 後詔 暉與任城王澄、京兆王愉、東平王匡共決門下大事。 方今境上兵復徵發,即如 請嚴勅邊將,自今有賊戍求內附者,不聽 心此日, 何易舉動。 而蠶婦之怨屢結,斯乃庸 河北。 暉又上書論政要 「其一日: 也。 其二曰:安人寧邊, 人困於下, 飢饉積年,戶口 又河 愚謂數年 北數 以來, 例, 官損 **頼**遣援接, 國之基 於上。 逃散, 唯宜 觀時 人所

節、都督中外諸軍事、司空公、諡曰文憲。 上起伏羲,迄於晉、宋,凡十四代。 暉頗愛文學,招集儒士崔鴻等撰錄百家要事,以類相從,名爲科錄,凡二百七十卷,曰曰 暉疾篤, 表上之。 將葬、給羽葆、班劍、鼓吹二十人、羽林百二十人。 神龜元年卒,三週期東園 山秘器, 贈使持

陳 留 王虔、昭成子紇根之子也。 少以壯勇知名。 登國初, 賜 爵 陳留公。 與衞 王儀破 黜

弗部 從 攻衞辰。 慕容寶來寇,虔絕其左翼。 寶敗, 垂恚憤來桑乾 虔勇而 輕 敵 於 陳

戰沒

魂而 爲朱提王。 及薨,舉國悲歎,爲之流涕。 以一手頓稍於地,馳馬僞退,敵人爭取,引不能出,虔引弓射之,一箭殺二三人,搖矟之徒亡 加常人。以其殊異於世,代京武庫常存而志之。 一散,徐乃令人取稍而去。 虔 **姿貌魁傑,武力絕倫** 太祖追惜,傷慟者數焉。 每從征討,常先登陷陳,勇冠當時,敵無衆寡,莫敢抗其前者。 每以常矟細短,大作之猶患其輕,復綴鈴 虔常臨陣, 追諡陳留桓王, 以稍 刺人,遂貫而 配饗廟庭,封其子悅 於刃下。 高 舉。 其弓 力倍 叉嘗

位 意。 可 驕 一矜,每謂所親王洛生之徒言曰:「一旦宮車晏駕,吾止避衞公,除此誰在吾前。」衞王儀,美 ,引悅入侍,仍懷姦計,說帝云:「京師雜人,不可保信,宜誅其非類者。 爲內外所重,悅故云。初,姚興之贖狄伯支,悅送之,路由雁門,悅因背誘姦豪,以取其 之。」欲 後遇 悦外和內佷。 事譴,逃亡,投雁門,規收豪傑,欲爲不軌,爲土人執送,太祖恕而不罪。 以 雪 其私忿。 太祖常以桓王死王事,特加親寵。 太宗不從。悅內自疑懼,懷刀入侍,謀爲大逆。 爲左將軍,襲封。 後爲宗師。 叉雁門人多 叔孫俊疑之,竊 太宗卽 悦恃寵

昭

成

===

視其懷,有刀,執而賜死。

見之甚悅,厚加 弟崇, 常山 世 王素等三十餘人咸謂與衞 祖 禮賜,遂寵敬之,素等於是亦安。 詔令襲桓王爵。崇性沉厚。初,衞王死後,太祖欲敦宗親之義,詔 王 相坐 一,疑 、懼,皆 久之,拜幷州 出 逃遁,將 刺史, 奔 有政 蠕 蠕 績。 唯 崇獨 從征 引 諸王 至。 蠕 蠕 一子弟 太 別 祖

督諸 軍 子 出 建,襲,降 大澤,越 爵 涿 爲 邪山 公。 一威懾 位 鎭 漠北。 北 將軍 薨, 諡 、懷荒 鎭 日 大將。 景王

建子琛,位恒朔二州刺史。

踩子翌,尚書左僕射。

坐 時 特 見 易干 孱 見 ", 豊 顗 寵 虔 厚, 兄 子 不 FI 顗 萬言 知 容 給鼓 代 性嚴 哉 (己) 謂 得寵 吹羽 重 逐 於太祖 以罪 少言 搏 儀, 而 見捕、旣 , 殺之, 禮 太 , 易干 同 祖 岳 常敬之。 以狀 恃 牧。 而 其子 知之,耻 具 莅 聞 小輕 政 雅有謀策,從平 以 忽於顕,不 其侮 太祖 威信 慢,謂 壯 著 之。 稱。 告 易干 中山山 萬言累以訴請, 其狀 居官 日 輕輕 七年, 我更滿 以功賜爵蒲 騎 卒至, 乃 以元易干 乃詔 被代,常也; 排買 城 質輸 侯 平 墜牀 代顗 贖 盧 汝 而 太 爲 無 據 顗 郡 守, 乃力 禮 顗

祖時襲父爵,以功除統萬鎮將。 後從永昌王仁南征,別出汝陰。 濟淮,劉義隆

自

請

罪,

太

祖

赦

之,復発

其

贖。

病卒。

子

岫

世

風 將 縱 劉康祖屯於慰武亭以邀軍路,師人患之。 煙 火, 以精 兵自後乘之, 破之必矣。」從之。 崘曰:「今大風旣勁, 斬康祖 傳首行宮。 若令推草車方軌並進, 高宗卽位, 除秦州 刺 판

史,進爵隴西公。

卒,諡定公。

子琛襲爵。

京 之,在坐莫不祗肅,順獨 爲固, 乃 岸 師。 毗 以寧人心。 時賀 陵王順,昭成子地干之子也。 栢 肆 之 力眷 敗, 等聚衆作亂於陰館,順討之不克, 軍 太祖善之,進封爲王,位司隸 人有亡歸者,言大軍奔散,不知太祖 坐寐欠伸,不顧 性疏很。登國初,賜爵南安公。及太祖討中山,留順守 加 唾 校尉。 太祖怒,廢之。 乃從留宮自白登南入繁時故城, 太祖好黄老,數召諸王及朝臣 所在。 以王薨於家。 順聞之,欲自立,納莫題諫, 阻遵水 親爲說

平 中 原 遼 "; 有 西公意烈,昭成子力眞之子 戦 獲勳, 賜 爵 遼 西公,除廣 也。 平太守。 先沒於慕容垂,太祖征中山,棄妻子迎於井陘。 時 和跋爲鄴行臺,意烈性雄耿,自 以帝屬,耻 及

昭成子孫列傳第三

居跋

下,

逐陰

結

徒黨,

將襲鄴,發覺賜

死。

子拔 干,博知古今。 父雖 有罪,太祖以拔干宗親,委之心腹。 有計 略,屢效 心忠勤。

踐阼,除勃海太守,更人樂之。 賜爵: 武遂子。 轉平原鎭將,得將士心。 卒,諡日靈公。

子受洛,襲,進爵武邑公。卒。

子叱奴,武川鎮將。

叱奴子洪超,頗有學涉。 大乘賊亂之後,詔洪超持節兼黃門侍郎綏慰冀部。 還,上言:

冀 土寬廣,界去州六七百里, 負海險遠,宜分置一州,鎭遏海曲。」朝議從之,後遂立滄州

卒於北軍將、CIEI光祿大夫。

意烈弟勃,善射御,以勳賜爵彭城公。卒,陪葬金陵。

長子 栗,襲。世祖時,督諸軍屯漠南。 蠕蠕 闕表聞。 粟亮直,善馭衆,撫恤將士,必與之

同勞逸。 征和龍,以功進封爲王。 薨,陪葬金陵。

栗弟渾,少善弓馬,世祖嘉之。會有諸方使命,渾射獸三頭,發皆中之,舉坐咸以爲善。

及爲宰官尚書,頗以驕縱爲失,坐事免。徙長社,爲人所害。

金兔以旌其能。 子 庫汗,爲羽林中郎將。 高宗起恭宗廟,賜爵陽豐侯。 從北巡, 有兔起乘輿前,命庫汗射之,應絃而斃。 顯祖即位,復造高宗廟,拜殿中給事,進爵 世 祖 悦,賜

刺 爲 史者 公。 庫汗 前後千餘人,朝廷許之。 明於斷決,每奉使察行州鎭, 未及遺,遇病卒。 折獄 以情, 子 古辰 所 歷皆稱之。 秦州父老詣闕乞庫汗爲

昭 成子窟咄。 昭成崩後,苻洛以其年長,逼徙長安,苻堅禮之,敎以書學。 因亂隨慕容

永 東遷,永以爲新 興太守。

皆驚 朱譚等來。 祖 謀 之。安同 及 入空井, 長孫賀徵兵於慕容垂。 乃誅 人單烏干 、駭, 劉 桓等五 顯之敗,遣弟亢遲等迎窟咄,遂逼南界,於是諸部騷動。 與垂使人蘭紇俱還,達牛川 得免,仍奔賀驎。 莫有固志。 以 旣 告。 知 人,餘莫題等七姓,悉原不問。 賀 太祖慮駭人心, 驎 於是北 軍 ·近,衆乃 軍旣 賀亡奔窟 部 大 不 小定。 人叔孫普洛節及諸烏丸亡奔衞辰。 ·至,而 沉吟未發。 窟咄 咄,安同 稍 兄 前 逼 間 子意烈捍之。 太祖慮 行遂達中山。慕容垂遺子賀驎步騎六千 後三日, 賀染干 內 難, 陰懷異端, 桓 安同 以謀白其舅穆崇,崇又告之。 乃北 乃隱藏於商賈囊 太祖左右于桓等謀應之, 踰 陰山 乃爲窟咄 質驎聞之, 幸賀蘭部,遺 來侵北 遽造安同 中 ·, 至 部 安同 暮 以

隨

同

乃

太祖 自 弩 Щ 幸 牛 jijō 窟咄進屯高柳。 太祖復使安同詣賀麟,因 克會期。 安同還,

昭

踰參合,出代北與賀麟會於高柳。 窟咄困迫,望旗奔走,遂爲衞辰殺之,帝悉收其衆。

別帝、歸於中山

校勘記

魏書卷十五 諸本目錄此卷注「闕」,百衲本、南本、汲本、局本有宋人校語云:「魏收書昭成子

孫列傳亡。」 殿本考證云:「魏收書亡,後人所補 按此卷亦是以北史卷一五魏宗室傳 相 同

傳補,間有溢出字句,當出於高氏小史。

= 建國十年卒 北史卷一五魏宗室傳「十」年作 「十五年」。 按卷一三皇后傳稱昭成皇后慕容氏

生獻明帝及秦明王」。 據卷一序紀, 建國七年夏六月慕容氏才與什翼犍婚, 而 且 翰還有兄寔

則建國 十年 · , 翰是否已出生尚不可知, 卽十五 年死也至多是六七歲的小兒, 與 }傳 所云 「年 土五

便請. 率騎 征討」,「及長統 兵」等語不符。 此傳稱「建國十年卒」、北史稱「十五 年卒」皆誤。 據 卷

三獻明皇后賀氏 "傳稱「后少子 秦王 觚, 據此傳觚 也是翰 子, 當是獻 明 太子 拓跋寔死後 賀氏

收繼 爲翰妻所 生。 拓跋寔死在建國三十四年, 見序紀, 則翰 死必 在其後。 「十」字上下當有脫

字。

フラー 乃祖受晉正朔 按儀不得自稱其祖爲「乃祖」、「乃」字疑爲「及」之訛。

- \neg 24 賜步挽几以優異之 册府卷二七七三二六九頁「几」作「車」。 疑此傳「几」下脫「杖」字。 册府以
- 不可通,改「几」爲「車」。
- Ŧī 領勃海之合 鎭」之訛 口 按卷二太祖紀天興元年正月稱「略陽公元遵鎮勃海之合口」, 這裏「領」當是
- <u>ァ</u> 卷 高祖將爲齊郡王簡舉哀 九有 齊郡王簡傳。 其人死於太和二十三年,元宏已病, 諸本及北史卷一五常山王遵傳「簡」並作「蘭」。 爲之「力疾發哀」。 按本書卷二〇、北史 本書高祖紀屢
- -1-仗入省 見, 都作「簡」。 按「仗入省」不可解。 此傳以北史補,故亦承北史之訛,今據紀及本傳改。 北史卷六齊本紀上稱「孫騰帶仗入省,擅殺御史」。 知「仗」上當

脫

「帶」字。

- 墓誌 通志都作「秉」。 盛弟壽興 正 卿。 集釋元智墓誌圖版五一稱「祖房,使持節散騎常侍、都督徐州諸軍事、平東將軍、徐州 前 人據官銜 北史卷一五同,通志卷八四本傳作盛弟秉,字壽興。 下文壽興臨死自作墓誌云: 和世系證 一人 卽 「壽興」。 「洛陽男子, 又卷六六雅亮傳也說他所刻的徐州 姓元名景。」 以下此傳和北史作「壽興」處, 通志「景」也作「秉」。 刺 史叫一元 刺史、宗 按
- 昞 地 名 常 壽興 用同音字 名「昞」同景無可疑, 或或 有 他書作「秉」, 北史避唐諱稱字,而 鄭樵據以回改。 自作墓誌則因 魏書原文,據崔亮傳自當作「昞」。 有韵,改「昞」爲「景」。 當時 人

昭成子孫列傳第三 校勘記

- へたし 懸門 發斷嶷要闕 而出 錢氏考異卷三八云:「『要』下有闕文,當是要即腰帶之類。」
- 本州 刺 史蔡儁各部在州士往討之 按卷一一 出帝紀太昌元年七月, 北齊書卷一 九蔡儁傳, 儁

這 時

是濟州

刺史,這裏的本州是指兗州,誤。

- 史是也」。 忠子暉 暉若也是忠子, 可證他是德之子。 北史卷一五 墓誌集釋元暉墓誌圖版五五稱「父冀州 **豈能稱從兄?** 宋趙 作「悝弟暉」,則是忠弟德之子。 明誠金石錄卷二十一元暉碑跋, 又附傳照例各從其父兄,暉傳不列於忠傳後,而 刺史、河間簡 按上文壽興傳稱「從兄暉」。 已云 公」。 | 魏書 集釋卷三據元侔、元峻、元愔 和北史不同,「以碑考之,北 列 於德傳後,也 壽興是忠子,
- 墓誌均見本書,證 明此「河間簡公」卽此傳的元德,元侔等誌的元於德,北史是而魏書非。 卷。
- 凡二百七十卷 按元暉墓誌:「神龜 張森楷 云:「隋書經籍志卷三四只七十 年九月庚午卒。」 此傳誤。

神龜

元

年卒

卒於 北 軍 將 「北軍將」,無此官名。 「北」上當脫一字了將軍」誤倒 爲「軍將」。

魏書卷十六

道武七王列傳第四

ì

淸 河 陽 平王 河南 河 間 長樂王

廣平王 京兆王

王夫人 皇子渾及聰 道武皇帝十男。 生 河 南 母氏並闕,皆早薨,無後。 王 曜。 宣穆劉皇后生明元皇帝,賀夫人生淸河王紹, 河間王脩、長樂王處文二 王母氏闕。 段夫人生廣平王連、京兆 大王夫人生陽平王 王黎。

清河 王紹,天興六年封。 兇很 險悖,不 遵教訓。 好輕遊里巷,劫剝行人,斫射犬豕,以爲

戲樂。 太祖嘗怒之,倒懸井 道 武 七 王 列 傅 第 四 中, 淸 河 垂 王 死 乃 典 太宗常以義方責之,遂與不協,恒懼其爲變。 三八九

而

弟招集族人,往往相聚。紹聞人情不安,乃出布帛班賜王公以下,上者數百匹,下者十匹。 野兇兇,人懷異志。肥如侯賀護舉烽於安陽城北,故賀蘭部人皆往赴之,其餘舊部亦率子 羣臣曰:「我有父,亦有兄,公卿欲從誰也?」王公已下皆驚愕失色,莫有對者。良久,南平公 獲,遂暴崩。 紹 長孫嵩曰:「從王。」羣臣乃知宮車晏駕,而不審登遐之狀,唯陰平公元烈哭泣而去。 吾。」紹乃夜與帳下及宦者數人,踰宮犯禁。 母夫人賀氏有譴,太祖幽之於宮,將殺之。 明日,宮門至日中不開,紹稱詔召百僚於西宮端門前北面而立,紹從門扇間謂 左右侍御呼曰「賊至」」太祖驚起,求弓刀不 會日暮,未決。 賀氏密告紹曰:「汝將何以救 於是朝

納之,生紹,終致大逆焉。 見 城南都街生臠割而食之。 衞 而悅之,告獻明后,請納焉,后曰:「不可,此過美不善,且已有夫。」太祖密令人殺其夫而 士執送紹。於是賜紹母子死,誅帳下閹官、宮人爲內應者十數人,其先犯乘輿者,羣臣於 先是,太宗在外,聞變乃還,潛于山中,使人夜告北新侯安同,衆皆響應。太宗至城西, 紹時年十六。紹母卽獻明皇后妹也,美而麗。初太祖如賀蘭部,

陽平王熙,天興六年封。 聰達有雅操,爲宗屬所欽重。 太宗治兵於東部,詔熙督十二

軍校閱,甚得軍儀,太宗嘉之,賞賜隆厚。 後計 西部 越勤,有功。 泰常六年薨,時年二十三。

太宗哀慟不已,賜 溫明秘器,禮物備焉。 熙有七子

討 趨 鎭 詔 以 軍儲於比干城。 河 同 城,別破 吐京 他 西 南諸軍事、鎭南大將軍、開府儀同三司,鎭虎 有 如 威 太 故。 大將軍、 世 司 長 監 叛胡曹僕渾於河西,平之。 一子他,襲爵。身長八尺,美姿貌,性謹厚,武藝過人。 和 信素著,復爲虎牢鎭都大將。 餘黨,斬首數千級。 護喪 吐萬,早卒,贈冠軍、幷州 高祖 十二年薨,年七十三。 開府儀同三司、雍州刺史,鎭長安。 事,禮赗 初, 劉義隆遣將寇邊,他從征於懸瓠,破之。 入爲 有加。 中 ·都大官, 改封臨淮王,拜鎭東將軍。尋 追贈 時高 拜侍中, 刺史、晉陽順侯。 平 拜使持節、前鋒大將軍、都督諸軍 東 祖有 高宗時,轉使持節、都督涼州諸 大將軍、定州牧、司徒如故。 事宗廟,始薦,聞薨,爲之廢祭。 轉征西大將軍,遷司徒。 车。 綏撫秦土,得民夷之心。 威名甚著。 拜使持節、都督雍秦二州諸 改封淮南 從世祖討山胡白龍於西河,屠其 後 與武昌王提率幷州諸軍 王,除使持節 事 軍 諡曰靖王。 賜安車几杖,入朝不 ,北討蠕蠕,破之,運 事、鎭西大將軍 輿駕親臨,哀慟, 時義隆寇 、都督像洛 南 軍 一,儀 鄙,

子

子

顯 ",襲祖 爵。 薨, 諡 日僖王

子 世遵, 襲。 世宗時,拜 前 軍將軍、行幽州事、兼西中郎將,又行青州 尋遷驍騎將

除散騎 之以兵, 節 軍 殺 軍、魯陽 州 軍 南 大雅州 数萬 都 蠻首及襄陽 刺 史。 出 督 常侍、 爲 Ц 荆州 太守崔模為 刺史,諡 模乃濟。 征 尋 加 虜 會是夜大風 平北 及沔南諸 將 民望入密信引 前 將 軍 日 康王 將軍、定州 而 幽 軍 別 內 州刺 將,率步 軍事、平南 應者謀泄, 雨雪, 初在 史。 世 漢 模等班 刺 陽, 騎二萬受世遵節 遵 史, 世遵性清和,推誠化導,百姓樂之。 將 爲蕭 請以襄陽 復有 軍 百姓安之。 師 ٠, 衍 • 聲迹, 加散 士 雍州 卒凍 內附。 騎常侍, 後頗 刺 度。 死十二三。 孝昌元年, 史所殺, 行 世 軍至 遵表 餘 貨 賄, 如 漢水,模等皆疑 築門 故。 求 散費 薨於 世 赴 遵 以 遣洛州 應, 州 及瓮生 自 邊 固。 儲, 朝議從之, 肅宗時 贈散騎 刺 由 模焚襄陽 不渡。 史 模並 是 伊統 聲 以 常 望 詔 坐発 本將軍爲 侍 生 世遵怒, 有 加 邑郭 一,冠軍 世遵持 官。 征 損 西 荆 將 燒 將 後 臨 沔

均 等於 子 敬先 河梁起義 製。 為 歷諫 顥 議 所 害。 大夫、散騎常侍,領 追贈侍 中、車 騎 主衣都 大將 軍 統 、太尉公、定州 元顥 入洛,莊帝北 刺 史。 巡。 敬先與叔 纹

子宣

洪

...,製。

歷

諫

議

大夫

八光祿

少卿

武

定

中,

與元瑾謀反,誅,

國

除

食

邑五 大 、將軍 白 世 遵弟均, 戶 、儀同三司 **,除散騎** 字 常侍 、冀州刺史。 世 平。 平東將 累遷通直常侍、征 均六子。 軍。 卒,贈使持節 虜 將 軍 、征東將軍 以 河 梁 、靑州刺史。 立義之功, 封 出帝 安 康 時,復贈 縣 開 國伯 驃騎

事 國 立,手斬二人。及榮之死,百僚入賀,忻之獨蒙勞問。 渚 |王起義||河北,||忻之奔赴。後廢帝時,除散騎常侍、大丞相右長史。| 出帝初,襲先封安康 ,,追贈使持節、都督定殷二州諸軍事、驃騎大將軍、司空公、定州刺史,諡曰文貞。 伯,除撫軍將軍、北徐州刺史。 起義之勳,賜 長子忻之, 爵東阿侯。 性粗 武,幼有氣力。 初,孝莊之圖介朱榮、元天穆也,忻之密啓, 便道之州,屬樊子鵠據瑕丘反,遂於中途遇害。 釋褐定州平北府中兵參軍,稍遷尙書右中兵郞。 莊帝崩於晉陽,忻之內懼。 臨事之日, 乞得侍 及齊獻武 以 縣 以河

忻之弟慶鸞,武定末,司徒諮議參軍。

慶鸞弟慶哲,終於司農少卿,贈中軍將軍、濟州刺史。

爲土民王惡氈起義殺之。 將軍、金紫光祿大夫,封鄄城縣開國伯,邑五百戶,爲幷州東面大都督,鎮樂平。 主 均弟禹,容貌魁偉。 禹頗好內學,每云晉地有福,孝昌末遂詣介朱榮。 起家司空參軍,轉符璽郎、太常丞、鎭遠將軍、東海太守帶峒峿戍 後贈征 西將軍、雍州刺史。 建義元年,與榮同入洛。 榮死之後, 除中軍

禹弟菩薩,給事中。卒,贈濟南太守。子長淵,襲。武定中,南靑州長史。齊受禪,舒例降。

はあら重変う引くる

吐萬弟鍾葵,早卒。

道武七王列傳第四 陽平王

三九四

復州 入境,觀察風俗,下車便大行賞罰,於是境內 任。 法 後徵爲太中大夫,加左將軍。 壽, 侍御 中散, 累遷中散大夫。 遷平東將軍、光祿大夫。 肅 出除龍驤將軍、安州 然。 更滿還朝,吏人詣闕 刺史。 建義初,於河陰遇害,贈車 法壽 訴乞,肅宗嘉之,詔 先令所 親微服

子慶始,大司農丞。 與父同時見害。 贈前將軍、廣州刺史。

騎

將軍、相州

刺史。

慶始弟慶遵,武定末,瀛州騎府司馬。

慶遵弟慶智,美容貌,有几案才。 著作佐郎、司 徒中兵參軍。 卒於太尉主簿

史。 猶未達,可更遣尚書郎堪幹者一人馳驛催遣,庶令拔彼倒懸,救茲危急。」堅眼頻破張齊,於 奔告,若臺 闕庭,旣忝宗枝,累辱不淺。若死爲鬼,永曠天顏,九泉之下,實深重恨。今募使問行,偸路 亦皆擾叛。 僧上表曰:「臣忝守遐方,變生慮表,賊衆侜張,所在强盛。 無所假縱。 素無治幹,加以貪虐,殺戮自任,威怒無恒。 法壽 弟法僧,自太尉行參軍稍轉通直郎,寧遠將軍,司徒、司馬掾,龍驤將軍 軍速至,猶希全保。哭送使者,不知所言。」肅宗詔曰:「比敕傅竪眼倍道兼行,而 於是合境皆反,招引外寇。 唯獨州治僅存而已,亡滅之期,非旦則夕。臣自思忖,必是死人,但恐不得謝罪 蕭衍遣將張齊率衆攻逼,城門畫閉,行旅不通。 王賈諸姓,州內人士,法僧皆召爲卒伍, 統內城戍悉已陷沒,近州之民 ·,益州刺

僧 是獲全。 殺行臺高諒,三反於彭城,自稱尊號,號年天啓。 徵拜光祿大夫,出爲平東將軍、兗州刺史,轉安東將軍、徐州刺史。 大軍致討,法僧攜諸子,擁掠城內及文 孝昌元年,法

武,南奔蕭衍。

鍾葵弟篤,字阿成。 太子右率、北中郎將、撫冥鎭將、光祿卿。 出除平北將軍、 幽州刺刺

史。 卒,諡曰貞。

長子浩,字洪達。 太尉長史。

他弟渾,繼叔父廣平王連。

子

天琚,襲。

高祖時征虜將軍、靑州刺史。

從駕南征,拜後將軍,尋降公爲侯,除西中

渾弟比陵,太延五 年爲司空,賜爵牂轲公。 除安遠將軍、懷荒鎭大將。 卒。

郎將。 世 祖 時,「三征虜將軍、夏州刺史。卒,贈本將軍、濟州刺史。 子延伯襲。卒。

河 南王曜,天興六年封。 五歲,嘗射雀於太祖前,中之,太祖驚歎焉。及長,武藝絕人。

與陽平王 道 武 熙等並督諸軍 七 王 列 傅 第 講武、衆咸服其勇。 四 河 南 王 秦常七年薨,時年二十二。有七子。

名。 之量,殊域敬 ,甚見寵待。 後與淮南王他討平吐京叛胡,遷使持節 長子提,驍烈有父風。 焉。 太安元年薨,年四十七,諡曰 後改封武昌。 世祖時,襲爵,改封潁川王。 拜使持節、鎭東大 成王 、車騎大將軍、統萬與都大將, 將軍、平原鎮都 迎昭儀于塞北, 大將。 時年十六, 在任 賜馬 于 百匹, 年,大 有夙 羊 著 成 威

姓。 害長 節、都督齊兗二 復討 吏。 高 長子平原, 祖 斬之。 平原身自討擊,殺七人,擒小君,送京 時,妖賊司馬小君,自稱晉後,聚黨三千餘人,屯聚平陵,號年聖君。 州諸軍 襲餌。 時歲穀不登,齊民飢饉, 事 忠果有智略。 工頻 南將軍 、齊州刺史,善於懷撫,邊民歸附者千 |顯祖時, 平原 以私 師斬之。 蠕蠕犯塞, 米三千餘 又有妖 從駕擊之, 觓 爲 人劉 粥,以全民命。 舉, 平原戰功居多。 自稱 有 餘家 ;天子, 攻破 北 和縣。 扇 州 戍卒 惑 拜假 百 殺

歎。 及還京師, 每歲率諸 軍屯於漠南, 以備 蠕蠕。 遷都督雍秦 梁益 兀 州諸 軍 事 征 南 大將

千餘人,還者皆給路糧。

百姓咸稱詠之。

州民韓凝之等千餘

人,

詣闕頌之,

高

祖覽而嘉

長子 軍 、開府、雍 和爲沙門,捨其子顯,以爵讓其次弟鑒。 州 刺 史,鎭 長安。 太和十一 年薨. **"**,贈以 鑒固辭,詔許鑒身終之後,令顯襲爵,鑒乃受 本官,加 羽葆、鼓吹、諡 日 簡 玉。 有五 子,

皆順 曹氏 軍 嗟美者久之,顧謂侍臣曰:「諸州 變之始,百 丁,守河 爲 其意,言無不從。 如鑒所上。齊人愛詠,咸日 妻。 南 字紹達。少有父風,頗覽書傳。沉重 度惟新,鑒上遵高祖之旨 尹。車駕南伐,以鑒爲平南 曹氏 年齒 已長,攜男 於是獄 以 女五 賄成,取受 耳 刺 史皆 目 一、下采 更新。 將 人隨鑒 能 軍,還,除 來齊之舊 如 須 一少言, 至歷城 高 此, 籍,齊 祖 變 崩 寬和好士。 風 左 風易俗 子 後 ,軌制粲然,皆 衞 人苦之,鑒治名大損 將軍, 亂 和罷 政 沙 更 出爲 事 拜通直散騎常侍,尋 和 門 有 歸 何 征 與曹及五 合規矩。 難。 俗,棄 虜將軍 下 其 齊 詔 子七 妻子,納 高 褒 州 祖 美, 處受納, 覽 刺 加冠 史 其 班之天 所上, 一。時 寡婦 軍

発 酷 靈 是 靈 虬 京 梁郡 虬 世 兆王 唯 宗初, 郡 酒 密邇 ,徵還京師,於是徐境肅 是耽 愉 爲 以本 偽畿, 徐州 將 王旣 醜聲易 軍轉徐州 爲事,虐政 年 布 少 ", 非 刺 ,長史盧淵寬 殘民,寇盜 史。 然 直 有 屬 點清 徐克 並 風 以馭 大水, 臣 起, 恐取取 下 黷 -, 郡縣; 民多飢 音 嗤荒遠。 悖 響, 多 饉 不 盈 奉法。 鑒 一
於
道 請免所居官 表 加 路, 鑒 賑 表 部 岴 日 境 , 以以 民 呼 梁郡 明 賴 嗟, 刑 以 太守程 憲。」詔 僉焉 濟。 先

蕭 们 菹 角城 五 七 戍 王 主柴慶宗 列 傅 第 四 以 河 城內附 南 王 ,鑒遣淮陽太守吳秦生率兵千餘赴之。 三九七 衍淮陰援軍已

宜 妙 來 斷 略克宣,闢境克城,功著不日,據要扼 ,善以量度,矜慰之使,尋當別遭。」年四十二**薨,贈衞大將軍、齊州刺史,王如故**, 路,秦 此 城 (禁帶淮滸,川路衝要,自昔經算,未能克之,蟻固積紀,每成邊害。 生屢戰破之,乘勝而進,遂克角城。 ,喉,津徑勢阻,可謂勳高三捷, 朕甚嘉焉。 世宗詔鑒曰:「知摧角城,威謀展稱, 將軍淵 規潛運, 良以欣 守御諮 諡 日悼

於鑒 承襲。」世宗詔曰:「和初以讓鑒,而鑒還讓其子,交讓之道,於是乎著。 鑒 軍、涼州 襲。」尋 既薨逝,和求襲封。 和 長 ,字善意。 拜諫議大夫、兼太子率更令,轉通 鑒後以和子顯年在弱冠,宜承基緒,求遜王爵以歸正胤。 子伯宗,員外郎,次仲淵,蘭陵太守。 刺 史,坐事免。 鑒薨之後,與鑒子伯宗競求承襲。尚書令肇奏:「和太和中出爲 謹尋韶旨,聽傳子**顯,不許其身**。 久之,除東郡太守。 正光 直散騎常侍、兼東 並早卒。仲淵弟季偉,武定中,太尉中兵參軍。 四年薨,贈安東將軍、相 和先讓後求, 中 郎將。 先朝詔終鑒身,聽 肅宗 有 其 乖 州 時,出 道素, 子 刺 早終,可 沙門,讓爵 爲 請令伯宗 如 輔 其詩。 或 聽 和

征 東 大將軍、儀同 子 謙 ,字思義,襲爵。 三司、相州 後拜 刺史。 前 軍 子 將軍、征 | 蠻都 齊 受禪 督。 一,爵例 莊 帝 初,於河陰遇 害。 贈散騎常侍、

鑒 弟榮,字瓮生。 高祖時直寢,從駕征新野。 終於羽林監

樂 弟亮, 字辟邪。 威遠將軍、羽林監。 卒, 贈河 間太守。

州 刺 亮弟馗. 史。 建義初,卒於州,圖 字道 明。 太尉府行參軍、 贈征東將軍、青州刺史。 司 徒掾、鎭遠將 軍 ` \ 太僕少卿。 出除安西將軍、東秦

ì

河 間 王脩,天賜四年封。 泰常元年薨,無子。

周 於 番 世 祖 和 、徙張 繼 絕 世, 掖民 詔 數 河 百家於 南 王 曜 武威, 之子 羯兒襲脩爵,改封略陽。 將私 自沒入。 坐貪暴, 後 與永昌王健督諸軍討禿髮保 降爵 公。

軍 蠕蠕 ,至於漠南。 仍 復 王 一爵,加 征 西 大將 軍 0 正 平初,有罪賜死,爵 除。

遂與諸

爲

後

統 河

西

長 樂王處文, 天賜 匹 年封。 聰辯夙成。 年 十 匹 泰常元年 薨, 太宗悼傷之, 自小 斂至

葬,常 親臨哀 慟 陪 葬金陵。 無 子,爵除。

廣 平 主 連,天賜 四年封。 始光四年薨,無子。

皆中 滿還 之。 軍事 輒 徙涼 領 京,父老皆涕泣追送,若違所親。 世 世 歷 祖 飛 護 祖 繼 州 大悦。 而殺之,至時皆歎異焉。 東夷校尉、鎭東大將軍、儀同三司、平州 絕 鎭將、都督西戎諸軍事、領護西域校尉 世,以陽 器其藝能,常引侍左右,賜馬 平王熙之第二子渾爲南平王,以繼連後,加 世 太和 祖 嘗 十一年,從駕巡方山,道薨。 命左右 百匹, ,賜御馬二匹。 刺史,鎭和龍。 ·分射, 勝者中的, 僮僕數十人。 平 臨鎭 後拜假節、都督平州諸 在州綏導有方, 西將軍。 籌滿, 清慎,恩著涼土。 韶渾解之, 渾好弓馬,射 民 三發 夷 悅 更

姓名 園 五. IE 第 諫 匹。 子 惟 朝 秘 飛龍,襲,後賜名霄。 南 臣 器、網 諡 帽之。 平 主 安王 千匹。 人可直言其封。」遷左光祿 高祖 特垂 高 祖 總衰 欽重,除宗正卿、右光祿 身長九尺,腰帶十圍,容貌魁偉。 臨霄喪, 哀慟左右, 大 夫。 太和 大夫, 蘸不 十七年薨,賜朝服一 ·舉樂。 詔 曰:「自 雅 有風 贈衞將軍、定州 **今奏事**,諸臣相 則,貞白卓然,好直言 具、衣一襲、東 刺 史, 稱可云 賜帛

刺 史。 子 纂 景 明元 年 纂 薨 亦 於 有 譽 平 城 於時,除恢武將軍,進平西將軍,領西中郎將,出爲安北將軍、平州

百

日

子 伯和 襲。 永平 三年薨,贈散騎侍郞,諡曰哀王。[8]

闕 統 卒 , 贈 涼 州 刺 史

子 思 略 末 嬴 州 治 中

思 略 弟 叔略 武 定 中 太 尉 主簿

京 兆 王 黎,天賜 四 年封,神麍元 年薨

子 根 襲 改封 江 陽王,加平 北 將 軍 無無 、子,顯 祖 以 南 平王 霄 第二 子機 爲 根

都 督 柔 繼 留守洛京。 字 撫 世仁。襲封 冥 懷 尋除持節 荒 三鎭 江陽王, 諸 軍 加平 事 、鎭 北 將軍 北 將 高高 軍 柔 祖 時,除 玄 鎭 大 使持節、 將。 入 安北 爲 左 衞 將軍 將 大撫 軍 , 冥 兼 鎭 侍 中 都 ·, 叉 大 將 兼 轉 中

領

軍

平

北

將

軍,鎭

攝

舊

都

往 使 車 歸 鎭 頑 黨 順 别 高 不 推 高 檢 識 斬 祖 帥 威 善 樹 憲 您首 之, 者 擁 輕 顧謂 部 相 民反 合集,背 侍 自 臣 叛, 餘 日 加 役 詔 以 繼 逃 慰 江 歸。 都 陽 喻 督 一若悔 良 計 北 足 其 討 大 悟 兇 諸 任 從 戾 軍 也。」 役 事 事 ず,自 者, 車 合 駕 懷 卽 窮 北巡,至鄴 令 極 朔 赴 已東悉禀繼 若悉追 軍。」 詔 戮,恐遂 而 從 高 之。 節 車 度。 悉降 於 擾 是 亂 繼 表 恒 叛 朔 請 徒 往 遺

道

釭

七

王

列

傅

第

四

赓

平

王

京

兆

王

定。繼以高車擾叛,頻表請罪,高祖優韶喻之。

日 民 世 飢 餒, 時 爲 除 家 僮 征 虜 取 將 民 軍 女 爲 靑 婦 州 妾, 刺 叉 史 ?,轉平 以良人爲婢, 北將 軍 恒恒 爲 御 州 史 刺 所 史, 彈 入 , 爲 度 冤 文句 官 餌 書。 後 繼 大 將 在 青州 軍 高 之

伐

蜀

世宗

以

繼

爲平

東

將

軍

·, 鎭

遏

徐

揚。

世宗

崩

班

師

養 賜 驃 百 王 司 懌, 空 戶 騎 于 有 將 公, 家 加 及 太保 靈 繼 軍 侍 毎 ·, 侍 太后 叉 尋 中 至 加 <u>}-</u> 廣 靈 中 如 臨 表 侍 · 領 平王 太后 故 中 朝 陳 讓 軍 懷 繼 驃 寬 與 如 及門 肅 騎 詔 子 和 故。 叉 宗 容 大 聽 先納 減 裕 將 遊 下八座 繼 號 幸 軍 戶 頻 太后 於 、儀 Ŧ. 表 爲 一奏追 外 百。 長 同 固 妹 . 譲 時 者 三司 靈 令 論 復繼 太后 許 扶 繼 特 之。 入, 太 尙 進、 以子 叉 書、 和 居守 領 中慰 詔 本 還 軍 封 禁 喻 依 如 內。 戚 故 葬 高 前 除侍 數 車 授 及 徙 與 節 安 太 封 中、領 肅宗 輯 慶 師 京 宴饗, 四鎭 高 兆 幸繼 軍 王 陽 一將軍。 之勳, 、皆力 王雍 宅, 繼 置 疾 疾 一太傅 增 患 酒 叉 参馬 邑 除 積 高 特進、 年 千 淸 班 五. 遷 枕 河

保, 位 遇 一、乞 已隆 侍 神 中 以 龜 如 司 末 靈 故, 徒 太 授 子 加後部 后 叉 崔 臨 得 光 朝 志 鼓吹,)轉司 詔 入居 遣 頻表 侍 心 徒 中 膂 公, 陳辭,不 安 兼 仍 豐 處 加 王 門 侍 許 延 下 中。 明 歷 詔 給 繼 轉 日 事 以 台 至節 黄 蕃 司 菛 王 一,宿 侍 叉 嘉 叉 郎 辰 宦 盧 居 舊 禮 百 權 貴 有 敦 重 高 朝 樂 勸 慶, 祖 赫 繼 時 親尊戚 歷內 叉 世 啓 外 古 繼 老, 黰 讓 頻 任 轉 表 理 宜 意 遜 太

侍,禮 許,又遣使敦勸,乃受之。 優 道 傾 (朝)當 諸 異。 軍。 秩 王位高年宿,可依 與丞相 世 及出 以 爲榮, 師之日,車駕臨餞,傾朝祖送,賞賜 高 陽王 有識者為 相 埓。 齊郡王簡故事,朝訖引 時叉執殺生之柄,威福自己,門生故 之致懼。 後除使持節、侍中、太師、大將軍、錄尚書事 太官給酒膳,供賓客。 坐,觅其拜伏。」轉太傅,侍中如 萬 計。 轉太尉公,侍中、太師 又詔令乘步挽至 吏遍於省闥 大都 拜受之日 殿庭,兩 故。 督, 錄 尚書、 節度 頻 炎 讓 西 扶 都 不

屬 尙 師 書、大丞相、雍州 司州 至乃郡 初,尒朱榮之爲直寢也,數以名馬奉叉,叉接以恩意, 繼 晚更貪婪,聚斂無已。 牧。 縣 微吏,亦不得平 永安二年薨,日贈假黃鉞、都督雍華涇邠秦岐 刺史,王如故。 心選舉。 牧守令長新除赴官, 諡 曰 憑叉威勢, 武 法官不敢糾摘, 無不受納貨賄, 樂甚德 河梁盆九州諸軍事、大將軍 之。 天下患之。 以相託付。 建義 初, 叉黜, 妻子 復 以 各 繼 繼 別 爲 廢 錄 請

太

於

督並

如故。

尋認

班

師。

繼啓求還復江陽,韶從之。

祿 騎 侍 少 卿 郎。 叉, ",領嘗 繼長子,字伯儁,小字夜叉。 叉妻封 食 典 新 御 平郡 轉光 君,後遷馮翊 祿 卿 叉女天,靈太后詔曰:「叉長女,年垂 世宗 郡 君 手 時,拜 女侍 員 外 中。 郎。 叉 以 靈 太后 此 意 勢 臨朝,以 日盛,尋 弱笄,奄致天喪,悼念 叉妹夫,除通 遷散騎 常 直 光 散

道

武

七

王

列

傅

信

兼 懷 可 贈 鄉主。」尋遷侍中,餘官如故,加領軍將軍。 旣在門下, 兼總禁兵,深爲靈太后所

陽 謀。 窮治 其 爲 射 |懌曰:「汝欲反邪。」||叉曰:「元叉不反,正欲縛反人。」||叉命宗士及直齋等三十人執||懌衣袂,將 令以毒 后 入含章 辭遜 游 靈太后 肇 無實,懌雖得免, 人,每欲斥黜之。 太傅、淸河王懌, 之詔 藥置 執 東省,使數十人防守之。 騰 閉 意 不同。 時在 永巷門,靈太后不得出。 御食中以害帝,自望爲帝,許度兄弟以富貴。 叉逐 嘉福 與太師高陽王瘫等輔政,常直禁中, 語 $\overline{\mathbb{C}}$ 在其傳。 ,未御前殿, 以親賢輔 叉遂令通直 政, 叉、騰持公卿議 騰稱詔召集公卿,議以大逆論,咸畏憚叉,無敢 騰詐取主食中黃門胡玄度、胡定列誣懌,云許度等金帛, 參決機事,以叉恃寵 一郎宋維告司染都尉韓文殊欲謀逆立懌,懌坐禁止。 懌入,遇叉於含章殿後,欲入徽章東閣, 入奏,俄而 久之, 叉恐懌終爲己害, 乃與侍中劉騰密 · 驕盈, 肅宗呼爲姨父。 騰以具奏,肅宗聞而 事 可,夜中殺懌。 志欲 無限,懌裁之以 於是假為靈太 信之,乃御顯 叉厲聲不 異者。 法。 唯僕 叉輕 後

衞 叉 將 爲 軍奚康生復欲圖叉,不克而誅。 名,不果,見誅。 自 後 專綜 機要,巨細決之,威振 叉尋遷衞 將軍 一,餘 於內外,百僚重跡。 語在其傳。 如 故。 後靈 是後, 太后 相州 肅宗從御徽音殿,叉亦入居殿右。旣 與肅宗醼於 刺史、中山王 **一大四林園** 熙抗表 日暮還宮,右 起義,以討

彌 在 求 密 見 加 者 近 威 一, 曲 防 遙 對 盡佞媚, 叉 之 於千 而 틴 以承 秋 菛 乃 上旨 外 封 廠 其子亮平原 ,遂蒙寵信。 下 施 木 闌檻 郡 , 開 有 出 國 時 入禁中,恒令勇士持刀劍以自先後,公私 公,食邑一千戶。 出 入, 止 息 其 、中,腹 及 心防 拜,肅宗 守 以以 御 備 南 門臨 竊 觀 行 人物 写并

賜

御

馬

帛

千

匹

亂 酒 婦 志之後 色事 矣 人 於 初 之, 食 便 叉 輿, 之專 姑 驕 姊 愎 以 婦 政 吧覆之, 耽 矯 女, 酒 情 朋 好 色, 淫 令 自 飾 無 人輿 與 別 ·勞謙待士,時事得失,頗以關懷, 奪 入 任 、禁內 政 情。 事 怠 出 乃 惰, 亦 於 禁中 綱 如 之,直 紀 自 不 作 舉 衞 , 别 雖知,莫敢 州 庫掌握之 鎭 (守宰, 而 才術),實充 言者。 多 非 空淺, 其人。 牣 輕 其 薄 終無遠致。 中。至又會臥 趣勢之徒, 於是天下 以 遂 得

居寺 之。 圖 泣 日 涕 叉 隔 叉 從 殷勤 積 劉 先 肅 絕 宗 帝 習 我 騰 書 內 聖 生 母 死 請 常 後, 鑒 子 雖 , 温 不 防 靈 無 鑒 之, 太 聽 衞 復 於 虞 微 外 后 我 未 慮 緩, 往 形 聲 然, 色 彌 來 叉頗亦 甚 密 本 兒 其 營 属 間 所 靈 意 復 此寺者 親 自 太后瞋忿之言,欲得往 諫叉, 寬, 何 殊 用 不 Ē 時 旦 我 叉 宿 爲 爲? 叉 於 我 庸宗 不 今日。」 外, 放 納 乃宿 我 毎 出家 日 欲自 正 於嘉 出 光 來顯陽之意 我 遊, 五. 下 福 年 髮。 當 留 殿 秋 永 行積 連 肅 絕 靈 他 宗 ,皆以告叉 數 人 太后 邑。 間 與 H (羣臣 逐 修 對 靈 太后 道 肅 與 大懼 於 宗 太 嵩 微 后 謂 叉 對 密 高 察 叩 羣 知 叉 謀 閑 臣

王

道

於

是

太后

流 涕 ,敍太后欲出家, 憂怖之心。 如 此密言, 日 有數四。 叉殊不為疑, 乃勸肅宗從太后 意

數御顯陽,二宮無復禁礙

之衆 軍,以 朝 車駕遂幸雍 王 中 欲 曰 不 太 雍 領 反, 虎 雖 后, 叉 餘 左 舉 位重 誰 菛 官 視 乃進言曰:「臣不慮 右 其 京西 輔 者 見 第。 親 |於叉,而甚畏憚,欲進言於肅宗,而 政? 叉 其 不 元法 نار ? 納 雖 ; 弟爲都督, 總三齊之衆。 日晏,肅宗 叉 0 去 僧 聞 而 兵 郣 爲徐州 之, 權, 除 不可 名 然 甚 天下諸 及太后至 不 爲 刺史,法 總 懼 懼。」太后曰:「然。 民 任 • 発冠 內外,殊不 一賊,唯 僧據州反叛,靈太后數以爲言,叉深愧悔。 雍內室,從者莫得而入, 求解。 慮元叉。 元叉無心則已, ·慮有 功 事 以 元郎若忠於朝 黜廢之理也。 叉為 何者? 無因 驃騎大將 若其 |叉總握禁旅,兵皆屬之,父率 會太后 遂定 有 廷而 後 與 軍、儀同 心 叉出宿,遂解 肅宗南遊洛水,雅邀 圖叉之計。 無反 聖朝將 心,何 三司、尚 何 其侍 以抗? 後 故 丞 雍從 不 書 相、高陽 令、 去 此 百 肅 叉 高請, 侍 領 萬 宗 雖 日

初 咸 陽 王 禧 以 逆 見誅,其子 |樹 奔蕭衍,衍封爲鄴王。 及法僧反叛後,樹遺 公卿 百 **[僚書**

無問望, 魏 室 不 特以太后姻姬, 造,姦 豎擅朝,社 早蒙寵 稷 阽危, 綴旒 擢。 曾 不 非 懷音,公行 譬。 元 叉 反噬, 險慝狼 肆茲悖逆, 戾,人 偷 不 齒,屬籍 神同 憤 疏 遠, 自

頃 境 土所傳,皆云:叉狼心蠆毒,藉權位而日滋;含忍諂詐,與日月而彌甚。 無君之心,

非復一日,篡逼之事,旦暮必行。

或姻 昆 風 求 王 宝,不 季 之史籍,有自來矣。 事同 戚 此名,表能 抑 匪他,或忠義是秉,俛眉 叉 在今日,何謂 飄 聞之,夫名 墮。 に盛物ご 嗚呼魏境! 以出信,信以制義,山川隱疾,且猶不以名,成師兆亂, 日露 人臣! 諸賢或奕世載德,或將相 元叉本名夜叉,弟羅實名羅刹, 久矣,始信斯言。 離此二災。 逆手,見制凶威,臣節未 惡木盜泉,不息不飲;勝名梟稱,不入不爲。 況 乃母后· 繼踵,或受任累朝,或職 幽辱,繼主蒙塵,釋位揮戈,言謀 夜叉、羅刹, 申,徒有 勤 悴 此 鬼食 入, 巨君 居機要, 非 不臣, 遇黑 况

以 仍, 冠 剖斮 屨 菜色滿道,妖災告譴, 得 叉 聞 忠賢,殲殄宗室,哀彼本 所,大憝同 自叉專政,億兆離德, 必誅 之戮,魏祀 人皆歎息。 邦,一 重 以歲 無忽諸之非。 朝横潰。 瀍澗 時災厲,年年水旱,牛馬殪踣,桑柘焦枯,饑饉 西 北, 今旣 羌戎 率 師, (陸梁; 將除 泗汴左右,戍漕流 君 側。 品 品 一之懷 離 L', 庶 令 相 加

叉為遠近所惡如此。

韓子 熙 其 後 日 靈 太后 事 關 殺 顧 謂 活, 侍臣 豈 計 [日:「劉騰、元叉昔邀股索鐵 與否。 陛下昔雖不 與, 何解今日不殺?」靈太后憮然。 劵,望得不死, 股 賴 不 與。」 中書舍人 未幾,有

道

武

叉 靈 刺 視 六 鎮 降 人 及弟 聽。 太后 史。 告 叉 黄 爪 以妹 戶 及 並 闸 反 (其弟 於定州 徐紇 賜 、壻之故,未忍便決。 死於家。太后猶以妹故,復追贈叉侍 爪 趨前 謀反,欲令其黨攻近京諸縣, 叉令 欲諫, 人勾魯陽諸蠻侵擾 逡巡未敢。 黄門侍郎 羣 李琰之 臣 固 伊 破市燒邑郭以驚動內 執 闕, 日一元 不 中 Ė, 叉 驃騎大將軍、儀同 兄 |肅|宗 弟 叉之罪 爲 叉 內 ´', 具 應。 以爲言, 騰遐 外, 起 事 先遣 太后 邇,豈容復停,以惑 三司、尚書令 有 日 乃從之。 其 , 從弟洪業率 得 其 に冀州 手書。 於 是

叉子亮,襲祖爵。齊受禪,例降。

叉 庶 長 子 雅,[10]秘書 郎 中。 叉 死 之後,遂亡奔蕭 衍

羅 僕 邊 望 散 射、 旣 騎 倾 以 懦 常常 匹 叉 東道 羅 侍。 弟 怯 海 行 羅 孝 大 于 撫 雖 字仲綱 靜 使。 時 軍 父 初 將 才名之士 兄貴 清流 出帝 軍, ,以儉素著 盛 都 時,遷尙 一,而 遣將圍 督 王元景、 虚己 青光南 書令, 逼 稱 謙 羅 那 退,恂 青 起 以州 $\stackrel{\cdot}{=}$ 尋 子 家 除 才 州 恂 司 降。 諸 使 空參 李獎 接 持 軍 物。 節 叉死之後, 事 軍 等 o 驃 事 遷 咸 罷 了,轉司 騎大 平 爲 州 東 其 將 將 羅逼 賓 入 徒主簿,領 軍 軍 為 客, 叉妻, 青 宗正 開 從 州 府 遊 卿 刺 儀 時 青 嘗 o 史。 同 食 人穢之。 士。 孝 莊 典御、散 叉 司 時 初 當 ` 蕭 梁州 朝 除 或云其救 衍 騎 專 尙 遣 政 侍 刺 .書右 將寇 史。 郎、 羅

¢

命

之計

也

祿 大夫。 羅弟爽,字景喆。 永熙二年卒,贈使持節、都督涇岐秦三州諸軍事、衞將軍、尚書左僕 少而機警,尤爲父所寵愛。 解褐 秘 ·書郎,稍遷給事黃門侍郎、金紫光 射、秦州 刺史,

諡曰懿。

爽子德隆,武定末,太子中庶子。

爽弟蠻,武定末,光祿卿。

爪字景邕,給事中。與兄叉同以罪誅。

不入京師。 繼弟羅侯,遷洛之際,以墳陵在北,遂家於燕州之昌 有賓客往來者,必厚相禮遺,豪據北方, 甚 有 平郡。 整稱。 叉權重,以羅侯不樂入仕, 內豐資產,唯以意 得 爲適,

就拜昌平太守。正光末,逆賊大俄佛保陷郡,見害。

子景遵,直寢,太常丞。

下,降年天促,英才 史臣曰: 梟鏡爲物,天實生之,知母忘父,蓋亦禽獸,元紹其人,此之不若乎! 武 略,未顯 於時。 靜、簡二王,爲時稱首。 鑒旣有聲,渾亦見器。 陽平以 霄荷遇

道武七王列傳第四 京兆王

高 祖 繼受任 太和 苟無其才, 名位豈徒及也。 叉階緣寵私,智小謀大,任重才弱, 逐亂天

下 身全祀 ,不亦幸哉

校勘記

東 海 太守帶峒峿戍主 殿本考證據漢書卷二八上地理志上東海郡司吾, 以爲「峒」是「峒」之

訛 按水 }經 {注 卷二 六沭水篇見「司 吾山」、「司 吾縣故城」。 「峒」字訛, 考證說是。

法 僧 殺 行 臺 高 諒 諸本「諒」作「謨」, 殿本 據卷九肅宗紀孝昌元年正 月記此事和卷五七高祐附

{高 諒 (傳 改 作 「諒」。 按北史卷 一六道武七王傳 也作「諒」。 「謨」 字訛, **今從殿** 本。

= 世 祖 莊 張 森楷 云: 上已 〕稱『高 祖 時 ر 🗀 則 此 不 得 云『世 祖 <u>作</u> ら -祖』蓋『宗』字之訛。」

 \prod

29 建 義 初 卒 於 州 墓誌集 釋元遣即 道墓 說他 薨於 河陰鑾駕 之右」, 則馗解任 一還洛陽

朱 榮 入 洛 於 河 陰 被殺。 · 傳 誤

五 射 鳥 輒 歷 飛 丽 殺之 册府卷二六六三二六〇頁 此句下有 日日 射 冤 得五 + 頭 句, 當是此 }傳

脫 文。

ベ 諡 日 哀 王 此 句 下百 衲本的底本 葉空白,南本以 下 諸 本 或留空白 岩干 行, 或不 留, 均 注 。 闕

版」或單 注 闕」字。 據卷首目錄 廣平王 連下附南平王 渾 渾子霄、 霄曾孫 仲冏 缺棄 的 內

是所附仲冏傳,二,據出土墓誌,可能還有元霄他子元倪等及其後裔的簡略記載。

文華子 弟倪 }誌 元 出 是「纂弟之子」,據第二條是伯和弟文華子,則又是纂孫。自相矛盾。今按元暐墓誌說是道武帝 **篆子無子** 六世孫, 又說是江陽王繼猶子, 元暐 歷官及他鎮 以纂弟安平子仲略繼。」這兩條出於此傳無疑,但旣删節不全,又有錯誤。 出 文 很 宏孝文帝 爲 早。 在 輔國 光 子,則仲冏亦是倪子並見集釋卷三跋文,正是「纂弟之子」。據此,知第一條不誤,第二條 即仲冏 {仲 仲冏」句。「弟」上脫「纂」字。 先 州 }問 ,以弟文華子仲問原訛作固襲王封,後爲蕭寶夤所害,諡曰武貞原訛作眞。 將軍 刺史。 已官諫 (傳 這 死於太和二十三年,仲冏 墓誌圖版七四。 壓秦隴 ·在册府中保存了二條。(一)卷二八〇三三〇七頁云:「纂弟之子武貞王仲冏, 裏所稱「孝文」是錯 、光州刺史、遭母憂還。 據元暐墓誌,他在孝昌三年五二七被殺,年三十八,上推生於太和十四 議 大夫, 起義軍,爲起義軍擊敗事, 關於錯誤或可疑的, 中書侍郎,誌文在他未仕之先,已說什麼「樂善顯於冠日」,他出仕不 認 元旰墓誌集釋圖版七五說「兄光州刺史、南平王」,即仲冏。 旰是纂 .才十歲。南、北朝皇子童年出鎭是有的,但 目錄「霄曾孫」也當作「霄孫」。二是第一條說仲問 孝昌末、除秦州刺史。」(二)卷二八四三三四五頁云:「伯和 這數十字中就有兩點。一是世次。據第一條仲冏 具見本書卷九肅宗紀孝昌三年正月和 墓誌集釋 關於事跡不備的,如 子承宗襲,早卒, 他 是疏 年四九〇, 於孝文時 族, 孝文時, 「以弟 且據

道

缺 頁 中內 容除仲冏爲附傳外,當還附見元霄的其他子孫, 如見於册府這兩條的有文華、 安

平 見於墓誌的有元倪圖版七三、元旰圖版七五父子,或名在缺頁 中。

 Γ . L 圖 永安二年薨 版七六繼死在永安元年,與紀合。 卷一一 孝莊紀永安元年十月壬子稱「太師、江陽王繼薨」。 這裏「二」乃「元」之訛。 據墓誌集釋元繼墓誌

叉輕 也 其爲 按 北史卷一六簡括魏書這 人每欲斥黜之 殿本秀證云:「『叉』疑當作『又』。 段文字爲「太傅、淸河王懌以親賢輔政,每欲斥黜之」, 推案文義、蓋言懌輕叉、 非叉輕懌 也是說

懌欲斥黜叉。考證說疑是。

∫. ____ 疑 乃於禁中 當 有 此 字。 自 作 但北史 別庫掌握之實充 傳 本 亦 無 牣 此字,今不補。 其中 御覽卷七○四三一四二頁引北史此句「寶」上有「珍」字。

(0)六九崔 不分 叉庶 說 李 延 名 長 休傳 壽 、字,史傳常見;雙名單 子 稚 知 其 稱「休女妻領軍元叉長 本名 北史卷一六「稚」作「舒」,墓誌集釋元乂即又墓誌圖版七八稱「子穎,字稚舒」。 稚 舒 而 改, 稱, 也當時通 則 庶子秘書郎 叉 何 故不 例。 取全名而 稚舒。 但若魏書本 其 必取下一字以易上一字? 人本字 單 稱 稚舒,以字爲名, 雅」, 則 北史何. 忽作「舒」? 疑此 或原 有二名。 處本作 按卷 若

稚舒」,

傳本及北史各脫一

字。

魏書卷十七日

明元六王列傳第五

樂平王 安定王 樂安王 永昌王 建寧王 新興王

闕 母氏。 明元皇帝七男。 慕容夫人生樂安宣王範。 杜密皇后生世祖太武皇帝。 尹夫人生永昌莊王健。 大慕容夫人生樂平戾王丕。 建寧王崇、新興王俊二王,並闕 安定殤王彌

母氏。

致牛酒。 出,不有所掠,則無以充軍實,賞將士。 車 騎 大將軍。後督河西、高平諸軍討南秦王楊難當,軍至略陽,禁令齊肅,所過無私,百姓爭 樂平王丕,少有才幹,爲世所稱。 難當懼,還仇池。 而諸將議曰,若不誅豪帥,軍還之後,必聚而爲寇,又以 太宗以丕長,愛其器度,特優異之。 將從之。時中書侍郎高允參丕軍事,諫曰「今若誅 泰常七年封, 大衆遠 拜

四二三

元

大王列傳

第

五.

樂平

王

弘之奔高 使廣修農 之,是傷其向化之心,恐大軍一還,爲亂必速。」不以爲然,於是綏懷初附,秋毫 麗, 殖,以饒軍實,然後進圖 世祖韶遣送之,高麗 一, 可 一 不造, 舉而滅。 世祖怒,將討之。丕上疏,以爲和龍新定,宜優復 帝納之,乃止。 後坐劉潔事, 無犯。 以憂薨。 初 馮 事

子拔,襲爵。後坐事賜死,國除。

在潔傳。

諡

日戾王。

民,不爲善也。』夫如是,則上寧於王,下保於己,福祿方至,豈有禍哉? 發,王遂憂死,而道秀棄市。 咎釁之至不亦宜乎!」 平王嘗夢登其上,四望無所見。 丕之薨及日者<u>董道秀之死也,高允遂著筮論曰:「昔明元末起白臺,其高二十餘丈</u>, 道秀若推六爻以對王曰:『易稱「亢龍有悔」,窮高 王以問 日者董道秀,筮之曰:『大吉。』王默而有喜色。 今舍於本而從其末, 日尤,高 後事 而 無

安定王彌,泰常七年封。 太宗討滑臺,留守京師。 薨,諡殤王。 無子,國

乃拜| 範都督五州諸軍事、衞大將軍、開府儀同三司、長安鎭都大將,高選才能,以爲僚佐。 樂安王 範,泰常七年封。 雅性沉厚,寬和仁恕。 世 祖 以長安形勝之地,非範 莫可 任者,

範 謙 恭惠下,推心撫納,百姓稱之。 時秦土新罹寇賊,流亡者相繼, 範請崇易簡之治,

之。 於 是 逐寬 徭 與 人休息。 後 劉潔 之謀,範聞 叫 不告。 事發, 因 疾暴薨。

大 計。 長 高 子 宗 良。 時,襲王。 世 祖 未 有子,嘗 拜長安鎭都大將、雍州刺史,爲內都大官。 日 :「兄弟之子猶子也。」親撫養之。 長而 薨,諡曰 壯 勇多知,常 簡王 返

平 陳 破 數 叛 留 禿 + 髪 騎擊之,矢不虛發,所中皆 胡 桓 永 保周 白 昌 王 龍 王健,泰常七年封。 而 餘黨于 智 自殺 略 過之。 小傳首· 西河。 京 從 世 師,復降 世 祖 祖 健姿貌魁壯,善弓馬,達兵法, 應弦 襲蠕蠕 破 赫連昌,遂 沮渠無諱。 而 越越 斃,遂退。 涿 邪 西略至木根山 Щ 無疾 威震 八薨, 諡 車 一駕還, 漠北。 日 詔健殿後,蠕蠕萬騎追之, 莊王。 所在征戰, 尋從 討 和龍, 平涼州, 常有 健 健功居多。 別攻拔建德。 大功。 才藝比 健 與 後

子 仁亦驍勇, 有 父風, 世 祖奇之。 後 與濮 陽王 一問若文謀爲不軌, 發覺, 賜 死,

國除。

建 寧王 崇, 泰常 七 年封,拜 輔 或 將軍。從討北虜有功。 高宗時,封崇子麗 濟南王。 後與

京兆王杜元寶謀逆,父子並賜死。

明 元 六 Ŧ 列 傳 第 Ŧī. 安 定 築 五 王 校 勘 記

色,多越法度。 新興王俊,泰常七年封,拜鎭東大將軍。 又以母先遇罪死,而己被貶削,恒懷怨望,頗有悖心。 少善騎射,多才藝。 坐法,削爵爲公。 後事發,賜死,國除。 俊好酒

校勘記

[1] 魏書卷十七 例傳亡。」殿本考證云:「魏收書亡,後人所補。」 按此卷以北史卷一六明元六王傳補, 諸本目錄此卷注「闕」,百衲本、汲本、局本卷末有宋人校語云:「魏收書明元六王 間有溢出

字句,當出於高氏小史。

魏書卷十八日

太武五王列傳第六

į

晉王 東平王 臨淮王 廣陽王 南安王

龍頭 椒 房 並闕 生臨淮王譚。伏椒房生楚王建。GII 閻左昭儀生南安王余。GII 其小兒、猫兒、眞、虎頭、 太武皇帝十一 母氏,四皆早薨,無傳。 男。 賀皇后生景穆皇帝。 越椒房生晉王伏羅。 舒椒房生東平王翰。

弗

樂都, 也。」諸將咸難之,伏羅曰:「夫將軍,制勝萬里,擇利,專之可也。」 遂間道行。 晉王伏羅, 眞君三年封, 謂諸將曰:「若從正道,恐軍聲先振,必當遠遁。 加車騎大將軍。 後督高平、凉州諸軍討吐谷渾慕利延。 若潛軍出其非意,此鄧艾擒蜀之計 至大母橋,慕 軍至

列 傅 第 六 晉 王

太

武

五 王

子,國

除。

利 延 衆驚奔白蘭 慕利延 兄子拾寅 走 河曲,至 斬首五千餘級,降其 萬餘落。 八年薨。 無

太 傅 高 東平王 允 以 翰,眞君三年 翰 年 少 \,作諸侯**箴** 封秦王、拜侍中、中軍 以遺之,翰 覽之大悅。 大將軍,參典都曹事。 後鎭 枹罕,以信 惠 忠貞雅正,百僚憚之。 撫衆,羌戎敬服。 改

封 東 平王 世 祖崩, 諸大臣等議欲立翰,而 中常侍宗愛與翰 不協 矯 太后 令立南安王余,遂

殺翰。

子 道符 襲爵, 中軍 大將軍。顯祖踐阼,拜長安鎭都大將。 皇興元年,謀反, 司 馬 段太陽

討斬之,傳首京師。

萬 將 以 軍 供軍 。先是, 臨 淮 儲 王 劉 譚,眞君三年封燕王,拜侍 義 義隆恃淮之阻,素不設備。 隆 以 鄒 Щ 險固, 有榮胡家, 中 ٠, 參 譚造筏數十, 都 乃 曹 積 事。 糧 後 爲 潛 守 改 軍 封 禦 而 臨 之 濟, 備 淮 玉。 賊衆驚潰, 譚 率 世 衆 祖 攻之, 南討 遂 了, 授 斬其將胡 獲 米 中 軍 干 大

崇,賊首萬餘級。 薨,諡宣王。

所居官,代父邊戍,高祖 子提,襲。 爲梁州刺史,以貪縱削除, 不許。 後韶提從駕南伐,至洛陽 加罰, 徙配北鎭。 ,參定遷都之議。 久之,提子員外郎 穎**免冠**請解 尋卒。 以預 參遷

都 功,追封長鄉 縣侯。 世宗時,贈雍州 刺 史,諡 目 懿。

而薨。 提子昌,字法顯。 贈齊州刺史、諡曰康王 好文學,居父母 追封濟南 喪,哀 號孺慕,悲感行人。 世宗時,復封臨淮王,未 拜

子彧,字文若, 紹封。 彧少有才學,時譽甚美。 侍中崔光見彧, 退而謂人曰:「 黑 頭

公,當此人也。」

范陽 其美。 流靡,琅邪王誦有名人也,見之未嘗不心醉忘疲。拜前軍將軍、中書侍郎。奏郊 若濟南風流沉雅。」時人爲之語曰:「三王楚琳琅,[+] 未若濟南備圓方。」 盧道將謂吏部淸河崔休曰「三人才學雖無優劣,然安豐少於造次, 少與從兄安豐王延明、中山王熙並以宗室博古文學齊名,時人莫能定其優劣。 除給事黃門侍郎。 明風 神運吐,常自以比荀文若,可名彧, |彧本名虎,字仕明,時侍中穆紹與||彧同署, 以取定體相倫之美。」彧求復本封, 避紹 中山 彧姿制閑 **父**諱, 皂白太多 廟 啓求 歌 裕, 辭 尚書 改名。 一時稱 詔許, 吐 發 郎

太

武五

王

列

傳

第

六

東平

王

鰏

淮

王

流 廷 復 封 爲 日 之歎 臨 臨 淮 息。 淮 寄 雖 食 復 累遷侍 相 風 州 流 魏郡。 中、 可 觀, 衞 而 將 叉 長 軍 無骨鯁 、左 兼御史中尉, 光祿大 之操 (夫、兼 中 尉之任 彧以爲 尙 書 倫敍得之,不謝 恐非 左 僕 射 所 堪 攝 選 逐去威 領 儀 軍于忠忿,言之朝 單 ·而還, 朝

勉 尙 衍 以 衍 衍 撫 書 膺 乃 私 爲 爲 亦 先聞 令、 以 勸 責。 之不 慟 是 哭, 禮 彧 時 大司 樂。 遣 及 名 目 蕭 遂奔 知 馬、 衍 深相器待 昔 莊 彧 自 遣將 蕭 性 前 兼 帝 王 衍 後 錄 陵 踐 至 圍 一孝,事 奔叛 阼 尙 在 逼 衍 · , 彧 見彧 書。 漢, 溫 遣 姜 皆希旨 湯 父 以 其 於 維 母 母 樂遊 舍 進彧以本官 盡 老 相 人陳 禮 稱魏 蜀 請 園 還, 建 自 在 爲 因 孫 辭旨 經 所 設 偽 迎 違 成 爲 宴樂。 接, 離 名, 唯 懇 東 不不 切 彧 道 幷觀 何 上 行 進酒 彧 必 表 衍 臺 本 聞 彧 惜 啓 樂 肉 士。 爲 [台]會介朱榮 常常 其 聲, 人。 人才, 容 彧 云 歔 貌 魏 日 建孫 赦, 憔 臨 叉 悴, 難違 死 :還報 淮 涕 入入洛, 王 獪 淚 見者傷 其意 願 交下 , 北 衍 稱 殺害元氏。 體 彧 , 之。 遣 況 彧 悲 風 其 於 雅 感 神 累除 僕 生 閑 性 傍 也 射 不不 位 彧 徐

光武 宜 爲 加伯考之名? 伯 考。 莊 疏 帝 爲 彧表 追崇武 絕 服 諫 宣 且漢宣之繼孝昭 猶 曰 尙 王 身 漢 爲文穆 奉 祖 子 創 皇帝 業, 道 入 香 斯斯 , 繼 廟號 街街 乃上後 大 有 宗。 肅 太 祖, 上 叔 高 之廟 母 祖,豈忘宗承考 祖 李 之於 光武 妃 爲 聖 文 中 躬, 穆皇后,將遷 興 親 南 妣, 實 頓 猶 돒 立 子 以 春 0 神 大義 陵 陛 主 之 下 於 斯 寢 旣 太 奪。 纂 廟 元帝 洪緒 以以 及 金 高 之 德 분 圃

寰中,道超 晉室,昆之與季,實傾曹氏。 將興,宣王受寄,自茲而降,世秉威權。 伯考之稱。 無外。 以今類古、恐或非儔。 肅祖 雖勳格宇宙,猶曾奉 且子元,宣 又臣子一例,義彰舊典,禘祫失序,著譏前經。 |王冢胤,|文王成其大業。 景王意存毁冕,文王心規裂冠,雖祭則魏主,而 贄稱臣。 穆皇后稟德坤元,復將配享乾位,此乃 故晉武繼文 ~祖宣, 高 景 祖 德溢 權 王 有

君

臣

並筵,嫂叔同

室,歷觀墳籍,未有

其

事。」

乎 ? 列 所出,雖不追尊,不亦可乎。伯考之名,自是尊卑之稱,何必準古 寢,則魏太祖、晉景帝雖王跡已顯,皆以人臣 天眷人宅,歷數有歸,朕忝承下武,遂主神器,旣帝業有統,漢氏非倫 因 格 或 「立廟者、欲尊高祖之德、使饗遍天下、非關太廟神主、獨在外」 ,嫂叔何嫌 ,嫂叔共室,當以文穆皇帝昔遂臣道,以此爲疑。 瓜瓞之緒,光武又無世及之德,皆身受符命,不由父祖, 四表,道邁 且晉文、景共爲一代,議者云,世限七, 時 莊帝意銳,朝臣無敢言者,唯國與吏部尚書李神儁並有表聞。 百王,是用考循舊軌,恭上尊號。 禮,士祖禰一廟,豈無婦舅共室也?若專以共室爲疑,容可更議遷毀。」莊帝 主無定 . 而 王表云漢太上於香街,南頓於春陵。 終, 數。 **豈得與餘帝別廟**, 禮:『天子元子獪士。』禘 昭穆旣同, 別廟異寢, 一祠薦。 而言 明 於理 詔報曰:「文穆皇帝勳 非類也。 有共室 漢宣之父, 若以昔況 有闕 一何差? 餘序。亞 之 給 豈 不 理。 復云 今,不 文穆: 亦 漢高 {禮 君 非 得 漢郡 當移 皇帝 同室 旣 勳 臣 德 不 有

太武

五

王

列

傳第

六

臨淮王

旣 逼諸妹之請,此辭意黃門侍郎常景、中書侍郎邢子才所替成也。

何觀? 皇號,終無帝名。 官悉陪從,一依乘輿之式。彧上表,以爲爰自中古,迄於下葉,崇尚君親,褒明功懿,乃有 叉 追尊兄彭城王爲孝宣皇帝,彧又面諫曰:「陛下中興,意欲憲章前古,作而不法,後世 歷尋書籍,未有其事。 今若去帝,直留皇名,求之古義,少有依準。 願割友于之情,使名器無爽。」帝不從。 又不納。 及神主入廟,復敕百

東 掖門,爲賊所獲。 或美風 **介朱榮死,除彧司徒公。** 韻, 善進止,衣冠之下,雅有容則。 見兆,辭色不屈,爲羣胡所歐薨。 **介朱世隆率部北叛**,詔彧防河陰。 博覽羣書,不爲章句。 出帝贈太師、太尉公、雍州 及介朱兆率衆奄至,彧出 所著文藻雖多亡失, 河刺史。

能。 所侵犯,百姓亦以此便之。 帝笑曰:「朕恒 弟 孝友,少有時譽,襲爵淮陽王,累遷滄州刺史。爲政溫和,好行小惠,不能清白,而無 |聞王自道清。」文襄曰:「臨淮王雅旨舍罪。」於是君臣俱笑而 孝靜帝宴齊文襄王於華林園,孝友因醉自譽,又云陛下許賜臣 不罪。

孝友明於政理,嘗奏表曰:

1

獪

有

傳於世者。

然居官不能清白,所進舉止於親婭,爲識者所譏。

無子。

令制:

百家爲黨族,二十家爲閭,五家爲比隣。 百家之內,有帥二十五,[10]徵發皆

計族省十二丁,得十二匹貲絹。略計見管之戶,應二萬餘族,一歲出貲絹二十四萬匹。 免,苦樂不均。羊少狼多,復有蠶食。此之爲弊久矣。京邑諸坊,或七八百家,唯一里 正、二史,庶事無闕,而況外州乎。請依舊置,三正之名不改,而百家爲四閭,閭二比。

十五丁出一番兵,計得一萬六千兵。此富國安人之道也。

子而不娶妾,斯則自絕,無以血食祖父,請科不孝之罪,離遣其妻。 妾,天下殆皆一妻。設令人强志廣娶,則家道離索,身事迍邅,內外親知,共相嗤怪。 第一、第二品有四妾,第三、第四有三妾,第五、第六有二妾,第七、第八有一妾。 所以 王公第一品娶八,通妻以備九女,稱事二品備七,三品、四品備五;五品、六品則一妻 忌之心生,則妻妾之禮廢,妻妾之禮廢,則姦淫之兆興。斯臣之所以毒恨者也。 以能妬爲女工。自云不受人欺,自己畏他笑我。王公猶自一心,已下何敢二意。夫妬 凡今之人,通無準節。父母嫁女,則敎之以妒;姑姊逢迎,必相勸以忌。持制夫爲婦德, 相多尚公主,王侯亦娶后族,故無妾媵,習以爲常。婦人多幸,生逢今世,舉朝略是無 陰教聿修,繼嗣有廣。廣繼嗣,孝也;修陰教,禮也。 而聖朝忽棄此數,由來漸久。 將 二妾。限以一周,悉令充數,若不充數及待妾非禮,使妻妒加捶撻,免所居官。其妻無 古諸侯娶九女,士有一妻二一妾。晉令一諸王置妾八人,郡公、侯妾六人。官品令一

儲 妾之數,正欲使王侯、將相、功臣子弟,苗胤滿朝,傳祚無窮,此臣之志也。 以豐穀食,設賞格以擒姦盜,行典令以示朝章,庶使足食足兵,人信之矣。 臣 之赤心,義唯家國,欲使吉凶無不合禮,貴賤各有其宜, 省人帥 以出 兵丁,立倉 又冒申妻

詔 付有司 `議奏不同。

設,甚於祭槃。 其或不然。 相榮,稱爲至孝。 孝友在尹積年,自己以法自守,甚著聲稱。然性無骨鯁,善事權勢,爲正直者所譏。 孝友又言:「今人生爲阜隸,葬擬王侯,存沒異途,無復節制,崇壯丘壠,盛飾祭儀,隣里 請自茲以後,若婚葬過禮者,自己以違旨論,官司不加糾劾,即與同罪。」 累魚成山,山有林木,林木之上,鸞鳳斯存。徒有煩勞,終成委棄,仰惟天意, 又夫婦之始,王化所先,共食合瓢,足以成禮。 而今之富者彌奢,同牢之 |齊

受禪 ,爵例降。

當 古今名妃賢后,凡爲四卷,奏之。 準的 昌弟学,字秀和。 人物,恨 吾徒衰暮,不及見耳。」累遷兼尚書右丞。靈太后臨朝,宦者干政,字乃總括 少有令譽,侍中游肇、幷州刺史高聰、司徒崔光等見字,咸曰:「此子 遷左 丞

蠕蠕王阿那瓌旣得返國,其人大飢,相率入塞,阿那瓌上表請臺賑給。 詔学爲北道行

臺, 詣彼賑恤。|字陳便宜, 表曰.

以特牛產羊餬其口命。 米精二萬五千斛、牛羊三萬六千頭以給之。 皮服之人,未嘗粒食。 且畜牧繁息,是其所便,毛血之利,惠兼衣食。 宜從俗因利,拯其所無。 斯即前代和戎、撫新、柔遠之長策也。 昔漢建武中,單于款塞,時轉河東 乞

出 賑 面 狂 獸 雜畜、愛本重鄉、必還舊土。 勃,翻歸舊巢,必殘掠邑里,遺毒 心,去留難測,旣易水草,痾恙將多,憂愁致困,死亡必甚。 叉尚 下書奏云,如其仍住七州,隨寬置之。 如其不然,禁留益損。 百姓。 亂而 臣謂人情戀本,寧肯徙內。 方塞,未若杜其未萌。 假令逼徙,事非久計。 兼其餘類尚在沙磧,脫 若依臣請,給 何者?

又貿遷起於上古,交易行於中世,漢與胡通,亦立關市。 今北人阻飢, 命懸溝壑,

公給之外,必求市易,彼若願求,宜見聽許。

叉云:

疲力。 討。 鳩 其散亡, 周 營大者不計小名,圖遠者弗拘近利。 前世苦之,計未能致。 之北伐,僅 禮送令返。 獲 中 規,漢氏 宜 因此時,善思遠策。 今天祚大魏,亂亡在彼。 外攘,裁收下策。 雖戎狄衰盛,歷代不同,叛服之情,略可論 昔在代京,恒爲 朝廷垂天覆之恩,廓大造之德。 重 一備,將 帥 勞 止 一,甲士

太武五王列傳第六 臨淮王

忠、 鎭 蠕 隨單于所在,參察動靜。 慰撫;嚴戒邊兵,以見保衞。 諸將舊常云一人代外邏,口四因令防察。 國弊,亦同 韓昌領邊郡 竊 以 理 雖 疇 ·萬變,可以一觀;來事雖懸,易以往上。 Ħ 士馬,送出朔方, 宜準昔成謨、略依舊事。 斯皆守吉之元龜,安邊之勝策。 馭以寬仁, 縻以久策。 因留衞助。 所謂天子有道,守在四夷者也。 借其 又光武時, 所開地, 使親不 昔漢宣之世, 亦令中郎將段彬置安集掾史, 計今朝廷成功,不減曩時,蠕 至矯詐, 疏不容叛反。 聽使田牧,粗置官屬,示相 呼韓款塞, 漢遺董 今北

ヌ

肯 盜。 遼遠,非轉輸可到,悔叛之情,變起難測。 從。 先 防 彼 旣 人有奪人之心,待降如受强敵。 其如 肅 此,少兵不堪,渾流 此,爲費必大。 之際,易相 武非專外, 亦以防內。 干犯。 叉居 (人畜業, 布在原野, 驅之還本,未必樂去,配 若從處分割配, 戎 夷性貪, 州內徙,復不 見 諸州鎭 則 思

朝廷不許。

載 過 |至舊京,後遣||字景,因上表謝罪。 以 輼 字 持 車 白 日 一虎幡勞阿那瓖於柔玄、懷荒二鎭間。 給 酪 一升,肉 一段。 毎集 有司以字事下廷尉,丞高謙之云字辱命,處字流罪。 其 衆,坐孚 東廂, 阿那瓖衆號三十萬,陰有異意,遂拘留字, 稱為 行臺, 甚 加 禮 敬。 阿 那 瓌 逐南

八王。 建、馬潘、崔獨憐、張叔緒、崔醜 後拜冀州刺史、字勸課農桑、境內稱為慈父、隣州號曰神君。 字至,皆請 入城,願致死効力。 、張天宜、崔思哲等八家,皆屯保林野, 後爲葛榮所陷,爲榮所執。 兄祐為: 先是,州人張孟都、張洪 不臣王命, 防城都督,兄 州 郡 子子 號

死 禮 爲錄 事參軍 ,榮欲先害子禮,字請先死以贖子禮,叩 爭相爲死。 又孟都、 潘紹等數百人皆叩頭就法,三言請活使君 頭流血,樂乃捨之。 又大集將 士議其

|榮曰:「此||魏之誠臣義士也。」凡同禁五 百人,皆得免。 榮平,自己還,除冀州 刺 史。

元顥 入洛,授|字東道行臺、彭城郡王,字封顥逆書送朝廷,天子嘉之。 |類 平, 封学萬年

郷男。

崇修 首,初不叩擊,今便删廢,以從正 就。 於東北,太蔟編於西北,蕤賓列於西南,並皆器象差位,調律不和。 交馳,所有樂器,亡失垂盡。臣至太樂署,問太樂令張乾龜等,云承前以來,置宮懸 !造金石,數十年間,乃奏成功。 復召公卿量校合否,論者沸騰,莫有適從。登被旨敕,並見施用。 永安末,樂器殘缺,莊帝命字監儀注,字上表曰:「昔太和中, 東北架編黃鍾之磬十四,雖器名黃鍾,而聲實夷則,考之音制,不甚諧韻。 則。 時大集儒生,考其得失。 臣今據周禮鳧氏修廣之規,磬氏倨句之法,吹律求聲, 太常卿劉芳請別營造,久而方 中書監高閭、太樂令公孫 又有儀 往歲大軍入洛,戎馬 鍾十四, 四箱 虚 姑洗 一懸架 懸

太

武

五王

列

傳第六

臨淮

王

叩 擊奏,則會還相爲宮之義,又得律呂相生之體。 ·鍾求音,損除繁雜,討論實錄,依十二月爲十二宮,各準辰次,當位懸設,月聲旣備, 太傅、錄尚書長孫承業妙解聲律, 今量鍾磬之數, 各以十二架爲定。」奏可。 特復稱 隨用

後從出帝入關。

善。

廣陽王建,江北眞君三年封楚王,後改封廣陽王。 薨,諡曰簡王。

子石侯,襲。薨,諡曰哀王。

子遺興,襲。薨,諡曰定王。無子。

州牧,嘉表請於京四面,築坊三百二十,各周一千二百步,乞發三正復丁,以充茲役,雖有暫 廣陽王,以紹建後。 定非世孫,何太不上類也!」及將大漸,遺詔以嘉爲尚書左僕射,與咸陽王禧等輔政。 石侯弟嘉,少沉敏,喜慍不形於色,兼有武略。 高祖初,拜徐州刺史,甚有威惠。 高祖南伐,韶嘉斷均口。 |嘉違失指授,令賊得免。帝怒,責之曰:「叔祖 遷同 後封

勞,姦盗永止。韶從之。拜衞大將軍、尚書令,除儀同三司。

城、北海、高陽諸王每人宴集,極歡彌夜,數加賞賜。帝亦時幸其第。性好儀飾,車服鮮華, 既居儀同,又任端首,出人容衞,道路榮之。後遷司空,轉司徒。 嘉好飲酒,或沉醉,在世宗前言笑自得,無所顧忌。帝以其屬尊年老,常優容之。

坐之次,轉加談引,時人以此稱之。薨,遺命薄葬。世宗悼惜之,贈侍中、太保,諡曰懿烈。 嘉好立功名,有益公私,多所敷奏,帝雅委付之。爱敬人物,後來才俊未爲時知者,侍 嘉後妃,宜都王穆壽孫女,司空從妹也,聰明婦人。 及爲嘉妃,多所匡贊,光益家道。

未拜,坐淫城陽王徽妃于氏,爲徽表訟,詔付丞相、高陽王雍等宗室議決其罪,以王還第。 恒州刺史,在州多所受納,政以賄成,私家有馬千匹者必取百匹,以此爲恒。累遷殿中尚書, 及沃野鎮人破六韓拔陵反叛,臨淮王彧討之,失利,韶深爲北道大都督,日己受尚書令 子深,口口字智遠,襲爵。肅宗初,拜肆州刺史。預行恩信,胡人便之,劫盜止息。後爲

李崇節度。 邊豎構逆,以成紛梗,其所由來,非一朝也。 時東道都督崔暹敗於白道,「回」深上書曰 昔皇始以移防爲重,盛簡親賢,擁麾

作鎮,配以高門子弟,以死防遏,不但不廢仕宦,至乃偏得復除。 當時人物,忻慕爲之。

太

卷 + 八 四三〇

乃峻 分留 罪當 及 太 世 居京者得 邊兵之格 和 在 ,莫肯與之爲伍。 歷,僕射李沖當官任事,涼州土人,悉冤厮役,豐沛舊門,仍防邊戍。 , 鎭人浮遊在外, 皆聽流兵捉之。 上品通官,在鎭 征鎭 驅 者便爲清途所隔。 使,但爲虞候白直,一 於是少年不得從師,長者不得遊宦 或投彼有北,以御 生推遷,不過軍主。 魑魅,多復逃胡鄉 然其往世 自非 一,獨 得 . 房

姦 吏,犯 自定鼎伊洛,邊任益輕,唯底滯凡才,出為鎮將,轉相模習,專事聚斂。 是罪配邊,爲之指蹤,過弄官府,政以賄立,莫能 自 改。 咸言姦吏爲此,無不 或有諸方 切齒

憎怒。

爲匪

人,言者流涕

賊黨 次雲中 許。 師,便自意輕 日 而 及阿那瓌背恩,縱掠竊奔,命師追之, 盛。 ,馬首是膽,未便西邁,將士之情,莫不解體。 高闕戍主率下失和,拔陵殺之,敢爲逆命,至以攻城掠地,所見必誅。 此段之舉,指望 中國。 尚書令臣崇 銷 平。 時 卽 其崔暹隻輪不反,臣崇與臣逡巡復路。 申聞,求改鎭 十五萬衆度沙漠,不日 爲 州,將允其願,抑亦先覺。 今日所慮,非止西北,將恐諸鎭尋 而還。 **今者** 邊人見 王師 相 朝 屢北, 儿此援 與還 延未

時 不納其策。 東西部敕勒之叛,朝議更思深言,造兼黃門侍郎酈道元爲大使,欲復鎭爲州,

亦

如

此,天下

·之事

了,何易

可

量。

以 之,不必 順 人望。 制 會六鎭盡叛,不得施行。 敵 請 簡 選兵,或留守恒州 深後上言一一个六鎭俱叛,二部高車,亦同惡黨,以疲兵 要處,更爲後圖

深 軍 州 吏 復 赈 求 、定州 賚, 爲 部 乃 迎 遂 後, 令 乞活矣, 尙 及 欲 息 書 李崇徵還, 叔 深赴 刺 推 其 隆 深 史。 亂 兼 防 爲 禍 之, 中 'n, 境。 領 主。 時 亂 前後降附二十萬人。 當 深 中 軍 不從,詔遣黃門郎楊昱分散之於冀、定、瀛三州就 審 `о 深 由 Щ 專總戎 馳 及 乃上 此 太守趙 驛還京,云深擅 作。」 深 書 政。 至都,肅宗 旣 叔 乞還京師, 隆 拔陵避蠕蠕,南移 而 一別駕 鮮于脩禮叛於定州, 深與行 不欲 相 崔 令左 放縱。 使徽 融 討 衞 臺元纂表求 賊 將軍楊津 深相 城陽 沙渡河。 失 利,臺 王 憾,敕因宴 杜洛周 徽 恒 代深 先是,別將李叔仁以拔陵 與深 使劉 州 反於 爲 北 審考覈,未訖, 有 〈會令 別 都督,以深爲 隙, 立 幽州,其餘降戶,猶在 食。[三深謂纂曰:「此 相和 那縣,安置降戶,隨 因 此 解。徽 構 之, 會 侍 ·賊逼 中、右 銜 乃 來逼 不 微深為 中 衞 山, 恒

狀 武 爲 王 右 等 都 後 潛 督 河 間 相 並 防 王 受深 備 琛等爲 節 融 度。 鮮 遂 于脩 以 徽 敕示深, 因 禮 奏靈太后 所 敗, 深 乃除 懼 構 , 事 深 深儀同 無 日 大 小, 廣 三司、 陽 不敢 以 愛 大都 自 子 決。 握 督, 兵 章 靈太后聞 在 武 外, 王融 不 可 爲 測 左 功 也。 都 使 督, 問 乃 裴衍 深意 敕章

往 者 元 叉 執 權 移 天 徙 日 了, 而 微託附,無翼而飛。 今大明 反政, 任寄 唯 重, 以徽編

乃

具

日

心 翻 銜 成 臣 陵谷。 切骨。 徽 臣 遂 一以疏滯,遠離京輦,被其構阻 歲 八遷,位居宰相 ;臣乃積 • 無所不爲。 年淹滯,有 功不 然臣昔不在其後, 錄 自 此以

秦 道 叉 守之勳 之後,依 請 驃 楚? 征 騎 者 自 不蒙遂。 徽 但 李崇,北 不 階乞官 比 以 得 執 之未 嫉 政 同 於關 以來,非但抑 臣 微徽 征 重, 前留元標據于盛 之故,便欲望風 之日 ガ 立 西。 乃盤退,不 定襄 啓募 得州,即 臣 八州之人,聽 陵廟之至 允 而 排 授 所 樂,後被 已,北征 (開國 請。 抑 重,平 而 重圍 .之勳,皆被擁塞。將士告捷,終無片賞, 用關 徐 天下之事,其流一也, 城守國之要鎮,若計此而論,功亦 州 一、析骸 下邳 西之格。 易子, 戍主賈勳,法僧叛後,暫被 及臣在後,依此科賞, 倒懸一 功同 隅,嬰城二載。 『賞異, 不 ·平謂 圍逼,固 復言 雖爲 何負於 賊 何。 北 表

送降人,旣到定州,翻然背叛。 行 仇 翩 訴 蠹 讎; 謀 徽 然 害軍 徐 相 初言 其當 紇 誹 府 頗言 謗。 有 途 理, 獲罪 以 臣 言 來, 短,即 叉聞 臣 有 一惡者,接以 何直 司 北 待 避命 退勳 征 之 隸臣 如 而 山澤。直 賊如決河, 親 恩顏;稱臣善者, 「爲統, 已, 戚。 但是隨 以 又驃 應時 膀臣 豈其能擁。 騎長 變色。 臣 之故,徽 征者,卽便爲所嫉。 史祖瑩, 卽 被嫌 復令 乃還雪其罪。 且 責。 臣 以臣府參僚, 兄子 甄 軍 仲顯異端 琛 中, 曾 統軍袁叔和 妄 理 臣 增首級, 臣 不免身首異處 府 屈, 訟 司 臣, 馬 乃 劉 矯 緝 視 曾經省 敬,比 之若 緝 亂 翩 戎

徽 旣 怒遷,捨其元 惡。 闕及胥徒。 從臣 行 者莫不 悚懼

人 蔑 傳 滅 流 遽 言 音 賜 私 爾 人 攝 此 É 響,言 舉斧, 遷代。 選 幸 無 事 竊 頃 聞 o 甚 聞 以 恒 在 車馬塡門,及臣居邊,賓遊 天 及 州 左 後 元 今 向 步 賊 之人,乞臣 軍 復 戎 未 定 求 起之由,誰使然 臣 生 垂 州 出 夷, 一融、右 異議 翅, 之 ()遠彼 或 為州, 難 復從後 爲刺史,徽 軍臣 言臣 公姦惡, 獪 使得 梗,方伯 衍 命, 將 也? 省 叉復 兒自 申其利 乃斐然言 自安無所, 罕至。 徽 受密敕,伺察 之任,於 論 1隨,證 旣 臣 優幸,任隆 用 將有異志 臣 爲 不 近比為 斯 徽 可 僶 可 爲 若 疑 臣事 測。 俛 急。 外從 之兆,忽 先驅,不 0 慮其爲梗,是以 世,慕勢之徒,於 徽 及 翻 徽 所 降戶結謀,臣頻表啓,徽 覆 昔 旣 長, 如 臨 稱 敢 用 此, 臣無內慮 藩 辭 此 心 以 事。 如 功 欲 構 此 有 孜 相 う臣 亂 及 人 孜乞赴京 臣 陷 之切。 臣 譽, 將 沒。 何 悠 出 何 有 及 悠之人,復 都 以自 致 脫 行 居端右, 是故 乃因 令 闕 蒙。 安! 塵未 或 屬 餘 執 朝 闕

乃 有 樂 深 謀 降 以 兵 意 後 士 稍 頻 叉 信 使 經 朔 錄 退散,人無關 州 事 人 參 毛普 軍 完 賢 晏說 情, 樂常 賊程 連營 銜 轉棚 之。 殺 鬼 普賢 日行 果 相 昔 十里。 精貮, 為深 統 葛榮 行達 軍 ·, 及 交津 遂 殺 在 隔隔 普 交津 賢 水 , 脩 而 深 陳。 禮 使 而 人 自 賊 諭 立。 脩 之, 禮常 榮 普

賢

與

以

新

得

大

衆

上下

未

安,

遂

北

度瀛

州

深便

|率衆

北轉。

|榮

東攻章武

王

融

戦

敗

於白

一十羅

太

武

五.

王

列

等六七人,臂肩爲約,危難之際,期相 深遂退走,趨定州。 討深,深走出,諡 頗 有喜者。 | 榮新自立,內惡之,乃害深。 叫噪追躡。 聞刺史楊津疑其有異志,乃止於州南佛寺。停三日夜, 深與左右行至博陵郡界,逢賊遊騎,乃引詣葛榮。 拯恤。 莊帝追復王爵,贈司徒公,諡曰忠武。 諡 疑深意異, 乃密告津云,深謀不軌。 乃召都督毛諡 賊徒見深, 津遺諡

道,後 不立。 黄鉞、大司馬、尚書令、諡曰文獻。 子湛,字士深,至少有風尚。 乃私耽,出爲冀州 入爲侍中,後行司州牧。 久乃停息,論者 兩 竊 非之。 而 攜去。 時齊獻武王作相,以湛頗有器望,啓超拜太尉公。 莊帝初,襲封。 初,湛名位漸重,留連聲色,始以婢紫光遺尙書 遊道 大致紛紛,乃云紫光湛父所寵, 孝靜初,累遷冀州刺史,所在聚斂, 湛 母遺己, [郎中 薨,贈假 風政 將致 宋 遊

湛 湛 子法 弟瑾,尚書祠 輪, 紫光所生也。 部 郎。 後謀殺齊文襄,事泄,合門伏 齊王矜湛覆滅,乃啓原之,復其爵土。 法。

而 立之,然後發喪。 南 安王 一余,眞君三年封吳王,後改封南安王。 大赦,改年爲永平。 除自以非次而立,厚賞羣下,取悅於衆。 世祖暴崩, 中常侍宗 愛 矯 皇太后令 爲 長夜之 迎余

而余晏 飲,聲樂不絕,旬月之間,帑藏空罄。 如也。 宗愛權恣 日 甚,內外憚之。 尤好弋獵,出入無度,邊方告難,除不恤之,百姓憤惋, 除疑愛將謀變,奪其權,愛怒,因除祭廟,夜殺除。

校勘記

於高

氏小史。

高宗葬以王

一禮,諡

日

隱。

- 魏書卷十八 (武 (五王列傳亡。」殿本秀證云:「魏收書闕, 諸 本 ·目錄 此卷注「闕」。 百衲本、南本、汲本、局本卷後有宋 後 人所補。」 按此傳以北史補, 人校語云:「魏收 間 有溢 出 E字句, 書太 當出
- 伏椒房生楚王 正平元年二月改封 建 廣陽王,並見卷四世祖紀下。 北史卷一六太武五王傳「楚」 作 傳文都 「廣陽」。 稱「廣陽」, 按建於太平眞君三年十月封楚王 序不 應稱始封。 北史是。
- 主吳提 閭左昭儀生南安王余 "遣使人納吳提妹爲夫人"又進爲左昭儀。"」 妹爲魏左昭儀,歷見記載,「閭」是茹茹姓木骨閭的改姓。 諸本及北史卷一六「左」作「石」。 卷一四望都公頹傳稱:「使迎 按卷一〇三蠕蠕傳補,延和三年二月 「石」乃「左」之訛。 左昭 儀於 、蠕蠕。」 「閭左昭儀」 茹茹
- ZS 太 其 武 小 見猫兒眞虎頭 五 王 列 傳 第 六 龍 頭 並 南 闕 安 母氏 王 校 諸本無「眞」字、北史卷一六有。 勘 記 按卷四下世祖紀下太平眞 四三五

連讀。

今改正

|君 十一年二月記「皇子眞薨」。 此傳脫去「眞」字,十一男就少了一人,今據北史補。

Ä 五 慕利延兄子拾寅走河曲 諸本及北史卷一六「子」上無「兄」字、「河」作「阿」。、御覽卷三一六一四

一子,作「兄子」是,「阿」是「河」之訛,今皆補正。 五. 五頁 如 上摘句。 按卷一〇一吐谷渾傳補作「慕利延兄子拾寅走河西」。拾寅是慕利延兄樹洛

有榮 胡家 按晉書卷一一〇慕容雋載記永和八年記 「河曲」「河西」都通,諸本作「曲」,今仍之。 「晉寧朔將軍榮胡以彭城、魯郡叛降於

儁」。 鄒山屬魯郡,當即此榮胡,「家」疑是「冢」之訛。

三王楚琳琅 《御覽卷四九五二二六五頁「楚」下有「楚盡」二字。按「楚琳琅」不甚可解,當脫此二

蕭衍遣將圍逼溫湯進彧以本官爲東道行臺 卷三二陳慶之傳,事在大通元年,即魏孝昌三年五二七。不聞有攻「溫湯」之事,且這一帶也不見 有此地名。 但據卷九肅宗紀, 孝昌二年八月已見東道行臺臨淮王彧, 按「溫湯」疑是「渦陽」之訛。 則進遷此官非因梁圍逼 梁攻圍渦陽見梁書

八 九 凵 有闕餘序 諸本「序」下旁注「疑」字、通志卷八四上「餘」作「倫」、疑是。

渦陽之故。

令制百家爲黨族二十家爲閭五家爲比隣百家之內有帥二十五 有闆長五人;五家為比隣,應有隣長二十人,合計已達《有帥二十五」之數,再加黨族之長,就有 按百家之內,二十家爲閭,應

- 二十六人,數目不符。疑當作「二十五家爲閭」,則閭長四人,正合二十五之數。
- 自云不受人欺 諸本及北史卷一六脱「不」字,今據册府卷二八八三三九七頁、 北齊書卷二八元

孝友傳補 補。

- 若婚葬過禮者 諸本脱「禮」字,今據册府卷二八八三三九七頁及北史卷一六補,
- 孝友在尹積年 北、汲、殿、局四本「尹」作「郡」、百衲本的底本和南本作「尹」、百衲本已從他本 孝友當是魏尹、北史删略,致此「尹」字

没有着落。 改。按北史卷一六、北齊書卷二八元孝友傳也作「尹」。 後人遂臆改爲「郡」, 其實上面也不云孝友曾爲某郡太守,仍然没有着落。百衲本

的底本和南本不誤,今從之。

- 今北鎮諸將舊常云一人代外邏 邏」。「雲代」指雲中、代京。傳本誤倒,「雲」寫作「云」,遂不可通。 按此句不甚可解。「云」即「雲」,疑本作「舊常一人雲、代外
- 二吾 又孟都潘紹等數百人皆叩頭就法 害元孚, 永基請以身代元浮死。則潘紹卽潘永基。通鑑卷一五一作「都督潘紹」可證。 按本書卷七二潘水基傳,永基字紹葉,爲長樂太守, 此乃雙 葛築欲
- 二合 樂平 諸本及北史卷一六「平」作「卒」,獨殿本作「平」。按葛榮被擒就義, 封建史籍不可能稱
- 之爲「卒」,今從殿本。

名單稱

廣陽王建 太 武 五 王 諸本「建」下有「間」字。 列 傳 第 六 校 勘 記 按這是後人誤讀傳序, 把「閭左昭儀」的「閭」字和上「建」字

連 讀 以 爲 廣陽王名「建閭」, 這裏又妄增「閭」字。 今據册府卷二八四三三四六頁、 北史卷一六

删。

子深 按魏書紀傳都作「廣陽王淵」。 此傳以北史補、北史避唐諱、改「淵」作「深」。

韶深爲 北 道大 都督 按卷九肅宗紀正光五年五月三韶尚 書令李崇爲大都督, 率廣陽王淵等北

討。」當時李崇是大都督,元淵受他節度,不得有「大都督」之號,下文崔暹只稱 東道都督, 可證。

這裏「大」字衍。

C=0] 時東道都督崔 暹敗於白道 北史卷一六、册府卷四〇四四八〇八頁此下有「深率諸軍退還朔州

一句,此傳脫。

敢爲逆命 諸 [本及北史卷一六無「敢」字,據册府卷四○四四八○八頁補。

詔 遣黃門郎楊昱分散之於冀定瀛 三州 就 食 諸 本 及北史卷 六 「昱」作 置。 按事見卷五八

楊昱傳、「置」字訛、今改正。

戦 敗 年 於 九 白 月辛亥條 牛 邏 諸 和 卷 本 及 九下 北史卷一六「邏」都作「還」。 - 融本傳。 還」字訛,今改正 按元融敗於白牛邏, 歷見卷九肅宗紀

子湛字 士 深 諸本 及 }北 ___ 六「深」都作「淵」, 墓誌集釋元湛 墓誌圖版九六作「字士深

按父

名「淵」,子不可能以「淵」爲字。 又北史例避唐諱,何故於其父則改「淵」爲「深」, 於子 則 直 書不

į

實是適得其反。今據墓誌回改。

魏書卷十九上日

景穆十二王列傳第七上

陽平王 京兆王 濟陰王 汝陰王 樂浪王 廣平王

椒 椒 子推、濟陰王小新成。 有位號,高宗卽位,恭宗宮人有子者,並號爲椒房。 房生樂陵康王胡兒。 房生任城康王雲。 景穆皇帝十四男。 劉椒房生南安惠王楨、城陽康王長壽。慕容椒房生章武敬王太洛。尉 陽椒房生汝陰靈王天賜。 孟椒房生安定靖王休。 恭皇后生文成皇帝。 袁椒房生陽平幽王新成。 趙王深早薨,無傳,母闕。魏舊太子後庭未 樂良厲王萬壽、廣平殤王洛侯,母並闕。孟 尉椒房生京兆康王

陽平王新成,太安三年封,拜征西大將軍。 後爲內都大官。 薨,諡曰幽。

十二王列傳第七上 陽平王

景

穆

誅,帝甚嘉之。 叔父賜死,爵除 言,果不虛也。」後除朔州刺史。及恒州刺史穆泰謀反,遣使推頤爲 也。」未發, 勗 中道出 以 戦伐 長 黑山,東道趨士盧河,西道向侯延河。 子 之事 遭母 `憂,詔遣侍臣以金革敦喩。 世宗景明元年,薨於青州刺史,三諡曰莊王。 對 目 「當仰 高 祖 賜 仗廟算,使呼韓同渭橋之禮。」帝嘆曰:「壯 名頤。 累遷 懷朔鎭 旣 殯而 軍過大磧,大破 大將,都督三道諸軍 發,與陸叡集三道諸將議軍途所 蠕蠕 傳國至孫宗胤,肅宗時,坐殺 主。頤密以狀聞,泰等伏 頣 事 入朝,詔 ٠, 哉 北 王言 目:「王 ! 詔 詣 徴赴京, 股 所 之前 於是 望

諡 醫」,賚絹三千匹。 明文、季末陵遲、斯典或廢。侯旣親王之子、宜從餘尊之義、便可大功。」後卒於雍州 也,所請不合。」轉徐州刺史,至州病重,帝敕徐成伯乘傳療。 三千匹乎。」其爲帝 日康侯。 頤 弟衍,字安樂,賜爵廣陵侯。 衍 性清愼,所在廉潔,又不營產業,歷牧四州,皆有稱績,亡日無斂屍具。 成伯辭,請受一千。帝曰:「詩云『人之云亡,邦國殄瘁。』以是而言,豈 所重 一如此。 後所生母雷氏卒,表請解州。 位梁州刺史,表請假王,以崇威重。 疾差,成伯還,帝曰「卿 韶曰:「先君餘尊之所厭,禮之 詔曰 可謂 無厭 子暢。 刺史, 定 惟 名 求

兆 入洛,融逃人間。 暢 弟融, 字 叔 融。 貌甚短陋,驍武過人。莊帝謀殺介朱榮,以融爲直閤將軍。

僧壽爲子求師,師至,未幾逃去。 飲淫從兄麗妻崔氏、爲御史中尉封回劾奏、遇赦免。 死,始經五朝,便爾逃遁,去食就 人語曰:「皇宗略略,壽安、思若。」及晚年貴重,不能有所匡益,識者輕之。」欽曾託青州 衍 弟欽,字思若。 位中書監、尚書右僕射 信,實有所闕。」」飲乃大慚,於是待客稍厚。 欽以讓僧壽。 、儀同三司。欽色尤黑,故時人號爲黑 僧壽性滑稽,反謂欽曰:「凡人絕粒,七日乃 尋除司州牧。 欽少好學,早有令譽,時 後除司空公,封 面 僕射。

子子孝,字季業。 早有令譽,年八歲,司徒崔光見而異之曰:「後生領袖,必此人也。」 鉅平縣公。

於河陰遇害、贈假黃鉞、太師、太尉公。

接,秦確之人,服其威惠。入爲中都大官,察獄有稱。顯祖將禪位於子推,以大臣固諫,乃傳 |祖。|高祖卽位,拜侍中、本將軍、開府儀同三司、青州刺史,未至,道薨。 京兆王子推,太安五年封。位侍中、征南大將軍、長安鎭都大將。子推性沉雅,善於綏

道,所有資財,一時布施,乞求病愈,名曰「散生齋」。及齋後,僧皆四散,有一沙門方云乞齋 改封西河。 子太興,襲。拜長安鎭都大將,以黷貨,削除官爵。後除祕書監,還復前爵,拜統萬鎭 後改鎭爲夏州,仍以太興爲刺史。 除守衞尉卿。 初,太興遇患,請諸 沙門行

討 俗 食 餘 虚 食。 在 人 軍,詔 若 猶言. 太 此 興 不 皇 病得差,卽 飽 戲 太子 之日 及 於 辭 :「齋食旣盡,唯有酒肉。」沙門曰:「亦能食之。」因出酒一 四 捨 出 月八日為之下髮,施帛二千匹。 後 王爵入道。 酒 肉 俱 在,出門追之,無所 未幾 便 愈,逐請爲 沙門, 見。 旣為: 太興遂佛前 沙門,更名僧懿,居嵩 表 + 餘 上, 乞願,向者之師 乃見 斗, 許。 時高 Щ 脚 當 祖 非 和 南

子昴,字伯暉,襲。薨。

年終。

清儉,不營產業,身死之日 鉞、 太傅、司徒公、諡 子悰, 字魏慶, 襲。 日文。 孝 , 家 3 靜 時,累遷 悰 無 寬 餘 財 和 有 太尉、錄尚書 度 量 ,美容貌, 事、司 風 望嚴 州牧、青州 然 , 得喪之間 刺史。 薨於 不 ·見於 列 色。 贈假黃

捕 王 中 ,悉獲之,咸卽 尉 欲至洛陽 ∟، 昴 太昌 弟 仲景, 初 仲景 為河 性 行決, 逐 嚴 棄 南 峭。 妻子 尹 於是豪 〉,奉法 莊 帝 而 貴寒 時, 遁 無 私。 兼 心 御 時 史 出 中尉,京 吏 帝將 部 尙 西行 書 師肅 樊子 ,授仲景 然。 鵠 部 毎向 中 下 軍 縱橫 臺,恒駕赤牛,時人號「赤牛 大都 叉為 督, 盜 留 竊 京 仲景 師 齊獻 密 加 武 收

屈。 仲景弟暹,字 莊帝還宮,封汝陽王,遷秦州 叔 照。 莊 帝 初 除 刺 史。 南兗 州 先時,秦州城 刺 史, 在 州猛 人屢爲反覆,暹盡誅之,存者十 暴,多 所殺害。元顥 入洛, 暹據 州不

普泰元年,除凉州刺史, 時屠 戮,所有 :資財 生口 貪暴無極。 ,悉沒自入。 欲規府人及商胡富人財物,詐一臺符 孝靜時,位侍 中、錄尚書事。 薨,贈太師、錄尚 ·, 誑諸豪等 云欲加

子沖,襲。無子,國絕。

太興 (弟遙,字太原。 有器望,以 左衛將軍從高祖南征,賜爵饒陽男。 世 宗初 ,遭所生母

憂,表請解任,詔以餘尊所厭,不許。

主 按 悉令造籍。 人 爲 驗,事 時冀州 十住菩薩 肅宗 法 慶 與 初 以 胡 歸 沙 叉 同、遙 累遷左光祿大夫,仍領護軍。 以諸 菛 叉 伯 法慶 爲 合狂藥,令 十住 坐 胡設籍; 一除名。 旣 一菩薩 爲 祆 當 遙陳 幻, 、平魔軍 人服之,父子兄弟不 欲 遂說 稅之,以充軍 枉 不已,敕有司 司、定漢 勃海 人 遷冀州刺史。四遙以諸湖先無籍貫,姦良莫辨, 李歸伯, 用。 王 相 重究, 自 胡 知 號 人不 識,唯 歸伯 大 乃披 **介乘」。** 願 合家從之, 以 雪。 力 力 殺 殺 共構遙, 遷右 害 人 爲 事 招 光 者 玄 祿 率 爲 於是 取 大 鄕 人, 納 住 聚 金馬 一菩薩 衆 推 殺 法 , 慶爲 殺 阜 御 城

遂盛

所

在

屠

滅寺舍

斬

戮僧

尼,焚燒經像,云新

佛

出

世

除

去

舊

魔

詔

以

遙爲

使持節

都

督

,

北

征

諸

軍

事

帩

步

騎

十萬

以討

之。

法

慶

相

率攻遙,遙並擊破之。

遙遣

輔

或

將軍

張虯等率

騎

,

令

破破

勃

海

郡

殺害

更人。

刺

史蕭寶夤遣兼長史崔

佰

膦

計

之,敗

於

煮

棗城

行伯

膦

戰

沒

M

追 掩 , 討 破,擒 法慶幷其妻尼惠暉等,斬之,傳首京師。 後擒歸伯、戮於 都 市

骨 籍 太和 食, 朝 倏 欲 親,歷謂 親 所 用 多 然 肉 少 妄 殷勤 屬 之始,高祖 以 未 后族 已及。 之恩 南 親 之季,方 竭矣。去兹以往,猶繫之以姓而 初,遙大功昆弟,皆是恭宗之孫,至肅宗而本服絕,故除遙等屬籍。 皆 克 太階,苟求潤屋,但傷 面 列 先帝之五 唯 詔 疏 念, 加 土而 給其賦 矣。臣 付 其 聽天下,其不可得變革者,則親也,尊也。 ,有意於吳蜀,經始之費,慮深在初,割減之起,暫出當時也。 賜 不 尙 諸 封 帛三千匹,所 得 封者, 書博議 世。 一去 皇· ,謂之日 不與衣 已而 身亡之 謹尋斯旨,將以廣帝宗, 上,雖是五世之遠,於先 然者也。 以聞。 食者, 侯,至于魏晉,莫不 大宗一分,則天子 以 日 重 尚書令任城王澄、尚書左僕射元暉奏同遙表。 欲 一三年 古人有言,百足之蟲 分 以別 離 弗別,綴之以食而弗殊。 服 · 樂良王 外 終,然 內 限 廣 異 屬籍 長命,亦賜縑二千匹,所以存 後 帝 重盤 胙 改 同 便是天子之孫,高祖 也。 河 奪。 不 石。 山,稱之曰公者,蓋惡 至死不僵者,以其輔己者衆。 四 過十數 今朝 今諸 世而 先皇所 廷 廟之感,在 人而 **總服窮,五世** 又律云議 猶 以變兹事條,爲 在遏 已。 密之中 所 在 親者,非唯當世之屬 遙 以 心 「漢,諸王之子不限 且臨淮王提,分屬 未忘 表曰「竊聞 國 而 其大宗之不固 -,便 秩祿 慈眷。 袒 靈 ; 行 一
発,
六世 太后 此 議 賦 道 別制者, 此 復給衣 臣 此皆先 不從。 之悲, 事,實 誠 聖人 不 而

卒,諡

日宣公。

卿、中書監、侍中。 遙弟恒,字景安,粗涉書史。 後於河陰遇害。 恒以春秋之義,爲名不以山川,表求改名芝。至歷位太常 贈太傅、司徒公,諡曰宣穆公。

毒酒,賊旣漸逼,便棄營而去。 濟陰王小新成,和平二年封。 賊至,喜而競飲,聊無所備。遂簡輕騎,因醉縱擊,俘馘甚多。 頗有武略。庫莫奚侵擾,詔新成率衆討之。 新成乃多為

後位外都大官。薨,贈大將軍,諡曰惠公。

子鬱,字伏生,襲。

位開府。

爲徐州刺史,以黷貨賜死,國除。

長子廟,字邕明,剛正有文學。位中散大夫。以世嫡應襲先爵,爲季父尚書僕射麗因

追贈尚書令、司徒公,諡曰文獻。 弼 于氏親寵,遂奪弼王爵,橫授同母兄子誕。 於是關絕棄人事,託疾還私第。 上表固讓。入嵩山,以穴爲室,布衣蔬食,卒。 初,鹇嘗夢人謂之曰:「君身不得傳世封,其紹先爵者,君 建義元年,子暉業訴復王爵。 世宗徵爲侍中, 永安三年,

長子紹遠也。」剛覺,卽語暉業。終如其言。

空、太尉,加特進,領中書監,錄尙書事。 暉業,少險薄,多與寇盜交通。長乃變節,涉子史,亦頗屬文,而慷慨有志節。 齊文裏嘗問之曰:「比何所披覽。」對曰:「數尋伊霍 歷位 司

景穆十

二王

列 傳

第七

上

賦詩云:「昔居王道泰,濟濟富羣英。 之傳,不讀曹馬之書。」暉業以時運漸謝,不復圖全,唯事飲啗,一日三羊,三日一犢。 儀同三司、特進。 暉業之在晉陽也,無所交通,居常閑暇,乃撰魏藩王家世,號爲辨宗室錄, 今逢世路阻,狐 鬼鬱縱橫。」<u>齊初,降封美陽縣公</u>, 開府 又嘗

避 之而過,後勞勉之。位給事黃門侍郎、衞將軍、右光祿大夫。卒,諡曰文侯。 暉業弟昭業,頗有學尙,位諫議大夫。莊帝將幸洛南,昭業立於閶闔門外, 扣馬諫,帝 四十卷,行於世。

|鬱弟||偃,字||一旋,位太中大夫。 卒。

紹封 史中 以 奴隸,悉迫 唯聞王貪,願王早代。」誕日:「齊州七萬戶,吾至來,一家未得三十錢,何得言貪。」後爲御 年長襲封,以罪除爵。 尉元纂所糾,會赦免。 子誕,字曇首。 以纂先緒。 取良 人爲婦。 誕旣襲爵,除齊州刺史。 在州貧暴,大爲人患,牛馬騾驢,無不逼奪。家之 初,誕伯父鬱以貪汙賜死,爵除。 爵由謬襲,襲應歸正。詔以偃正元妃息曇首,濟陰王嫡孫,可 有沙門爲誕採藥,還而見之,誕日:「師從外來, 薨,諡曰 一精王、 景明三年,誕訴云,伯鬱前朝之封,正 有何消息。] 對曰: 聽

子撫,字伯懿,襲。莊帝初,爲從兄暉業訴奪王爵。

偃 B弟麗,字寶掌。位兼宗正卿、右衞將軍,遷光祿勳,宗正、右衞 如故。 時秦州屠各王法 王

亦悉奔散。尚見率其王公三十餘人詣麗請罪。 韶 智 列據諸險,圍逼州城。 前元 一破一句兒于孤山,乘勝追奔三十里,獲其父母妻子,斬賊王五人,其餘相繼歸降,諸城之圍, 推 州主簿呂荷兒爲主,號建明元年,置立百官,攻逼州郡。 年。 韶以麗爲使持節、都督、秦州刺史,與別駕楊椿討之。 麗出擊,大破之,便進軍水洛。 椿又斬瞻。 賊徒逆戰,麗夜擊走之。 麗因平賊之勢, 枉掠良善七百 涇州 人陳瞻亦聚衆自 苟兒率衆十餘萬 行秦州事李 屯孤 稱 Щ

諸隍, 沉殺道人二百而言不多。」 麗脫冠謝, 賜坐。 卒, 諡曰威 又大殺道人。」對曰:「臣在冀州可殺道人二百許人,亦復何多。」帝曰:「一物不得其所,若納 者,一時放発。 拜雍州刺史,爲政嚴酷,吏人患之。其妻崔氏誕一男,麗遂出州獄囚死及徒流案未 遷冀州刺史,入爲尚書左僕射。帝問曰:「聞公在州, 殺戮無理,枉濫非一, 中臺

餘人。世宗嘉其功,詔有司不聽追檢。

坐。 雅,乃宰相之器。」除除州安東府長史。刺史元法僧叛,顯和與戰被擒,執手命與連坐。顯和 |顯和 子 顯和,少有節操,歷司徒記室參軍。 猶欲慰喻,顯和曰:「乃可死作惡鬼,不能坐為叛臣。」及將殺之,神色自若。 與阿翁同源別派,皆是盤石之宗,一朝以地外叛,若遇董狐,能無慚德。」遂不肯 司徒崔光每見之曰:「元參軍風流清秀,容 止閑

四五〇

初,贈秦州刺史。

雲信 襲 死 及 殿 高 中 ,削除官爵。 殺雲,天賜僅得 之, 尙 平假鎮將奚陵,於是諸部敕勒悉叛。詔天賜與給事 汝陰王天賜,和平三年封,「尽〕拜鎭南大將軍、虎牢鎭都大將。 書胡 副 將元伏曰:「敕勒色動,恐將有變,今不設備,將 莫寒簡 卒,高祖 自全。 西部敕勒豪富兼丁者爲殿中武 哭於思政觀,贈本爵,葬從王 後除征北 大將軍 一、護匈 奴中郎 士,而 一禮,諡 將。 中羅雲督諸 大納財貨,簡 爲所圖。」 日 累遷懷 靈王 雲不 朔鎭 軍討之。前鋒 後爲內都大官。高祖 選 大 從。 不平。衆怒,殺莫寒 將, 敕勒 坐 敕勒詐降, 貪 輕 騎數千 殘, 初, 恕

子逞,字萬安。 卒於齊州刺史,諡曰威。

廷 出 師討之,望風 逞子慶和 東豫州 退走。 刺史。爲蕭衍將所攻,舉城降之。 行責之日:「言同百· 舌,膽若鼷 鼠。 | 行以為 遂徙 北道總督 合浦 魏王。至 項城 朝

除 光祿大夫、宗正卿,封東燕縣男。 逞弟汎, 字普安。 自元士稍遷營州刺 於河陰遇 史。 性貪殘, 人不堪命,相率逐之,汎走平州。 後

史。 天賜第五子脩義,字壽安,涉獵書傳,頗有文才,爲高祖所知。自元士稍遷左將軍、齊州 韶曰:「修短有命,吉凶由 人,何得過致憂憚,以乖

州四歲,不殺一人,百姓以是追思之。遷秦州刺史。 刺 前愆,賜葬陵域。 維城之寄。 脩義以齊州頻喪刺史,累表固辭。 遠凶就吉,時亦有之,可聽更立館宇。」於是移理東城。 靈太后詔曰「收葬之恩,事由上旨,藩岳何得越職干陳」在州多受納。 肅宗初,表陳庶人禧、庶人愉等,請 脩義爲政,寬和愛人,在 宥

狀,左僕射蕭寶夤諭之,乃止。 韶,物多者得官,京師白劫,此非大賊乎。」脩義失色。 居對大衆呼天唱賊。 先敍,時上黨郡缺,居遂求之。 累遷吏部尙書。 人問居曰:「白日公庭、安得有賊。」居指脩義曰:「此座上者,違天子明 及在銓衡,唯專貨賄,授官大小,皆有定價。 脩義私已許人,抑居不與。居大言不遜,脩義命左右牽曳之。 居行罵而出。 時中散大夫高居者,有旨 後欲邀車駕論脩義罪

討之,以脩義爲<u>雍</u>州刺史。 連日,遂遇風病,神明昏喪,雖至長安,竟無部分之益。 二秦反,假脩義兼尚書右僕射、西道行臺、行秦州事,爲諸軍節度。 卒於州,(+) 贈司空,諡曰文。 元志敗沒,賊東至黑水,更遣蕭寶夤 脩義性好 酒, 毎飲

子均,位給事黃門侍郎。

景

ኪ **L**

樂浪王萬壽, 和平三年封, 拜征東大將軍, 鎭和龍。 性貪暴, 徴 還, 道憂 薨。 諡 日

厲王。

子康王樂平,襲。薨。

子長命,襲。坐殺人賜死,國除。

戲衣。」。思曰:「臣少來所愛,情存綺羅,歌衣舞服,是臣所願。」帝曰:「人之無良,乃至此乎」 性好衣服,遂著紅羅襦,繡作領,碧紬袴,錦爲緣。 子忠,肅宗時,復前爵,位太常少卿。 出帝汎舟天淵池,命宗室諸王陪宴。忠愚而無智, 帝謂曰:「朝廷衣冠,應有常式,何爲著百

廣平王洛侯,和平二年封。 薨,諡曰殤。 無子,後以陽平幽王第五子匡後之。

匡字建扶,性耿介,有氣節。 高祖器之,四謂曰「叔父必能儀形社稷,匡輔股躬,今可

改名爲匡,以成克終之美。」

世宗即位,累遷給事黃門侍郎。 茹皓始有寵,百僚微憚之。 世宗曾於山陵還,詔匡陪

親 乘, 政 叉 命 除 皓 肆 登車。 州 刺 史。 皓褰裳將上, 匡諫止, 世宗推之令下, 皓恨匡失色。 匡 旣 忤 皓 懼 爲 所害,廉慎自修,甚有 聲績。 遷 恒 當時壯 州 刺 史, 其 八忠謇。 徵 爲 大宗正 世宗

卿、河南邑中正。

之義 除 旣 及 啓 度 五 支 王 디 王 奏 尙 封 已上有 親 書 妃 王及始藩、二 名 命 匡 亦宜同 表 婦之號,竊 引樂陵、章武 等。 藩 妻者 爲 王妻悉有妃號,而三藩已下皆謂之妻,上不得同 疑。 之例, 齊也,理 詔 曰:「夫貴於朝,妻榮 求 紹洛侯封,韶 與己齊,可從妃例。」自是三藩王妻名號 付尙 於室,婦 書 議。 尙 女無定, 書 奏聽襲封,以 升從 爲妃名,而 其夫。 始定。 明 興絕 \equiv 下不 一藩 後

自 造 棺 匡 置 與 尚 於 書令高肇 廳 事 `, 意 不平,常無降下之色。 欲 輿棺詣 i闕,論 肇罪 癋 時世宗 自 殺 切 委政 諫 於肇,朝廷傾憚,唯 肇 聞 而 惡 之。 後 因 匡 與 與肇抗 太 常 劉 衡 芳 先 議

争權量,遂與肇聲色。御史中尉王顯奏匡曰:

帝 志 以睿 黍 以 之大, 自 黍裁 聖統 金 行 寸 用 天 失 成 將均 ,克復 御 分體 季 周 舊 僞 漢 準之爲尺,宣 典。 競 舊 興, 章 乃 禮壞 o 命 屬 故 樂崩 雲 布 中 構 書 施 中 監 彝 行 遷 倫 高 一,倘 攸斁。 閭 未 廣 云 旌 就 儒 大 林 魏 高祖睿思玄深, 應期,奄有 推 尋 :樂府 依依 四海。 據 參考經 六經 高 祖 , 參諸 記 孝 文 以 皇 或

景

穆

+

王

|肇 之後 差,抑中 黄門侍郎臣孫惠蔚與崇扶同。 先 書臣|| [表云||]孫二尺,長短相傾,稽考兩律,所容殊異。 成 度,事合古典。 以崇造乖 朝 又云,權斛斗尺,班行已久,今者所論,豈喻先旨。 而 不同,察其作者,於經史復異,推造尠據,非所宜行。時尚書令臣肇、淸河王懌等 正始中,故太樂令公孫崇輒自立意,以黍十二爲寸,別造尺度,定律刊鍾。 無所,[10]自立一途,請求議判。 惠蔚亦造一尺,仍云扶。〔云〕以比崇尺,自相乖背。 · 謬,與周禮不同,遂奏臣 芳依周禮更造,成訖量校,從其善者。 而 觀試。 乃依前詔書,以黍刊寸,並呈朝廷,用裁金石。 時敕太常卿臣芳,以崇造旣成,請集朝英,議其得否。芳疑崇尺度與 。二途參差,頻經考議。 當時議者,或是於匡。 宜仰依先朝故尺爲定。 而尚書令臣肇以芳造。 言取中黍,校彼二家,云並參 量省二三,謂芳爲得。 于時議者,多云芳是,唯 兩途舛駁,未即 芳以先朝尺 崇物故 時定。 皆向 而尙

端 譽。 列, 者 接以恩言,依經按古者卽被怒責。 乃憑 據己十是, 自 爾 樞衡之尊,藉舅氏之勢,與奪任 以後,而匡 云芳十非。 與肇厲言都座,聲色相加,高下失其常倫,噂競無復彝序。 又云:「肇前被敕旨,共芳營督,規立 雖未指鹿化馬,移天徙日,實 心 ,臧否自己。 阿黨劉芳,遏絕臣 鍾石之名,希播 (使蘊 藉之士,聳氣坐 事,望勢雷 製 匡 豊 不 作之 更表 同

可行 ,量度偏 ,輒欲自取,後知錯謬,便推先朝。 頗之手,臣必刖足內朝 (`,抱璞人外。」 囂言肆意,彰於 殊非大臣之體,深失爲下之義。 、朝野 復考校勢

前

謂

之前

端 祖 據 云 考校二證 所 義 一「芳尺與千金堰不同。」臣復量比,因 ,妄爲疑似,託 端, 銅 德 見淺深,不 權 布 早辨諸惑,何故默心隨從,不關一言,見芳成事,方有此語。計芳才學,與匡殊懸, ", 形 匡 於新。」若捧佐漢時事,寧有銘偽新之號哉。又尋莽傳云,莽居攝 非漢 職當出納,獻替所在,斗尺權度,正是所司。若己有所見,能 如 古 應 權明矣。 誌 相 以先 匹。 ,明是漢作,非莽別造。」及案權銘云 、朝,云非己製。」 今乃始發, 恐此 復云:「芳之所造, 由 見其異。 心,自己借智於 叉短 先朝之尺。」臣 二三浮濫,難可據準。 黄帝始祖,德 人,規成 既比之, 心虚譽。 練臧否,宜 布 權 況匡表云「所 叉云:「共構虛 刨 於虞,虞帝始 然 變漢制 相 合。 應首唱 度。 更

未 是 亦 復 其 俱 應 共 先 所 爭,已有 下 臣 朝 按 裁 黍 ", 更不 此 詔 ,權斛尺度,本非其 欺 書。 此 牒 增 以 豊 損 黍 成 爲 1 詐 造 首 也? 鍾 事。 律,調正 尾歷然, 計崇造 比前 分寸而 寧有輒欲自取之理。肇任居端右,百僚是望,言 一寸,積 門下索芳尺度,而芳牒 何以言之。芳先被敕,專造鍾律,管籥 黍十二,羣情共 已。」檢匡造時在牒 知 報 ",而 芳 後 云 「依 造 歲 一寸,唯 **"**, 先朝 於 所 ثلا 爾 班 + 優劣。 日 新 匡 尺,

五

五

平

王

際,輕生刖足之言。 行 有斯謗者哉!阻惑朝聽,不敬至甚,請以肇、匡並禁尚書,推窮其原,付廷尉定罪。 以宰物。 :動靜,必副 肇若無此, 匡旣誣毁宰相, 訕謗明時。 豈應談議之間, 便有指鹿之事, 可否之 具瞻。 趙高矯惑,事屬衰秦,卞和抱璞,時遇暴楚。 若恃權阿黨,詐託先詔,將指鹿化馬,徙日移天,即是魏之趙高,何 何宜以濟濟之朝,而

詔 曰「可」。有司奏匡誣肇、處匡死刑。世宗恕死、降爲光祿大夫。

深明典故,其所據者。與先朝尺乃寸過一黍,何得復云先朝之意也。自己克州旣所執不經, 後議之日,何待赴都也。」 國之大經,前雖爲南臺所彈,然猶許更議,若議之日,願聽臣暫赴。世宗曰:「劉芳學高一時, 又兼宗正卿,出爲兗州刺史。 匡臨發,帝引見於東堂,勞勉之。 匡猶以尺度金石之事,

違 |其糾惡之心,又慮||医解解,欲獎安之,進號安南將軍,後加鎭東將軍。 肅宗初,入爲御史中尉。 匡嚴於彈糾,始奏于忠,次彈高聰等免官,靈太后並不許。 以

亮,留心旣久,可令更集儒貴,以時驗決。必務權衡得衷,令寸籥不舛。」又詔曰:「故廣平殤 永 王洛侯,體自恭宗,茂年薨殞,國除祀廢,不祀忽諸。匡親同若子,私繼歲久,曰司宜樹維 兹盤石,可特襲王爵,封東平郡王。」匡所制尺度訖,請集朝士議定是非。詔付門下、尙書、 匡屢請更權衡不已,於是詔曰「謹權審度,自昔令典,定章革歷,往代良規。 匡宗室賢

有餘。 燭,不刊之式,事難變改。臣等參論,請停匡議,永遵先皇之制。」詔從之。 毫釐略同。又侍中崔光得古象尺,于時亦準議令施用。 三府、九列議定以聞。 且匡云所造尺度與漢志王莽權斛不殊。 於是依周禮,積黍以起度量,惟古玉律及鍾,遂改正之。 太師、高陽王雍等議曰:「伏惟高祖創改權量已定,匡今新造,微有參 又晉中書監荀勗云,後漢至魏,尺長於古四分 仰惟孝文皇帝,德邁前王,睿明下 。尋勗所造之尺與高祖所定,

文貞。 後特除平州刺史,徙青州刺史,尋爲關右都督,兼尚書行臺。 罪狀三十餘條,廷尉處以死刑。 復修事,將與澄相攻。 第四子獻,襲。齊受禪,爵例降。[18] [[每有奏請,尚書令、任城王澄時致執奪,匡剛隘,內遂不平。 後追復本爵,改封濟南王。 澄頗知之。 韶付八座議,特加原宥,削爵除官。三公郎中辛雄奏理之。 後將赴省,與匡逢遇,騶卒相撾,朝野駭愕。 遇疾還京。 先所造棺猶在僧寺, 孝昌初,卒,諡曰 澄因是奏匡

校勘記

景

穆

+ =

王列傳

第七上

校勘記

魏書卷十九上 書景穆十二王列傳卷上亡。」殿本秀證云:「魏收書亡,後人所補。」按此傳以北史卷一七景穆 諸本目錄此卷注「闕」。 百衲本、南本、汲本、 局本卷末有宋人校語云:「魏收

四五七

十二王傳補、間有溢出字句、當出於高氏小史。

本或作「六」。按景明無六年,頤死於景明元年十一月,見卷八世宗紀,今從殿本。 世宗景明元年薨於靑州刺史 諸本「元」作「六」, 殿本作「元」。 北史卷一七百衲本 · 此字 他

= 諡而 諡曰文 …傳缺之 墓誌集釋元悰墓誌圖版一〇〇云:「諡 源載而誌缺。 有的是先後改諡,有的是原諡不美,子孫私改,有的是後來補諡 日文靖。」墓誌與傳諡號不同者甚多, 也有誌載 一、不獨

}誌

(傳有異)誌與誌間亦常不合,很難判斷是非。

今後凡諡號異同有無均不出校記。

 \Box 멀 光 者採自高氏小史或他書,弄錯了時間,遂致先後倒置。 南 遷冀州刺史 夫、護軍、非 六 說他景明 禄 大將軍、南征諸軍事」。 大 (夫」的 如 時「出拜鎭軍將軍、冀州刺史,入除護軍,加右光祿大夫。 重出社史已誤「右」爲「左」、插入的痕跡甚 此傳所云以左光祿大夫,領護軍,出爲冀州 自此句至下文「遷右光祿大夫」一 則遙爲冀州刺史, 在元恪的景明年間, 段北史卷一七無。 顯。 下文又說「遷右光祿大夫」, ,更不 在「肅宗初」。 按墓誌集釋元遙墓誌圖版一〇 是由冀州 延昌中, 刺 淮泗 此段當是補此傳 史入爲右光祿大 不 實卽前「左 静 加 征

 \sqcap 五 恒」,而 卷五 表 求改名芝 八楊椿傳並見「元恒芝」。 卷九肅宗紀孝昌二年六月丙子、孝昌三年正月甲申, 按上云「遙弟恒」, 疑初名「恒」,後加「芝」字。 則其 人初名恒, 後改芝。 據卷八世宗紀正始三年八月見「元 卷一〇孝莊紀武泰元年四月己亥,

- . ₩ 汝陰王天賜和平三年封 按天賜於和平二年七月戊寅, 與小新成、萬壽同日封, 見卷五高宗
- 紀,這裏「三」當是「二」之訛。下樂浪王萬壽傳同訛。
- . . . 卒於州 司、秦州 都督,加尚書左僕射、西道行臺,行秦州事……軍次汧城,彌留寢疾,薨於軍所。」 按墓誌集釋元壽安墓誌圖版二一七之二於官雍州 刺史後, 稱:「復以本官加 開府儀同三 元和

郡縣志卷二隴州條云 「後魏置東秦州」、太平寰宇記卷三二云「正光三年置東秦州於汧城」。誌

所云「秦州」,即東秦州、當時秦州爲起義軍佔領、故移治汧城、後來才加「東」字。 據誌,元脩義

死在秦州任上,傳節去他由雍州刺史遷秦州一段,遂似死於長安。 此恐是北史删略魏書之失。

- 高祖器之 [宗」,則下文元濬稱之爲「叔父」, 諸本「祖」作「宗」, 北史卷一七作「孝文」。 按元匡乃元濬 高宗弟新成子,若這裏作 豈非顚倒?北史作「孝文」, 補此傳者依魏書例, 改作「高
- 祖」,「祖」訛「宗」,今改正。
- たし 而 尙 書令臣肇以芳造至仍云扶 按此段文義不可解。「造」下、「扶」下當有脫文。
- 抑 中 無 所 張森楷北史校勘記云:「疑『抑』是『折』之誤。」按通志卷八四下正作「折」,疑是。
- 恐此 由 ì 張 森楷 云…「『此』疑當是『非』字,作『此』則與文義不相應。」
- 不 劉芳學高 應 說 他 所據 一時 深 與「先朝尺」不 明典故其所據者與先朝尺乃寸過一黍何得復云先朝之意也 合云云。 據上王顯彈文,說「芳造寸, 唯止十黍」, 按前贊劉芳,後 則所謂一寸過一

穆十二王列傅第七上 校勘記

景

黍」,明非斥芳,恐是指元匡所造尺。 這裏「其所據者」下當有脫文。 大概是說劉芳根據的是「先

斷。

朝」所頒尺,

而元匡所造則「寸過一黍」,

故下文斥責元匡「所執不經」。

今於「其所據者」下句

私繼歲久 按上文明云元恪世宗時、匡已求紹洛侯封、經尚書議奏襲封、則並非私繼、 且襲封已

久。 不知何以前後矛盾

第四子獻襲齊受禪爵例降 脫「薨」至「子勒叉襲」十五字。 育襲,武定中墜馬薨,子勒叉襲。 北史卷一七元匡傳附廣平王洛侯傳末云:「第四子獻襲。 齊受禪,爵例降。」 自獻至勒叉三世始入齊,這裏「獻襲」下當 子祖

薨,

魏書卷十九中

景穆十二王列傳第七中

任城王

諸軍 之意也!」和平五年封,拜使持節、侍中、征東 事、中都坐大官,聽理民訟,甚收時 任城王雲,年五歲,恭宗崩,號哭不絕聲。 譽。 大將軍、和龍鎭都大將。 世祖聞之而呼,抱之泣曰:「汝何知 顯祖 時,拜都督 而 有成 中外 人

之靈,下長姦亂 隆太平,臨覆四海,豈得上違宗廟,下棄兆民。父子相傳,其來久矣,皇魏之興,未之有革。 輕移宸極,恐非先聖之意,駭動 皇儲正統,聖德夙章。 延 興中, 顯祖集羣僚,欲禪位於京兆王子推。 之道,此是禍 陛下必欲割捐 福 所由, 人情。 塵務,頤神淸曠者,冢副之寄,宜紹寶曆,若欲捨儲,曰 願深思慎之。」太尉源賀又進曰:「陛下今欲外選諸王 又,天下是祖宗之天下,而陛下輒改神器,上乖 王公卿士,莫敢先言。 雲進日:「陛下方 七廟

景穆十

王列傳

第七中

任城

王

言。」東陽公元丕等進曰:「皇太子雖聖德夙彰,然實沖幼。 景仰,率土傒心,欲隆獨善,不以萬物爲意,其若宗廟何,其若億兆何,」顯祖曰:「儲宮正統, 受終文祖,羣公相之,有何不可。」於是傳位於高祖 而禪位于皇叔者, 臣恐春秋蒸嘗,昭穆有亂,脫萬世之後,必有逆饗之譏,深願思任城之 陛下富於春秋, 始覽機政, 普天

雲廉謹 報雲恩。 口。 以太妃蓋氏薨,曰表求解任,顯祖不許,雲悲號動疾,乃許之。 之哀慟,贈以本官,諡曰康。 百姓所追戀。 雲爲征西大將軍討平之。 出爲冀州刺史,仍本將軍。 後蠕 自修,留心庶獄,挫抑豪强,羣盜息止,州民頌之者千有餘人。 太和五年,薨於州。 蠕犯塞,雲爲中軍大都督,從顯祖討之,遇於大磧。 高祖嘉之,遷使持節、都督陝西諸軍事、征南大將軍、長安鎭都大將、雍州刺史。 **送遺錢貨,一無所受。** 。除都督徐兗二州緣淮諸軍事、征東大將軍、開府、徐州刺史。 遺令薄葬,勿受賵襚。 陪葬雲中之金陵。 **医留心政事,甚得下情,於是合州請戶輸絹五尺、粟五升以** 顯祖聞 而嘉之。 諸子奉遵其旨。 復拜侍中、中都大官,賜帛千匹、羊千 事具蠕蠕傳。 性善撫綏,得徐方之心,爲 喪至京師,車駕親臨,哭 文明太后嘉之,賜帛 後仇池氐反"以 雲

澐長子澄,字道鎭,⊆ 少而好學。 及康王薨,澄居喪以孝聞。 襲封,加征北大將軍

將 州 談 高 冲 梁 日 祖 量 物 益 時 彼 自 荆 也 此 風 餘首 兒 = 蠕 俗 州 梁 風 犯 諸 帥 州 神 塞 誘 軍 廷 吐 導懷 各 一 發 , 帥 事 加 隨 楊 澄使持節 才 附。 德 征 仲 而 音 南 顯、 用 表 閑 大 送婆羅 婆羅 之, 婉 將 、都督 重 款 當 、楊 附 梁 北 爲宗室 下兄弟: 者賞 授 討諸 州 仲 刺 顯 領 違 史。 軍 及符 循 命加 事 袖 城 以討 文 **叱盤等**, 鎭 誅 是行 明 副 太后 於 將, 使 是 自 之 引 蠕 楊 仇 必 蠕 以 見 池 1 稱 浴 遁 居 廣 帖 走, 邊 我 然,西 業 誡 意 地 太守, 厲 又 險 以 之, 南 卿 世 、氐羌 款 但 爲 顧 n/ 順 盤 Щ 反 狡。 固 中 加 我 道 書 侍 澄 令 除 鎭 不 中 妄 副 李 都 至. و

賜

衣

襲、乘馬

匹,

以

旌

其

能

得。 改 下, 同 於 日 朝 之後 强 但江 子產道 昔 制 鄰 後 而 鄭 轉 叔 民 外 當 便 子產 向 征 尙 情 與 以 合當 譏 東 去就 任 道 阻 議, 鑄 大 城 化 將 車 時 刑 之。 共 示 書 非 書, 軍 萬 聲 未 不忘古, 刑 高 而 世 流 開 莫 之 晉 祖 府 竹 , 制 功耳 叔 季 心 素。 方 徐 世 故 向 可 革 鑄 非 州 之 與 臣 變, 民 刑 之。 論 刺 旣 書 史, 道, 庸 易 深善其對 以示 此 近 以 未 甚 威 可 有 威 何 人皆是 語 伏 聲績。 敢 權 庶 難 雖 笑曰:「非任城無以識 賢 幾。 以 乖 高 朝於京 古 禮 士 祖 式, , 得 治。 今陛 日 失竟 任城 師 愚謂 合今權 下 ٠, 以 誰 引 子 四 當 _} 見 產 道 海 欲 於皇信 對 之法, 爲 變化 爲 隨 日 家, 魏 時 之體。 宣 之子 濟 猶 鄭 一文德 世 噟 或 產 高 暫 寡弱 朕 也。 子產 祖 以 用 方 懷 詔 創 澄 大 攝 爲

景

穆

+

王

列

傅

第

七

中

任

城

王

室 張 申宗宴於 一各言 彝 日二 後 徴 其 志 往 皇信堂,不 爲 魏 中 可 書令,改授尚書令。 任 | 率賦 城 以武著稱,今魏 詩。」特令澄 以爵秩 爲 列 爲七言連韻,與高祖往復賭賽,遂至極歡,際夜乃罷 ,悉序昭穆爲 蕭賾使庾蓽來朝,蓽見澄音韻遒雅 任 城乃以文見美 次,用家人之禮。 也。」 時詔 延四廟之子,下逮玄孫之胄, 高祖 曰:「行禮已畢,欲令宗 一風儀 秀 、逸,謂主客郞

怖文武 雖富 未及 衷。」 變 里,因茲大舉,光宅中原,任城意以爲何如。」澄曰:「伊洛中區 任 征 更 其 **发**□, 也 兆 城 乃 高 昇 有 遇 後 何 而 可 階 {革 高 耳 四 祖 欲 言 將 伐 海, 欲 祖 遙 旣 沮 不 想 叛 吉 應 銳 衆 外示南討,意在 高 謂 文軌 解 意 也 天順 祖 也 朕 不得云革命。 日 必行 _! 曰 一向 意 未 一此是湯武革 人, 澄 也。」乃獨 百.「陛 悪悪 日: 「: , 者之革卦 革君 此間 澄 社稷 謀遷,齋於明堂左个,詔 此 用 臣 下龍興 謂澄日 此 對,久之乃解,日 一之命, 武之地 非君 誠 ,今更欲論 命, 知陛下之社 旣 l"「今日· 人之卦, 順天應人之卦 湯武 非非 人,豈 可 之。 得 之行 文治 FJ 之爲吉。 未可 :「各言 稷, 方同 明堂之忿,懼 ·,誠 移 全爲吉也。」 然 虎 太常卿王諶,親令龜 也。 風 知 變」高 其志,亦復 臣 不 陛 易俗,信爲 是 **奉** 臣 易。 下帝有天下, 社稷 l,均天下所據,陛 祖 衆 一莫敢言。 但 高祖 之臣子, 勃然 人 何 國 湛難 、競言, 傷。 家 作色日「社 厲 興 | 聲曰: 車 澄 自 重 阻 ト,易筮南伐 豫 崤 北 進日「易言革者 駕還宮, 光 參 我 涵 、累葉。 顧 大計,故 下制 象云『大人虎 帝 問 宅, 徙 稷 1我社 御華夏, 居平城, 便召澄, 敢 河 今 \ 盡 愚 厲色 日 ١

房。 移 旣 輯 之旨 非 平 、勉之。」 常 加 九 服,蒼 之 撫 必 事 軍 須 當當 大 生聞 訪 將 衆。 非 軍 常常 此, 一、太子 當 人所 應當 遣 少保, 知 任 大慶。」高祖曰:「北 城 遷韶,莫不驚駭。 唯 馳驛向代, 又兼尚 須 決 之聖懷 書 左 間 僕 彼百 , 澄援 射 此 人 戀本, 輩 司 及駕 亦 今古,徐以 論 何 忽聞將移 幸 能 擇 洛陽, 可否。 爲 也。 一,不 定遷都之策,高祖 曉之,衆乃開 高 近日 祖 能 i論革, 不 日任 鮗 擾 今眞 伏。 也 城 便是我 所謂革 澄遂 澄 詔 日 片此 之子 南 也, 馳

澄 及 品 幸 代 爲 三等,量 車 駕 北 巡,留澄銓簡 其優劣,盡 其 能 舊 臣。 否之用 初, 咸無怨 魏自公侯 者。 以下, 駕還洛京,復棄 迄于選臣, 右僕 射

還

報

會

車

駕

於

滑

臺

高

祖

大悦

汩·「若·

非任

城

事

業

不

得

就

也。」從幸鄴宮,除

吏部

尚書。

動

有

萬數,

無

引

王

其

旣

至

代

都

衆聞

鬢 禮 剖 求 比 有 干 先 焉 皓 此 心 賢 夢 , 白 高 E 可 澄 旭 標 正 或 謂 對 至 至 揚 如 理 殷 洛 北 日 冠 忠懿, 任 之良 邙 陽 服 城 晉 , 而 逐幸 所言。 士 拜 遺 此 世 之亂 立 干 洪 路 嵇 池 於 人 當 左。 嵇 是 紹 俱 命澄 紹 皆 是 求 死 肸 希 是 以 其 於 侍 怪 古 身 恩 兆 王 昇 而 域 之 衞 而 事 問 龍 主, 誠 一造使 感 , 之, 舟, 烈 夢 墳 殞 坐 因 自云 弔 而 命 高 並 賦 朕 御 詩 祖 在 晉 務濃 側 以序 於 日 侍 , 道 中嵇紹 於比干 亦是晉之忠臣 周。 懷。 何德,能 然陛 高 禮 故 旭 下徙 此 略於嵇紹 日 丝丝 [::「朕 奉 感 御遲 比于 迎。 達 於昨夜 土 洛 遭 神 情有 也。 夢 紂 爽 經 卑懼,似 兇虐,忠 愧然。 殷 然 老 墟 實 **云**, 思 而 追 諫 弔 頭 旣

景

之 會 亮 涉 民 師 細 日 計 南 意 表 日 稽 空 庶。 累 所 見 稱 也 爲 也 鎭 襄 應 不 降 在 之 相 蕭 更 爲 南 會 鸞 陽 冲 留 等 州 今茲 問 攜 且 往 復 無 李 若 款 對 之 旣 叉 始 股 後 返 何 近 沖 議 表 軍 品 日 殺 莫 等 就 所 則 信 宇 恐 已 蕭 議 洛 朕 知 應 損 略 似 虎 初 挫 援 昭 於行 臣 邑 當 當 之。 所 平 奉 有 而 損 構 業 等 從。 誠 表 惜 江 是 爲 無 天 居 而 留 正 宜 質 虚 高 之 叉 北 此 稽 威 無 自 以 之 使 行 東 必 祖 丰 立 計 徒 不 更成 之 舉 欲 亦 作 如 日 而 接 椽 ٠, 御 論 ? 方 盡 復 使 其 知 之室 竟 昭 草 賊膽 • 人 送 興 脫 初 行 重 茍 此 業 欲 諸 創 , 款 降 遷 留 來 得 其 正 如 雍 之民, 公 之勢 原願 家 返, 是 問 款 邊 是 何 州 俱 闕 虚 高 是 州 實 斯 刺 上覽盤庚始遷 子 _? 靜 坐 ٠, 儋 實 旭 表 來 樂 禧 史 使言 且 無 聽 無 力 石 引 云, 曹虎 而 百 安, 宜 等 可 得 音 足 之 澄 堵 勞 遊 或 停 理 失, 問 納 糧 襄 及 內 之日 請以 役 不 巡 俱 云 成 , 陽 撫 而 宜 長 而 其 撫 淮 暢 慕 陽 應 襄 之艱難,下矜詩 農 楚, 者 者 一行 詐 使 接 脫 待 化 王 **『從之。**」 者 陽 怨 示不 宜 歸 也 克 禧 或 夫 問 未 苦 誠 股 內 可 平 言 肆 有 亦 民 審 彭 附 見。 卽 有 將 襄 力之 宜 稽 客 之 實 於 戎 城 鳴 S 沔) 瘼, 主 阻 止 是高 今代 變 王 分 , 秋 款 泣 卽 然 不 遺 江 力田 共 使 當當 誠 當 高 人由庚之至詠 遷 沔, 宜 後 祖 相 諸 宜 彼 司 自 乘 祖 之衆 毁 動 輕 日 起 將 寬 可 土 其 爲 徒 日 駕 朕 發。 爾 彼 蒼 , 悅 彼 馮 恐 大 動 車 浦 生, 附 衆 聲 誕 貿 駕 略 非 發 任 今 誅 懷 勢 人 遠 試 歌 城 無 也 知 司 將 紛 戀 與 高 今 輯 故 惠 舞 君 則 圶 自 澄 寧 勞 之 德 留 鎭 復 赴 此 穆 有 祖

賢。 得 據 諸 察 食 以 之 公等 德 脫 濫 ? 其 色 邑 高 澄 公 粟 居 更 毎 惠 旣 從 飯 公 祖 日 聞 失 康 鉉 道 肸 臣 目 國 億 談 臥 均昔 等 臣 兆。 庶當官 士 論 布 任 在 有 旣 之體 被, 城 不 外 士 如 愚 而 ,皆憚 願 . , 脫 層 此 願 云 而 , 司 居 論 或 此 , 空亮 思 其 行 合 行 有 不 不不 征行 長 詐 鼎 識 不 , 傾 者之言。」 以爲 也。 何 負 之 從 側 大 得 任 當 愚 唯 理 朕 于 宜 對 欲 , 志。 者 貴 行 聖 時 由 所 與 一、公卿 高 令大忠在 顏 公 公 可言 高 賤 何 孫 輩 祖 更 祖 不不 必 笑 謙 佞 如 者, 指同 皆 大 謀 臣。 日 讓 斯 忠 之語 己 雖 下 同 而 李 也 任 之。 涉 辭 澄 通 冲 城 小 也 澄謂 識 仰 又謂 欲 武 澄 忠, 日 安 願 帝 自 日 面 亮 亮 危 聖 要是 任 背 歎 比 戸臣 心 也。 日 城 汲 汲 不 裁 竭 黯 王 黯 誠 同 昔 其 公 小 盡 也 才 口 至 汲 可 在 忠是大 微 事 忠 謂 非 否。」 黯 款 外 涉 台 忠 H. 見旌 於 公孫 欺 所言 丽 於 高 不 忠之 漢 佞 社 武 知 祖 鉞 長 智 是公? 稷 賊 非 前 大 日 旣 者 闕 忠 願 所 面 張 和 未 謂 者 折 無 任 陛 鼎 城 竟 乃 論 知 公 下 而 人 適 稱 孫 脫 何 似 深 道 有

還 義 復 始 洛 取 就 五. 乾 等 故 見 道 崩 王 今 曲 建, 公侍 與 成 諸 食邑 萬 贀 臣 欲 於 物 無 無 淸 千戶 滯。」 徽 高 堂 而 0 次 不 後 昇 之 高 從 洗 無 旭 征 煩 至 小 池 懸 而 瓠 不 堂 高 , 文。 祖 成 以 曰:「此 篤 來 因 ,未 疾還京。 之流 與 池 化 王 中亦 渠。 公行 駕餞 有嘉 宴 高 之汝 樂 祖 魚。 之禮 日 濆 澄 赋 此 日 曲 後 詩 光 水 東 而 者 别 閤 所 廡 亦 謂『 堂 車 有 魚 粗 其

失

所

在

何

便

謝

司

空

也。

駕

遂

南

伐

.景

穆

+

王

列

傳

第

七

中

任

城

觀 禮 雖 以 在 加 郎 目 德 忘 崔 無 在 在 藻 光 唐 儉 光 夜 故 堯 卿 景 載 郭 自 遂 有 之君 向 命之。」 垂 安 考, 祚 頒 以 落 以 其 宗 燭 , 通 忘 卿 首 族 直 股 至 氼 等當 危 之 致 郞 同 之 宗 義 故 辭 那 無愧 凝 高 以此堂後 巒 則 閑 復 祖 卿 有 堂。 獻 崔 於 等 載 元 千 休 考 作 且. 等賦 萬 高 且. 之義 茅茨 凱 還 之 取『王 祖 壽 詩 朕 日 堂 沖 兴殿 與諸 卿 言 在 對 等將 志 名 謂 靈 報 日 目 王 沼 卿 李 宗 要 燭 出 以 臣 沖 無遠, 室 有 至 於 {南 旣 日 其 牣 遭 {Щ 欲 公 魚 義 之 卿 唐 成 此 何 躍 堯 此 詩 辭 此 得 東 之君 蓋 退。 夜 默 日 次 高 飮 取 爾 步 之 李 夫 祖 元 不 不 觀 子 日 冲 廡 敢 示 德 閑 再 辭 德音。」 拜 西 居 殿 燭 元 之 上 日 至 凱 義 干 游 高 辭 之 萬 卽 凱 祖 退 歲 命 廡 不 日 黄 庶 口 姓 門 高 縱 此 射 高 侍 堂 以 祖 奢

兵 也。 平 穆 高 圖 以 泰 祖 表 殄 笑 臣 此 目 在 叉 從 之。 州 日 誠 事 穆 謀 幸 非 怯 泰 得 雖 任 鄴 弱 反 謀 任 城 知 不 爲 推 城 還 王 不 憚 不 朔 此行 患, 辦 洛 是 州 軌 輩 刺 以 旣 可 , 招 · 股復 史 出 是 爲 雖 誘 納 我 或 陽 宗 復 之勞, 何憂也。」 家 力 平 室 患 疾 大 主 惙 事 向 增 脫 頤 뿔 , 北 邑 或 爲 逐 不 敢 主 Ŧi. 必 授節 容 有 如 然, 百戶 頤 옑 辭 其 表 也 遷 弱 0 銅虎 京 謹 其 扎 坐 當 澄 甫 狀 公 竹 罄 日 直 爾 事 使符 往 北 高 盡 発官 擒 祖 泰 心 人 力 等 翦 召 御 戀 愚惑, 澄 仗 尋 舊 若 繼 入 兼 之 其 見 左 南 吏 E 勢 以 右 凝 北 部 强 死 戀 閑 紛 尙 仍 本 堂 擾 行 可 書 願 爲 恒 陛 股 承 日 此 州 制 洛 75 恒 事 陽 滴 非 發 州 勿 憂。 并 有 不 得 刺 行 渍 肆 1 陽 史

Ŷ

脫當其處,不能辦此。」車駕尋幸平城,勞澄 陸 出其 被,罪人無所逃刑,臣何勞之有。」引見逆徒,無一人稱枉, 所爲,似當 達 今日見之矣。」以澄正 曰:「昔仲尼云:『聽 日「我任城 室叡、 雁 八不意。 門, 可 安樂侯元隆等百餘 量 太守夜告泰已握 ·勢弱。 一,須依 可謂社 又遣治書侍御史李煥先赴,至卽擒泰,民情怡然。 敕召幷肆兵, 泰旣不相拒,無故發兵, 稷臣也, 訟吾猶人也,必也使無訟乎。』然聖人之聽訟,殆非常人所匹,必也無訟, 一尚書。 一衆西就陽平,城下聚結,唯見弓仗。 人皆獄 尋其罪案,正復皐陶斷獄,豈能 然後徐 禁。 動。 具 狀 非宜 表聞, 澄 曰:「任城此行, 日 也。 高 泰旣構逆, 祖 但速往鎮 覽表大悅, 深副遠寄。」 時人莫不 過之。」顧謂咸陽 澄聞便速進。 應據 之,民心自定。」遂倍道 窮 其黨與,罪 召集公卿 堅城 歎之。 對 而 日「 時右 以下 更 人皆得,鉅鹿公 王等日 高 迎 陛下 祖 陽 丞孟 以表示之, 顧 平,度其 「汝等 謂 威靈遠 一兼行, 斌 左右

高 高 澄對曰:「臣謂日新。」高祖 何 爲不察。」澄 祖還洛,引見公卿。 祖幸鄴,值高車樹者反叛, 車駕南伐,留澄居守,復兼右僕射。 曰:「著猶少於不著者。」高祖曰:「深可怪也!任城意欲令全著乎。 高祖曰:「營國之本, 曰:「朕昨入城,見車 車駕將親討之。 澄表請以國 禮教爲 澄表 上婦 公諌不: 先。 人冠 秩 帽 宜 **股離京邑** 一親行。 歲租 而 著 小 布 襦襖者, 會江 以 帛 來 助 供 陽王繼平之, 禮 軍資, 教爲 若爲 日新 加 韶受其 一言可以 此, 以不! 乃 尙 止 半。

景

穆

+

_

王

列

傳

第

七

中

使 喪 理 曰:「臣實署事而已。」高 人,任許 小人 邦 故 可 者, 知。」 聞之』澄 一羣婦 斯之謂 於是留守羣臣遂免 人輩 敷? 曰:「時雖有幹吏,去榜亦遠。」高祖曰:「遠 可命史官書之。」又曰:「王者不降佐於蒼昊,皆拔才而用之。 奇事,El當更銓簡耳。 祖曰:「如此便一令史足矣,何待任城。」又曰 冠謝罪。 尋除 任城在省,爲舉天下綱維, 尚書右僕射 則不聞, 聞則不遠。 : 「我 遺舍人 宣詔,何爲 爲當署事 旣得聞詔 朕 而已。」 失於舉 澄

任 亂 顧 命 城 沔 必須 蕭 陽 寶卷遣 不安,朕 ·從朕。」]澄涕泣對曰:「臣謹當竭股肱之力,以命上報。」 其太尉 不 親行,莫攘 陳顯達入寇漢陽。 此賊。 股 疾 是時高祖 患淹年,氣力惙 不豫, 引澄入見清徽堂。 弊,如 遂從駕南伐。 有 非常,委任城大事。 詔曰:「顯達侵 高 祖崩,澄受 是段

敕 於 肅 世 宗初,有降 ,公喜還南 人嚴叔懋告尚書令王肅遣孔思達潛通寶卷,圖爲叛逆,寶卷遣愈 |肅 與 表叔業馬 爲 信。 澄信之, 乃表 肅將叛,輒 下禁止。 成陽 北 海 公喜送

奏澄

擅禁宰

輔

,発官歸第

車 將 封 軍 雍 孫叔敖之墓,毀蔣子文之廟 尋 出 州 爲 刺 平 史。 西 |將軍 尋徵 梁 赴 季 州 秋 刺 講 史。 武 辭 頻表南伐,世宗不許。 除 以 都 母 老。 督 淮 南 除安東將軍、 諸 軍 事 、鎭 又辭母老, 南 相 大 州 將 刺 軍 史, 乞解州任 開 復 府、揚 固 (第) 州 寢 改 刺 而 史。 授 不報。 安 西 下

加散騎常侍。

月將。」 日,而 鳳舉 解州任,不聽 惟聖略宏遠,四方罕務,宴安之辰,於是乎在。 學宮虛荷四門之名,宗人有闕四時之業,靑衿之緒,於茲將廢。 序 疑 中 庭無 澄 使宗人之訓闕焉。 韶曰:「胄子崇業,自古盛典,國均之訓,無應久廢,尚書更可量宜修立。」澄又表母疾 京,方隆禮教,宗室之範,每蒙委及, 表 闕 曰:「臣參訓先朝,藉規有日,前言舊軌,頗亦聞之。 日。 臣每於侍坐,先帝未常不以書典在懷 愚謂可敕 有司,修復皇宗之學,開闢 四門之選, 何爲太平之世, 禮經 負荷銓量。 爲 又昔在恒代, 四門之教, 事,周旋之則,不 而令子衿之歎 臣每惟其 自先皇升遐,未遑修述, 使將落之族, 事,竊 親習皇宗, 與焉; 輟 所傷 於 懷。 聖 熟秘 一明之 日 伏 就 自

攻白 戍 溢。 走。 庶惶惶,並懼 必 同 湖周 **稾戍,又破之,斬其寧朔將軍** 又遣 蕭 衍 晉陽之事矣。 回 將張 長 風 四百餘里,東關合江之際,廣不過數 水害。 當之寇陷夷陵戍,[C] 澄遣輔國將軍成興步騎赴討, 戍主奇道顯攻蕭衍陰山戍, 脱乘民之願,攻敵之虚, 又吳楚便水,且灌且掠,淮南之地, 關關 內侯吳道爽。 破之, 豫勒諸州,纂集士馬, 十步,若賊計 斬其戍主龍驤將軍、都亭侯梅 澄表曰:「蕭衍 將 非 國 得成, 有。 大破之, 首秋大集, 頻斷 大 壽陽去江 湖 東關, 傾 注 復夷陵,囂 者,則淮南諸 五百餘里, 則南瀆可 欲令巢湖 興 祖 之遁 仍引 衆 汎

景

穆

+

_

王

列

傅

第

七中

任

城王

飲 猶 馬 州 豫 之津 緩 萬 圖 人, 霍 不 馬 嶺 加 除 必 干 討 成 Ħ. 徙倚之觀,事 關 百匹,令仲 塞旣 成, 襄 - 秋之中 貴 陵 應機,經 方 及, 畢 會准 平 略 ·原民 須早。 南 ",幷 戍 壽陽 定 縱 混 爲 不 魚 先兵三萬, 矣。」 可 詔 必果,江 發冀、定、瀛 委澄 西 經 自 是 相 無虞。 濟 若

豎 急 邃 澄 澄 氣 王 風 而 總督 夑 散 眼 懸 卽 遺 神 銳 王 之切 負 走 統 念 先 亦 旅 克 是 險 軍 奔 一神 方 党 不不 鎭, 朝 退 焦 其 衍 念 馳 城 法 關 徐 議有南 等 授 圖 要 宗 東 詔 州 進 之 大 關 法宗 澄 刺 峴 次 節 潁 傅豎眼 史 伐之意, 席 日 大峴、 う則 度。]]] 卷。 司 進 克 馬 將 歷 至是 等 城,斬衍 焦 東 陽 想 軍 明 進軍克之,遂 以 素 有 文 城 關 江 勒 蕭 德 率衆三千, 湖 乘險之援, 兵進 寶 破 九 軍 內 弭 夤 Щ 淮 昭 主 波 討。 陵, 爲 費 淮 武 東 在 尼。 圍 擒 陵 揚 淮 功 以 日 欲 明 白 皆 東 夕耳。 外 州 陵 援 大素, 塔、牽城 而 暢, 分部諸 刺 關 陸 九山 寧朔將 史 斬 道 水 奮揚 據 伯 衝 所送首虜 九山 隣 將,倍 徐州 東 大 軍 大峴 數 城 略 幸 水 日 其 長 **險要**, 道據 惠 之間 路, 陳 濟 將 史 並 伯 蕩 陰 潘 龍 之, 並 已聞之。」 之爲江 驤 太 伯 東 江 宜 便 吳 關 守 將 隣 總 卽 經 縱 規 王 軍 勒 略。 逃 州 厚 李 水 長 固 大 潰。 刺 伯 旌 强 淮 衆, 於 史成 陽 始 陵 由 是遺 廬 衍 絡 仍 江 寧 淸 陽 固 繹 統 合肥 朔 賊 太 溪 大 相 守 徒 軍 將 戍 峴 接 裴 望 傅 有 以 軍

官, 涩澄 初 以在 澄 出 外無坐。 討 之 後, 逐 行 攻 將 鍾 姜 離 慶 眞 、襲據 又詔:「鍾離若食盡,三月已前 壽 春 外 郭 齊王 蕭 寶 夤 擊 一,固有 走 之。 可 克, 長 如至 史 四月 纘 坐 淮 免

,

嘉 暴 開 大 軍 可 水 泛長, 等 府 長 破 趙 爲 景悅 萬 之。 奏宜還之,詔 叉 引 全 降 舟行 歸 之計 獲 三階 龍 壽 惠 春 無礙, 驤 ¨, 不 紹 將 還 乃 軍 宜 時 殷暹 宜善量之。 旣 張 聽 蕭 昧 還。 景 利 衍 狼 景仁 有 狽 仁 無 一、失兵 等 成 後 移 果復 小,求 . 及 率 以 前 衆五 其 四 貽 換 事 寇 屯 千 張 後 捷 千 邊 騎 也, 惠 餘 悔 校 送 紹 人。 也 尉 此 糧 史文淵 實 频 蕭 澄 鍾 將軍 表 離 表 衍 請 解 冠 等軍 經略, 澄遣 州 軍 不 許 將 主 世 。, 詔 統 軍 宗 勳 以 軍 張 付 不 上二十 有常焉。 王 惠 許。 八 足 紹 座 會 劉 游 有 七 擊 議 人。 思 司 如 奏 將 或 祖 筝 尙 軍 以 旣 軍 書 還 水 邀 殷 而 暹 盛 令 擊 失 遇 惠紹 路 難 雨 驍 廣 圖 陽 騎 奪 淮 等 其 水 將 亦

者。 所 省 減 轉 母 澄 孟 民 鎭 太 以 妃 北 忻 薨 大 賴 一,居 將 軍 喪 叉 毁 定 明 瘠 州 黜 刺 陟 當 史。 賞 世 罰 稱 初 之法 之。 民民 , 中 服 表 毎 闋 減 有 除 公 横 園 太 調 之 子 百百 地 太 姓 保 以 煩 給 苦, 無 前 業 後 貧 牧守 口 禁 未 造 能 布 蠲 絹 除, 不 任 澄 衣 多

越 時 於 謂 時 爲狂 高 肇 當 朝 猜 忌 賢 戚 澄 爲 肇 間 構 常 恐 不 全, 功 終 日 昏飲 以示荒 敗 所 作 詭

尋遷 所 屬 司 世 宗 領 空 軍 夜 加 于忠 崩 侍 诗時 中 侍 事 俄 中 倉 詔 卒,高 崔 領 光 尙 築 肇 書 奏澄 擁 令 兵 爲 於 尙 外, 書 令, 肅 宗 於是衆 沖 幼 心忻 朝 野 服。 不 安。 叉 加散騎 澄 疏 斥 常 不 侍、 預 驃 機 騎 要 大 而 將 朝 軍

景穆十二王列傅第七中 任城王

同, 回、匡,行己悉同 之來,皆因府主,今府主不霑,佐官獨預,棄本賞末,愚謂未允。 應蒙之理,備在於斯。 絕。 事 仰 **芻蕘,達四聰於** 之,或有司愛憎,或執事濁僻,空文致法,以誤視 里,駟馬 元之至望。 曆,文明協統,變官易律,未 川之論 竊惟雲構鬱起,澤及百司 `,嘗經先朝者,不得 日月於 與奪 封 初 回 ,正始之末,詔 小小 弗追。 隨 自鎭遠、安州入爲太尉長史, 九泉,微屈者希 決 時, 在于謙挹,有 則 道無 天下。 .汎限,上允初旨百司之章,下覆訟者元元之心。」 通 故禮有損 ;鄉校之言,擁 恒 百司 重聞。」燈奏曰:「臣聞堯懸諫諍之鼓,舜置誹謗之木,皆所以 伏惟 禮。 **兼州佐停私之徒,陪臣** 益,事有 乖 曲 ,企春望榮,內 普昇一 太祖 爲 思過 照 舊 典。 於 違 盆下。 典。 開基,化隆自遠, 如 則 級,而執事者不 可否,父有諍子,君 渴, 敗 謹 尋 國 及慈聖臨 元匡 言重千金, 今乃格 抱 外同 矧 枉 自 伊 求 慶。 郡丞之例,尚蒙天澤下降,榮及當時。 征虜、 陳屈, 直,或經 以先朝,限以一例,斯誠奉遵之本 朝,母儀字縣,爰發慈令, 聽。 達旨意,刺史、守、 累聖相承, 至於賞陟 故稱無諱之朝,邁蹤三、五。 恒州 有 如此冤塞,彌在可哀。 而 累朝。 諫臣,琴瑟不調,理宜改作。 可 入作宗 抑 ,不及守宰, 以 於今九帝。 毫釐之差,正之宜速 先朝。 今計刺史、守、宰之官, 韶曰:「自今已後, 卿, 令限 二人遷授, 且 爾 先朝 垂心滯 重光 而 來十年, 不 **僭之與濫**,寧失 屈)疊照, 及。 高 者, 獄, 並 心 廣 祖 質 澄 一。膠若 在先詔 污隆 深 內 耳 冤訟不 非 是 쐒 然參佐 奏曰: 請 枉 年 目 外之 以 故 乖 於 必 屈

不經,乞收 何 必 詮 改。 (今旨, 還依前詔。」詔曰:「省奏, 深體毗贊之情, 三皇異軌, 五代殊風, 一 必謂 虚 文設旨,理 在 可 申者,何容 不同 來執。 可 依 往 制 時之制,

實 舉 合。 徵 須 興 事 滅 陷 黝陟 者 有 租 沒 繼 十條。 澄 同 調 ',以 絕,各 背 表 否 日 無以 羽 須 旌 一皇誥宗制弁 林虎賁、邊方有事、暫 精 堪 賞 舉 日 所知 罰 濟, 檢; 律 度 今請発之, 三長 六日 量 四 衡 訓詁各一 及近親, 逃亡代輸,去來 日 五 公私 調 使專其業。 之外,一不 卷,意欲 若 不同,所宜一之。 可 實實 赴戦 隱 之, 年久者, ,常戍宜遣蕃兵代之。 皇太后覽之,思 九 ·煩民, 日三長禁姦,不得隔 徵 其 任民 代輸, 若 二日宜 非 伎 之力, 不隱勿論 作, 勸 興 戒 任 不 學校, 之益。 過三 聽 靈太后 越 卽 以 相 日 八日 住 領,戶 明 叉 0 奏利 黜陟 下 七 工 五. 其奏,百僚議之, 不滿 商 曰 日 之法。 或 臨民 世 邊 一濟民 業 者 兵 一隨近近 、逃走。 之官, 之戶 所宜 三目 を復 或 宜 振

防 勃 根 微 忽 固 恒 起,振 在 農 本 時 · 、 强 郡 四 中 故 幹 動 北 郎 關 雖 弱 中 將兵 畿 枝 帶 有 之義 文 河 數寡弱,不足以襟帶 四 事 內 府 不忘 郡, 也。 羸 卒 選二品 靈 武 , 太后 何 功。 以 二品品 防 初 況 擬。 將從之,後 今南 京 親 平康之世,可以寄安,遺之久長,恐非善策。 賢 師,澄奏宜 蠻 (兼稱 仍 演,北 議 者居之, 者 不同 以東 妖頻 省 中 結, 功 帶 非急之作,配 止。 滎陽郡,南 來 事 澄 難 叉 圖 重 中帶 奏日 以 勢同 强 兵, 魯 往 固 陽 變。 如 郡 本 此 宜 西西 脱暴 如臣 則 强, 深

景

遠 深 愚 見, 鎭,衣食 軍 郡 郞 相 將 領 無資,多 依 ", 則 兵,兼 表 有 裏 總 民職,省官實祿,於是乎在。 俱濟,朝 死 者,奏幷 廷 其 無 妻 四 字 顧 給糧 之憂, 一歲,從 姦宄 絕 求還依前增兵益號,將位 窺覦 之。 之望矣。」卒不 葬 以 疾 息,求解任 納。 一,不不 既重, 叉 以 流 則念報亦 人 初 至

萬 蕭 衍 彭 於 宋, 浮 尋 Ш 斷淮 淮 堰 自壞,不行 爲 堰, 以 灌 壽 春, 乃除使持節、 大將軍、 大都督、南討諸軍事,勒衆十

從 絹 猶 未 匹 周 澄 賊 一,輸 悉 虜 以 入 北 磚 今軍 寇 邊鎭 三百, 至 旅 將 初 於 選 以 舊 寧, 舉 漸 都 彌 無宜 修 鎭 造。 輕,恐賊虜闚邊,山陵危迫,奏求重鎭將之選, 一發衆 將多 詔 非 從之。 請 其人,所 取 諸 太傅、 職 在 人 及 淸 叛 亂, 司 河 王懌表 州郡縣 犯逼 Щ 奏其 犯十杖已上百鞭 . 凌, 事 如澄 丁。遂寢一 所 不行 慮。 修警備 岂下 澄 奏都 之嚴, 收贖之物, 城 府寺 詔

得 罪 絕 因 失, 以 三宥 民 定 澄 公事 Τģ 命, 又奏曰 應 秉 興 廢 律 刑 傷 理 之 執 實 於 理 臣 請 都 未 所 敗 盡 市, 由 法。 不 聞 也 得 與衆 賞 何 往年州於大市鞭殺五 已 必 者? 竊 棄 而 以 聞 之, 道 用 太平 司 一,用 之。 州 如 之世 防淫 其 牧 是故 高 疑 一,草 似 人之姦;罰 陽 小 不 大之獄 不 王 了, 分, 横 臣 伐, 雍 情 及檢贓狀, 栲殺 ,察之以 不濫 理 行 未究,不宜 **葦之感**, 奉 及, 朝請 情, 以戒 全無寸尺。 韓元昭、前 事 良 以三清 人 驗 士之困。 呼 隆 嗟, 周。 九 今復酷害, 流 門下 或 之官 若 刑 虧 昭 錄 者, 王 杖 等 事 侀 道 0 狀 姚 也。 便 彰 敬 至於 刑罰 死 毎

輕

雖

垂

尉 明 此 之世 推究,驗其 朝 一、未聞 野云云,咸懷驚愕。 爲 斯 劫之狀 此 也。 武王曰:『吾不以一人之命而 ,察其栲殺之理,使是非分明, 若殺 生在下,虐專於臣,人君 易天下。」 幽 魂 之權,安所復用。 獲 雪。」 蓋 重 民 命也。 之。 自開古以來,明 請 以 見事 付 廷

詔

從

寬 簿 澄 凡 請付 也。 所奏事 御 澄 曹須 當官 史 太僕,以充 宜 中 繕) 則 閣 尉、東平 寫事意,以付 而 道通之,蓋 出 行 借。 ,無所 國 王匡奏請 閑。 時公車 口 以 避。 公車。 詔 秘 日 要之切,防其宣 署以理冤事 又奏墾田授受之制 取景明元 詔從 王 廉 之。 貞之德,有過楚相,可敕付廐,以成君子大哉之美。」 年以 重。 西域 /來内 |露,寧有古制 奏請 嚈噠、波斯諸 八條, 眞案。 甚有 |澄 所 執 國 重 綱貫, 各因 奏以 今 反輕之, 公使,並遺澄 大 尙 書 便於 政 本, 時。 内 猶 特宜遠慎,故 前 設禁, 駿 來尙 馬 殿最,欲 外更 書文 匹。

.外考簿、吏部除書、中 兵勳案幷諸

以案校 竊 階 盗 官之人,靈太后 許之。 澄 表 日

清 有」, 事 如 淸 此 ì 之本 叉 臣 心 則 日 聞 上 昔 漢 「其政察察,其民缺缺」,又 也。 三季之弊, 下 相 今欲 文 安, 斷 遠 求 獄 由 之 近 四 於 於 相 白 煩 ~ 信 刑; 幾 百司 致 宜 火德之興, 刑措 以 不怠, 行了天 省 事 省 爲 網 事 事無愆失。 先, 在於三約。 所 恢 致 恢, 使 也。 在 疏 位 豊宜 而 蕭 羣官 是以老聃云「法令 不 曹 漏 擾世教 爲 一。是 纂蕭 相 故 以深文,烹小鮮以煩 載 曹之 欲 其清靜 求 J. 治 滋 本, 彰,盜 畫 以 毗 莫若省 之歌, 聖化。 賊 多

景

手哉。

意,與物更始。 以上,引之朝堂,親決聖目,六品以下,例由敕判。自世宗晏駕,大宥三行,所以蕩除故 臣竊惟景明之初暨永平之末,內外羣官三經考課。 革世之事,方相窮覈,以臣愚見,謂爲不可。 逮延昌之始,方加黜陟。 五品

移 謠,卽應攝其一簿,研檢虛實,若差舛不同,僞情自露,然後繩以典刑,人孰不服。 所宜 邴吉不問僵道之死,當時以爲達治,歷代用爲美談。 勵時,靖恭以致節。 之重、非所宜行、猶屈一言、慚而回駕、羣官百司、而可相亂乎。故陳平不知錢穀之數, 一省之案,取天下之簿,尋兩紀之事,窮革世之尤,如此求過,誰堪其罪! 重愼 又尙書職分,樞機出納。 也。 又尋御史之體,風聞是司,至於冒勳妄考,皆有處別, 昔魏明帝卒至尚書門,陳燆亢辭,帝慚而返。 但宜各守其職,思不 出位,潔己以 若一 夫以萬乘 斯實聖朝 處有風 豈有

靈太后納之,乃止。

後遷司徒公,侍中、尚書令如故。 燈叉表曰:

合,是故續武修文,仍世彌盛。 伏 惟世宗宣武 皇帝命將授旗,隨陸啓顙;運籌制勝,淮漢自賓。 陛下當周康靖治之時,豈得晏安於玄默。 節用勞心,志清六 然取外之理,

窘, 賊 賞 臥 灼 弧 聖 太 (忠清 后 略 冀 由 然 病 總御 馬 方 內 可 们 親 之盛 旌 見。 剛, 强 除 年老志張,思播 天 ;圖人之本,先在自備。 養 親 顯達。 充物 兼弱 機,乾乾夕惕。 王德幹壯茂,將相 人之器;修干戈之用,畜熊虎 在昔 有徵,天 夫 以 了又贼 萬 虺毒,此之弗圖 與不遠,大同之機,宜 乘之主,豈忘宴安, 行惡積 若留意於負荷,忿車 膂 力未衰, 蕭衍雖虐使其民,而窺覦不已。 (禍盈, ,恐受其病。 勢不能 之士,愛時鄙財, 愚臣 實 以侵名亂正,計 須蓄備。 猶 書之未 久, 堪 戏伍, 子弟 伏 催陛 -<u>-</u> 昔漢帝 、闇悖, 輕寶 荷戈帶甲之衆蓄 進賢 下妙齡 不 力疾, 重穀。 釁逆 得已。 拔能,重官 若 在 遇 已彰, 位,聖 討滅 七八 我虚疲,士民凋 今宜 英布 德 亂 年 銳 人之舉;標 慕二帝之 於 間 方 亡之兆, 今,燕 昇; 高 陛 皇 下

之氓 之法 興 天 以 替 不 夙 夜 然頃 之道,焉 生 ,散亡莫保,收入之賦不 難 一,非 懷憂,悚 卒 年 地 而 以 不 因 口 來,東 ·長,非 不慮。 息 然 不 妨 寧者也。 西難寇,艱虞之興,首尾 民 時不成,非 叉古者使 害財 ·增,出 ,不亦宜 {易 目:「 民,歲不 人 不 用之費 戒 聚。 何 以 過三日,食壯者之糧,任 分守位 彌 今墉雉素修,廐庫崇列, 生 聚 衆 連接, 之由, 日仁, 不不 愛 雖尋 力以悅民,無 如 何 此 以 得翦除,亦大損 其難; 集 聚 人 日財。」 老者之智。 、豐資 雖府寺膠塾,少有未 人守位, 故 以 財 日 待 力。 敵 若此之重。 此 財 雖 此臣 11. 者, 太 飢 饉 非 所 平

遠

圖

以肅

寧爲

大

任

景

穆

2000年 營造,自非供御切須,戎仗急要,亦宜微減,以務阜積,庶府無橫損,民有全力。 覩 周 司 '徒兵至,請籌量減徹,專力經營,務令早就。 ,大抵省府粗得庇憇理務,諸寺靈塔俱足致虔講道。 屬德昭,寢卑室而禹功盛,章臺麗而<u>楚力衰,阿宮</u>壯而秦財竭,存亡之由, 願思前王一同之功,畜力聚財,以待時會。 其廣濟數施之財, 唯明堂辟雍,國禮之大。 酬商互市之弊, 夫食土 灼然可 來冬 凡所

澄 藏、兼曲賚左右,日有數千。澄故有此表。雖卒不從,常優答禮之。政無大小,皆引參決。 靈 亦盡心匡輔,事有不便於民者,必於諫諍,雖不見用,殷勤不已,內外咸敬憚之。 切齋會,施物動至萬計。 太后銳於繕興,在京師則起永寧、太上公等佛寺,功費不少,外州各造五級佛圖。 百姓疲於土木之功,金銀之價爲之踊上,削奪百官事力,費損庫 又數爲

哀榮之極。 飾 太傅,領太尉公,加以殊禮,備九錫,依晉大司馬、齊王攸故事,諡曰文宣王。 服 甚盛。 一具、衣一襲;大鴻臚監護喪事,詔百僚會喪;曰贈假黃鉞、使持節、都督中外諸軍 神龜二年薨,年五十三。賻布一千二百匹、錢六十萬、蠟四百斤,給 靈太后親送郊外,停輿悲哭,哀動左右。百官會赴千餘人,莫不歔欷。 第四子彝襲 東園溫 澄之葬也,凶 明秘器、朝 當時以爲

<u>彝,字子倫,繼室馮氏所生,頗有父風。拜通直散騎常侍。及元叉專權,而</u>霽耻於託附,

故不得顯職。 莊帝初,河陰遇害,贈車騎將軍、儀同三司、靑州刺史。 諡曰文。

子 度世,襲。 武定中,金紫光祿大夫。齊受禪,爵例降。

童,不得無雙也。」一蹬笑曰:「藍田生玉,何容不爾。」十六,通杜氏春秋,恒集門生,討 于時四方無事,國富民康,豪貴子弟,率以朋遊爲樂,而順下帷讀書,篤志愛古。 於榮利,好飲酒,解鼓琴,能長吟永歎,吒詠虛室。世宗時,上魏頌,自己文多不載 五日,一皆通徹。豐奇之,白澄曰:「豐十五從師,迄于白首,耳目所經,未見此比,江夏黃 彝兄順,字子和。 九歲師事樂安陳豐,初書王羲之小學篇數千言,日日畫夜誦之, 性謇諤,淡 論 同異。 旬有

者 氣尙 生,世人以爲孝思所致。 往登牀、捧手抗禮、王公先達、莫不怪慴、而順辭吐傲然、若無所覩。 太常少 以其年少,答云「在坐大有貴客」,不肯為通。順叱之曰:「任城王兒,可是賤也」及見,直 ·爾·況其父乎!」及出,肇加敬送之。 澄聞之,大怒,杖之數十。 起家爲給事中。時尚書令高肇,帝舅權重,天下人士,望塵拜伏。順曾懷刺詣肇門,門 卿。 以父憂去職,哭泣嘔血,身自負土。時年二十五,便有白髮,免喪抽去,不復更 後超轉中書侍郎,俄遷 肇謂衆賓曰:「此兒豪

尋除給事 黃門侍郎。 時領軍元叉威勢尤盛,凡有遷授,莫不造門謝謁。 順拜表而已,

娱,不 憚之。 恐 裁 阿旨 之故,不伏 根 土 政 至 曾 方方 女, 入而 本 公 不 順 詣 爲 所 親 得 見 由 'n 繋,請 轉 復 日 叉。 改 其 政 此 爲 出 元叉 葬。 事 見 舉 耳 安 叉 叔 假都督 家 憚 士 父 東 謂 。」俄兼日 之罪。 叉解 順侍 報 七 %將軍 旣 順 喪,皆 出 國 握 日 坐西遊 C, 爲 領 除 , 一、齊州 卵 殿 國 使天下 如 平 北 軍 爲 中 柄 或 何 賣恩 (漕然,莫不酸泣。) 徴 捍 屏。 」 尙 何謂聊不見我了順 將軍 園 刺 殺 懷 書,轉侍 爲 史。 生 給 責 寃 因奏太后 由 恒 叉 事 」太后默 順 人私 己, ·黄門 州 心 自 中。 疑難 刺 謝 自言天之歷數應在 負有才 侍 史。 日 初 一
豈
所 三三臣 不 然 郎 叉 順謂 中 E 不 妻時 不不 欲 昨 望 色曰:「天子富於春 Щ 親 授以兵官, 往 得 叉曰 友 王 也 在 熙 看 居 郊 太后 至 中山山 內, 起 迎,賀其得 (兵計) 於 北 我躬, 側,順指之曰:「陛下 毎懷 謂 鎭 朝 家 葬,非 論 順 紛 元叉,不 鬱 紜 何 日 得 入。 怏, 得 秋 失, 唯宗 方為 復 形 此 順常 果 順 委政宗輔 有 朝廷之事 於言色, 親 而 日 國 朝 誅,及 不 哀 鯁言 梗, 廷也」 其 奈 (寃酷 患不入。 桑乾 叔 E 何以 遂 靈太后 縱 非 义 父 行 宜 酒 彌 我 妹 所 以 路 Œ 歡 分 反

同 順 順 先 日 面 諍曰:「禮、婦人夫喪、 有 就 德 近 同 宅 興 有 借紹 反 好 於 宅 灣州 與要 紹 頗 勢侍 使尚 欲 為言 自稱未亡人,首去珠玉,衣不 中 書 , 盧 불 順 同 慮 往討 勃 罪 然 也。 之, 日 大敗 紹 盧同 慚, 而 終將 不 返。 敢 無 被綵 屬侍 復言 罪 中穆紹 太 靈 陛 下 后 太 日 與順 母 后 臨 頗 侍 天下,年 事 何 坐,因 妝 得 飾 如 侍 垂不 數 論 中之言。 出 同 惑,過 之罪 遊 幸

甚修飾,何以示後世了靈太后慚而不出。 還入宮、責順曰:「千里相徵,豈欲衆中見辱也」

順曰:「陛下盛服炫容,不畏天下所笑,何耻臣之一言乎。」

之功,增任城王彝邑二千戶,又析彝邑五百戶以封順,為東阿縣開國公。 爲几案之吏,寧應忝茲執戟,虧我彝倫!遂振衣而起。靈太后默而不言。 於靈太后,出順爲護軍將軍、太常卿。順奉辭於西遊園 被徵,入爲吏部尚書,無中領軍。 「此人魏之宰嚭,魏國不滅,終不死亡。」紇脅肩而出。 初,城陽王徽慕順才名,偏相結納。 順爲詔書,辭頗優美。徽疑順爲淵左右,由是與徐紇間順 而廣陽王淵姦徽妻于氏,大爲嫌隙。 順遂抗聲叱之曰:「爾刀筆小人,正堪 微総侍側, 順指之謂靈太后曰。 時追論順父顧託 及淵自定州

順疾徽等間之,遂爲蠅賦曰:

余 以仲秋休沐,端坐衡門,寄想琴書,託情紙翰,而蒼蠅小蟲,往來牀几,疾其變

白,聊爲賦云:

紫首蒼身。 公之屍,居平叔之側。 因 緣 以授體,齊美惡而無分。 遐哉大道,廓矣洪氛。 飛不 ·能迥,聲若遠聞。 亂鷄鳴之響,毀皇宮之飾。 肇立秋夏, 爰啓冬春。 生茲穢類,靡益於人。 點緇成素,變白爲黑。 旣含育於萬性,又芻狗而不仁。隨 習習戶庭,營營榛棘。 名備羣品,聲損衆倫。 寡愛蘭芳,偏貪穢食。 反覆往還,譬 **欹脛纖翼**, 集桓

景穆

室,採葛懼其懷。小弁隕其涕,靈均表其哀。自古明哲猶如此,何況中庸與 忠孝摧。 彼 讒 賊。 膚受旣通,譖潤罔極。 周昌拘於牖里,天乙囚於夏臺。伯奇爲之痛結,申生爲之蒙災。 緝緝幡幡,交亂四國。於是妖姬進,邪士來,聖賢**擁**, 凡才。 鴟鴞悲其

豢以供神。 或負圖而歸德,或銜書以告眞。 若夫天生地養,各有所親。 雖死生之異質,俱有益於國人。非如蒼蠅之無用,唯構亂於蒸民。 或夭胎而奉味,或殘軀以獻珍。 獸必依地,鳥亦憑雲。或來儀以呈祉,或自擾而見文。 或主皮而 興禮,或牢

遂屬疾在家,杜絕慶弔。

避聞之,大怒,昧爽坐都廳,召尚書及丞郎畢集,欲待順至,於衆挫之。 順日高方至,確攘袂 扇,徐而謂雍曰:「高祖遷宅中土,創定九流,官方淸濁,軌儀萬古。而朱暉小子,身爲省吏, 撫几而言曰:「身,天子之子,天子之弟,天子之叔,天子之相,四海之內,親尊莫二,元順何 事錄尚書、高陽王雍,雍欲以爲廷尉評,頻請託順,順不爲用。雍遂下命用之,順投之於地。 何合爲廷尉淸官!殿下旣先皇同氣,宜遵成旨,自有短垣而復踰之也。」雍曰:「身爲丞相、 「此榻曾經先王坐。」順卽哽塞,涕泗交流,久而不能言,遂令換之。時三公曹令史朱暉,素 人,以身成命,投棄於地」順鬚鬢俱張,仰面看屋,憤氣奔涌,長歔而不言。 久之,搖一白羽 後除吏部尚書,兼右僕射。及上省,登階向榻,見榻甚故,問都令史徐仵起。 件起日:

|暉 錄 旨,令殿 尙 小人,便相 書, 下參選事。」順 如何不得用一人爲官。」順曰:「庖人雖不治庖,尸祝不得越樽俎而代之。 · 忿恨。」遂起,呼順入室, 又厲聲曰:「殿下必如是,順當依事奏聞 與之極飲。 順之亢毅不撓,皆此類 」雍遂笑而言曰 也 . : 「豈可 未聞 以朱 有別

刺 怪 才達裂裳覆之。 出 數 元 史,諡 僕 走 諫 而 後除 射 問 ,爲陵戶鮮于康奴所害。 諍 ,情其亮直,謂朱瑞曰「可語」元僕射, 清苦之節,死乃益 曰:「黃門何爲聲散。」」偉以狀對。 日文烈。 征南將軍、右光祿大夫,轉兼左僕射。 莊帝還宮,遣黃門侍郎山偉巡喻京邑。 順撰帝錄 彰,特贈絹百匹,餘不得例。」贈 二十卷,詩賦表頌數十篇,今多亡失。 家徒 四 .壁,無物斂屍, 莊帝敕侍中元祉曰:「宗室喪亡非一 但在省,不須來。」順 余朱榮之奉<u>莊</u>帝,召百官悉至 止有書數千卷而已。 偉臨順喪, 悲慟無已。 驃騎大將軍、尚書令、司徒公、定州 不達其旨,聞害衣冠,遂 門下通事令史王 一,
不 一河陰,素聞 旣還, 可周贍。 莊帝 順 便

嘉 而 不問 長 子 朗,時年 朗涉 歷書記,爲 ÷ Į, 枕 戈潛伏積年,乃手 司 徒屬。 天平中,爲奴所害。 刃康奴,以首祭於順墓,然後詣闕請罪。 贈都督瀛冀二州諸軍事、□ 朝廷

順弟淑,淑弟悲,並早卒工、尚書右僕射、冀州刺史。

軍

悲 弟 紀 字 子 綱。 永 熙 中,給 事黃門侍郎。 隨出帝没於關中。

穆十二王列博第七中 任城王

景

北, 爾 未 便 及卒哭,嵩 累有 澄 以 弟嵩,字 鷹 戰 鷂 功,除左 自 便 娛。 道 遊 岳 田 中郎將、雜武 o 有 高 高 如 祖時, 父之痛 祖 聞而 自中大夫遷 無猶 大怒, 衞 將 軍 子之情,捐 詔 目 二二嵩 員外常侍, 心棄禮,何其太速! 不能克己復禮, 轉步兵校尉。 企心 便可発官。」後 大司 典憲, 馬、安定王休薨, 大司 馬 薨 從 平沔 殂甫

以 斬 功賜 獲 萬 高 計 爵 祖 高 南伐,蕭寶 嵩 平縣侯,賚帛二千五 於 爾 日勇冠三軍 卷將陳顯達 o 率 白 高 衆 匹。 祖 拒 大悅 戰。 而言曰:「任城 嵩 身備三仗,免胄直前, 康王 大有福 將士從之, 德, 文武 頓 顯達 出 其 奔潰,

死 日 初 高 使 入 祖 之發洛 不 易 可 得。」 也 之。 ,馮皇后以罪 顧 謂 任 城 $\widetilde{\Xi}$ 幽 澄 於宮內。 百.[任 城必不負 旣平顯達,回次穀 我, 嵩 亦當 唐原,高祖 不負 任 城 疾甚, 口 使 嵩 將賜后 也

於

是

引

嵩

入

內

親

詔

遣

謀 阻 忠 兵, 良 冀 先戮 世 獲 與 宗 同 寶 卽 臣下 心 卷 位 相 幷 囂 以 持, 力除衍。 然,莫不離背,君 武 荆郢二 衞 將 軍 一州刺 兼侍 平衍之後,二回彼 史並 中,出爲平南將軍、荆 臣 是寶卷 攜 貮 千 之弟, 必旋師赴救 戈 H 尋。 必 有 州 流聞 圖 丹陽 刺 衍 史。 寶 之志。 , 卷雍 當 嵩 不能 表曰:「蕭 州 臣 刺 岩 復經營疆 史蕭 遭 書 寶卷骨 衍 相 兄懿於 陲 聞 肉 全固 迎 相 其 建 殘, 業 襄 本

著, 沔 而 納 便可 之, 旣 臣之軍 而 受疑 順 蕭 流 威 衍 摧 告 已得 尋克建業, 危 鋒,[三長 臨 據,則沔南之地可一舉而 援 乃止。 驅 而 接之。 席 卷。」 除平北將軍、恒州刺史。 總兵竚 詔 日 「所陳嘉 銳, 收。 觀 景 謀 緣漢曜兵,示以威德, 伺 深是良計 隙, 若其零落 轉平東將軍、徐州 如 之形已彰 當 1機形 思歸 可 刺史。 進, 怠 有道者 解 任 Ż 將 叉 則引 轉安 勢已 軍裁

南

將

軍

揚

州

刺

史。

討 爲 於 千 伏 破 之 領 軍 鷄 兵 屯 之。 卒 表 餘 據 下 裏 人。 小 蕭 口 蔡。 聲 干 邁 眼 高 衍 衍 軍 勢 。 皇,遣三 Ė 達 統 湘 征 軍主 主 陸城 至衡 州 軍 草 虜 尹 刺 衆 李 將 率 明 何 史楊公則率衆二萬, 軍 叔仁等夜襲硤 卒 Щ 軍 軍 賊皆 世 天祚、張俊 趙草 旣 四千,逆 規寇 屯 潛寇陰陵,以淮 會 東 夜 屯於黃口、二乙嵩 \ 遁,追 硤 陸 分 擊 來 城。 石 興等率衆七千,攻圍陸城, 拒 賊 石 擊破 一戰,伯 之 嵩 冦 之賊,又 遣 並 四 之, 水 壘。 別 充 屯 淺竭, 醜 逼。 軍洛口,姜慶眞 將 斬獲 與下 遣 破 羊 兀 軍 引 之。 嵩遣兼統 壘之賊 不 數 蔡 司 次于 千, 通 成 趙熾等往討之,先遣 衍 別船艦力 主王虎等前 淮 公則 將 戦敗 西 姜 軍 領卒五千,據於首波, 李 〈慶眞 嵩 屯於馬頭。 、慶眞退還馬頭。 奔走,斬 去 叔仁 乃遣統 贼 專據 後 營十二 等援 夾 獲 肥 軍封邁、王 八擊,大 里, 一統軍 | 桁將 數 汭 合肥 千 冠 司 小人娘 安伯醜 敗 田 溺 馬 軍 衍 道龍、 Ž, 將 徐 又遣其左 會等步 趙 死 俘 萬 熾 軍 州 楊石 潛 曹 何景 數 率 斬 刺 師 騎 史 天 溺 兵 夜渡, 軍將 統 頻 先 昌 一萬 八 瓆 死 義 7 屯 四

牛 敬賓攻硤石 明世 宵遁。 慶眞合餘燼浮淮下, 下蔡戍主王略截流擊之,俘斬太半。 於是

威名大振。

後爲蒼頭李太伯等同謀害嵩, 幷妻穆氏及子世賢。 世宗為嵩舉哀於東堂, 賻絹 千

匹,贈車騎將軍、領軍,諡曰剛侯。

尙 尉 初,加儀同三司,改封武陽縣開國子,食邑五百戶。 意,便隔岸遙拜,時論疾之。 軍、宗正少卿,又爲散騎常侍、安南將軍、武衞 之,於是除員外散騎常侍。 韶送晉陽。 征 軍、吏部尙書。 書令、開國公如故,諡 彈糾,坐発官。 東將軍,加散騎常侍。 第二子世儁, 興和 余朱兆寇京師,

詔世儁以本官爲都督,防守河橋。 中,薨。 尋復本 頗有幹用, 日 職。 邢杲之亂,圍逼 贈侍中、都督冀定瀛殷四州諸 躁 肅宗時,追論嵩勳,封世儁衞縣 戾。 前廢帝世,爲驃騎將軍, 而無行業。 孝靜初,加侍中、尚 子景遠襲,散騎侍郎)州城, 襲臂,除給事中、東宮舍人。伯父澄表求轉階 將軍、 世儁 書右僕射,遷尚書令。 世儁居選曹,不能 河南 憑城拒守,遂得保全。 仍加尚書, 尤爲尒朱世 軍事、驃騎大將軍、太傅、定州刺史, 尹 開國男,食邑二百戶。 尋除鎭東將軍、青州 及兆至河,世 属 世 心,多所受納,爲中 **儋輕薄,好** 孝莊時,除衞 隆 儁 所 遷冠軍 初 刺史,轉 無拒 去 出 就, 授 將 將

世賢弟世哲,武定中,吏部郎。

左將軍,遷平東將軍 嵩弟贍,字道周。 、兗州刺史。 高祖時,自□大夫稍遷宗正少卿、龍驤將軍、光州刺史、散騎常侍、 頗愛書史,而貪暴好殺。 澄深耻忿之, 絕其往來。 有四

長子遠,尚書郎。

諤俶儻,有汲黯之風,不用於時,橫招非命,惜矣。 謂歟。文宣貞固俊遠,鬱爲宗傑,身因累朝,寧濟夷險,旣社稷是任,其梁棟之望也。 史臣曰:顯祖之將禪讓,可謂國之大節。康王毅然庭諍,德音孔昭,一言興邦,其斯之 嵩有行陳之氣, 儁則裂冠之徒歟? 順謇

校勘記

- 若欲捨儲 無所卷二八八三三九四頁作「若或欲捨儲宮」、「或」「宮」一字當是傳本脫去。
- 字道鎭 雲以太妃蓋氏薨 《北史卷一八本傳「鎭」作「鏡」。 按「鏡」與「澄」名字相應、疑作「鏡」是。 張森楷云:「上卷作孟椒房生雲。 『孟』 "蓋』形近,未詳孰是。」
- **叱盤固道鎭副將** 諸本「盤」作「磐」。按上文作「符叱盤」、「盤」「槃」都是譯音、但二行之內不當
- 前後互異,今改作「盤」。
- 五 景 陛下徙御濹洛經殷墟而弔比干 穆 王 列 傅 第 七 中 校 勘 諸本「玃」作「殷」,「殷」作「濹」。 册府卷一三七一六六二頁 如上 記 四八九

摘 七載元宏界比干文明云「路經商區」,韓屆衛壤」, 句。 北史卷 一八無上句,下句也作「殷墟」。 按遷都洛陽, 本書卷一〇六上地形志上汲郡汲縣下有一此干 不得謂之「殷洛」。 金石萃編卷二

墓」,用比干和瀍水全不相干。顯然二字誤倒,今據册府改。

內而應者未審 通鑑卷一三九四三七一頁此句作「爲內應者未得審諦」。 這裏「內而應者」當作

 $\overline{}$ ゼレ 任許一羣婦人輩奇事 、北史卷一八此句作「任一羣婦女輩」。 按魏書此句疑有訛脫。

而

內應者」。

魏書舊本作「木陵」。 冰篇木陵山在黃水西南,有木陵關。」 蕭衍將張囂之寇陷夷陵戍 木陵在今湖北麻城北, 通鑑卷 一四五四五二七頁「夷陵」作「木陵」。 按諸本都作「夷陵」, 下文的陰山戍, 通鑑當別有據,但考異無文, 據水經注卽其東的陰山關。 胡注:「水經注:卷三〇淮 或所見 似作

 \sqcap 瓚 長史韋纘坐発官 附 卷四三韋閬傳、記発官事 諸本「纘」作「績」。 與此傳合。 按卷九二任城國太妃孟氏傳見長史章瓚, 今據本傳 改。 卽此人。 韋

木

陵」是。

請準回匡 這 裏不 應只以封回 諸本「回匡」作「封回」, 一人爲例。 原文當作「回、匡」、宋人避諱、册府改「匡」作「康」, 册府卷四 七二五六三一頁作「回康」。 按上文舉封回、 這裏改作 元匡二

「封回」、今改正。

- 詔百僚會喪 改 諸本「會」作「興」,册府卷二七七三二七三頁作「會」。按「興喪」無義, 今據册府
- 初書王羲之小學篇數千言 卷、署下邳內史王義撰、『義』亦作『義』、後人又妄添『之』之於下。」 張森楷云:「王羲之無小學篇。 隋書經籍志卷三四小學類有小學篇 按張說似 是, 但顏氏 家訓

書證篇 ·篇`兩唐書經籍志、藝文志載此書都作「王羲之」,或北魏末已有作「羲之」撰的本子, 非字

訛。

- [1] 上魏頌 北史卷一八「魏」下有「道」字、疑此脫去。
- 平衍之後 諸本「平」訛「一」,不可通, 册府卷三六四宋本作「平」,明本同卷四三三〇頁「平衍」 倒

作「衍平」,但卷三八九四六二〇頁同宋本,今據改。

- 二吾 順流摧鋒 越河」、文苑英華卷九〇五庾信紇干弘碑「推鋒直上」,可 「摧」疑當作「推」。 文選卷六左太沖魏都賦「推鋒積紀」, 晉書卷六二祖逖傳「推鋒
- 景宗傳見「別將趙草」,所守之壘名「趙草城」。「革」乃「草」的形訛,今據册府改。 行征虜將軍趙草屯於黃口 諸本「草」作「革」,册府卷二九〇三四一八頁作「草」。 按梁書卷九曹

魏書卷十九下

景穆十二王列傳第七下

南安王 城陽王 章武王 樂陵王 安定王

忠謹,事母以孝聞,賜帛千匹以褒之。 州刺史。 鎭都大將。 南安王楨,皇興二年封,加征南大將軍、中都大官,尋遷內都大官。高祖卽位,除涼州 徵爲內都大官,出爲使持節、侍中、本將軍、開府、長安鎭都大將、雍州刺史。 尋以綏撫有能,加都督西戎諸軍事、征西大將軍、領護西域校尉、儀同三司、凉 |植

者,略有三事:一者,恃親驕矜,違禮僭度;二者,傲慢貪奢,不恤政事;三者,飲酒遊逸,不擇 **外留,翁今還州,其勤隱恤,無令境內有飢餒之民。 翁旣國之懿親,終無貧賤之慮。** 思一言展,故因講武,遠徵赴闕。仰戀仁慈,情在未已。但長安鎭年飢民儉,理須綏撫,不容 徵赴講武,高祖引見於皇信堂,戒之曰:「翁孝行著於私庭, 令問彰於邦國, 每欽忠懿, 穆 十 二 王 列 傳 第 七 下 南 安 ${\Xi}$ 四九三 所宜愼

作鎭 外; 下。 篤, 交友。 邀 法 能 南 水 安 遵 特 恩矜國 虚 羣 主 奉 關 夫豈不 一原 後 臣 三者 稱 右 楨 咸 ,二三之狀,皆犯刑 不 不能 恕, 屬, 乃聚斂肆 懷, 以 順 示 去, 毎 二王託 法度,贖貨聚斂,依犯論 削除封 |潔己奉公,助宣皇度,方肆 有爲 患禍將生,但能愼 尋惟 情。 而 爵 體先皇,宜蒙矜恕。 然耳。 一、以庶 高宗 文 明 書。 孔懷之近 太后、高 人歸第,禁錮 今者所犯, 昔魏武翦髮以 (此,足以全身遠害, 光國 一一發言 坐,將至 祖 並 貪欲 太后 事 「終身。」 臨皇信堂, 「哽塞, 重 ", 殖貨 不答。 不測。 疇 齊衆 日, 悲 () 叔向 慟 私庭,放縱 循古 高 卿等為 引見王 于懷;且 祖 推 戮 乃 榮家, 刑, 當存 弟 詔 公, 姦 日「南安王楨 以南安王孝養之名,聞 以 實在 親以 明 太后令曰:「汝陰王 囚 終始之德成矣。」 法, ,壅絕訴訟,貨遺諸使, 難 毁令 恕。 克己 一、爲欲 皇太后 一忍親, 以懿戚之貴, 滅親 以 而 天 天 於 慈寬 楨 以明 率天 內

慰。 射 戀。 軍 也 相州 後 然 及 葬 高 當 今者之集, 刺 使 祖 史。 贈 武 南 布 伐,植從 土 高 帛 一彎弓 雖 綵 祖 餞 五. 日 ,文人下筆。」 至洛,及議遷都, 楨 百段。 分 於 歧,實爲 華林 叉 以 都 曲 高 亭。 植 宴, 祖 議 送楨 並 定 首從 韶 遷 可 日 都, 賦 大計, 於 詩 階 從祖 復 下 申 封 高 意。 南 流 南安王, 祖 安, 涕 甚悅。 射 而 者 旣 別 之蕃 印 食邑一 植母 以 任 觀 劉太妃 , 德, 千戶。 將 不 曠 能 違 一薨,高 出 賦 千 爲 詩 里 鎭 祖 者, 豫 親 北 可 懷 大 幸 聽 惘 將

太和

二十年五月至鄴,入治日,

暴風大雨,

凍死者十數人。

植又以旱祈雨

于羣神。

鄴

月疽 穆泰謀反,楨知而不告,雖薨,猶追奪爵封, 城 有石虎廟,人奉祀之。 一發背 党 諡曰惠, 贈帛 植告虎神像云:「三日不雨、當加鞭罰。」請 一千匹, 及葬, 國除。 叉賜 帛千匹, 遺黃門郞監護喪事。 有五子。 雨不驗,遂鞭像一百。是 及恒州刺史

軍、武川鎭都大將、假魏公。 子英,字虎兒。 性識聰: 敏, 未幾,遷都督梁昼寧三州諸軍事、安南將軍、領護西戎校尉 博聞强記, 便弓馬, 解吹笛, 微曉醫術 高祖時, 爲平北將

池鎭都大將、梁州刺史。

拔。」於是簡兵三面騰上,果不相救。旣破一處,四營俱潰,生擒梁季羣,斬三千餘級,俘七百 羣等領衆二萬,徼山立栅,分爲數處,居高視下,隔水爲營。 傾東南, 漢中有可乘之會, 表求進討, 高祖許之。 相服,衆而無上,罔知適從。 鸞白馬戍將其夜逃潰。乘勝長驅,將逼南鄭,漢川之民,以爲神也,相率歸附 高 祖南伐,爲梁漢別道都將。 若選精卒,幷攻一營,彼不相救,我克必矣。若克一軍,四 後大駕臨鍾離,詔英率衆備寇境上。 師次沮水,蕭鸞將蕭懿遣將尹紹祖、梁季 英乃謀曰:「彼帥賤民慢,莫能 英以大駕親動, 營自

蕭 懿聞而遣 梁州 民李天幹等詣英降,待以國士之禮。 將養脩率衆追襲,逮夜交戰,頗有殺傷。 天幹等家在南鄭之西,請師迎接,英遣 脩後屢敗,復更請軍。 懿遣衆赴之,迎 迎之。

英 英 然 乃緩 徼 告 賊 退, 急。 其 騎 前 乘 徐 英 勢追 合擊之,盡俘其 行 率 騎 ,神色自若,登高 一 %,遂 千,倍道赴 圍南鄭 衆。 枚。 懿續 禁 望賊,東西指 止三軍,一 未至, (遺軍,英不虞賊至,且 賊已退還。 無所犯,遠近皆供租 麾,狀似處 英恐其入城,別 分,然後整列 衆力已疲, 運 而 遣統軍元拔 軍 前 少 人 賊謂 懼 以隨 咸 有伏兵。俄 欲 奔走。 其

將 Щ 追 身 其 統 英。 勒 稍 軍 迅 軍 精 李 先 並 近 賜 卒 卒留 是, 反 英 以奇 爵 敵 親 廣 斷 英 後 李 自 武 英 兵 未 一殿後, 伯。 遣 鐵 歸 掩 至 之, 騎等 路。 使 也, 與 與 在 盡皆擒 懿 蕭懿遣 英勒 土 收 仇 卒下 告別。 合巴西 池 六 衆 獲。 載 馬 奮 軍主范潔領三千餘 1、晉壽 「撃,且 交戦 甚 懿 攻圍 以 有 爲詐 戰 賊 土 威 九十餘 一人,以 惠之 衆莫 且行 也,英還 ., 為流 稱。 敢逼之。 H 斷 戦 其 人伐獠。 一日, 父憂,解 矢所 路。 無 不克。 匹 中 猶閉 潔 日 軍 以 潔 任 四夜, 門不 被 聞 死 人 大軍 決 敕 莫 然後 開。 班 戰,遂敗平敵 有 師。 圍城, 知 城退, 者。 日之後,懿 英於是先遣 欲還救援。 全軍 以 之軍 功 遷 而 乃遣 安南 還。 老弱 英候 英遣 將 會

衆討 尙 蕭 書 寶 卷 高 廣 將 祖 武 英未至, 賊已 討 陳 伯。 顯 漢陽, 達 蕭 等寇荆州 起英 寶 卷 引退。 遣 爲 左 將 衞 英 軍 將 **勰還,詔英行** 陳伯之寇淮 連 戰 軍 失 加 利 前 將 南 車 揚州 軍 駕 司 至 葬 徒、 南 遷 陽 大宗正 彭 免英 城 王 恕 官爵。 叉 鎭 轉 壽春 尙 書, 世 宗卽 以英為 仍 本將 位 一,行 鎭 軍 南 徐 將 鎭 孙 荆 軍 還復 州

後英還京師,上表曰:「臣聞 罔 顧 天常,憑恃山河,敢抗 取亂侮亡,有國之常道,陳 中國。 今妖逆數亡, 驕縱 日 師鞠旅,因機而 甚, 威侮 五行, 致發。 怠棄三正 竊以 淫 品 刑 品

軍 江右之地,斯爲經略之基;如脫否也,非直後舉難圖,亦或居安生疾。〔〕〕今豫州刺 **援之期,內無兵儲之固。此乃臨焚之鳥,不可去薪,授首之寇,何容緩斧。** 昧 取疑議,此期脫爽,幷吞未日。」事寢不報。 皓之縛重至,齊文軌而大同,混天地而爲一。 又命揚徐二州,聲言俱舉,緣江焚毁,靡使所遺。 長 騎三萬,直指沔陰,據襄陽之城,斷黑水之路。 則皇天授我之日,曠載一逢之秋,事 以逞,虐害無辜。 已戒嚴 ,徼捷可期。 驅南出,進拔江陵。 以軍 垂邁,而東豫州刺史田益宗方擬守三關,請遣軍司爲之節度。」世宗遣直寢羊靈引 功拜吏部尚書,以前後軍功進爵常山侯 今寶卷亂常,骨肉相賊,蕃戍鼎立,莫知所歸。 其雍州刺史蕭衍東伐秣陵,掃土興兵,順 其路旣近,不盈五百,則三煙之地,一朝可收, 易走丸,理同拾芥, 英又奏曰: 伏惟陛下暫闢旒纊, 昏虐君臣,自相 建業窮蹙,魚遊釜 「臣聞る 此而 流而 不乘, 義陽孤絕,密邇天境,外靡糧 乘虛討弱,事在 魚 下,唯 肉。 少垂 將欲 内。 岷蜀之道, 有 我居上流,威震遐邇, 一聽覽, 何待。 孤 士治之師 城,更無 若此行有果,則 速舉, 獨決聖心,無 臣乞躬 自 史司馬 成成 再 重衞。此 因危攻 .興、孫 斷絕。

英奏「謹 [案學令:諸州郡學生,三年一校所通經數,因正使列之,然後遣使就郡練考。

考,覈 庭; 於 臣 京 伏 蘭 瀍 惟 蕭 其 聖 之體 最 計 明 殿。 習訓 一崇道 一,等教文肆。 頃以皇. 淹 顯 年,聽受累紀,然儁造之流應問於魏闕,不革 成均之風,蘊義光膠序之美,是以太學之館 都 遷構,江揚 **今外** 宰京官,銓考向訖, 未一, 故鄉校 之訓,弗遑正 水遣 四門博士明通五經者,道別校 別敕。」 一之輩宜 試。 八置 於 致使薰蕕之質 返於 下 國 、齊民, 四 門 之 使 数 就 均 之練,依 方構 誨 郡 學 練

令

一一一一

詔

日

一「學業墮廢,爲日已久,非一使能勸,比當

之, 裏 英 來 弱。 破 繼 西 師 決戰。 僧 後 將 涿 之 將 贼 勢。 衍 炳 退 軍 至 尋 便 詔 曹景宗、後將軍王僧 將 軍 英 遣 奔 一,俘斬 英勒 遣 英勒諸將,隨便分擊,又破之,復斬 馬 英使持 退。 其 葬 仙 冠 、驍騎 分 琕 軍 諸 進 四千餘 節 兵 軍 率衆萬 將軍元逞、 擊 將軍楊由 一假鎭 圍 韋 潰 守。 | 賢首 之, 人。 餘 南 來 壘,焚其 斬首二千三 其夜,栅 英叉 揚 率城外居民三千餘家,於城 將軍、都督征 炳 等 烈 掩 英營 將 率 於 步 民 棚 土 軍 曹文敬 /騎三 任 門。 雅 百級 馬 英 Щ 義陽 萬 駒 楊 命 結 斬 諸 賊將陳秀之。 斬 壘, 進 來 由 諸 據 救 由 賊 軍 乃 與景宗 軍 樊城 偽 驅 717 義 以 事, 降。 陽。 水 北 林 誘 以 監 牛,從營 相抗,分遣 率衆南 之,旣 西南十里 抗之。 軍 僧 三軍館 炳統 鄧 統 軍 終 討。 而出,繼之以兵。 至 年。 王買奴別破東嶺 英 穀,降民安堵。 衆二萬據鑿峴 苹 賢首山 語統, 部 蕭行司州刺史蔡道 地, 仙 勒將 琕 統 伏於 卽嶺爲三棚 士, 叉 軍 率 傅永等三軍 四 掎角計之,大 一萬 蕭衍 景宗率一萬 Щ 之陣,斬首 軍人避牛, 餘 示之以 遣 恭 其平 重 擊 聞

受律揚: 銳決 道 軍 少 反為 想 城已下,復克三關, 五. 善善 鮑 卿 百。 、戰,一日三交,皆大敗 懷 顯 陸 加 中 達 慎, 天門太守 延 旌,克申廟算,雖 道恭憂死,驍騎將軍、行州 檢督,必 兵 吉持節 所 參 敗,遂寢。 軍龐脩等數十人。 令周固 就 拜。英送蔡靈恩及 展 王 威 一有所 是役也, 承伯, 方叔 闢 境,聲略宣振 而 委付,然後 之制 返。 平北 世宗大悅, 詔 靈恩 事 蠻荆,邵虎之掃淮 府 曰:「會平江南, 蔡靈恩復憑窮 行尚 司 勢窘,逐降。 凱旋耳。」初,高 馬宗象 公私稱 書 乃復之,改封中 郞 蔡僧勰, 平 泰, 北 城,短兵 此等便可 浦 三關戍聞之,亦 府 良以欣然。 ,匹茲蔑 前軍 祖 諮 談 山王, 之平 日接。 放歸 参軍 將軍、義陽 漢陽, 如 食邑一千戶 伏粲,給事 也。 將 也。」英旣還,世宗引見,深 景宗、 棄城 軍 英有 淵 新 太守 孙 規 而 仙 戰 走。 初 內 琕 馮 中、寧朔將 , 功, 附 斷 遭 知 道要,游 詔 城 大 忠謨 許 宜 將拔 使、 復 廣 知知 外舉, 其 經 軍 擊 鴻 略, 贼 臚

萬, 有 衆 + 斯 進 故遣 舉, 萬討之,所在皆以便 取 衍 必期 步兵校 遣將軍寇肥梁, 勝 其算安在? 捷, 尉、 領中 而出 宜 書舎人王雲指取機要。」英表陳事 軍 詔英使持節, 從 克殄之期, 淹 滯, 事 。韶英曰:「賊勢滋甚, 肥梁已陷。 復當 加散騎常侍,征南 遠近? 聞之惋 竟 懑, 以 圍逼 幾 將軍、 實 日 機。 肥 乖 可 梁, 本 至 乃擊破 都督揚徐二 邊將 圖 賊 所 *t*. ? 今 後 陰陵,斬衍將二十五 規, 衆 必 勝 軍 道諸 以至於 ·雲集, Z 規, 軍 此。 十 何 ** 有 故 五 淧

嘉勞之,後增封

一千

戶。

景

英曰:「知大摧鯨寇,威振南海,江浦無塵,三楚卷壒,聲被荒隅,同軌斯始, 軍 人 大將軍、臨川王蕭宏,尚書右僕射柳惔等大將五人沿淮南走,三 及虜首五 千餘級。 又頻破賊軍於梁城,斬其支將四十二人,殺獲及 凡收米三十萬石 溺 死者將 公私慶慰 五 良副 詔 衍 中

股 懷。 限 旋 裝 固, 次,已成勞久,攻守之方,理可豫見。 城 得 区 少 理 隨 致 在 `徐嚴,爲振旅之意,整疆完土,開示威略。左右

樹楚,素應逃亡,或簋山湖,或難制掠。 進 遲近,不 渠點黨,有須翦除者,便可撲掃,以淸疆界。 卒難攻屠。 冬春之交,稍非勝便,十萬之衆,日費無貲。 必克。 攻者,臣已更高邵陽之橋,防其汎突。意外洪長,慮其破橋,臣亦部 實 睽 英追至于馬頭,而馬頭戍主委城遁走,遂圍鍾離。 狹處,營造浮橋,至三月中旬,橋必克成。 便當 願 朝廷特開遠略,少復賜寬,假以日月,無使爲山之功, 復委曲。」英表曰:「臣奉辭伐罪,志殄逋寇,想敵量攻,期至二月將末三月之初, 便生異議。臣亦諦思。若入三月已後,天晴地燥,憑陵是常。 但自此月一日以來,霖雨連併,可謂天違人願。然王者行師,舉動不易,不可以 乘威藉響,長驅吳會,翦拉遺燼,截彼東南也。」 比頻得啓,制勝不過暮春,及省後表,復期孟夏之末。 如其强狡憑阻,未易致力者,亦不煩肆兵。凱 晴則攻騰,雨則圍守, 韶曰:「師行已久,士馬疲瘠,賊 方圖後舉,不待今事。 中途而廢。」詔曰:「大軍野 水陸二圖,以得爲 分造船,復於鍾 如其連雨仍接,不 且可 城險 密

彼 土 蒸濘,無宜 人淹。 勢雖必取,乃將軍之深計,兵久力殆,亦朝廷之所憂。 故遣主書曹道

往 觀 軍勢, 使還。 具聞。」「三及道還,英猶表云「可克」。

貂蟬、章綬。 四 月,水盛破橋,英及諸將狼狽奔走,士衆沒者十有五六。英至揚州,遣使送節及衣冠、 詔以付典。 有司奏英經算失圖,案劾處死,詔恕死爲民。

衆守 州 離一眚,豈足以損 賊方略,已在 屨, 愛等鍾牛, 使臣得同荀伯, 再 以宗室之長,頻荷推轂之寄。 故,居無寧歲,今南疆不靖,王不得以屢勞爲辭也。」 發 刺 而 有倒懸之切。 懸 史婁悅嬰城 冀州已平。 後京兆王愉反,英復王封,邑一千戶,除使持節,假征 瓠 世宗引英謂之曰:「婁悅綏御失和,銓衡闇於簡授,故使郢民引寇,關戍外奔,義 悦子尚華陽公主,幷爲所劫。 臣目中,願陛下勿勞聖慮也。」世宗曰:「截彼東南,再淸隨楚,所望於將軍。 自守。 時郢州治中督榮祖潛引 大德。 王國之邵虎,威名宿震,故屈王親總元戎, 懸瓠 今王董彼三軍,股無憂矣。」 城民白早生等殺豫州刺史司馬悅,據城南叛。 規略淺短,失律喪師,宜章子反之戮,以謝 .生明世,誓追孟氏,以報復爲期。 蕭衍軍,以義陽應之, 詔英使持節、都督南征諸軍 英對曰:「臣才非韓白, 東將軍、都督冀州諸軍事。 掃淸氛穢。 三關之戍, 關郢微寇,何足平殄,滅 事、假征南將軍 天下。 並據 昔衛霍以 行將齊苟仁 識闇孫吳, 陛下慈深念 城 降 衍。 匈 出 奴之 英未 陽 徒 自 率 郢 鍾 孤

巒分兵共攻懸瓠,克之,乃引軍而進。 世宗 以邢巒頻破早生,韶英南赴義陽。 初苟仁之據懸瓠,衍寧朔將軍張道凝等率衆據楚城, 英以衆少,累表請軍,世宗弗許。 而英輒與邢

向西關,分其兵勢。 幌,衍太子左衞率李元履棄城奔竄。又討西關,衍司州刺史馬仙碑亦卽退走, 生、驃騎將軍徐超秀援武陽。英乃緩軍,曰:「縱之使入此城,吾先曾觀其形勢,易攻耳, 主胡文超別屯松峴。英至長薄,馬廣夜遁入於武陽,英進師攻之。 攻,宜須先取,卽黃石公所謂戰如風發,攻如河決。」英恐其幷力於東,乃使長史李華率五 關,英策之曰:「三關相須如左右手,若克一關,兩關不待攻而定。攻難不如攻易, 聞英將至,棄城南走。英追擊,斬道凝及衍虎賁中郎曹苦生,盡俘其衆。 凡擒其大將六人,支將二十人,卒七千,米四十萬石,軍資稱是。 取之如拾遺也。」諸將未之信。一瓮生等旣入武陽,英促圍攻之,六日而廣等降。 身督諸軍向東關。先是,馬仙碑使雲騎將軍馬廣率衆拒屯於長薄, 聞行遣其冠軍將軍彭瓫 旣次義陽,將取三 於是進擊黃 果如英策。 東關易 統

還 朝,除尚書僕射。 永平三年,英薨,給東園秘器、朝服一具、帛七百匹,贈司徒公,諡

日獻武王。英五子。

他,字玄興,東宮洗馬。早卒,贈散騎侍郎。

熙以 歲 將作大匠,拜太常少卿、給事黃門侍郎,尋轉光祿勳。 廢之,立第四子略爲世子,宗議不聽,略又固請,乃止。 中驟遷。 七月入治,其日大風寒雨,凍死者二十餘人,驢馬數十匹。 攸弟熙,字眞興。好學,俊爽有文才,聲著於世,然輕躁浮動。 尋除平西將軍、東秦州刺史,進號安西將軍,祕書監。 時領軍于忠執政。 起家秘書郎,延昌二年襲封,累遷兼 熙聞其祖父前事,心惡之。 英深慮非保家之主,常欲 尋以本將軍授相州 熙, 忠之壻也,故 刺

又有蛆生其庭。

以今月十四日俱發。庶仰憑祖宗之靈,俯罄義夫之命,掃翦兇醜,更清京邑。臣親總三軍,星 旣進,文武爭先,與幷州刺史、城陽王徽,恒州刺史、廣陽王淵,徐州刺史、齊王蕭 孰可忍之!臣忝籍枝蕚,思盡力命,碎首屠肝,甘之若薺。今輒起義兵, 之,王董權逼,方此 太傅淸河王橫被屠害。 徽明相襲。 而 「臣聞安危無常,時有休否。臣早屬休明,晚逢多難。 領 軍將軍元叉寵藉外親,叨榮左右,豺狼爲心,飽便反嚙。 初,熙兄弟並爲淸河王懌所昵,及劉騰、元叉隔絕二宮,矯詔殺懌,熙乃起兵,上表曰 皇太后聖敬自天,德同馬鄧,至尊神叡纂御,神鑒燭遠。 非譬。 致使忠臣烈士,喪氣闕庭;親賢宗戚,憤恨內外。 臣仰瞻雲闕,泣血而生,以細草不除,將爲爛漫。 自皇基綿茂, 遂使二宮阻隔, 溫凊闕禮, 又 九葉承光,高祖、世宗, 四海晏如,八表 妄指鹿馬,孰能踰 實甲八萬,大徒 況叉悖逆如此, 寶夤等, 歸化。 同

景穆

鼓 醜 邁 街,傳首京 使太后至尊忻然奉對者,臣卽解甲散兵,赴謝朝闕。 2課 而 ,虚受榮祿哉!」熙兵起甫十日,為其長史柳元章、別駕游荆、魏郡太守李孝怡率諸城人, 赴難,置兵溫城,伏聽天旨。 入, 殺熙左右四十餘人, 師 王公宰輔,或世著忠烈,或宿佩恩顧, 執熈,置之高樓,幷其子弟。 臣雖才乖昔人,位居蕃屛,寧容坐觀姦 叉遣尚書左丞盧同斬之於鄴 如能同力, 翦除元叉,

殷 吏 勤 日 義 屬 始 知己。 熙妃于氏知熙必敗,不從其謀,自初哭泣不絕,至於熙死。 實 動 從今一銷化,悲傷無極 君 子,主辱死忠臣。 何以 已。 明是節,將解七尺身。」與知友別曰「不生方寸心, 熙臨刑爲五言詩,示其僚

言色, 以 以 賦 如 其 恍惚無際,一去不還者乎? 名 詩 菛 此, 義 告 熈 無 恩同 干 別 旣 始 以自安,故率兵民 心,不 蕃 熙之鎭 慈 主 及熙將 母。 一之貴,加有文學,好奇愛異,交結偉俊,風氣甚高,名美當世,先達後進,多造 得不 鄴 今皇太后 死,復 也,知友才學之士袁翻、李琰、李神儁、王誦兄弟、裴敬憲等咸餞於河梁, 爾,流腸 與 建大 知故書曰:「 見廢北宫, 碎首 今欲對秋月,臨春風,藉芳草,蔭花樹, 義 ,復何言哉! 於天下。 太傅清河王横受屠酷,主上 吾與弟並蒙皇太后知遇,兄據大州,弟則 但 智力淺短,旋 昔李斯億 上蔡黃犬, 見囚執,上慚朝廷,下 陸機想華亭鶴唳, 一幼年,獨 廣召名勝, 賦詩洛濱, 在前 愧 入侍,殷勤 殿。 相 知 君 本 親

其 可 得乎? 凡 百 君 子,各敬 爾宜,爲 或 爲身,善勗 名節,立功立 事,爲身 而 已,吾何言哉

人憐之。

熙之死 寃。 增首 信 試 級,以爲 及熙之禍 又熙於任 看任城 也,果 家。」 功 如 議 城王澄薨前,夢有人告之曰:「任城當 所夢。 狀 者 熙 夢 以 又于忠之誣 中 爲 兄弟三人,每從英征 顧 有 報 瞻 應焉 任 郭祚、 城第舍,四 裴植 [伐,在] 也 面 牆崩, 忠意未決害之,由熙 軍 貪 死。 無遺堵焉 暴 ",或因 死後二百 迎降逐北,至 熙 惡之, 日外,君亦 勸 獎, 覺 遂至 而 有 以 極 斬 告所 法 殺 世 親 若 以 其 及

靈 太 后 反 政, 贈 使持節 、都督冀定瀛相 幽 五. 州諸軍 事、大將軍、太尉公、冀州 刺 史, 增 本

封一千戶,諡曰文莊王。

仲 獻 左 長 將 子 景獻 軍 一、兗州 次 仲 刺 史; 獻,次叔獻 叔獻 右 將軍、 並 與 齊 熙 州 同 被 刺 害。 史。 後 贈景獻中軍 將軍 一青州 刺史, 葬 以 Ē

宅, 襲先爵。 叔 獻 弟 叔仁, 除 征 虜將軍、通 以 年 幼 獲 直散 全, 與 騎 母母 常侍。 于氏 徙 孝莊 朔州 初 , 遇 孝 害於 昌 初, 河陰 靈 太后詔 贈衞 大將 叔仁 軍 歸 、儀 京 師 同 三司、併 還其 財

州刺史。

子琳,襲。齊受禪,爵例降。

穆十二王列傳第七下 南安玉

景

五〇六

軍 南秦 熙 弟 州 誘 刺 字惠 史。 興。 叉 斬之於岐州 白員 外 郎稍遷 妻 通直郎、太子中庶子、征虜將 子 得 不 坐。 追 贈 車騎大將 軍 軍、 |雍||州 衞 尉 刺 史, 少 卿, 後 贈 出為右 儀 同 將

子始伯,襲。給事中。齊受禪,爵例降。

司

追

封

都

昌

縣開

國伯,食邑八百

戶

日

恭

軍 將 誘 弟略, 軍 給給 事 字儁興。 ,黄 削侍 才 郎 氣劣於熈,而有和邃之譽。 自員 外郎稍遷羽林監、通 直 散 騎 常 侍、

冠

光 略 從 遂 昌 潛 法 淸 送 光 行 河 略 素 王 自託 懌 敦 潛 信義 死後, 遁 舊 江 識 ·', 忻 左 叉 河 黜 內 而 蕭 略 納 司 衍 之。 馬 爲懷朔鎭副將。 甚 始 禮敬 略 賓 舊 Ž, 識 始 刁雙 封 賓 略 便 時 爲 未及赴任, 爲 中 爲 荻 筏 Щ 西 河 王 夜 太守, 邑 會熙起兵, 與略 干 略 俱 戶 渡 復 宣 歸 盟 與略 之。 津 城 太守 書來去。 詣 停 上 止 黨 經 屯留 年 尋値 雙 縣 熙 乃 栗 敗 法

法僧言 徐 城 州 接 俄 徵 誘 而 未嘗 略 初 徐 與 附 州 二笑。 法 刺 僧 略 史元法 至 同 還。 一,屯 行復除略 於 僧 略 河 據 雖 南, 城 衡州 在 南 為 江 叛 安 刺 南 州 、樂王 史, 自 內 未行 以 鑒 士 家 庶 所 禍 破 皆 會綜以城 略唯 爲 晨 法 夜哭泣 僧 數 擁 歸 + 逼。 騎 國 身若 ,綜長史江革 入 衍 城 居 乃 以 喪。 衍 略 尋 叉惡 爲 遣 大 其 司馬 法 都 豫章 僧 督 祖暅 爲 王 令 Ì 綜 記 將 與 鎭 彭

士五 千人悉見擒虜。 肅宗敕有司悉遺革等還南,因以徵略。 行乃備禮遣之。

ヨ昌 陽王,食邑一 餘 三千匹,宅 人送至京 東平 略 之將還也,衍爲置酒餞別,賜金銀 太守,刁雙 一區,粟五 師。 千戶。 肅宗韶光祿大夫刁雙境首勞問,又敕 西兗州 還達石人驛亭, 千石, 刺 奴婢三十人。 史。 其略所至,一餐一宿之處,無不 詔宗室、親黨、 百斤,衍之百官,悉送別江 其司馬始賓除給 內外百官先相識者,聽迎之近郊。 徐州 賜 事中、領直後, 絹 布各一千匹。 ·霑賞。 上,遣其右衞徐確率百 栗法光本縣 除略侍中、義 賜帛 令,

天下 本 官 多 領 尋 事 改 或 軍 子祭酒,遷大將 封 東平王, 國萬端,略守常自保,無 又拜車 軍、尚書令。四靈太后 騎大將軍 他 、左光祿大夫、儀同三司、 裨益,唯唯具臣 甚寵任之,其 而 已。 見委信,殆 領左衞將 與元徽 軍, 侍中如 相 埓 故。 於時 叉

陰。 介朱 贈 以 榮, 本 官, 略之姑夫,略素 加 太保、司 空、徐州 所輕忽,略 刺 史,諡 又黨於鄭嚴 曰文貞。 徐約 樂 兼 衝之。 榮入洛也,見害於 河

子 景式 襲。 武定 中,北京 廣 平太守。 齊受禪,爵 例 降。

略 弟 纂 字 紹興, 頗 有 將 略 爲 司 徒 祭酒。 聞 煕 舉兵, 因 逃 奔於鄴。 至卽 見擒, 與熙俱

死。 追 子 封 北 平 縣 公, 贈安北 將 軍 一、恒州 刺 史, 改封高 唐縣開 國 侯,食邑八百戶。

子 獻 襲。 卒 於 涇 州 司 馬

景

穆

+

王

列

僔

第

七

下

南

安

王

昵。 史。 後, 故得 後贈散騎常侍、征 熙 永安中,追 異 不坐。 、母弟 義 稍遷 封義 興, 輔國將軍 興燕郡王,邑五百戶,尋改封鉅 出 東將軍 後 叔 父並洛。 一, 餘 通 如 直散騎常侍。 故。 肅宗初, 義興妻,趙郡李氏。 除員 孝莊 鹿王,又改封武邑王。 外散騎侍郎。 初,於河陰 李 遇害。 頗有婦工,爲尒朱榮妻所親 及熙之遇害 贈 中 軍 也,義 將軍 瀛 興 以別 州 刺

英弟怡 起家步兵校尉,轉城門校尉,遷鄯善鎭將。 所在貪暴,為有司所糾, 逃竄得死。

子述,襲。

天平中,通直郎。

齊受禪, 爵例降。

延 昌中,卒。 莊帝初,以亦朱榮婦兄,超贈 に 驃騎 大將軍、太尉公、雍州 刺 史、扶風

永 爲 改 除 後 熙 使持 將軍 二年 長 子 節、 庸, 薨。 都 州 起家 贈 督青膠光齊南 刺 使持節 員外散騎侍郎,轉直 史。 後除衛將軍、肆州 け、侍 中、都督幷恒二州諸 青五 州諸軍事、驃騎 寢。 刺史。 莊帝初,封 軍 其弟 事 大 、、本將軍、司徒公、幷州 曄僭 將軍、東南 肅魯郡王,邑千 立,拜肅侍中、太 道大行臺、青州 卢。 師、錄尚 刺 除散騎常侍,出 刺 史,不行 書 事 尋

子道與,襲。除前將軍。齊受禪,爵例降。

長 廣王,邑一千戶。 曄 字華 興,小 字 盆子。 出爲太原太守,行幷州事 性 輕 躁,有膂 力。 o 起 家 **介朱榮之死也,世隆等奔還幷州** 祕 書郎,稍遷通直 散騎常侍。 莊帝. 與介朱兆

圧,邑萬戶。 會於建興, 乃推||曄爲主,大赦所部,號年建明。 出帝初,坐事賜死於第。 無子,爵除。 尋爲世隆等所廢。 前廢帝立,封曄爲東海

城陽王長壽,皇興二年封,拜征西大將軍、外都大官。 出為沃野鎮都大將。 性聰惠,善

長子多侯,早卒。

撫接,在鎭甚有威名。

延興五年薨,諡康王。

著稱。 之曰:「卿等總率戎徒,義應奮節,而進不能夷拔賊城,退不能殄茲小寇,虧損王威,罪應大 等,食邑一千戶。 除使持節,征南大將軍,都督豫荆郢三州、 軍、領護西戎校尉、涼州鎭都大將。 將軍盧淵、李佐攻諸陽,不克,敗退而還。 後朝于京師。 次子鸞,字宣明。 頻爲北都大將。至高祖時,拜外都大官,又出爲持節、都督河西諸軍 會車駕南討,領鎭軍將軍。 始繼叔章武敬王,及兄卒,還襲父爵。 改鎭立州,以鸞爲涼州刺史,姑臧鎭都大將, 時高祖幸瑕丘,鸞請罪行宮。 定都洛陽,高祖幸鄉,詔鸞留守。 身長八尺,腰帶 河內山陽東郡諸軍事,與安南 高祖 十圍, 事、征 引見鸞等,責 及開 餘 以武 西大將 如故。 建五 藝

守之功,還復本封,增邑二百戶。 載 廟 社之主,所以示其威惠各有攸歸, 除冠 軍 今徵 將軍、 卿等敗軍之罪 河內太守,轉幷州刺 於社 主之前, 史。 以彰 世宗 厥咎 初 除除 平 後 東將 以 必 留

軍

青州刺

史。

後轉安北

將軍、定州

刺史。

己厲 準 公私費 法 誠 尋 鸞愛樂佛道,修持五戒,不 IE 始二年薨, 擾,頗 愆, ,崇清 應加 樹 爲 惠,而 民 肅 患。 時年三十八。 黜。 乃驟相徵發,專爲煩 以鸞 世宗聞而 戚屬,情有未忍, ·飲酒食肉、積歲長齋。 贈帛六百匹,詔中書舍人王雲宣旨臨弔,贈鎭 詔 日 鸞 擾, 親 可遣使者, 唯宗懿,作牧 編 戶嗷 嗷, 繕起佛寺, 勸率百 以 家懷 大州, 義督責 、嗟怨。 民 (),奪祿 物 殷繁, 北 姓,共爲 州 周,微一 土廣, 綏寧 北將軍 示威罰 姦亂 所屬,宜克 土木之勞, 是由 也 州

郡 清整,有民 子 字 |顯順。 譽。 粗 涉書史,頗有吏才。 侍。 世宗時,襲封。 除游擊將軍,出爲 河 内太守。 在

徵

拜

長

兼散騎常

刺

史,諡

懷

軍、幷州刺 肅宗 時,除右 史。 先是,州界夏霜,禾稼不熟,民庶逃散,安業者少。 將 軍 涼 州 刺 史。 徽 以 徑 途 阻遠,固 請 不 行。 除散 徽輒開倉賑之,文武咸共 騎常侍。 其 年,除 後 將

府、西道行臺,不 拜尚書 以 書,進號鎭軍將軍。 諫 而 至夕發。 助 不 止。 ·救民困 軍 左僕 用。 徽 徽 曰:「昔汲長孺,郡守耳,尚輒開 也。」 射 肅宗不納。 以將之秦部, ,轉車 先給後 于 騎 時 將軍、儀同三司,固辭不 叉以 表。 ,戎馬在 請詣闕恭授, 本 肅宗嘉之。 官 兼 郊,王師 吏部尚書,加侍中、征 仍表 · 倉,救民災弊,況我皇家親近,受委大藩,豈 屢敗 加 安北 啓固 **拜,聽解侍中,然後受詔。** 微以軍 將軍 陳, 請不 o 旅 後 之費, 東 之職 拜安西將 將軍 上國 , 改授 遷 軍 一封絹 衞 輔 將軍 秦州 國 二干 尋除尚 將 刺 軍 ·匹、粟 右 史。 書 光 加 令 祿 度 H 詔 大 萬 支 加開 拘 書 尚 法 H

謹, 通。 內多猜忌, 及淵 時靈太后 受任 專制, 軍府,每 睚眦 之忿, 朝綱 有表 類號。 必思 啓,論徽 報復。 徽旣居寵任, 罪過,雖涉誣毀,頗亦 識 者嫉之。 無所! 又不能 匡 丽, 實 防 與鄭嚴 閑 其妻于氏, 之徒, 更 遂與廣陽 相 阿 黨。 Ξ 外 似 柔 茲

寵 謀 前 故有 之功,除侍中、大司馬、太尉公,加羽葆、鼓吹,增邑通 後屢上。 莊 帝 此辭,以防 踐 又啓云:「河上之功,將士之力, 作,拜司 外議。 州 牧,尋除 莊帝識其意,聽其辭 司 徒,仍領 牧。 求 回 封,不許 元顥入洛,徽從莊帝北巡, 所封, 前二萬 讓官。 加諸 勳 戶,餘官 義。」徽爲莊帝 如 及車 故。 親待, 駕 徽 表 還 宮 辭 内 官 懼樂 以 封, 與

徽 後妻,莊帝 景 穆 十 _ 王 舅 列 女。 傳 第 侍中 七 下 李彧,帝之姊婿。 城 陽 王 徽性佞媚,善自 取容, 挾內外之意, 宗室

親

大 戚 莫 司 馬、宗 與 比 師 、錄尙 書 事,總統 內外。 徽 本意謂榮 死後,枝 葉 自應散亡。 及 介朱宗族, 聚結

謀 難 徽 算略 無出,憂怖 而已。 性 多 嫉妬,不欲 入居 其前。 每入 參謀議,獨 與帝 決。 朝臣 . 有

上 軍 國籌策 者, 並 勸帝不納,乃云 小 賊 何慮不除。 叉吝惜 財用,自家及國 o 於是: 有 所 賞 錫,

咸 太 府 出 薄 少 卿 少, 李 或多 苗 微 而 司 中減, 徒 時 與 司 馬也,徽待之頗 而 復 追。 徒 有 | 糜費, 厚。 恩不 苗每致忠言, 感物。 莊帝雅自約狹,尤亦徽 徽自得志,多不採納 所贊 苗謂人 成

目 城陽 本 自 蜂目, 而 豺 聲 復 將露 也。

及 介朱 兆之入, 禁衞 奔散,莊帝步出雲龍門。 徽 乘馬奔度, 帝頻呼之, 徽不 顧 而去。遂 使人

於 走 路路 Щ 邀害, 南 , 至 送 故 屍 吏 寇 於 介 彌 朱 宅。 兆 彌 外雖 容納,內 不自安,乃怖徽云,官捕將至, 令其避他所。

出 帝 初 贈 使 持 節 侍 中、太師、大司 馬、錄尚 書事、司 州牧、諡曰文獻。

徽 兄顯 魏 給 事 中、 司 徒 掾。 卒, 贈 輔國 將 軍 東 豫 州 刺 史。 子

延

襲

爵

武

定

(末, 官)

至太子

中庶

子。

齊

受禪,

爵

例降

郎 將 ,遷左將軍、東徐州刺 徽 次 兄顯恭, 字 懷 忠。 史。 揚 州 入爲安東將軍、大司農卿。 別駕, 以軍 功封 平陽 縣 開 國子,邑三百 尋除 中軍將軍、荆州 戶 0 孝莊 刺史。 初,除 北 莊 帝 #

旣 道行臺、晉州 殺念朱榮,乃除顯恭使持節、都督晉建南汾三州諸軍事、 刺 史。 **介朱兆入洛後**,死於晉陽。 |出帝 初, 贈 衞 鎭西將軍、 大將軍 纤州 兼尚書左僕射、 刺 一贈車 西北

子彥昭,襲。武定中,漁陽太守。齊受禪,爵例降。

大將軍

一、儀同

三司

顯恭弟旭,字顯和。 莊帝時, 封襄城郡 主, 邑一 千戶。 武定末, 位至大司馬。 齊受禪

爵例降。

章武 王太洛,皇興二 一年薨 追贈征北大將軍、章武郡王、諡 日 敬。 無子。 高祖 初, 以南

安惠王第二子彬爲後。

可隨宜 百餘人,保險謀反,扇動徒類。彬請兵二萬,有司奏許之。 北將軍,行汾州 軍、西戎校尉、統萬鎭都大將 彬,字豹兒, 肅治,若不能權方静帖,必須大衆者,則先斬刺史, 事,率幷肆之衆往討之。 襲爵。 勇健 有武 刺史。日以貪体 用。 出為 胡平, 仍除 使持節、 削 都督 征虜將軍 封。 高祖 然後發兵。」彬奉詔大懼,而 東秦豳 是時 大怒曰 ,吐京胡反, 汾州刺史。 夏三州諸 何 有 詔彬 軍 胡民 動 事、 持節, 兵 去居 馬 鎭 西 理 率州 也 等六 假平 大 將

彬有五子。

兵,身先將士 ,討胡平之。 太和二十三年卒。 賜錢十萬、絹二百匹,贈以本官,加散騎常侍。

長 子融,字永興。 儀貌壯麗,衣冠甚偉,性通率,有豪氣。 高祖時,拜秘書郎。 世宗初,

復先爵,除驍騎將軍

于時,揚州刺史元嵩爲奴所害,敕融行揚州事。 蕭行遣將,寇逼淮陽,梁城陷沒,詔融假節、征虜將軍、別將南討,大摧賊衆,還復梁城。 尋除假節、征虜將軍、幷州刺 史。

軍。 常侍、平東將軍、靑州刺史。 左 前封,征東將軍、持節、都督以討之。,顧寡於經略,爲胡所敗。 光祿 性尤貪殘,恣情聚斂,爲中尉糾彈,削除官爵。 及世宗崩,兼司空,營陪景陵。 大夫。 還為秘書監, 遷中護軍, 進號撫軍將 拜宗正卿,以本官行瀛州事,遇疾不行。 汾夏山胡叛逆,連結正平、平陽 **外之,加散騎常侍、衞** 軍,領河南 尹,加 未幾,除散騎 部 征 將 復剛 東將

苦戰終日,更無外援,遂大奔敗,於陳見殺。 督,與廣 後 賊 陽王淵等共討脩禮。 帥鮮于脩禮寇暴瀛定二州,長孫稚等討之,失利。 師渡交津,葛榮殺脩禮 肅宗爲舉哀於東堂,賜東園秘器、朝服一 而自立。 除融車騎將軍,為前驅 轉營至白牛羅,輕 騎 撃融 左軍 具、綵 融 都

贈司徒,加前後部鼓吹。諡曰莊武。

子景哲,襲。 武定中,開府、儀同三司。 齊受禪, 爵例降。

景哲弟朗,即後廢帝,語在帝紀。

子黃頭,襲。 封安定王,改封安平王。 齊受禪,舒例降。

封 東安王,食邑五百戶。 融 弟凝,字定興。 起家 除持節、安東將軍、兗州 恒州征虜錄事參軍,累遷護軍長史。 刺史, 轉濟 州 刺 疑姑, 史, 仍本將 **介朱榮妻**。 軍 永熙二年 莊帝

,贈持節、都督滄瀛冀三州諸軍事、驃騎大將軍、冀州 刺史。

子彥友,襲。」武定中,光祿大夫。齊受禪,爵例降。

凝 弟湛 字鎭 興。 起家 秘書郎,轉尙 書左 司 郞 中,印 遷廷尉少卿。 莊帝初 ,遇害河陰。

贈征東將軍、靑州刺史、追封漁陽王,食邑五百戶。

子俊,襲。齊受禪,爵例降。

湛弟晏,字俊興。 卒於 秘書丞。 贈平東將軍、秘書監、豫州刺史。

景

穆

樂 陵 王 胡 兒 和 平四年薨。 追封樂陵王,贈征北大將軍,諡 日 康

嶿 犯 塞,以 無子。 思譽為鎭北大 顯 祖 詔 胡兒兄汝陰王天賜 將 軍 、北征 大都將。 之第二 一子永全 後除使持節、本將軍 後 Ź, 襲封 , 、領護 後改名思譽。 匈 奴校尉 高 都 祖 督、中 初 蠕

將 軍 都 軍 一,行 將。 鎭 出 北 爲 大將 使持節 軍。 頻 高祖 東大 引見百官於 八將軍 、和 龍鎭都 光 極堂, 大將、營州 謂 思 譽 曰:「恒代路懸,舊都意 刺 史, 加 領 護 東夷校尉, 重 故 轉 為鎭 屈 叔 父 北

遠 臨 此 任 一,不 可 不敬慎 所 臨, 以副肸望。」 及穆泰陰謀不軌, 思譽知 而 不 告, 恕死 削 封 爲 庶

人。 太和 末,還 復 其王封。 正始 四年薨。 Ξ 贈 光 州 刺 史, 諡 日 密 王

元 年 . 薨。 子 景 贈 略 本將軍 字 世彦。 大豫州 世宗時,襲封。 刺 史, 賜 帛 四 拜驍 百 匹,諡 騎將 日 軍 惠 丁,除 玉。 持節 冠 軍 將軍、 幽州刺史。 **云** 熙平

子爾 字休邦 襲。 武定 中 鉅 鹿 太守。 齊受禪 爵 例降。

景略 弟 慶略, 散 騎 侍 郎

子 子 政)通直 散 騎 常侍。

慶 略 弟 洪 略 恒 農 太 守、 中 軍將 軍、行東雍 州 刺史。

洪略 弟子 業 原太守。

安定王休,皇興二年封,拜征南大將軍、外都大官。休少而聰慧,治斷 有稱

邑二千戶。 北大將軍 儀同三司、和龍鎭將。 高祖初,庫莫奚寇邊,以休爲使持節、侍中、都督諸軍事、征東大將軍、領護東夷校尉、 、撫冥鎭大將。 休身先將士,擊虜退之。 入爲內都大官,遷太傅。 体撫防有方,賊乃款附。入爲中都大官。蠕蠕犯塞,出爲使持節 及開建五等,食 征

軍不可不愼。」於是六軍肅然。定都洛邑,休從駕幸鄴。 溢,請必行刑,以肅姦慝。」詔曰:「大司馬執憲,誠應如是。 祖親餞休於漳水之北。 有非常之澤,雖違軍法,可特原之。」休乃奉詔。 執曰:「陛下將遠淸衡霍,故親御六師,跋涉野次,軍行始爾,已有姦竊, 車駕南伐,領大司馬。高祖親行諸軍,遇休以三盜人徇於六軍,將斬之,有詔赦之。休 高祖謂司徒馮誕曰:「大司馬嚴而秉法、諸 命休率從駕文武,迎家于平城。 但因緣會,朕聞王者之體,亦時 如其不斬,何以息 高

葬,又贈布帛二千匹,諡曰靖王。 至殯,車駕三臨。 十八年,休寢疾,高祖幸其第,流涕問疾,中使醫藥,相望於路。 高祖至其門,改服錫衰,[10]素弁加経。皇太子、百官皆從行弔禮。 詔假黃鉞,加羽葆、鼓吹、虎賁、班劍六十三人,悉準三老 薨,贈帛三千匹。 及將 自薨

景穆

+

尉元 之儀。 高 祖 親送出郊,慟哭而返,諸王恩禮莫比焉。 世宗世,配饗廟庭。

長子安,幼年早卒。

史。 慶。 交, 雉 初 治 方 唯 面 護羌 曰:「一 大 ,功省力易,人各爲己,不以爲勞。 華渭, 李潤堡,雖是少梁舊地,晉、芮錫壤,然胡 非 許洛 登, 舊, 竊 次子 聞 至 水陸之際,先漢之左輔,皇魏 小 包原澤, 四境晏安, '燮,除下大夫。 前 勞永逸, 戍。 乃居 政 刺史,非是無意,或值 一同飲澗,井谷穢雜,昇降劬勞,往還數里。 及改鎭立 井淺池平,樵牧饒廣。 便可聽移。」後除征虜將軍、豳 京 師 無事。 一郡,依岳立州, 世宗初,襲拜太中大夫,除征虜將軍、華州 1 不十錢 兵舉, 昔宋民 之右翼, 採材 因籍倉府, 未刊名 之人費, 或遇 夷 無井,穿 華陰,陸運 內附,遂爲戎落。 形勝 年災, 人無八旬 州 刺 名都, 井 緣 史。 而 七十,伐木龍門,順流而 此 忻得人"況 之勤。 **譚誻明昏**,有 契闊 實。 延昌 實惟 , 竊 匹 西蕃 城 稽 損 年 見 工非舊邑先代之名,爰自 刺史。 輕 延 薨。 奥府。 馮翊古城,芜魏 合城無水,得 至 益 虧禮教。 重, 此。 贈本 變表 今州 乞垂 去 將軍 下。 曰:「謹惟州 歲 之所在,豈 未 水 昭 已 若 鑒。 朔 陪 兩民 而 熟, 馮 州 不 削 翊, 遂 家 Z 舊 刺 秋 或

騎 常侍、東 子 超,字 中郎將。 化生。 肅宗 **尋除光祿大夫,領將作大匠。** 初,襲。 時 以胡 國珍封安定公,改封 後復 本封。 北 余朱榮之入洛, 超避難洛南, 平王。 拜 城 門校尉、通 直 散

遇 寇見害。(三)莊帝初,贈車騎大將軍、儀同三司、岐 州 刺

子孝景,襲。 武定中,通直郎。 齊受禪,舒例 降

公私 成患。 變弟願平,清狂無行。 世宗以其戚近,未忍致之於法,乃冤官,禁之別館。 高祖末,拜員外郎。 世宗初, 遷給 事 館名愁思堂,冀其克念。 中。 悖惡 日甚, 殺 人劫盗, 世

宗崩 別館 ,依前禁錮。」久之,解禁還家,付師嚴加誨獎。 ,願平乃得出。 靈太后臨朝,以其暴亂不悛,詔曰:「願平志行 後拜通直散騎常侍、 前將軍。 些 裸 其妻

輕疏,

毎乖

·憲典,

可還於

王氏於其男女之前,又强姦妻妹於妻母之側。御史中丞侯剛案以不道,處死,絞刑,會赦免,

黜 爲 員外常侍。 孝昌中,卒。

子緒 幽州 安西府功曹參軍。 莊帝初,直閤將軍。 尋爲持節、兼武衞將軍、關右慰勞十

州大使,遂沒吐谷渾

子長春,員外散騎侍郎。 武定初,封南郡王,邑五百戶。 齊受禪,爵例 降。

願平弟永平,征虜將軍、南州刺史。自己為城民華延明所害。 太昌初, 追贈使持節、 侍

永平弟珍平,司 州治 中。

中、都督定瀛幽三州諸

軍

事、衞將軍、定州刺史。

子叔遵,員外散騎 常侍。

景 穆 十 _ 王 列 傅 第 七 下 安 定 王

大使。

至定州東北,爲

幽州大都督侯淵所執,送於晉陽。

後還洛

戶。 除平北將軍 珍平弟貴平,羽林監、轉射聲校尉。 南 相州刺史。 莊帝既殺分朱榮,加武衛將軍,兼侍 莊帝初,除散騎常侍、宗正 中, 少 卿,封東萊王,邑百 爲 河北、 山東 慰勞

常侍、遷左衞將軍、宗師、又遷車騎大將軍、左光祿 率城民固守,又令將士開門交戰。 前 廢帝時,以本官行靑州事,屬土民崔祖 大軍救至,遂擒祖螭等, 螭作逆,賊徒甚盛,圍逼東陽一 大夫、儀同三司 斬之。 還, 除車騎將軍,加散騎 百餘日。 貴平

貴平人才險薄,爲出帝所信。 出為青州刺史,又加驃騎大將軍、開府儀同三司,爲幽州

大都督侯淵所害。

矯情,外諂內忌,

永安之禍,誰任其責。宛其死也,固其宜哉。 才疏志大,或器狹任廣,咸不能就其功名,俱至非命,惜也。 史臣曰:南安原始要終,善不掩惡。 英將帥之用,有聲於時。 康王不永,鸞起家 章武、樂陵、蓋不足數。 熙、略兄弟,早播民譽,或 聲。 徽飾 靖王 智

聰斷威重,見稱太和,美矣。

- 亦或居安生疾 諸本「安」訛「要」。 今據册府卷三八九四六三一頁改。
- 衍 中軍大 將軍 臨 川王蕭宏尚 書右僕射柳惔等大將五 一人沿 淮 南走 諸本「右」作「左」。 **一般** 卷二

九〇三四二〇頁作「右」。 按卷八世宗紀 正始 三年 九月己 丑記此事也作「右僕射 柳惔 柳 **惨為**

右 僕射見梁書卷二武帝紀天監三年正月戊申條及卷一二本傳。 「左」字訛、今據改。

*ا*س 具 聞 諸 本「一一」二字訛作「三」, 不可通, 局本改作「王」。 今據册府卷四三九五二二二

頁改。

7 25 遷大將軍 這 酒 裏「大 俄 沙尚· 將 尚書令 書令」。 軍」上當脫「驃騎」二字。 北魏 按墓誌集釋元略墓誌圖版一三九 大 將 軍 在三公上 元略軍號本是車騎大將軍,一 稱「尋遷驃騎大將軍、 般不可 儀同三司, 能超遷大將 加國 子祭 軍。

- C 更] 頻爲北都大將 按 [北] 下疑脫 [鎭] 字。
- 7 **√** 萬 統 在 萬鎭 夏州 都 大 不 將 在 朔 |朔| 州 刺 史 疑魏書誤。 張 森 楷 云:「北史卷一八『朔』作『夏』。 叉刺史 例 不 在所督州 之外, 上文『 據上文 都 『爲統萬鎭 督 東 秦 网 夏 都大 三州 將 統 無

媊 州 尤 確 證 也。 按 墓誌集釋元彬 墓誌圖版 四九 亦作「統 萬 突鎮 都 大 將 夏州 刺 史, 張 說 是。

M -轉 尙 書 左司 郎中 墓誌集 釋 元 湛 墓誌圖 版 五二 作「尋 補尙 書左士 郞 中。 按晉書卷二 四 『職官志

景

穆

+

王

列

傅

第

七

下

校

勘

記

尙書 法下場帝所置之「都司郎」。 附有「左、右司郞中」,云:「隋煬帝三年於尚書都省初置左、右司郞二人」, 土。 唐代始名「左、右司郞中」。 或「右」之訛,可證北魏有左、右士 郞 知左、右士曹是西晉舊置。 條 稱西晉時尚書有三十五曹,其中有「左、右士」。又稱東晉所省尚書諸曹中也有「左、右 隋前不是 隋於諸曹郎 本書卷八一山偉傳補 一郎中。 ·聞有 :此官。 中都 至於「左、右司郎中」,當時並無此官。通典卷二 去 這裏原文當也是「左士郎中」, 「中」字, 說山偉「後正名士郎」, 故此 官初置也只 此即隋書卷二八 稱 與墓誌同,後 左、 「名」字當是「左」 右司 郎, 僕 直至 百官 人以 射條

「左士」之名罕見,妄改作「左司郞中」。

正始四 年薨 墓誌集釋元思墓誌圖版一五五「四年」作「三年」。 疑傳誤。

ヘガレ 除持節冠 豳 州 諸 軍 軍將軍幽州刺史 事、幽州 刺史。」下云「剋莅西蕃」, 按墓誌集釋元彥即景略墓誌圖版一五六稱:「延昌之末,遷爲持節都 與 幽州 地望相 合。 這裏 「幽」字當是「豳」之訛

改服 錫衰 諸本「錫」作「裼」、北史百衲本作「錫」。 按「錫衰」 見禮記喪服小記。 「錫」是細 布

「裼」乃「錫」之形訛,今據改。

後復本封尒朱榮之入洛超避難 紀以超死於河陰之禍,傳稱「遇寇見害」,亦不合。 諸 王 有「北平王超」,是月甲辰記「以 洛南 北平王超還復爲安定王」。 遇寇見害 按卷一〇莊帝紀武泰元年四月庚子記河陰被殺 傳稱生前已復本封,疑誤。 至於

記

魏書卷二十二

文成五王列傳第八

廣川王 齊郡王 河間王 安豐王

韓哀王安平,王早薨,無傳。 王 略 文成皇帝七男。 沮渠夫人生齊郡順王簡。 孝元皇后生獻文皇帝。行之李夫人生安樂厲王長樂。 乙夫人生河間孝王若。 悦夫人生安豐匡王猛。 曹夫人生廣川 玄夫 莊 生

高 年拜太尉,出爲定州刺史。 祖罰杖三十。 安樂王長樂,皇興四年封建昌王,後改封安樂王。 貪暴彌甚,以罪徵詣京師。 鞭撻豪右,頓辱衣冠,多不 後與內行長乙肆虎謀爲不軌,事發,賜死於家。 奉法, 長樂性凝重,顯祖器愛之。 爲 人所患。 百姓詣 闕 訟其 承明元 過。

文

成五王

列傳

第

八

安樂

王

葬以王禮、諡曰厲。

愉 左僕射。 兆王愉之反,詐言國變。在北州鎮,咸疑朝廷有釁,遣使觀詮動靜。 奔信都,詮與李平、高殖等四面攻燒,自脈突門而出。 子詮,字搜賢,襲。 薨,諡曰武康。 世宗初,爲涼州刺史。 在州貪穢,政以賄成。 尋除侍中,兼以首告之功,除尚書 詮具以狀告,州鎭帖然。 後除定州刺史。

司空。 尚書令,與都督裴衍共救信都。 鑒旣庸才,諸弟粗暴,見天下多事 督源子邕與裴衍合圍鑒,斬首傳洛,詔改其元氏。莊帝初,許復本族, 子鑒、字長文、襲。後除相州刺史、北討大都督、討葛榮。 仍兼尚書右僕射、北道行 ,遂謀反,降附葛榮。 又特復鑒王爵,贈

郡王,委以腹心之任。帝入關,斌之奔蕭衍,後還長安。 鑒弟斌之,字子爽。 性險無行,及與鑒反,敗,遂奔萬榮。 **|**榮滅,得還。 出帝時。封潁川

廣 子諧,字仲和,襲。 川王略,延興二年封。 十九年薨。 位中都大官,性明敏,鞫獄稱平。 詔曰:「朕宗室多故,從弟諧喪逝,悲痛摧割,不能已已。 太和四年薨,諡曰莊

洛,去留之宜,亦從所擇。 從之,若異葬亦從之。 若不在葬限、身在代喪、葬之彼此、皆得任之。 其屬諸州者,各得任意。」詔贈諧武衞將軍, 諡日 其戶屬 剛。 恒燕,身官京 及葬,

子靈道,襲。卒,諡悼王。至

親

臨送之。

慕摧絕,不自勝任,但虛頓床枕,未堪奉赴,當力疾發哀。」諡曰靈王。 斷簡酒,乃至盜竊,求乞婢侍,卒不能禁。二十三年薨。時高祖不豫,詔曰:「叔父薨背,痛 性好酒,不能理公私之事。妻常氏,燕郡公常喜女也,文明太后以賜簡。 祖。 子祐,字伯授,日夏襲。 高祖仁孝,以諸父零落,存者唯簡。 後爲 齊郡王簡,字叔亮。 內都大官。高祖嘗與簡俱朝文明太后於皇信堂,簡居帝之右,行 太和五年封,位中都大官。 母常氏,高祖以納不以禮,不許其爲妃。 每見,立以待之,俟坐,致敬問起居,停簡拜伏。 簡母,沮渠牧犍女也。 世宗以母從子貴、詔特 世宗時、改諡 性幹綜家事,頗 家人禮。 簡性貌特類外 日順 遷太 簡

拜爲齊國太妃。

耐位涇州刺史。 薨, 諡曰敬。

泂 間王若,字叔儒。年十六,未封而薨,追封河間,諡曰孝。 詔京兆康王子太安爲後

太安於若 爲從弟,非相後之義,廢之,以齊郡王子琛繼

軍省,求欲無厭,百姓患害,有甚狼虎。進討氐羌,大被摧破,士卒死者千數,率衆走還。 斂 討汾晉胡、蜀,卒於軍,追復王爵。 恃劉騰,無所畏憚,爲中尉糾彈,會赦,除名爲民。 與劉騰爲養息,賂騰金寶巨萬計。 無所不致,何可更復敍用。」由是遂廢于家。琛以肅宗始學,獻金字孝經。 琛 ,百姓吁嗟。 憑恃內外,多所受納,貪惏之極。及還朝,靈太后詔曰「琛在定州,惟不將中山宮來,自餘 琛字曇寶,幼而敏慧,高祖愛之。 屬東益、南秦二州氐反,詔琛爲行臺,仍充都督,還攝州事。 騰屢爲之言,乃得棄都官尚書,出爲秦州刺史。 世宗時,拜定州刺史。 尋復王爵,後討鮮于脩禮,敗,免官爵。後 琛妃,世宗舅女,高皇后妹。 又無方自達,乃 琛性貪暴、旣總 在州 聚

內

毅, 甚 安豐王猛,字季烈。 有威略,戎夷 畏愛之。 太和五年封,加侍中。 薨 于 州。 贈 太尉,諡 出爲和龍鎭都大將、營州刺史。 日 匡。 猛寬仁雄

文

成

Ŧi. 王

列 傳

第 ٨

齊 郡

王

河

間 王

安

豐

王

幷 贍其家。 子 延明 襲。 至肅宗初,爲豫州刺史,甚有政績,累遷給 世宗時,授太中大夫。 延昌初,歲 大飢,延明 事黃門侍 乃滅家財,以拯賓客數十人, 郞

弟 臨淮王彧等,並以才學令望有名於世。 延明旣博極羣書,兼有文藻,鳩集圖籍萬有餘卷。 雖風流造次不及熙、感,而稽古淳篤過之。 性清儉,不 營產業。 與中 Щ 王 一熙及

侍

中。

韶與侍中崔光撰定服制。

後無尚書右僕射。

以延明博識多聞,敕監金石

弊,延 旣 討 降,延 法 僧。 及元法僧反,詔爲東道行臺、徐州大都督,節度諸軍事,與都督臨淮王彧、尚書李憲等 明招攜新故,人悉安業,百姓咸附。 明因以軍乘之,復東南之境,至宿豫而還。 蕭衍遣其豫章王綜鎭徐州。 延明先牧徐方,甚得民譽, 遷都督、徐州刺史。 招懷舊土,遠近歸 頻經師旅, 之。 人物凋 綜

銘 循 子 議三百餘篇, 奔 ,引之在館。其撰古今樂事, 蕭 莊 衍 帝 ,死於江南。 時,兼尚書令、大司馬。及元顥入洛,延明受顥委寄, 又撰五經宗略、詩禮 莊帝末,喪還。 <u>九章十二圖,又集器準九篇,芳別爲之注,皆行於世。</u> 別義,注帝王世紀及列仙傳。 出帝初,贈太保, 王如 故,諡 率衆守河橋。 叉以 日文宣。 河間 所著詩賦 人信都芳工 願 敗, 逐將妻 讚 頌

魏書卷二十 諸本目錄此卷注「闕」字, 卷後當有宋人校語,傳本脫去。 殿本考證 云:「魏收書

闕 後 人 (所補) ____ 檢傳文除少數字句外與北史卷一九文成五王 }傅 同

孝元 皇后 生獻 文皇帝 卷一三后妃傳文成元皇后單諡「元」,卷八三上外戚李峻傳 植、 卷八九

酷吏李洪之傳補 也只 稱「元皇后」,唯墓誌集釋元顯妃李元姜墓誌圖版一八三稱「元恭皇后」, 但末

見有「孝元」之號、疑「孝」乃「李」字之訛。

 \sqcap = 詮 與李平高 殖等四一 面 攻燒 張森楷北史校勘記云:「高肇傳 魏曹卷八三下,即以北史卷八〇補『殖』作

植 按 海稱 高植 以濟 州 刺 史「率州軍 討破元愉, 別將 有 功 ,顯與此「高殖」爲一人。

當時智

慣人名地名常通用同音字,但這裏當是「植」字形訛。

29 中 書侍 郎 高 聰 等 議 日 諸本「聰」作「敏」。 北史卷一 九文成五王傳、 册府卷五八○六九五七頁作

聰一。 按 卷六八高聰傳, 他在太和 **H**! 自 中 書博 士 「爲侍 郎,當時 別無 「高敏」 其人,「飯」字訛,

據改。

五 子靈道 襲卒 諡 悼王 墓誌集釋元煥墓誌圖版一六一之三「靈道」作「靈遵」, 這裏 道」 字當是「遵」

形 近 而 訛 叉「悼王」作「哀王」, 諸墓誌諡號不但常與史異, तिव 且誌與誌也有不同 未必定是

·傳 誤。

文成五王列傳第八 校勘記

魏書卷二十一上

獻文六王列傳第九上

咸陽王 趙郡王 廣陵王 高陽王 北海

陽 文穆王雍。 獻文皇帝七男。 孟椒房生廣陵惠王羽。 李思皇后生孝文皇帝。 潘貴人生彭城武宣王勰。 封昭儀生咸陽王禧。韓貴人生趙郡靈王幹、高 高椒房生北海平王詳。

別有傳。

選 非 生知 忠信博聞之士爲之師 咸 ()皆由 陽王禧,字永壽。 學誨,皇子 傅, 皇孫,訓敎不立,溫故求新,蓋有 太和九年封,加侍中、驃騎大將軍、中都大官。 以匠 成之。」高祖以諸弟典三都,誠禧等曰:「汝等國之至親,皆 闕矣。 可於閒 靜之所,別置學館, 文明太后令曰「自

獻文六

王

列傳

第

九

上

咸

陽王

稱。 幼年任重,三都折獄,特宜用心。 於南郊。又以濟陰王鬱枉法賜死之事,遣使告禧,因而誠之。 驕且吝,其餘不足觀。 汝等宜小心畏慎,勿自驕怠。」出爲使持節、開府、冀州刺史, 高祖餞 身慎行,勿有乖爽。」文明太后亦誠禧等曰:「汝兄繼承先業,統御萬機, 汝所治雖小,亦宜克念。」高祖又曰:「周文王小心翼翼,聿懷多福。 夫未能操刀而使割錦,非傷錦之尤,實授刀之責。 如有周公之才, **戰戰兢兢**, 恒恐不 皆可修 使

豫、東荆六州諸軍事。 廷尉卿李沖可咸陽王師。」禧將還州,高祖親餞之,賦詩叙意,加禧都督冀、相、兗、東兗、南 恂,周文王爲世子,卑躬求道,禧等雖連蕚宸暉,得不尊尚師傅也。故爲置之,以加令德。 由之,不可使知之。臣謂宜述元志、己備行朝式。」高祖然之。詔曰:「仲尼在鄉黨,猶尚恂 遺志,卿等謂可行不?當各盡對,無以面從。」禧對曰:「儀制之事,用捨各隨其時,而民可使 後禧朝京師,高祖謂王公曰:「皇太后平日以朝儀闕然,遂命百官更欲撰緝,今將畢修

事宗廟,下以繼後世,必敬慎重正而後親之。夫婦既親,然後父子君臣、禮義忠孝,於斯備 「夫婚姻之義,曩葉攸崇,求賢擇偶,蘇代斯慎,故剛柔著於易經,鵲巢載于詩典,所以重夫 婦之道,美尸鳩之德,作配君子,流芳後昆者也。 然則婚者,合二姓之好,結他族之親,上以 於時,王國舍人應取八族及清修之門,禧取任城王隸户爲之,深爲高祖所責。詔曰:

微,違典滯俗,深用爲歎。 盧神寶女, 戒,或得賢淑,或乖好逑。 女,次弟廣陵王羽可娉驃騎諮議參軍滎陽鄭平城女, 太祖龍飛九五,始稽遠則,而撥亂創業, 長弟咸陽王禧可娉故潁川太守隴西李輔女, 次弟始平王勰可娉廷尉卿隴西李沖女,季弟北海王詳可娉吏部郎 以皇子茂年,宜簡令正,前者所納,可爲妾媵。將以此年爲六弟 自兹以後,其風漸缺,皆人乏窈窕,族非百兩,擬匹卑濫,舅氏輕 日昃不暇。 次弟河南王幹可娉故中散代郡 次弟潁川王雍可妈故中書博士范陽 至於諸王娉合之儀,宗室婚姻之 中滎陽鄭 穆 明樂

諸軍事,開府如故,賜帛二千匹、粟五千斛。詔以禧元弟之重,食邑三千户,自餘五王皆食 今宜,經野由君,理非下請。邑采之封,自有别式。」人除同州牧、都督同豫荆郢洛東荆六州 有司奏冀州人蘇僧瓘等三千人,稱禧清明有惠政,請世胙冀州。詔曰:「利建雖古,未必

懿女。」

前事。」禧對曰:「宜應改舊,以成日新之美。」高祖曰:「爲欲止在一身,爲欲傳之子孫?」禧對 曰::「既卜世靈長,願欲傳之來葉。」〔三〕高祖曰::「若然,必須改作, 「陛下聖明御運,實願邁迹前王。」高祖曰:「若然,將以何事致之。」爲欲修身改俗,爲欲仍染 高祖引見朝臣,韶之曰:「卿等欲令魏朝齊美於殷周,爲令漢晉獨擅於上代?」 卿等當各從之,不得違 福日。

文六王列

傳第九上

咸

旨,宜 卿等當 也。 明規 矣, 若 在 行 雖 冠 不 陳謝 禮 朝廷之人,語 仍舊俗, 何 三年, 禧 乎? 毎 應改易。」高祖 必 對 須 事 改舊從新。』沖之此言,應合死罪。」乃謂沖曰:「卿實負社稷,合令御史牽下。」 庭 今欲 叉引 曰:「上命下從,如 那 旣 恐數世之後, 伊洛之下復成被髮之人。王公卿士, 咸以然不。」禧對曰: 「實 論, 互,將 離 ;見王公卿士,責留京之官曰:「昨望見婦女之服,仍爲夾領小袖。 斷諸北語,一從正音。 如何入則 寒暑, 音 不 何 日「朕嘗與李沖論 聽仍舊。 以宣布皇經,敷贊帝 卿等何爲而違前詔。」禧對曰:「陛下聖過堯舜,光化中原,臣雖仰禀 順 風靡草。」高祖曰「自上古以來及諸經籍,焉有不 旨, 若有故爲,當降爵黜官。 退有不從。 年三十以上,習性已久,容或不可卒革, 此,沖言:『四方之語,竟知誰是? 則。 昔舜語禹, 舛違 之罪,實合刑 各宜深戒。 汝無面從, 憲。」高祖曰:「若朕言非, 如此漸習, 退有後言,其卿等之 帝者言之,卽爲正 先正名,而得 三十以下,見 我徂 風化可新。 東山, 沖発 如 聖

兼 太 太 尉 位 尉, 尋 居 以 台 禧 以 長兼太尉公。 和 鉉,在冢 餁 鼎 宰之上,三槐 朕常恐君有空授之名, 臣 貽彼己之刺, 後高祖幸禧第,謂 九 , 棘, 不 可久空。 司 空穆亮、僕射李沖曰「旣 元弟禧 雖 在事 今幸其宅,徒屈二賓, 不長, 有天地,又有君臣, 而 戚 連 皇極, 且長

謂

乎!

爲愧。」

人差 高祖 |得無弊。」||禧對曰:「陛下德處天地,故雲物凝彩,雖復雨師灑掃,風伯淸塵,豈過於此。」 有事於方澤,質明,羣臣問起居。 高祖曰:「昨日方澤,殊自大暑,遇天雲蔭密,行

祖 曰「伊洛南北之中,此乃天地氤氳,陰陽風雨之所交會,自然之應,非寡德所能致此。」

操。 中,正太尉 練其方,旣逼北行,卒聞敎武,〔三脫生羣惑,且可停之。」後從平漢陽,以克南陽之勳,加侍 番上之日,訓其兵法。弓矢干稍,三分並敎,使人閑其能,臨事無闕。」詔曰:「雖云敎武,未 高 · 禧表曰:「國朝偃武崇文,偏捨來久,州鎭兵人,或有雄勇,不閑武藝。今取歲暮之暇, 祖篤於兄弟,以禧次長,禮遇優隆,然亦知其性貪,每加切誠,雖當時遵奉,而終不改

數十,意尙不已,衣被繡綺,車乘鮮麗,猶遠有簡娉,以恣其情。 田業鹽鐵偏於遠近,臣東僮隷,相繼經營。世宗頗惡之。 惠者,禧特甚焉。 及高祖崩,禧受遺輔政。 是年,八座奏增邑千戶,世宗從之,固辭不受。 雖爲宰輔之首, 而從容推委, 無所是非, 而潛受賄賂, 陰爲威 禧性驕奢,貪淫財色,姬妾 由是昧求貨賄,奴婢千數,

「恪雖寡昧,忝承寶曆,比纒尫疹,實憑諸父,苟延視息,奄涉三齡。 父等歸遜殷勤,今便親 :百揆,且還府司,當別處分。」尋詔曰:「朕以寡昧,夙罹閔凶,憂榮在疾,罔知攸濟。 景明二年春,禧等爲將於祭入齋,世宗詔領軍于烈,率左右召禧等入於光極殿。 詔曰: 實賴

先 遜 帝 聖 理 德, 懇 至,邈 遺澤所覃,宰輔忠賢,劬勞王室, 然難 奪。 便當 勵兹空乏, 親覽機務。 用能撫和 上下,肅清內外。 王 | 尊惟元叔,道性淵 功 式遵 凝,可 復子 進位太保, ', 歸 政告

領 太尉 司空北海王 季父英明, 聲略茂舉,可 大將軍、錄 尙 書事

還 眉 至 知 衣 疑。 異, 事 負 自 黄 事 ريار 將欲 禧 们 侍 安 禧 露 功 而 世 天家豈 宗旣 心 尹 日 與 不 殺 因 仵 其夜 郎 臣 害。 其 緩。 有 . 妾 李伯 覽政, 禧 期 危乎」禧 應如 一或說 向 與 此 小 自 禧 軀 茍 洪 尙 此 命,應 且 池 謀 長 困 」! 禧 意 一達晡 子通 別 迫,言欲告反,乃緩之。 反。 日「殿 不 日 、墅,遣 知 是常懷 安。 時世宗幸小 已入河 初遣 自惜 計 小一 下 不能 而 集衆圖 其 去 岢 憂懼。 內郡 決, 奉啓,云「檢行 日,令如 國 待 齋 平津 八言。」 遂約 列 [事,見 帥劉 加 、兵仗, 以 ٠, 行 不 趙 小 禧 叉 意 禧 人 洩 脩 苟,每稱 在 渡 說 是 放 而 而散。 田 專寵 城西 河, 停,恐必漏洩,今夕 丛 曰:「殿下兒婦 夜宿於 牧。 徒。 王, 王 聽 小宅。 左 武 我 洪池 公 小 右言欲誅禧。 而 興 動靜。 茍 罕得 將 王楊集始 初 , 至邙嶺, 士 大風暴雨,拔樹折 欲 :進見。 Ė 所在 我 勒 渡 久 已 遣 兵 何 河 追 Щ 已逢軍人, 兩兩 宜 禧 直 |禧聞 禧 便 自 逐 入金 馳 人 頭 筧。 而 與其妃 告, 追之,計 不 数曰:「我 墉 相 怪 恐 木。 丽 知 危 兄 1/2 衆 禧 茍 兼給 今應 今晚 禧 禍 意 懷 赤 不 將 沮

龍 虎 日 禧 自 洪 吾慣慣 池 東 不能堪,試 南 走,僮 僕 作一謎,當 不 過 數 人, 左右 思解之,以釋毒悶。」 從 禧 者 唯 兼 防 一龍虎 閤 尹 龍 数 憶 舊 謎 虎 禧 云「眠則 憂 迫 不 知 俱眠,起 所 爲,謂

尙有節 也 則 明,接處左右。 八俱起, 一一而龍 貪如豺狼, 贓不入己。」都不有心於規刺也。 虎謂之是箸。 相為取死,汝可勉心,作與太尉公同死計。」龍虎曰:「龍虎東野常 世宗親問事源,著千斤鎖格龍虎,羽林掌衞之。 今屬危難,恨無遠計,匡濟聖躬,若與殿下同 渡洛水,至栢谷塢,從者唯禧二舅及龍虎而已。 禧亦不以爲諷己,因解之曰:「此是眼 命,雖 死猶生。」 顧謂 一俄而 龍虎 入, 禧被擒獲, 遭殿下寬 日「凡夫

送華林都亭。

屬籍。 事誤。 諸妹公主等訣,言及一二愛妾。公主哭且駡之云:「坐多取 有子八人。 也。」禧臨盡,雖言不次第,猶尙泣涕,追述先旨,然畏迫喪志,不能慷慨有 于流外,多者百餘匹,下至十匹。於後,禧諸子每乏衣食,獨彭城王勰歲中再三賑給之。 北 今日之事,何復囑問此等!」禧愧而無言,遂賜死私第。 一人在南者,雖富貴,絃管奏之,莫不灑泣。 初,高祖 金床玉几不能眠,夜蹋霜 **禧之諸女,微給資產奴婢,自餘家財,悉以分寶高肇、趙脩二家。其餘賜內外百官,逮** 閑宴,從容言於禧等:「我後子孫,邂逅不逮, 與露。 洛水湛湛彌岸長,行 同謀誅斬者數十人,潛瘞廬於北邙。 其宫人歌曰:「可憐咸陽王, 汝等觀望輔取之理,無令他 此婢輩,貪逐財物,畏罪 人那得渡。」 其歌遂流至江表, 所感激 絕其諸子 也。 作反,致 奈何作 人有 及 禧 萴

長子通,字曇和。 獻 文 六 王 列 傅 第 竊入河內,太守陸琇初與通情,既聞禧敗,乃殺之。 九 上 咸 陽 王

曄 奔 於 通 弟 蕭 衍 翼 字 翼 仲 與昌 和。 中屠 後 會赦,詣 氏 出。 闕上書,求葬其父。 **曄**, 李妃 所生 也。 翼 頻年泣請, 容貌魁壯 世宗 風 制 不許。 可 觀, 衍 翼 甚 乃與弟昌、 重之,封

入國,爲衍所移。昌爲衍直閣將軍。

爲

咸

陽

王

翼

讓

其嫡

弟曄,行

不

許

後

以爲信武將軍、

青冀二州刺史、鎮郁州

翼謀

舉州

翼弟顯和,昌弟樹,後亦奔於衙。顯和卒於江南。

窺 樹 覦 邊服 字秀和 時 ٥ 美姿貌,善吐納, 揚州降行,兵武 既衆 兼 有將略。 行 將湛 僧珍,慮 行尤器之,封為魏郡王,後 其 翻異、盡 一欲殺 之。 改封鄴王,數爲將 樹 以 家國,遂

聽還。衍以樹爲鎭西將軍、郢州刺史。

領

子 譙 鵠 城 使 **介**朱 金紫 出 榮之 帝 光 初 禄 害百官也, 詔 大夫張 御史中 安 樹 尉 期 樊子 聞 往 之,乃請 說之,樹 鵠 爲行 衍 臺 乃 討 請 一,率 樂。 委 徐 城 衙乃資其士馬,侵擾境上。 州 還 刺 南 史、大都督 子鵠 許 之。 杜 德以討 樹 特誓約 之。 前 不爲 廢帝 樹 城 時,竊 戦 守 備 不 性 據

德 襲 擊 之, 擒 樹 送京 師 禁於 永 寧佛 寺, 未 幾 賜 死

軍 事 、太師、司徒公、尙書令、 孝 靜 時 其 子貞 自自 建 業 揚州 赴鄴, 刺史。 啓求 葬 貞旣 樹 葬 許 還 之。 於 江 詔 南 贈樹侍中、 都督青徐克揚豫五 州諸

曄, 字世茂。 衍 封爲 桑乾 王,拜散騎常侍。 卒於秣陵

舊景, 例降 ¬ 驢 兇粗 子,並 王 從 初 ۳, 可 義彰曩 正 聽 叔安豐王 我 附 光 3 熟 觀 屬籍。」 中韶 葉, 汝 詠 日 延 所作, 明 後 $\ddot{\dashv}$ 流 責 復 前 周德崇厚,蔡仲 之日 亦 禧 史。 恐不 王 爵,葬以王 頃 〈者,咸 発驢號。 」 汝兇悖性 陽 享 禮。 國 、京兆王自貽 莊帝 與身而 漢 韶曄弟坦襲, 初 道 プ還 長, 仁恕,淮南 復 昔有宋 禍敗, 本封。 改封 東 畢王。 事 武定 海 由 敷 王 間 城 中 禕 惑, 皆所以 王,邑八百戶。 ·, 爲 志性 猶 太 有 申 凡劣, 師。 可 恩懿戚, 矜。 齊 時 一受禪 坦 兩 人 號 傲 蠲 門 盪 爵 佷 諸

臚 卿, 田 超拜車 弟昶, 起家 騎 大 將 通直散騎常侍、琅邪 軍 儀 同 司 0 天 平 縣開 一年薨 國 公, 污贈 邑五 太尉 百 戶。 公。 莊帝 初, 特封 太原王。 累遷

子善慧,襲。齊受禪,爵例降。

捎 郡 王 幹, 字 思直 太和 九年,封 河 南 王, 加衞 大將軍 , 除侍中 中 都 大官。 尋 授

騎將軍、左光祿大夫,領吏部尙書。

燩

文

六

王

列

傳

第

九

上

趙

郡

Ŧ.

所 生 毌 薨 , 高 祖 詔 日 太妃 韓 氏 、薨逝, 情 以傷慟。 太妃先朝之世, 位擬 九 嬪 豫 班

族,

誕 我 同 氣 念 此 孤 稚 , 但 用感 惻 明當暫往臨哭, 可勅 外備辦。」遺侍御史假節監護

事 贈 綵 百 匹。 詔 日 季 世 多務,情緣 理 奪。 幹旣居 要任 銓 衡 是荷, 豈容遂其私 志 致

曠 所 司 可 遣黃門郎敦 諭, 令 勉從 王 事 朕 尋 當 與之相 見。 拜 使持節、 都督南 豫郢 東荆

州 諸 軍 事 、征南 大 將 軍、 開 府 豫 州 刺 史。

高 祖 篤 及 愛諸 車 駕 弟 南 门以 伐 幹 以幹 總 戏別 爲 使持 道 誠 節 ・車 之日 騎 大 司空穆亮年器 將軍、 都督 關右諸軍事, 可 師 が散 騎 常 給銅 侍盧淵 虎符十, 才 堪 詢 别 賜 訪 詩 其

師 之。 | 尋以 蕭賾 死, 班 師

牧。 或 劾 物 軍 重 一,不 Ŧ. 以 得不 匡 苟 詔 白 遷 務 段, 洛 須 酮 日 自 世 之。 有 改封趙 又密 勵 政 禁, 夫 也。 , 刑 而 國 何 賜 以 憑 有常憲, 黄 郡 得 汝,我之懿弟, 節 等 不 金十斤。 王 諫諍 稽 , 除都 罪 之 幹 方增 正 必 督冀定瀛 典 ? 無濫 高 殊 悲感。」 祖 不 當 故 納 叉 親餞於近郊, 聿 律 幹闇於治理,律外重刑,並可推聞。」 修 高 刑罰 三州 令 州 厥德, 祖 表 條 諸 不 詔 斬盜 憲 中,民. 以 軍 光崇 無聽 事、征 李憑爲 詔 馬 幹日 有魏, 無措 人, 新 東大將軍 於律 長 君 足。 夫刑 史, 加戮之文; 深 過重,而 思遠 若必 唐茂 獄 、冀州 之理 品 以 爲 典 威 尙 司 刺史, 一,先哲 如 馬, 書 禮 殺 臨 舊章,不 爲 以 盧尙 深 開 幹 所難 良 履 府 初 之爲 薄 則 然 臨 如 ·著始 應 故, 諮 旣 縱 若 汎 賜 臨 通 議 恃 有 而 參 邦 雜 專 衆 親 不

威之美。

尚書曲阿朕意,實傷皇度。

喪

行在 殿門。 聞旦發。」而幹悠然不以爲意,彪乃表彈之。 曰:「殿下,比有風聞,即欲起彈,恐損聖明委託之旨,若改往修來,彪當不言,脫不悛改, 所。 後轉特進、司州牧。 幹貪淫不遵典法,御史中尉李彪將糾劾之。 旣至,詳獨得朝見,幹不蒙引接。 車駕南討、詔幹都督中外諸軍事、給鼓吹一部、甲士三百人,出 密令左右察其意色,知無憂悔,乃親數其 高祖省之忿惋, 會遇幹於尚書下舍, 詔幹與北海王詳**,** 因 屛 左右而 俱 隨 太子 過, 謂幹 杖 詣 IJ

二十三年薨,年三十一。 給東園秘器、斂服十五稱,贈帛三千匹,諡曰靈王,陪葬長 陵

之一百,兔所居官,以王還第。

詔 赦,復封。 何得黷我 曰:「妾之於女君,猶婦人事 子謐,世宗初襲封。 風政!可付宗正,依禮治罪。」謐在母 除通直散騎常侍,加龍驤將軍,遷太子中庶子,出爲冠軍將軍、岐州 幹妃穆氏表證母趙等悖禮您常,不遜日甚, 尊卑義阻, 母子 舅姑, 君臣之禮, 義無乖二。 妾子之於君母, 禮加 喪, 聽音聲飲戲, 爲御 史中尉李平所彈。 刺史。 如 子之恭, 道絕。 遇

列言所有之兵,王皆私役。 城 四門,內外嚴固,搜掩城 **謐性嚴,暴虐下人。** 肅宗初,臺使元延到其州界,以驛邏無兵,攝帥檢覈。 中 **證聞而大怒,鞭保願等五人各二百。** ,楚掠備至。 又無事而斬六人。合城兇懼,衆遂大呼屯門。 數 H 之間,謐 召近州夫,閉 隊主高 保 謐

獻文

六王列傳第九

上

趙郡王

怖 旣 幽 州 見 登 靖 刺 樓 史。 至 毁 梯 開 謐 以 門 妃 自 謝 胡 固 罪, 氏 靈 奉 土 太 送管籥 人 散 后 從 走, 女 城人分 也。 乃 罷 未 謐 守 州 發 兀 門。 坐 還, 毆 除 其 靈 太后 妃 大 発 司 造游 官。 農 卿 後 擊將 ò 除 叉 都 除 軍 官 散 王 尙 靖 騎 書, 常 馳 侍、平北 驛 加 諭之。 安南 將 將 軍 軍

論 謐 正 故 光 超 几 贈 年 假 薨 侍 中 給 征 東 袁 南 將 秘 器 軍 朝 司 州 服 牧 具、 諡 衣 日 貞 景 襲, 賵 帛 五 百 匹。 高 陽 王 雍 幹 艺 母 弟, 啓

無 子 子 詔 毓 以 字 謐 子春 弟 讞 子 襲。 寘 字 莊 景 帝 融 初 爲 後 河 陰 襲 遇 爵。 害 及 贈 寘 衞 伯 大 湛 將 復 軍 封 儀 趙 同三司 郡 , 改 封 青州 平昌 刺 史, 齊 諡 受 目 宣 餌

例

降

夫。 軍 師 封 或 千 捎 肆 錄 出 郡 戶 謐 食邑四 州 尙 王 兄 爲 刺 書 散 諶 叉 史, 事 騎 , 加 進 白 字 0 常侍 侍 號 固 興 戶 孝 中 驃 辭 伯 , 靜 o 騎 讓 中 不 初 諶 大 而 性 拜 軍 本 將 不 平 爲大司 將軍 受 軍 年 改 和 長 授 0 莊 加 相 平 自 馬 帝 開 應 州 南 通 府 初 襲 刺 將 三年薨 直 王 拜 史。 遷 軍 正 封 車 司 員 光 空 騎 罷 郎, 其 祿 公。 贈假 州 將 父 少 遷太 軍 靈 除 卿 黃鉞 、儀 出 宗 王 帝 子庶子、司 寵 同 正 轉 時 愛 <u>=</u> 卿 黄 侍中 都 轉 其 司 門 太保、 弟 侍 尙 官 都督 空司 謐 郞 書 尙 司 以 左 書 進 馬、 冀州 爲 僕 州 號 鴻 牧 以 世 射 安 刺 ; 封 臚 親 南 太 史, 小 例 將 尉 魏 莊 卿。 封 軍 諡 郡 公 帝 上 王 日 蔡 又 光 遷 詔 孝 遷 後 縣 復 食 祿 懿。 日 諶 大 將

甚無他才識,歷位雖重,時人忽之。

子煒,襲。齊受禪,爵例降。

宗初, 軍 尋詔譚爲都督以討杜洛周, 、別將以討之。 謐 入為直閣將軍,歷太僕 弟譚,頗强立,少爲宗室所推敬。 徐州平,遷光祿 次於軍 、宗正 少 都, 立少卿, 卿 、行南兗 爲洛周 自羽林監出爲高陽太守,爲政嚴斷,豪右畏之。 加冠 所敗。 州 軍 事 將軍。 、征虜將軍、涇州刺 還,除安西將軍、秦州刺 元法僧外叛, 詔譚 史。 入 爲 爲武 史。 持節、假左將 卒,贈撫 衞將軍。 肅

軍將軍、儀同三司、靑州刺史。日

大 刺 史。 夫; 湛 封平 弟讞,爲 鄕 縣開 人貪暴無禮。 國男,邑二百戶。 自羽 林監遷司徒主簿。 莊帝初, 河陰遇 害。 肅宗時,除正員郎,稍遷左 贈車騎· 大將軍 儀同三司、 將 軍 定州 太中

子景暄,直閣將軍。從出帝沒於關西。

識 弟 慧 , 羽林監、直閤將軍。 早卒,賵帛 五. 百匹,贈鎭遠將軍、 恒州 刺

廣 陵 羽, 字 叔 太和 九年封, 加侍中、征東大將軍,爲外都 大官。 羽 少 而 聰慧,有

獻

斷 獄 之稱 後 能 三都,羽爲大理, 加衞將軍, 典決京師獄訟,微有聲譽。 遷特進、尚書左僕

射 又爲太子太保、錄尚書事

與 太尉丕留守,加 高 祖 將南 討,遣羽持節安撫六鎮,發其突騎,夷人寧悅。[K] 還領廷尉 使 持 節 ,語在丕傳。 高 祖 友愛諸弟 卿。 車駕旣發,羽 至 雁 門,乃

肅 然,高祖嘉之。 遷 都 議定,詔 羽 兼 太尉,告于廟 社 0 遷京之後,北蕃人夷多有未悟。 羽鎭撫代京,內外

十八年春,羽

表

辭

廷

尉

不許。

令羽

歸

望其

稱效

故

賜

如意以表心。

論考之事 公 理 年中,在京 云 此 卿 應 年 大 司 羽 ·, 何 等。 夫論考屬官之治 奏一外考令文,每歲終,州鎭 理 百僚, 得 臣 春 在 輒 初 不 推 盡已經考爲三等。 輕,問績之方,應關 也 準外考,以定京官治行。」詔曰:「雖內考未宣,績已久著,故明堂、丹令載 1 今始維 、職區 一分著。 夏,且待至秋 列 此 三公。疑 **股聽,**輒 牧守治狀。 年便是三載,雖 後 尚書三載殿最之義,此之考內,已爲 爾輕發,殊爲 及至再考,隨其品第,以彰 外 有成令, 躁也。 而內 每考之義,應在 令未 班。 、黜陟。 內 明 年終,旣 外考察, 去十五 但

四 海 注,往來 高 祖 臨 何難。 朝堂議 朕初發洛陽, 政 事,謂 羽 曰「遷都洛陽 教示永壽,皆謂 事 分別。 格 天 地,但 比自來後,諸處分之事,已差前敕。 放之迷,徒未 開 沉 鄖 耳 朕

今舉 大 功 ,寧爲虛費? 且. 股無周召之弟 豈容晏安 日逸。 今便北巡,遷留之事 當當 稱 朕懷

之科, 肖者 務。 朝 考之績 賢 雖 或 然朕識乏知人,不能 後 故 禮 彦 親 高 旌絲髮之美, 三、匡 祖 必 云 瓢。 臨 丽 考成之章。 朝堂 是寄 顧謂 謂 羽 中等守 各率乃 羣 日 自皇 臣 使 $\vec{\exists}$ 朝 日 本,事 iČ, L 絕 王 下二等, 素餐 以降,斯 兩 以 可 儀 旌考績 之譏, 大通。 旣 可 闢 道 爲三 之義 野 靡 人 易。 生 無考盤 딞 其 , 如 朕 間 中 乖 之刺 以寡 放 等但 忠 上天不言,樹 Ē, ·; 夙 德, 爲 國 猥荷 宵 딞 有 寤 常 洪基, 寐 所 刑 載 君 以 懷忧 以 然 思 贀 代。 者, 者 與 惕。 百辟 雖 是以 上 疏 下是 卿 必進, 等皆 允 {書 釐 黜 稱 是 陟 庶

等各 日「朕 以 聖 局 事 う(記) 所 見 下; 正 'n 機 陳 司 33 欲 往 專 須 所 先呈廷 頃 遲 速, 者, 聞 年 دلاد 主 採 平 以 朝廷 刑 百官初置, 戸尉 高 性 事 其 獄 無 祖 五 正 旣 識 謂 局 所 此 抑 有 據 聞 見 33 司 强 九 擢 可 及 諸 直 品之制 哀弱、不 爲 取, 少 然人言 風 獄 卿 高 聽 故 官 多多 祖 鄧 故 簡 述 避 惡者未必是惡,言善者不必是善。 論 聽 [三 夫刑 計 司 日 貴 訟察辭 五. 其絲髮 五五 獄 勢 局不 官, べ直 局 獄 精。 情 小 之差, 之難,實 無 司 優 折 大差 直 知 獄 劣 以 人 者 不 卿 越。 之難, 爲 惟自古, 鍃 미 足 딞 爲 爲 以 所 第。 上 何 差。 以 肸 等。 爲 爲二等者, 豈 必 統論 品 然 也 獨 今 __; 廷 決, 斷 所 IE 所 羽 訟, 尉 得 以然者 欲 當 對 或以 所 聽 大都 夫子 目 與 採 司 羣 視 風 或斷 諸 所 臣 相 謠 事 人 似。」 稱。 司 同 命 甫 虚 之。 訟 直 爾 高 之 實 並 然 五 避 難 卿 祖 或

獻

文

六

王

列

述對 於此。 豪 更 曲 祖 與 目:「 貴, 者 無 羣 曰 故 官 股 以 局 人以 昔置 事 善 陛 改 須 量 肅。 下 為惡;或將勢抑賤, 行賞 冰清 一此官,許三年考績 所 以。 自 非釋之于公,何能 得人,餘者甘 玉 潔 ", 明 揚 褒 心; 貶。 貴人以爲好。 ,必行賞罰。 若賞 盡 卿 其至 等旣 不盡能,公 是親 理。 旣經今考, 然關股之聽,皆貴者言,是以遲迴三復, 雖 典,邪正得 亦 無以 可 精其微致,且 若無點 勸勵 失,悉所具之,可 陟,恐正 如 臣 望粗 愚 見, 直 有 者莫肯 精 殿 願 辨 不 ·行賞。」 以聞 用 諸 心 尚 良由 , 高 邪 鄧

機是 稱, 叙。 在 禮 瞻望,以吾有 言股之一失,獻 「汝之淺薄, 職 則 自近以來,偏頗懈怠。 今 黜 以 司 高 一。豈惟 來,功勤之績,不聞 祖 汝 汝 謂 錄 所行,應在 固不足以況晉之巨源。考之今世,民斯 尙 弟。 總 尙 書等日 括 可否之片規, 書、 自往 百揆 廷尉, 一秋南 下下之第。」高 緝 股 於朝; **豈不由卿等隨其邪偽之心,不能相導以義,雖** 和 仰纂乾構,君臨萬宇。往者稽古典章,樹茲 · 旃之後,近小人,遠君子,在公阿黨, 但居特進、 叉不 人 務 阿黨 而 嘗進一賢而 已, 祖 、之音, 太保。」 叉謂 頻干 羽 退一 叉謂 失, 日「汝旣是宸 朕 不肖,此二事罪之大者。」 實 下矣。[元]汝始爲 尙 聽 在 書 於斯 令陸叡日:「 汝 之 過失, 極 自 之弟,而 虧 卿 我 等在任 已備 廷尉,及初 叔 百 皇憲 翻 職。 居 在 積 不成大責, 樞端 出出 一,年 省 於 高 然尚 前 之 入 作 祖 垂 之 初, 無章 尚 書之任 叉 不 任 謂 書 周 已致小 甚 復 内内 羽 有 能 汝 動 一,樞 自 善 别

果日 豊 宜 罰。 之失, 王師 在集 事, 長兼, 勵 議 致使王言遺滯,起居 以 師,未允 曰:「自 成,還復 協 司 大夫李彦 今降為 濫 書,雖 僚, 今奪 贊尙書,光宣出納 事 [10]「卿履歷卑淺,超昇名 可 守常侍 建 歸 鍾 本任 所授, 賊 光 衆過 卿 承 叔翻,故不能 非 人之謂 長 祿 華 尙 曰:「卵雖 高 兼常 丁,已經 、尙書如 大夫、守尚書, 也。 書令祿 如其無 今解卿 功,爲 · 豊不 侍, 然觀 不 一稔,然東宮之官,無直言之士,雖未經三載, 處諫 故, 一省文學之士, 少 成, 亦削 而 修, 周。 在 别 叔 師 議 致 奪常 父 則 卿等不能正 卿 之任, 如 祿 貶責。 神 謂 削 永 之官,實人不 此 1 之咎, 志 計 左僕射元贊 歸 侍 祿 任 周。」 驕傲, 南 祿 不能 削 叔 周。 二丞可 滁 畝 翻 嘗不 又謂守尚書盧淵 責在 周。 之黜, 心 勤 少保之任,似不 周。 叉 直言,規佐 叉謂. 謹 稱 以左史在意, , 日: 一 於 謂 謂 以 職, 夙夜,數辭 卿 卿。 散 自 詔 左丞公孫良 守尚書尉 應大辟, 騎常 衣守本官,冠服 吏 卿夙德老成,久居機要,不能 可去 部 **今降爲中** 一尙書, 诗元景 尙 諫 曰 ·能存意 以疾。 書澄 但以 議 羽 如 _; _; 、右丞乞伏義受日了二 日 論 此 卿 大夫、守常侍, 退為元 目 日 之咎, 答 卿 始爲守尙書,未合考績 「卿等自任 長 之罪, 卿 歸 禄恤 兼之 叔父既非端右,又非座元 可 在 人, 罪無 解 事 士。 集 盡皆 職, 少 須考黜。 應合大辟。 書, /保。」 不復 所 叉 位亞正 謂 奪 集 殊無憂存左史之 削 歸 謂 禄 書, 相 奪。 中 光贊 |肇 庶 罪。 長兼尚 今降卿長 員,今解 丞之任 合省逋墮, 周。 及中舍人 但 若三年 子 、物務, 叉為 游肇 以尙 書于 謂 然 一,所 ·有 卿 卿 少 獎 諫 書 兼

李 公 採 平 良 識 學 中 口 庶子、免 頃 觀 年 可爲 用 人,多 爵 中 兩 一、三一安樂王 任, 乖 觀 員 才之授。 外 常 詮 侍 可爲 如 實是武 故 下中,解 中 人,而授 舍 人閭賢保 東華之任 以文官, 可 爲 退為 黜 下 下 司 員 , 退 外散騎常侍 大 例 爲 於 武 騎常: 理 未 均 侍 馮 夙 諸 叉 可 謂 如

此

比

黜官

如

初

原,欲 日 甚 衆 實 高 造皆 **令卿等子** 祖 如 明 引 聖 詔 陸 人。 叡 孫 金 元 博 氏 股 若不 贊 自 見多 等於 行 入仕 醴 知 前 九 0 年, 曰:「北 若永 置 官官 居 人每言北 世 三載, 恒 北,值 知 名, 正 人何用 不 欲 好 不 開 文 可 道 主 知 得 兆 書, 也 卿 等子 朕 致 聞 Z 孫, 禮 此, 大 敎 悅 不 深 趸 用 股 憮然。 面 爲 牆 天 也。 子, 今 陸 知 何 叡 書 假 者 對 r

歲 勢臨 林園 兄 靑 祖 幸 齊 我 明 荆 羽 光 及 每 爲 徐,聲遏江外,未容解甲,凱入三川 五. 後 第 南 爲深 廣 等 詔 靑 陵 與 羽 四 開 憂 弟。」高 諸 州 建 弟言曰 恐其 諸 羽 吾 軍 旭 食勃 不 因 事 日 振。 征 天 海 歷 我 東 昨 之 今得 運 漢朝, 爲汝兄,汝爲 東光 大 親 將軍 乘 受 痊 人 時 愈 七 、開府 一千戶。 樹 訟, 一晚成 功 始 羽 纂 婚 青 開 知 車 昆, 媾 亦 兵修律 荆 廣 孙 駕 , 拓 汝 陵 刺 南 且 之 沔 復 史。 伐 喜 何 明 俟秋 其 威 恨 以留 羽 J 吉 振 í°o L 進 方 慶, 楚 高 叉 守代京之功, 號 舉。 咸 越 日 祖 衞 陽 故 將 王 海服之寄,故惟宗良,善 命駕耳 叔翻 時 軍 禧 曁 ,自己除使 對 三炎, 沉 日 增邑五 疴 高 緜 臣 祖 息 惙 持 親 年 百 駕 節 餞 遂 爲 汝 之華 有 廣 都 潁 高 凌 辰

開經策,寧我東夏。 敬慎汝儀,勿墜嘉問,唯酒唯田,可不戒歟!」加散騎常侍,進號車騎大

將軍,餘如故。

內,面授司徒。 季豫旣轉,取之無嫌。 世宗即位,遷司州牧,常侍如故。 羽辭曰:「彥和本自不願,而陛下强與。 請爲司空。」世宗猶强焉,固辭,乃許之。 羽頻表辭牧,至于三四,詔不許。 今新去此官而以臣代之,必招物議 世宗覽政,引羽入

護 羽葆鼓吹 親臨,哀慟,詔給東園溫明秘器、朝服一具、衣一襲、錢六十萬、布一千匹、蠟三百斤,大鴻臚 喪 事。 羽先淫員外郎馮俊興妻,夜因私遊,爲俊興所擊。 、班劍四十人,諡 大殮, 帝親臨之,舉哀都亭。 日惠。 及葬,帝親臨送。 贈使持節、侍中、驃騎大將軍、司徒公、冀州刺史,給 子恭襲。 積日秘匿, 薨於府, 年三十二。 語在 **統** 世宗

司 莊 軍 州牧,尋除大司馬。 初,封沛郡王,邑一千戶,後改封淮陽 、荆州刺史, 轉征虜將軍 恭兄欣,字慶樂。 性粗 隨出帝沒於關 、齊州刺史。 率,好鷹犬。 中。 玉。 欣在二州, 肅宗初,除通直散騎常侍、北 出帝時,加太師、開府。 頗得 人和 又爲征 復封廣陵王。 中 東將軍 郎將。 、太僕卿。 出為 除太傅、 冠軍將 孝

欣弟永業, 普泰元年, 特封高密郡王, 食邑二千戶。 武定末, 金紫光祿大夫。 齊受禪,

舒例降。

鎭 以營聲譽,王何以獨否。]雍曰:「吾天子之子,位爲諸王,用聲名何爲。」久之,拜中護軍,領 北大將軍。 或年器晚成也。」太和九年,封潁 高 陽王雍,字思穆, 改封高陽。奉遷七廟神主於洛陽。 少而倜 儻 不恒。 河王, 高祖 加侍中、征南大將軍。 曰:「吾亦未能測此兒之深淺,然觀其任眞 五等開建,食邑二千戶。 或說雍曰:「諸王皆待士 率

又當愛賢士,存信約,無用人言而輕與奪也。」進號征北將軍。 爲牧之道,亦難亦易。日司其身正,不令而行,故便是易。其身不正,雖令不從,故便是難 州刺史,常侍如故。高祖誠雍曰:「相州乃是舊都,自非朝賢德望無由居此,是以使汝 車駕南伐,雍行鎭軍大將軍,總攝留事。 遷衞尉,加散騎常侍,除使持節、鎭 北將軍、相 作牧。

公,議定律令,確常入參大議。 雍在二州, 微有聲稱。 入拜驃騎大將軍、司州牧。 太保,領太尉,侍中如 世宗初,遷使持節、都督冀相瀛三州諸軍事、征北大將軍、開府、冀州刺史, 故 轉太尉公,加侍中。 世宗時幸確第,皆盡家人之禮。 時確以旱故,再表遜位,優詔不許。 常侍 遷司空 如故。 除

世宗行考陟之法,雍表曰:

級。 **閑冗之官,本非虛置,或以賢能而進,或因累勤而舉。** 竊惟三載考績,百王通典。今任事上中者,三年昇一階,散官上第者,四載登一 如其無能,不應忝兹高選。

因 不 年 繼所逮,未以事閑優之;節慶之賚,不以祿微加賞。 罪殿之犯,未殊任事,考陟之機,推 不 披衿之所。抑以上下之閑,限以旨格之判,致使近侍禁職,抱槃屈之辭,禁衞武夫,懷 奏,委於任事之手,涉議科勤,絕於散官之筆。遂使在事者得展自勤之能,散輩者獨絕 之奏,有與奪之級。明參差之考,非聖慈之心,改典易常,乃有司之意。又尋考級之 多年,課煩以少歲,上乖天澤之均,下生不等之苦。又尋景明之格,無折考之文,正始 劇 旣 務之日。 日 不等。 懷 使。 其 申之恨。 患重請,動輒 月,便是採薇之詩廢,杕杜之歌罷。 ,以能進之朝伍,或任官外戍,

「四遠使絕域,催督逋懸,察檢州鎮,皆是散官,以充 歸,畏此簡書」。 及於考陟,排同閑伍。檢散官之人,非才皆劣,稱事之輩,未必悉賢。而考閑以 臣聞君舉必書,書而不法,後代何觀。詩云「王專靡鹽,不遑啓處」,又曰「豈 欲克平四海,何以獲諸。又散官在直,一玷成尤, 衡使愆失, 差毫卽坐。 經 劇,先宜 歲。 依依楊柳,以叙治兵之役,霏霏雨雪,又申振旅之勤。 征役在途,勤泰百倍。 折之。 又任事之官,吉凶請假,定省掃拜,動歷十旬,或 苦樂之勢,非任事之倫,在家私閑,非理 若折往來 徽

論

優語

式,止及階勞。折以代考,有乖使望。非所以獎勵皇華而敦崇四批者也 或帶甲連年,負重千里,或經戰損傷,或年老衰竭。 里,登有死亡之憂,咸懷不返之戚,魂骨奉忠,以尸將命。 先朝賞格,酬以爵品,今朝改 退階奪級。此便責以不衰,理未通也。又蕃使之人,必抽朝彦。或歷嶮千餘,或履危萬 武 人本挽上格者爲羽林,次格者爲虎賁,下格者爲直從。 今試以本格,賣其如初,有爽於 或累紀 征戍,靡 所 不涉,

考,自古通經。今以汎前六年昇一階,檢無愆犯,倍年成級。以此推之,明以汎代 新除一日,同霑階榮,下第之人因汎上陟,上第之士由汎而退。 復尋正始之格:汎後任事上中者,三年升一階,汎前任事上中者,六年進一級。三

肅 欲進品淸流,以壓姦宄。甄琛啓云:[[思][爲法者施而觀之,不便則改。] 竊謂斯言 臣又見部尉資品,本居流外,刊諸明令,行之已久。然近爲里巷多盗,以其威輕不

有可採用,聖慈昭覽,更高宰尉之秩。

今考格始宣,懷怨者衆,臣竊觀之,亦謂不可,有光國典,改之何難。

世宗乃引雍共論時務。

中,領太尉公,王如故。 肅宗 初, 詔雍入居太極西栢堂, 諮決大政, 給親信二十人。又詔雍爲宗師, 進太傅、侍 別敕將作,營國子學寺。給雍居之。領軍于忠擅權專恣,僕射郭祚

勸 雍 出之。 忠怒, 矯詔殺祚及尚書裴植,廢棄以王歸第。 朝有 大事, 使黃門郎就諮訪之。

忠尋復矯詔 ,將欲殺雍 ,以問侍中崔 光,光 拒之,乃止。

未幾,靈太后臨朝,出忠爲冀州刺史。雍表曰:

下, 勤 輒 之。 卿 爾,更欲何爲? 見 危,又亦不預,出入相堂,尸立 夕。 臣之罪三也。 目,深知不可,不能禁制。 違, 闸 其 相 且居宰執,又 忠旣 賞之, 任 而于忠身居武 如 臣初入栢堂,見詔旨之行, 卽 此、欲 情 集王 人臣,受恩先帝, 憚 進 一點,遷官授職,多不經旬,斥退賢良,專納 違權 出忠為雍州 公 先帝昇遐,儲宮纂統,斯乃君父之恒謨,臣子之永 而忠意氣凌雲,坐要封爵。 卿士, 、總禁旅,爲崇訓衞尉,身兼內外,橫干宮掖。 臣之旨, 司,禁勒自在,限 議其 刺 臣之罪 望顔 喪禍之際, 多 史,鎮撫關右,在心未行,反爲忠廢。 少 而 而 0 已。 由 授。 淸 也。 以內 門 河王 臣之罪二也。 竭節是常,迎陛 下 臣 外, , 臣 知 巨懌, 而 一近忝 爾日 不可,因 朝謁: 臣 內 出君行,不以悛意。 抑之,交恐爲 先帝懿弟, 簡 樞 忠規 絕。 而 下於東宮, 兼 ιĽ 從之。 欲 皇居 腹, Ë 殺臣,賴 識度寬 師傅,宜 威振百僚, 禍。 臣之罪五也。 寢 臣 則, 食, 之罪 忝官尸祿,孤 臣下之恒事, 臣以 明, 在 所在 保護 加賞之義, 每覽傷矜,視 四 事 臨衆 權 也。 勢傾 執 聖 不 臣 拒 躬 知 唱議, 所 古者重罪, 忠秉權門 朝 欲,不 負 自古 野。 社 如 溫 又令僕 (恩私。 非以 其不 之慘 稷 凊 無 臣 安 晨

獻

文

大

廷貴仕,不戮一人。今陛下踐阼, 必 期至旬 日 所 以重死 刑也。 年未 个半周, 先帝登極,十有七年,細 殺僕射、尚書,如天一草,是忠秉權矯 人 犯 刑,猶寬 憲墨,朝

擅行誅戮。臣知不能救,臣之罪六也。

臣位荷師 相,年未及終,難恕之罪,顯露非一 ,何情以處, 何顏以生, 雖經 恩宥, 猶

有餘責,謹反私門,伏聽司敗。

靈 太后感忠保護之勳,不問其罪,增確封一千戶,除侍中、太師,又 加使持節, 以本官領同

州牧。

能 衣綾綺纈,止於縵繒而已,奴則 久行也。 雍 表請: 詔瘫乘步挽出入掖門。 王公以下 ·賤妾,悉不聽用織成錦繡、金玉珠璣,違者以違旨 布服, 又以本官錄尙書事。 並不 ·得以金銀爲釵帶, 雍頻表辭遜,優答不許,詔侍中敦 犯者鞭一百。 論 太后從之,而 奴婢悉不得 不

諭。 韶雍朝夕侍講。

太尉 故。 優拜伏之禮。 と選光攝行 又賜帛八百匹,與一千人供具,催令速拜。 肅宗覽政,除使持節、同州牧、侍中、太師、錄尚書如故。 泛冠禮。 總攝內外,與元叉同決庶政。 韶瘫乘車出入大司馬門,進位 歲祿萬餘,粟至四萬,伎侍盈房,諸子璫冕,榮 詔雍依齊郡順王簡太和 丞相,給羽葆鼓吹,倍 肅宗加元服, 故事,朝訖引坐,特 加 雍 兼 班劍, 太保, 餘悉. 與無 如

貴之盛,昆弟莫及焉。

暴薨,多云雍毆殺之也。 寒望劣,難之,久乃聽許。 四口,冒以還第。 豫內政,僅給衣食而已。 元妃盧氏薨後,更納博陵崔顯妹,甚有色寵,欲以爲妃。 太后責其專擅,追停之。 至乃左右無復婢使,子女欲省其母,必啓聞,許乃得見。未幾,崔 靈太后許賜其女妓,未及送之,確遣其閹竪丁鵝自至宮內,料簡 延昌已後,多幸妓侍,近百許人,而疏棄崔氏,別房幽禁, 世宗初以崔氏世號「東崔 不得關 地

體 或 猶家, 匪躬在節, 可開府置佐史。」 尋罷司徒, 以爲丞相府。 孝昌初,詔曰:「比相府弗開,陰陽未變。 王秉哲居宗,勳望隆重,道庇蒼生,威被華裔

後、朝政褫落、不能守正匡弼、唯唯而已。及淸河王懌之死,元叉專政,天下大責歸焉 孝莊初, 念朱榮欲害朝士, 遂云雅將謀逆, 於河陰遇害。 **)** 魔識懷短淺,又無學業,雖位居朝首,不爲時情所推。 旣以親尊,地當宰輔,自熙平以 贈假黃鉞、相國,諡文穆王

同 時遇害。追贈侍中、特進、驃騎大將軍、太尉公、武州刺史、高陽王、諡曰文孝。 嫡子泰,字昌,頗有時譽。爲中書侍郎,尋遷通直散騎常侍、鎭東將軍、太常卿。

子斌,襲。武定中,官至尚書右僕射。齊受禪,爵例降。

|泰兄端,字宣雅。美容貌,頗涉書史。 起家散騎侍郎。 累遷通直常侍、鴻臚、太常少

獻

文六

王列

傳第 九

上

高陽王

徐 光 卿 禄 兗 散 大 重 騎 夫、使持 逼 常 州 侍 城 節 出 端 、東南 爲 率在州 安 東將軍、 道 大使, 文武 青州 拒守, 處分 刺 軍 得全。 史。 機。 是時蕭 賊 以 平 功封 拜 行遣將寇 安德 鎭 軍 縣 將 逼徐揚 開國公,公司食邑五 軍 刺 除端 史。 撫 俄 軍 而 將 一百戶。 衍 軍 將 復寇 金紫

子峻,襲爵。齊受禪,例降。

除

都官

尙

與

雍俱

遇害。

贈

車

騎大將軍、儀同

三司

|相

州

刺

史。

卿 封 泰 濟 弟 北 叡 郡 字 王 子 與雍 哲。 俱 輕 忽 遇 樂利 害。 贈 愛玩 車 騎 琴書。 大將 軍、 起家拜通直散騎侍郎,遷衞尉少卿,轉光祿少 司 空公、雍州 刺 史。

徽 普 泰 中 起 家 通直 郎。 武 定 五. 年,坐 與 完 瑾 等謀反 伏 法

黄 縣 中 菛 開 侍 或 叡 保 郎 伯 弟 司 誕 食 徒 孝 邑三百 字 公、尙 靜 文發。 初, 書 戶 拜 少 0 令 侍 聰 加 中、車 將 惠 龍 軍 有有 驤 牧 騎 將 風 大 如 軍 儀 將 故 軍 諡 進 起 、儀 封 家 B 昌 同 文獻 通 |樂王 三司 直 郎 , 無子, 遷 食邑七 司 中 州 以 牧。 書 白 斌 侍 戶 第二 郎、 天 0 平三 遷 通 子 平 直 年 子 南 散 亮 薨, 騎 將 爲 常侍。 軍 贈 、散 使 持 騎常侍、 封 節 新 侍

伯 封 陽 食邑四百 平 誕 縣 弟 勒 亘 叉 戶 封 濮 勒 天平 陽 叉 弟 縣 $\dot{\mathbf{H}}$ 伏 亘 並除鎭遠將 陀 耳 弟 封 伏陀 武 陽 、伏陀弟 縣 軍 彌 一、散騎: 陀 彌 封 侍 陀 新 郎 陽 爾陀 縣 僧 僧 弟 育走關 育 僧 育 封 頓 四 僧 丘 育 縣 或 弟 除 居 居 羅 羅 其餘齊受禪 封 衞 出 帝 縣 · 並 初 勒 開 鮹 國

北 海 王詳,字季豫。 美姿容,善舉止。 太和九年封,加侍中、征北大將軍。 後拜 光祿大

夫,解侍中、將軍。又氣侍中。

步。 右。 高祖嘉之,拊掌欣笑,遂詔勒銘,親自爲制。 至高宗射銘之所,高祖停駕,詔諸弟及侍臣, 從高祖南伐,爲散騎常侍。 高祖自洛北巡,詳常與侍中、 皆試射遠近,唯詳箭不及高宗箭所十餘 五等開建,食邑二千戶。 彭城王勰並 一在輿辇, 遷侍中, 陪侍左 轉祕

見之。 餞之,詔詳曰:「昔者,淮夷叛命,故有三年之舉;鬼方不令,乃致淹載之師。 効,非朕之功。」詳對曰:「陛下德邁<u>唐</u>虞,功微周漢,自南之風,於是乎始。」詳還洛, 書曰:「比遊神何業也?丘墳六籍,何事非娛,善正風猷,肅是禁旅。」詳後朝於行宮,高祖引 今十紀,朕必欲蕩滌南海,然後言歸。 今夏停此,故與汝相見,善守京邑,副我所懷。」趙郡 車駕南伐,詳行中領軍,留守,給鼓吹一部,甲仗三百人,兼督營構之務。 詳慶平河北,高祖曰:「朕以畿南未清,神麾暫動,沔北數城,並皆柔服,此乃將士之 況江吳竊命,于 高祖賜詳璽 高

王

王 幹薨,以詳 行 司 州 牧。 除護 軍將軍 一,兼尚 書左僕射

諒 言 勗 如 周 日 對沖 魯 闇 及 斯 一人之身,愆 高 不受。 昧 祖 事 禧 臨 臨 ,保乂鴻 之與國 崩 紙 世宗覽政, 顧 慚恨,惋 猷 命 不累德,形乖性別 異 一,世 詳 體 爲 司 慨 |容以微介之慮,忘阿 遷侍 司 氣, 兼 空 深 中、大將軍 旣 輔 肆無君 政。 詳 忠 重 世宗 表 逆固 之逆,安顧弟友之親。 (陳解 錄 卽 位 衡之重,貂章 殊。 尙 部 書 以詳有營構之勤, 是以 復 事 不 許。 父殛子 咸陽 卽 除太傅,領 王 已敕還,願 禧 興,義高 叔父忠顯 之謀反也, 增邑一 唐世 司 不 徒,侍 再 一,弟 千戶。 一朝,誠 詳表 述。 中 戮 求 錄 貫 祚屬 兄登,迹 解 詳 廟 尙 以帝 任 眇 社 書 躬, 實 事 顋 詔 居

愼 若 沒。 網 多 奪 官 有。 依 祿 故 之 誅 制 設 事 依律劾禁,不宜輕改法令, 昔 條, , 道 與 削 有 詳 , 贼發, 固 黃 奪 八 班 幾 辭 襲 座 Ê 勝 則 奏日 變 詔遣 隱 周 殘, 縣 風 歲。 無 而 「竊惟 寧息狗竊 不言 敦 期 不 勸, 月之宰,附 然京邑尹 由 ,或以劫 削 姦 乃受 祿 之響。 劫難除,為蠹 、、今,善惡易聞 張 削黜羣司。 條 爲 趙 偸 貶 是以班 稱 黜, ,或遏掠 美, 郡靡 日 制 豊 憚 貶退。 久,羣盜作患,有國 今請改制條, 垂 邊州 成盜, 歲 式, 稔 之守。 名為治 遠守, 更令 然 賊 還附律處。 綏 本, 此 或難聽審, 發難 導 制 之體 整網 攸 必行 知 病。 攘 提目 得 所 皆 其勵己公清, 故五 縞 失在 謂 催 上 政之大要。 10 法 退。 刑爲用 人。 令-同 滋章 情, 臣 功 猶 等參議 賞 田 迭 八有常 盗贼 陷 重 相 謹 掩 選 葬 觸

典,風謠黷賄,案爲考第。」世宗從之。

者 彭 知知 城 其 王 不終。 加思 之拜命,其夜暴風震電 有 震主之慮,而欲奪其司 世宗 講武於鄴,詳與右僕射 , 拔其庭中桐樹大十圍, 徒,大懼 高肇、領軍于勁 物議, 故爲 (大將軍, 至是乃居之。 倒立本 留守京師 處。 初, 世宗之覽政 天威如 也 近此。識 一詳聞

響嗷 厭, 訖 請 開 左 右, 起 延 多所 猶 初 嗷。 Щ 至 毀燧視之。 閉 葬 池,所費互萬矣。 太和 取納;公私營販,侵剝遠近,嬖狎羣小,所在請託。 密始 而 妃,朱王劉昶女,不見答禮。 不見許,乃令輿櫬巷次,行路哀嗟。 末,詳以少弟延愛, 末。 表請贈平昌縣君。 詳旣素附於皓,又緣淫好, 又於東掖門外, 景明 初, 詳又蒸於安定王燮妃高氏, 龍妾范氏, 大路 復以季父崇寵, 之南, 往來綢密。皓之取妻也,詳親至其家,忻飲 詳母 愛等伉儷, 、驅逼 高太妃, 細人, 位望兼極, 珍麗充盈, 及其 頗 規占第宅。 亦 死也, 助爲威虐,親 高氏 聲色侈縱, 百僚憚之。 即茹皓 痛不自勝, 至有 妻姊。 命毆擊,怨 喪柩在堂, 建飾第字, 而 貪冒. 乃至葬 嚴禁 無

所, 肆飲 事皆協允。 詳 雖貪 終 日 侈 , 聚斂,朝野所聞,而世宗禮敬尙隆,憑寄無替,軍國 詳常 其 寵 別住華林園 如 此。 叉詳 拜受, 之西隅, 因其私慶, 與都亭、宮館密邇相 啓請世宗。 接, 世宗頻 亦通 1大事, 後門。 幸 -南第 總而 裁決。 世宗每潛幸 御其後堂,與 毎所 其

極

獻

文

六

王

列

傳

第

九

上

北

海

王

車,防 高 太妃 m 後,不 衞 歲 相 嚴 見,呼爲 至 願富 固。 妾 貴,但令母子相保,共汝掃市作活也。」至此 高 母母 時惶迫,以爲詳必死,亦乘車傍路,哭而送至金墉。 泗 子舍也。」初,世宗之親政也,詳與咸陽王禧、彭城王勰並被召入,共乘犢 母、伏 而上酒, 禮若家人。 臨出, 高毎拜送,舉鶴祝言:「願官家千萬歲 貴寵崇盛,不復言有禍 及詳 得免,高云:「自 敗 Ż 理。

瞻 此 以 糾 開 尉 失 軍 淫 相 一,及 所 自 治 尊 金 與 國 不 何 歸。 幸 寬。 哭,入所居 墉 罪。」

針

劾 卑之節; 塵敗 費 後 茹 門, 廣 袁 也 皓、 高 十餘 ,禁斷諸 不 至 一, 正 馳 肇 能勵德存道,宣融軌訓 明 劉 出諭之,示 **| 青、常季賢、陳掃靜等專恣之狀。** 皓等,夜 所譖,云詳 恐更有 日 小小 皓等皆賜死, 憲章 蕃雜 徙 奴弱 詳 大罪横 一,虧 獻,而詳 卽 **凝婢數** 就 與皓等謀爲逆亂。于時詳在南第,世宗召中尉崔亮 以中尉彈 收 風 太府寺, 禁南 教之紀。 引高 至耳。 人 隨 擅作威令, 臺。 從。 陽王雍 狀。 ,方乃肆兹貪靦,穢暴顯聞。 圍 人奉我 |禁彌 叉虎 請以 官防 詳 等五 母高 切。 貴百 命寺署酬直。 甚嚴,終夜 珍異貨物,我實愛之。 見事,免所居官爵,付鴻臚削奪 王 詔 見翼,頓首 人,圍守詳第,慮其驚懼 **亮乃奏詳:「貪害公私,淫亂** 入 日二日 議詳罪。 、擊柝, 王位 號泣 驅奪人業, 兼 列 單 台 不自 車 坐 輔,親懿莫二,朝 遠負先朝友愛之寄,近乖 一圍守, 防守, 果爲 勝。 崇侈私第。 取受, 還華 奔越。 外 詳言 內 ,輒下禁止, 典禮 入禁,敕糾詳貪 下審 林 吾 不 遺 之館。 通。 何 。朝廷 野 蒸穢 憂 如 左 屬賴, 乎? 右 世 中 無道, 宗 郭延 比以 付廷 母 尉 私 家 具 爲 所

.見。 情 夜 抄 坐 或 名字 情 不 推 守者 於 敬所期,理官執憲,實合刑典,天下爲公,豈容私抑。 自 此 有未安。 ",潛 洛陽縣 夜, 任 以 聞。 託 母 明 侍婢通 妻不 東北 便 可発 詳哭數聲 舉哀, 在, 隅,二旬 於詳。 爲 死於婢手中。 庶 可敕備辦喪還南宅,諸王皇宗, 而 人,別營坊館, 詳始 暴死。[1刊]詳自至太府,令其母妻,還居南宅, 而 成,將徙詳居之。 得執省 至 明, 而 如 法禁衞,限以 告其 門防主 凶 會其家 問。 司遙見,突入,就詳手 悉令奔赴。 詔 奴數人,陰結 終身。 曰:「北海叔奄至傾背,痛慕抽慟, 但朕諸父傾落,存者無幾,便 邦家不造,言尋感慨。」 給東園秘器,閒物之數 黨輩,欲 五 中攬得,呈奏。 日 以 來,與其相 劫 出詳 遂 極 密 別 速 至

夫婿。 杖 力 何 疲 忽 乃 共 詳 餘 婦 令奴代。 許 之 日乃 初 高 人 禁也 皆 麗 能 妬 婢 <u>寸</u> 姦通 乃乃 高 獨 氏 以蒸高事 叉 不 素嚴,詳 令致 杖 妬 也 其 妃 此 _! 告母。 劉 罪。 劉 毎 笑 氏 有 數 微 我 而 受罰, 罪 十,云: 得 母 高麗 常常 大怒,詈之苦切,曰:「汝自有妻妾侍婢, 卒 加 當當 新 責 無所言 罰 婦 噉 以其肉。」 大家 以絮裹杖。 女, 一乃杖 門戶 人詳背及 至 匹敵, 是, 去絮, 兩 何所 脚 百餘 皆至 畏 也, 下, 瘡 少 而 膿 盛 自 不 行 如 詳書 檢 花, 杖 校

依

廣

陵

故

事

月, 詔 詳 貪 [] 故 淫之失, 太傅 北 雖 海 聞 王 遠 體 近 自 先 丽 皇, 死 之日 特 鍾 友愛, 罪 無定名, 受遺訓輔,沖昧攸 遠近 歎怪 之。 記 停 殯五: 不 圖 載。 暮 節 永 晦德 平 元 終缺 年十

哀榮, 便可追復 [王封,克日營厝,少慰幽魂,以旌陰疑戚。] 諡曰平王。

夫、 長兼宗 子 顥 Ē 字子明, 卿、散騎常侍、平東將軍。 襲。 少慷慨,有壯氣。 轉都官尙書,加安南將軍。 除龍驤將軍、通直散騎常侍。 出除散騎常侍、撫 轉宗正卿、光祿大 軍將

軍、徐州刺史。尋爲御史彈劾除名。

故。 衆,解豳 征 西 將 其 專遷車騎大將軍、儀同三司,**餘** 後 軍 華之圍。 財帥宿勤 都 督 華幽 以功增封八百戶,進號 |明達、叱干騏驎等寇亂||幽||華諸州,乃復顯王爵,以本將軍加使持節、 東秦諸軍 中事、無· 如 左僕 故。 征 射、西道行臺, 値 西將軍。 蕭 寶夤等大敗於 叉除 尚書右僕射,持節、 以討 平涼,顥 明達。 |願轉戰| 亦奔還京 行 而 前, 師 都 頻 破 督 假 賊 如

史, 廢 故。 史 神 遵, 以 為 遵以 禦榮。 顥 於 還 己 時 以葛榮南 推李 表 葛 ,萬榮南進,稍逼 樂充 裏之援。 嗣 一神攝理 至 逼,未得行 侵, 汲郡,屬介朱榮 州 相 **介朱縱害**, 事,然後遣軍候顥逆順之勢。 州 行 鄴城。 臺甌密先受朝旨,口公委其守鄴 **颢令遵權停於鄴** 逐盤 入洛,推 武 泰 桓 初,以顥 顧 望, 奉莊帝, 圖 爲侍 顥 自安之策。 旣 詔 中、驃騎大將軍 懷 授 異謀, 顥 太傅,開 先是, 乃遣 知 顥 異圖 遵行 府、 一、開 顥 啓 其 月 相州 侍 府 恐遵 中、 儀 八舅范遵 事 同 爲變, 子,代 刺 三司 史、 前 爲 遂 刺 殷 王 相 相 史 州 並 州 刺 刺 如

遂 以 顥 顥 爲 以 事意 魏 主, 不 假之兵將, 諧 遂 與子 冠受 令 其 率 北 左 入。 右 奔於 永安二年四 蕭 衍 0 景頁 月 見行 於梁 或 江 城 涕 南 自 登 陳 壇 , 言 燔 燎 辭 ,號孝 壯 烈, 基 衍 奇 元 自虎 之。 年

|牢 莊 走退, 帝 詔 濟 莊帝 陰 王 北 暉 幸。 業 爲都 | 顥 督, 入洛,改稱 於考城 拒 建武 之, 為 元 顥 年 所 擒。 叉 克行 臺楊 昱於滎陽。 **介朱** 世 隆

州 拒 兵, 授, 而 戦 出 諸 凌竊 頗懷 軍 顥 王 事 至 以 師 市 驕 驃 臨 數千之衆 渡於 里。 怠。 潁 騎 朝野 大將 顥 馬 宿 部 渚 昔賓客近習之徒 軍 騎 ,轉戰! ,冠受戰 莫不失望。 、大司 分散, 輒克 敗被 馬、冀州 爲 據 臨 時又 擒, 有 潁 咸 都 縣 酷 刺 因 見 邑, 卒 史。 相 斂,公私不 寵 所 繼 待, 號令自己, 斬。 武定 m 干擾 敗。 出 中,子娑羅 ·安。 帝 政 顥 天下 初 率 事 莊 帳 , 帝 贈 人情, 下 叉 使 襲。 與 日 數 \ 持節 **介朱** 夜 百騎 想 齊 縱 樂還 受禪,爵 其 酒 侍 及南 風 中、 師 政。 不 兵勇健者 討 都督冀 恤 例 顥 軍 而 降 或 自 定 自 謂 自自 相 於 所 天 之所 殷 轘 統 河 几

侍 顥 軍 北 寸,封 中。 敗 將 軍 顥 潛竄 東 弟 頊 海 相 無 項,[1元]字寶意。起家爲 州 王,食邑千戶。 他 爲 刺史。 才幹, 人 執 送, 以親 爲大 斬 宗 屬早 俄遷 於 正 都 居 卿。 中 市 重 通 ·書監、 直 任。 封 出 平 郞 帝 兄 樂 左 初 轉 顥 光 縣 中 祿 贈侍中、都督雍華 入 開 書郎, 洛, 大 或 夫, 公,食邑八 成 歷武 敗 兼 未 尚 衞將 分, 書 百戶 右 軍 便 岐三州諸 僕 以意 光 射 莊 禄 氣 帝 少 叉 自 卿 軍 拜 初 得, 事 車 黄 拜 騎 舸 驃 侍 爲 大 騎 時 中 郎 將 大 人 車 出 軍 將 所 騎 除 笑。 軍 將 加 平

王

太尉公、尚書令、雍州刺史。

子衙,襲爵。武定中,通直散騎侍郎。 齊受禪,爵例降。

責之。 諡 之無術,其天將覆之。 日靈。廣陵夙稱明察,不幸中夭,惜矣。 史臣曰:顯祖諸子,俱聞道於太和之日。 北海義昧鶺鴒,奢淫自喪,雖禍由問言,亦自貽伊戚。 高陽器術缺然,終荷棟幹, 咸陽望重位隆,自猜謀亂。 願取若拾遺, 亡不旋踵, 豈守 孝昌之叛,蓋不足以 趙郡愆於王度,終

校勘記

- 一〕臣謂宜述元志 「元」疑當作「先」。
- **八**二 -願欲 傳之來葉 諸本「葉」作「業」、 册府卷五七六三四頁作「葉」。按「來業」語晦,今據改。
- 卒聞教武 百衲本、南本「卒」作「臣」,不可通。北、汲、殿、局四本此字缺,旁注「疑」字。今據册
- /~\ PY 加衞大將軍 按下云:「尋授車騎將軍、左光祿大夫」,衛大將軍班在車騎將軍上卷一一三官氏志,

旅卷三一二三六八六頁改。

似是貶降。 但下文廣陵王羽以征東大將軍 爲衞將軍, 高陽王雍先是征南大將軍, 改鎭北大將

軍 後 爲相州 刺 史, 所 帶 軍 號却 止 是鎭 北 將 軍 與 此 同 例,或是先後制 度不同

 $\overline{ }$ 五. \Box 卒贈撫 軍 將軍 儀 同 司青州 刺 史 按 墓誌集釋元譚墓誌 **圆版一七五** 稱「建義元年,歲次戊申, 四

ッマ \Box 夷 月 人寧 十三日, 悅 龍 北史卷一 飛之會, 九、御覽卷七〇三三一三七頁「夷人」作「夷夏」。按御覽引魏書, 横離 大禍」,則元譚 也於河陰被殺。 傳止稱「卒」、似善終。 疑 却與北史同 誤

則舊本亦作「夷夏」。

[七] 人命之本事 册府卷六九七七五頁「本」作「大」,疑是。

若賞 不 虚 能 諸本「賞」作「實」、册府同上卷頁作「賞」。按上云「行賞得人」, 這裏意謂行賞而 和他

[f] 民斯下矣 按語不可解,「民」字疑訛。

的

能

力

不

稱

,前後相貫,「實」字訛,今據改。

謂 長 兼 尙 兿 于 果 日 諸本「果」訛「杲」、據北史卷 九、本書卷三一于栗磾附于果傳改。

可 爲 中 李 慈銘 }魏 *書 {札 }記 以下 簡称李慈銘 云:「北史卷 二九『中 宇 有『第』字,此 脱

羽 進 號 衞 將 軍 按 Ĺ 文早 說加 衞 將 軍 何待這 時 進號。 前 後 必 有 誤。

爲牧 北史 之道 卷 亦 難 九、 亦 易 **御** 百衲 卷 三五. 本、 汲 四二 本 - 「亦難-九 六頁作 亦易 「亦易亦難」。 ご作 非 難 亦 多」, 册府卷 南、 五. 北、 殿、 六一八九二頁 局 四 本 作 作 亦 非 難 難 亦 非

獻文六王列傳第九上 校勘記

易」。按「非難亦易」必誤,南本以下當是以意改。 御覽此段雖標「後魏書」, 實出北史,如作「帝

誠曰」不 作「高祖誠曰」,又無下「又當愛賢士」云云,可證。 今據删府改。

- 或任官外戍 <u>《姚·</u>卷一五載<u>元</u>癃表「任」作「征」。按「征官」指征行之官,故與「外戍」連文,疑
- 二吾 甄琛啓云 諸本「琛」皆作「深」。按語見卷六八甄琛傳,「深」乃形訛,今改正。

「任」字訛

二台 以功封安德縣開國公 諸本「德」作「得」。墓誌集釋元端墓誌圖版一七九作「安德郡開國公」。 按卷

顯爲「安德」之訛,今改正。 〇六上地形志上冀州安德郡,云:「太和中置,尋併勃海, 據地形志,元端封爵時,在此郡 併入勃海郡 中興中復」,郡屬 後,復郡 有安德縣。 前,當時 「安得」 並 無安

徳郡。 有所改變。 雖北 「安德」旣無此郡 魏封邑都是虚封,太和 ,傷作「縣公」未必誤,今不改。 以前 更是隨意立名,不必有 ,此郡, 但 太和定制後這種情況已

- 二十二 得 至夜守者以 又言『以聞』。 聞詳哭數聲而暴死 且. 方『以聞』, 不言害詳事, 李 慈銘云: 『守者以聞』, 何 得 便言 『詳哭數聲 以以 字衍。 त्ता 死。 上 北史卷一九 旣云『呈奏』矣, 攬 得 不 呈
- 奏』下云: 帝密令害之。』 此傳當脫一 句, 故下云:『至夜 守者聞詳哭數聲而 死 蓋莫 知 其

死狀也。」

相州行臺甄密先受朝旨 諸本無「密」字。 按「甄」下不應不書名。 通鑑卷一五二四七四七頁作

記

顥弟頊 諸本「頊」作「瑱」。據北史卷一九、册府卷二八一三三二二頁、墓誌集釋元項墓誌圖版一八四

改、參卷一○校記。〔△〕

二九

魏書卷二十一下

獻文六王列傳第九下

彭城王

想 生 |而母潘氏卒,其年顯祖崩。及有所知,啓求追服。|文明太后不許,乃毁瘠三年,弗參吉 彭城王勰,字彦和。少而岐嶷,姿性不羣。太和九年,封始平王,加侍中、征西大將軍。

高祖大奇之。敏而耽學,不捨晝夜,博綜經史,雅好屬文。

高祖革創、解侍中、將軍,拜光祿大夫。復除侍中,長直禁內,參決軍國大政,萬機之

事 ,無不預焉。 及車駕南伐,以覷行撫軍將軍,領宗子軍,宿衞左右。開建五等,食邑二千

戶,轉中書令,侍中如故,改封彭城王。

竹並茂,詎能降鳳乎。」勰對曰:「鳳皇應德而來,豈竹、梧桐能降。」高祖曰:「何以言之。」勰 高 祖與侍臣昇金墉城,顧見堂後梧桐、竹曰:「鳳皇非梧桐不栖,非竹實不食,今梧桐、

獻文六王

列傳第九下

彭城王

令譽。」 茂,曰:「『 望降之也。」後宴侍臣於淸徽堂。 **今見勰** 鄎 目 催光 及將 昔在 高 詩 讀 末也,觴情始暢,而流景將頹,竟不盡 ,始知中令之舉非私也。」

遇對曰:「臣露此拙,方見聖朝之私,賴蒙神筆賜刊,得有 暮春 其桐 虞舜,鳳皇來儀, 祖 曰:「雖琢一字,猶是玉之本體。」|勰曰:「臣聞詩三百,一言可蔽。 今陛下賜刊一 羣臣應詔詩。 其椅,其實離離,愷悌君子,莫不令儀』,今林下諸賢,足敷歌詠。」遂令黃門侍 周之興也, 鸑鷟鳴於岐山。 至 |勰詩,|高祖仍爲之改一字,曰:「昔||郡奚舉子,天下謂之至公, 日晏,移於流化池芳林之下。 適,戀戀餘光,故重引卿等。」因仰觀桐葉之 未聞降桐食竹。」高祖笑曰 高祖曰:「向宴之始,君 ...「朕亦未 臣 . 肅

帝十餘· 資耳。」 古同 與 令 字,足以價等連 (身具 人示 恕 後 表 高 步 加思 痛 祖 了, 逐 解 幸代都, 日 隨形起,今因其展思,有足悲矜,可贈彭城國太妃,以慰存亡。」又除中書監 侍 大笑曰:「汝 :「吾始作此 且行 中,詔曰:「蟬貂之美,待汝而光,人乏之秋,何容方退也。 且 次于上黨之銅 作,未至帝 此詩 詩,雖不七步,亦不言遠。 亦調責吾耳。」詔 所而 鞮山。 就。 路旁有大松樹十數根。 詩 曰:「問松林 日 「弟勰所 汝可作之,比至吾所, ,松林經幾冬? 生母潘 時高 早齡謝 祖 Щ 進傘,遂行 世,顯 令就 克念作聖。庶必有 Щ 何 之也。」時 號 如 , 昔, 風 未 加 Iffi 一,侍中 賦 勰去 加加 雲與

如

故

疏 今古云 而 兩 高 殊 祖 並 遇 南 異 討漢陽 否 同 大異, 而 建 假假 非 此 勰中軍 旣 獨 曹植 成 文於昔 大將軍 遠 羨 於臣, 一加鼓 臣 願 誦之於後。 是 吹 亦 陛 部。 下 踐 想 陳 魏文 以寵受頻 思求 m 而 不 不允,愚 顧 煩, 高 乃 面 祖 臣 大 陳 不 日 請 而 巨 執 得 想 聞 手 불 兼 但 親

陛 訓 屈 "; 並 下 朝 聖 彦, 高 未 叡 祖 遂 習 淵 親 禮 親 明 傳 毎 , 喪 事 說 服 欲 超 令我 於 百 將 清 代 臨 徽 一,臣 講 解 堂 坐,慚 喪服 得 ,從容謂 親 戰 承音旨 交情 自審 羣臣 義解 子 日 御 載 史 浮 彦和 中尉 疏 時 季 抑 李彪 而 豫 不 對 等 許。 目 年 「自古及 在 頃 蒙 因 稚 酒 ,早登纓敍 醉 一个,未 坐, 脫 有 爾 天 失過庭之 言從, 子 故

二曹才

名

相

忌

, 吾

與

汝

以

道德相

親

緣

此

而

言

り無慚

前

烈

汝

但

克己復

禮

更何

多及

畏威 斯言 幕 其 便 露之耳目,必 交 夜 府 各 敵 大 從 벞 雨 加加 征 獨 爲 FJ 對 高 沔 敕 中 人 日 北 須宣揚威略 軍 祖 所 將 『水德之應 之略 獲。 士 賜 日 一昔聞 肅 帛 三千 勰言 也,吾亦 爾 軍 於高 匹。 儀 或 以示 遠 軍 分 稱 除 獲 祖 想 其 天下。臣 使持 勝 於是 天 日始 ì 爾 毎 _ ° 節 親 0 逢 高 小才,豈足大用。」高祖曰:「汝豈 勒 、都督 有 実雨 此 祖 大 乃 鳥 衆。 令 南 o 大 勰爲 今破 善,兵法 征諸 望 須 旗 露 (臾,有 新野 軍 顚 布 事、中軍 仆 咸 二大 勰 , 南陽 說。」 臣 辭 鳥 曰 謂 大 及摧 至 大 從 將 明 、古。」 臣 南 了,便 軍、 此 聞 而 賊 露 高 來,一 大 開 獨 果 府 親 破 布 祖 者 降 崔 戲 詔 向 慧景 之日 叉 時 亦 行 布 詔 潤 宮 爲 於 「鳥之 蕭衍 才 四 誠哉 達 海, 向 明

王

獻

弟,誰能辨之。」鰓對曰:「子夏被蚩於先聖,臣又荷責於來今。」 但 ·可爲之。」及就,尤類帝文,有人見者,咸謂御筆。 高祖曰:「汝所爲者, 人謂吾製,非兄則

以聞, 身不正雖令不從』。臣處宗乏長幼之順,接物無國士之禮,每因啓請,已蒙哀借。 遜,難違淸挹,荏苒至今。 欲立一宗師,肅我元族。 裨軍國,詔曰:「割身存國, 理爲遠矣。 ,聽三分受一。」 ·矜
是。 及至豫州,高祖爲家人書於勰曰:「敎風密微,禮政嚴嚴,若不深心日勸,何以敬諸。 吾別肅治之。若宗室有愆,隱而不舉,鍾罰汝躬。綱維相厲,庶有勸改。 猶願聖慈,賜垂蠲遂。」

高祖曰:「汝諧,往欽哉。」

勰表以一歲國秩、職俸、親恤以 汝親則宸極,位乃中監,風標才器,實足師範。 宗制之重,捨汝誰寄? 但汝以我親,三乃滅己助國。 便委以宗儀,責成汝躬,有不遵教 臣聞『其身正不令而行, 職俸便停,親、國二 屢有口 敕, 不謂今詔, 吾朝聞夕 典,隨 仍執 其 事 沖 毎

,乃存亡由此。 假還洛陽,及召至,勰引之別所,泣涕執手而謂之曰:「君今世元化,至尊氣力危惙,願君 高 專思方治。 祖 不豫,勰內侍醫藥,外總軍國之務,遐邇肅然,人無異議。徐謇,當世之上醫也,先 君其勉之!」左右見者,莫不嗚咽。 若聖 一體日 康,令四海有賴,當獲意外之賞;不然,便有不測之誅,非但榮 及引入,譽便欲進治。 勰以高祖神力

代。 虚 唯 高 祖 令以食 翊 日 有 味消息。 :廖損。 自 勰乃 懸瓠 密爲壇 幸鄴,勰常 於 汝 侍坐輿輦, 水之濱,依 晝夜不 周公故 離 事,告天 於側 , 地 飲食必先嘗之,而 顯 祖 請 命 È 後 以 身

御

忠,比 孔懷 寐,動 遇緣親,榮枯 遠。 別 沔 衷,萬揆獲濟。 此 日:「朕形疲稚 纏 當 北 勰悲泣對曰:「臣等宿 患經 違 車駕 無褒;翼亮之勤,實乃勳存社 授賞,不替 之勳,每毗 來勤 止 和 必 邁國 歲,危 還京,會百僚於宣 親,敦醫勸膳,誠力俱竭,致茲保康,實賴 憂,足布 事等,以 年,心勞長歲,積思成疴,頓發汝潁。 厥 撫師於霖浩之辰,處戎 所懸,蒼生繫氣。 如寒葉,非 廟 庸。」 算。 朝 此 野,但可 高祖 從計 獲賞, 汝 遭不天,酷恨 謂 一極堂,行飮至策勳之禮。 新 孔懷,情敦忠孝,孰能 殊 祗 加思 野,有克城之謀; 膺。」尋以|| 總爲司徒、太子太傅,侍中 乖 曰:「吾與汝等, 稷。 寢興之勞,豈申荼蓼。」以破慧景等勳,增邑五 情 願,乞追成旨,用息謗言。」 於薦逼之日。 宜有酬賞,以 長世,賴陛 受命鄧城, 早罹艱苦, 動 下 旌 第六弟勰,孝均 同 安外靜 ·撫育。 命舍人宣旨「勰翼弼六師,纂戎荆 止躬親,必先藥膳。 國 氣。 功,可增邑一千戶 致大捷之效。 得 又秉務緝政, 中逢契闊, 内,功臣 參人伍。 詔 曰:「汝在私能孝,處公必 周弟,威侔 大道。 如 故 世謂 毎 百司 謂 功 每 。 二 侍省之績, 情 爲 尋 上 郷第 是 靈 姬 此 羣 義 一百戶 憑, 旦,遺 無鑒, 事 將 隨 日 ', 感 之 事 綱 最 而 臣受 復使 可 叉詔 食 維 思殊 疏 也。 以 折 捨

是 之遐 皇,聯 當 遂 愚 霍 出 況 汝 規 便 大 臣忘 懋賞 爲 分 戦 時 其沖挹之性。 汝 軍 而 今 要。」 邇。 乎 未 誰 俄 諸 高 暉 _! 盡 退之禍 以 而 吾氣 長兄之 與白 陛 將 祖 異姓 行 始 高 復 蕭 何 下 大破之。 不 容方 終 參 次 祖 寶 ·,誠 雲 力危惙,當 清陽 之美。 字匠 卷 受付,況汝 日 重,未 俱 :「戎 無使 高 應 便 將 潔 勰 竭股肽 勰部 一,機 高 請 陳 加 辭 務、侍疾 顯 成王之朝, 忍 臣 人, 厭 久 政 祖 日 成 達 榮 之 .非 分諸 離)畢歸, 以違 親賢, 謂 之力, 捨 日 內寇, 遠 所 不 臣侍 勰 濟 紱 軍 以 ⁽⁷⁾皆憑 日 ۱Ļ) 何容仍 震主之聲, 矣。 ٠, ,以松竹爲 惡 吾尋思 нJ 寄。 將 疾 高 翻疑姬 加之以忠貞。 不 華 吾患: 攻 無暇,六 祖 於汝 勉也 捐 雖 賊 宗 復 屈 汝言 勢, 敗 旦之聖,不亦善乎。 壘 轉 親 祏 اَب 素業 顯 討之。 見忌 惡, ιĊ 所賴,唯 非 加思 其 達 牽 軍 理 所 夜 痾 須 泣 汝 但臣 國家安危, 實 吾 必 以 長 百二士: 奔退。 其 有 如 矣。 難 詔勰使持節、都督中 少 辭 嬰 所託 努 在 此 奪。」 出 與 冊 勤 力。 於 [入喉膂] 此 吾深 綢 請 網 於 事 高 汝 乃 繆 乃 逸 車 布 祖 在 不 手 周 慮 , 吾 提 鴐 諸 汝爲孝子, 衣 疾 此 正 詔 日 兩 不濟 百 海跨時 攜 葛 , 甚 至 希 猶爲 興, 世 遁 年 謂 孔 馬圈 道 舉, 仰 宗 逃 ·之後, 明、霍 情 趣 成陛 一,成 知己 加加加 日 安六軍、 社 .要,及 外 0 力 勿 每 去 日 稷 誻 E 叉 達 下 贼 盡 子孟 其 請 汝 所 竭 一疑惑? 軍 日 吾 於 營 第六 修 聽 命 解 仗 事 保 鏡 敕 沈 短 數 朝 寵 異 勰 、總攝 之 社 第 陛 姓 叔 唯 里, 纓 靈 命 臣託 稷 明 受託 父 興 F 輝 在 也 顯達 恬 恕 者 六師 拾冕 一,死 愛 赫 汝 王 下念 眞 靈 清 臣, 一,而 聞 先 總 等 生 捨 丘

還載 中 勰等出 臥 及 高 輿。 祖崩于行宫,遏秘 入如平常, 六軍內外莫有 視 疾 :知者。 進膳。 喪 事 獨 可決 遣 中書舍人張儒,奉詔 與右僕 外 奏。 射、任城王澄 累 日 達宛 城 徴世宗會駕。 功 及左右數 夜進安車 人爲計。 於郡 梓宮至魯陽 ,奉遷高祖 廳 事 ', 得 ,乃發喪 加斂櫬, 於安車

行

服

至於衣 虎,不 安之日『孝 竊懷 迫。 動 勰 將 目 [:「汝非 誅 防 加思 世 覺艱難。」 宗 帶罕解 懼 內 斬 節位, 雖 」,道德博聞 但辛 悲慟,外示吉容,出 勰承顏悉心, 而 ,亂首垢面 禧 **勰跪授高** 勤 推 目 ",亦危 誠盡禮,卒無纖 「汝恨吾後 曰『文』,經緯 險 祖遺敕數紙。 多 帝患 至 所匡濟。 極 一入俯仰 至耳 久多忿,因之以遷怒。 介。 勰 天 恨 」自高祖 及高 ,神貌 地曰『文』,仰惟 咸陽王 想 之, 上高 祖 對 無 昇遐, 日 異。 禧 不 祖 : 「兄識 豫, 疑勰爲變, 諡 陳顯 及至 議 滅常居· 大行皇帝, 勰 每: 「謹案諡 達奔遁 魯陽 高 年長, 中 被消詈, 停在魯陽郡外, 也,東宮官屬, • 始爾 法, 親侍醫 故 義實該之, 知 協時肇 言至厲 慮凶 有 藥, 夷 問 險 享日『 Ź 夙 切 宜 **外之乃入**。 洩漏 疑 夜不 , 上尊號 彦 威 孝 和 責 離 有 و 致 握 異志 近侍, 左 五宗 有逼 蛇 謂

頻 煩 表 旣 葬 聞 世世 解 宗 義 固 懇 以勰 切。 世宗難 爲 宰 輔 違 遺敕,遂其雅情,猶逼以外任,乃以勰爲 勰 頻 口 陳遺旨 , 請 遂 素懷 世宗 對 加加 悲 使持 慟 節 毎 、侍中、都 不 · 許之。

文皇帝

朝

日

高

祖

一陵日

長陵。」世宗從

之。

獻

文

固 執 不 許 功 述 職

馳 以 以 先 光 歲 穆, 實 宅 月 帝 上 易遠, 深 酬 曲 在 尙 師 七德 天 阜 書 勳 德, 今遣主 令 丕 便 鳳 東 王肅 迫 宣 旌 平 且 幕 旋 宰漢 可 書 等 九 施 **冬**, 如 功 奏 劉 奏。 一一臣等 道 毎 在 靜 寵 斌 詠。 思 絕 加思 六 奉宣 聞 列 頻 聞旌 師 蕃 道 臣等參詳,宜 表 悲 肅 固 奉 彭 功表德,道 戀 讓 寧南 承 一,願 城 風 王 世 父 服 敎。 宗 勰 來 增 景 許 邑一 貴 望, 登 父 之。 思 (前王) 聖皇 旣 內 必當 千五 衛车 世宗 昭 於 樂閑 庸勳 屆 百 英 天 與 京。 衢 戶 外 風 力田加出 親 外發, 親, 書 開 展 無 詔 有 日 容 洩 義 日 魏 哀 協 傾 高 恪奉 之靈耐 窮 違 廓 盛 覽 , 至 乾 典。 奏, 指 辭 德 規, 不 曁 倍 是故 論 掃 云 今, 增 道 出 遠。 氛 漢 沔。 蕃 崩 悲 中 姬 累 絕 戀 且 力田 朔 翼 哽 未 王 周 囮 足 朝 荒 猷 屬

徒 任 令 揚 屬 州 王 以 所統 肅 景 光 傅 迎 明 望 接 建安戍主胡景略猶爲寶卷拒守不下, 初 實 出 壽 蕭 居 春 蕃 寶 叉 詔 卷 胶 詔 豫 勰 入 日 州 以 御 本 刺 袞 五. 官 史 章 敎 裴 領 治 揚 叔 內 樞 業 州 外 一,古難 以 刺 克 壽 史。 諧 春 其 選, 內屬 想 民 簡 神 加思 自 攸 刑 水 詔 非 屬。 陸討 導 恕 親 禮 賢 都 今董 督 兼 與 南 民 切 景略 率 英 征 休 戎 諸 息 座, 應 面 軍 斯 縛 州 事 威 墾 餘 境 出 號 降 無 宜 官 \pm 虞 重 以 如 自 遐 故 明 勰之至壽 可 邇安 德 復 與 懋 授 尙 親 司 書 於

京

春 餘 如 東定城戍,至於陽石,西降建安,山蠻順命,斬首獲生,以數萬計。 故 增邑八百戶。 又寶卷遣將陳伯之屯於肥口,胡松 又據梁城,水軍相繼二百餘 進位· 大司馬,領 司徒, 里。

身 想 部 分將 屯於 士,分攻諸營,伯之、胡松率衆出戰,諸將擊之,斬首九千,俘獲一萬。 、烽火。 勰又分命諸將頻戰,伯之計窮宵遁。 淮南平,詔曰:「王戚尊上輔,德勳莫 伯之等僅以

蒸,衡 二,孤 蓋 N) 昧 飄 識訓 飆,經略 保攸憑。 踰時,必有虧 比以壽春初開,鎭壓任重,故令王親董元戎,遠撫淮外。 損。 淹違詣覿,夙夜係情。 兼制勝宣規, 威效兼著, 公私允 冒茲炎

稱 ",義 所 欽 嘉 雖 凱旋 有 期,無申延屬,可遣給事黃門侍郎鄭道昭就彼祗勞。」徵勰還朝

初,

勰之定壽春也,獲蕭寶卷

不

仰負 死 平,皓首 汝 分張, 陰 慈 太守王果、豫州治 力田 澤 政 乞還江 播 崇寬裕,絲毫 請 越, 聽 顧瞻 仁 外,以申 一駕振 西夕 旅 中庾禝等數人,勰傾衿禮之,常參坐席。果承問 ノ,餘 犯,淮南士庶,追其餘惠,至今思之。 ,反跡江外。」 光 幾何。 而許之。 今遭聖化,正應力茲愚老,申展尺寸,但在 至 此乃還。 果 又謝 其為遠 曰:「殿下賜處,有過國士。 人 所 懷 如 此 進日: 「果等契闊 南 果等今還, 百口,上 生 生

添充: 附 而 戍 想 寇 帥 至 豎 京師 昏迷,敢 撫安 世宗 新 故, 鬭 臨 淮楚。 而 東堂引 不 能 叔父 宣 見,詔 武 英 導思, 略 想 高 日 二、比 威懷 明,應機殄定,凱旋 遐邇。 鳳皇未至,三 致 小豎伯之,驅率蟻徒,侵擾邊堡。 蒼黎二化,故仰屈 今辰, 伏慰悲佇。」 勰 尊謨, 綏 謝 曰:「臣 懷 邊 非

責。」 故。 唯 仰 固 加思 慚 辭 頻 天 顏 不 表 趸。 辭 實 大 亦 加思 司 俯 雅 馬 好恬 領 愧 朝 司 素, 徒 列。 不 及 春秋 以 所 勢利 增邑, 責 製心。 帥, 乞還 臣 中 實當之。 高 山 祖 重 有 其 詔 賴陛 事 不 幹, 許。 下 慈深 縶 乃 維 除 不 捨 錄尚 許 過, 書、侍 故 雖 使愚臣 臨 崩 中 遺 獲 司 記 趸 徒 罪 復 如

世

宗留

連,

每

乖

情願

常悽

然

歎

息,

以認

旨

殷

勤

僶

俛

應

命

之 情 惟 遂 深 任 出 下 時 龍 今往 叔 將 ,不宜久 以 沙沖退。 定 爲 臣 飛 父 光 酌 時 念。 咸 頻 州 高 極 祭,王公並 九 陽 蹈 殿 煩 五. 在宰輔,勸 喜交深。」 一,屢求 之意。」 王 往 烈子忠嘗在左右,密令忠言於世宗云:「諸 雅操不移、朕亦未敢違奪。 干 世宗謂 禧 年還洛陽 漸 具簡 解落, 奫 力田 以 乃詔 於廟 世宗 謝 驕 聖 旣爲 矜, 曰 曰:「先 東 聽。 日 敕 [][頃 遵 坊。 總戎 頗 字輔 高 王 陛 有 帝 來 祖 下 宿 世宗遣于烈 不 准 遺 南 所 不 孝 尙 肥, 法, 敕。 抑 北 以 深 閑 務殷,不 臣 無 雖 亦 北 今乃釋位歸第,丘園是營,高尚之節,確爾貞固,賁 靜,志捐 虚 禧等又出 改,仰 不爲 無 海 薄, 將 王詳 功效, 容仰 宿 陛 曲 遵 世 下 衞 垂 陰言於世宗,世宗 領軍 務, 先詔, 幸免罪戾。 所 遂 壯 罔 許。 沖 先帝愛亮之至,弗奪 己之澤, 土 王等意 于烈 六十 操。 上 先 成 爲 歲 恪 不 餘 睿明之美, 恒州 出 云歸 夏 是 可 人 中,一 入 測 召 何 , 非 深忌之。 未幾, 綢 人, 禧 繆 宜 重 烈 塵 F 想い , 廢 而 情 此 復委 公 天 遂 之, 敢 願 又言勰 情,遺 聽,時蒙 詳 私 微 人違 等,引 臣 無 早自覽政 固 臣 以 捨 先 之志 强 敕 非據 大得 之, 炳 優借, 自 令 感 之 些 見 烈

禀王 履之操,邈焉難追。 所好,速令制辦,務從簡素,以稱王心。」 而王宅初構,財力多闕,成立之期,歲月莫就。 勰因是作蠅賦 以諭懷,惡讒構 可量遣工役,分給材瓦, 也

令, 總與高陽 自比 父匡 先民 焉。 勰上表切諫, 世宗不納。 辟而居之,尚父期頤以終位。 聰達博聞 勰曰:「恪言:奉還告承,猶執 艱身以濟物,所謂 重,師訓所歸,豈得近遺家國,遠崇淸尙也。 濟之功,誠宜 世宗後頻幸勰第。 誠有之,斯所謂獨善其身 水旱乖和 自古統 叉 以 凡 勰 爲 天位主,曷常不賴明 王雍、八座、朝士有才學者五日一 所 ",陰陽 太師,勰遂固辭。 裁決,時彥歸仰。 永 以先知覺後 無將. 失序,是以屈王論道,庶變茲玉燭。 及京兆、廣平暴虐不 相, 勰旣無山水之適, 沖遜, 以綱維內外。 王義兼家國,理絕獨高,可遣侍中敦諭。」 知 而 同 師,仗賢輔, 韶曰:「蓋二儀分象,君臣之位形焉;上下旣位,唱和之義生 亂 加以美容貌,善風儀,端嚴若神,折旋 恪實關寡, 政術多粃, 大倫, 塵而 與天下俱潔者也。 山林之士耳。 但逼奪先旨, 又絕知己之遊,唯對妻子,鬱鬱不樂。 法,詔宿衞隊主 便願紆降,時副傾注之心。」勰不得已 而後變和陰陽,彝倫民 集,參論軌制 賢人君子則不然 且 **憚違沖挹**, 匡弼之寄, 師宰從容,無廢清 率 應否之宜。 羽林虎賁,幽守諸王 物者哉? 俛志割心, 仰屬親 合度, 世宗 而勰 也。 尊。 尙。 又修家 出 夙侍 往 寶曆,實賴叔 屈己以安民, 入言笑, 而 以遂高素。 而 父德望兼 故周旦 高祖 於其第。 不返者, 議定律 應 人書於 命 觀 復 兼

三十卷, 忐 疲。 名曰 叉 加 一要略。 侍 中。 小心謹慎,初無過失,雖閑居宴處,亦無慢色惰容。 勰敦尚文史, 物務之暇, 披覽不輟。 撰自古帝王賢達至於魏世子 愛敬儒彦,傾心禮

性仁孝,言於朝廷,以其 〈舅潘僧固爲冀州樂陵太守。 [三] 京兆王愉搆逆,僧固見逼從之。

待。

清正

儉素,門無私

不從, 證,世宗 蠻 尙 執 賊 以 書 爲 令高肇 令 不 加思 乃信之。 左 可。 國 衞 郎 性 元珍言之。 肇於是屢譖勰於世宗,世宗不納。 旣 中令魏偃、前防閤高祖珍希肇提攜,構成其事。肇初令侍中元暉以奏世宗,暉 凶愎,賊害賢俊。 世宗訪之於暉,暉明勰無此。 叉肇之兄女,入爲夫人,順皇后崩,世宗欲以爲后, 因僧固之同愉逆, 世宗更以問肇, 肇 經 想 北 與 偷 肇以魏偃、 通, 祖珍為 南 勰固 招

我, 度 至 夜 見 求 皆醉 小 至 永 勰 與告 橋 尊 平元年九 各就 牛不肯 固 我罪者 死 辭 無 別 不 恨 月,召勰及高陽王雍 所消 赴。 進,遂擊之,良 也。 對曲直。」武士以刀鐶築勰二下。 息。 中 珍 使 日 俄 相 至 而 繼 元珍 久。 ,不得已乃令 一尊何 將 更 、廣陽王嘉、淸河王懌、廣平王懷及高肇等入。 可 武 有 復見! 使者責勰 土 齎 命駕, 毒 王但 酒 來遲, 而 意甚憂懼,與妃 飲酒。」勰 至。 勰大言曰:「皇天!忠而 乃令去牛, 加加 曰:「吾忠於朝廷」 目 「至尊聖 人挽 設而登車。 而進, 明, 見殺。」武士 不 何 入 宴於禁中。 應 罪 東掖門, 時勰妃 無 見 殺 事 殺

死 F 叉 以 因 及 飲 刀 肇 鐶 而 築 以 薨 想。 罪 見 加思 殺 妃 加思 乃 李 論 氏 飲 者 毒 知 司 酒 空 有 報 冲 武 應焉 之 土 就 女 也 殺 0 之。 世宗 號哭大言 向 爲 晨, 舉 哀 日 以 於 褥 東堂, 裹屍 高 肇 給 枉 輿從 東園 理 殺 屛 第 人, 門 天 顺 秘 道 出 器 , 有 載 朝 靈 屍 服 , 汝還當 歸 襲、賻 云 惡

錢

八

+

萬

布二

千

匹

蠟

五

百斤

大

鴻

臚

護

喪

事

終 懾 于 六 出 王 稱 日 曰 如 宣宣 篤 肅 南 魯 師 故 始 越 陽 o 王 在 加思 祖 ≐, 及 給 旣 入 挺 朝 及 諡 送往 德 入 宮 參 鑾 語 高 貴 有 日 釐 在 尙 車 政 弱 輅 賤 大 武 奉 晏 功 歸 厥 百 務 齡 九 宣 莫 居, 鴐 旒 淮 揆 於 心 不 綸 誕 國 王 虎 喪 功 上 綍 資 無 庶 彧 下 氣 賁 無 及 成 慚 有 至 績 傳。 哀 罪 莊 身 光 孝 班 周 咸 見害, 帝 退。 慘。 追 霍 劍 煕 爱 睿 前 一景假 卽 百 廢 登 性 禀遺 奮 位 義 履 人、 百 帝 過 中 黄 亮 勤 猛 姓 時 追 鉉 人 作 前 鉞 銜 聖 不 寃 號 後 輔 學 衷 憚 去 戚 敷 使 之。 文 , 部 其 明 不 持 穆 美 遠 英 在 羽 ,神主 五 師 皇 節 行 光 至 略 葆 功 敎 授。 帝 路 世 邇 愈 潛 鼓 都 典。 安 土 挹。 吹 通 督 妃 卓 漢 女, 李氏 北 爾 中 輼 翼 依 分 溫 告 之操 外 流 諡 陝 衞 輬 恭 爲文 諸 危, 涕 車 法 恒 靈 愷 軍 而 輿, 皇 發 方 悌 保 穆 事 言 赫 自 有 皇后 整 大 流 日 忠 司 問 天 司 定 戎 詠 雅 罪 然 奏 徒 功 振 燕 太常卿 寬 高 公、 遷 É 日 斾 不 趙 令公 神 犁 內 侍 武 主 之美, 興 廓 親 歷 <u>د</u> ك 中 劉 枉 於 居 靖 次 薒 芳 殺 善 太 太 膳 宛 有 江 幼 議 如 問 廟 師 謝 度 西 加加加加 周 外 而 此 王 達 善 威 迄 總 贀 廟 獨

獻

文

六

 \pm

列

傳

第

九

下

彭

城

王

昌 州 意,而不許之。 臣 遊 一末,靈太后失德,四方紛擾,劭遂 民劉均、房頃等,扇動三齊。 . 國 位,尊爲無上王。 魂,闚覦邊境,勞兵兼 封徐州, 嫡 子劭 ,字子訥, 去軍差近,謹奉粟九千斛、絹六百匹、國 起家宗正少卿。 尋遇害河陰。 襲封。 時, 日有千金之費。 善武藝,少有 蕭行遣將彭群 叉除使持節 追諡 有異志。 日孝宣 氣 爲 臣 節。 、假散騎常侍、 王辯等 安豐 仰 皇帝,妻李氏爲文恭皇后。 籍 肅宗 先資, 王 更二 延 初, 搔 明 擾 一百人, 紹饗厚秩, 蕭衍 所啓,乃徵 平東將軍、 邊陲,回 遣將犯 以充 思以: 刟 入 軍 邊, 青州 爲 頻 用。」靈太后 埃 御 伽 有 有二子。 刺史。 塵, 史 1: 防 一表日:「僞豎 中 拒 用 一之效。 尉。 于時,齊 裨 嘉其至 Щ 莊帝

韶字世胄,襲。武定末,司州牧。齊受禪,爵例降。

申朝典。」子直封眞定縣開國公。 微管,協契先朝,導揚末命。 後除通直散騎常侍,遷給事黃門侍郎 恩、念勳酬德者也。 安,皇基由之永固。 劭兄子直,字方言。 韶弟襲,字世紹。 可以前後所封戶,別封三子爲縣公,食邑各一千戶, 而謙光守約,屢撝增邑之賞,辭多受少,終保初錫之封。 武定初,封武安王,邑一千戶。武定末, 少知名,爲清 扶痾 出爲冠軍將軍、梁州刺史。 濟難,效漢北之誠; 河文獻王所賞 靈太后詔曰:「故太師 送往奉居, 愛。 起家除散騎 未幾遇患,優遊南鄭,無他政 中書侍郎。 彭城武宣 盡魯南之節。 侍 三王道 庶 郎, 齊 以 非所謂 受禪 轉 隆 1 宗祉 rþi 慰仁魂, 盛, 書 饀 追 賴 侍 例 之以 功高 舊 郎 降 微

績。 `邑二千戶,贈假黃鉞、太師、大司馬、太尉,加前 徵 還京師,病卒。 贈散騎常侍、安南將軍、都官尚書、 後 部羽葆 冀州 鼓吹 刺史。 孝莊踐阼,追封陳留

朱兆 害之於晉陽。 子 寬,字思猛 ,襲王爵。 無後,國除。 除散騎常侍、平南將軍 出帝 初,追 贈使持節、 散騎常侍、 尋除侍 中、 撫 都督青齊濟 軍將軍。 永安三年,介 三州 諸

衛大將軍、

靑州刺史,

重贈司徒公。

弟 剛 ;字 金明。 莊帝 初 ,封浮陽王 ,邑千戶。 武定末,宗正 一少卿。齊受禪,舒例

岡川 弟 質, 莊 帝 初 林慮王,邑千戶。 永安三年薨。 出帝 時 · 贈車騎大 將 軍 左 一光祿 大

儀同三司。

軍、錄 莊 日 貞。 帝 刨 劭 尙 位,除 弟 書 子正, 事 相,至 尙 美貌, 書 一个,封 王 性寛 始 如 故 平王 和。 ?,鸞輅 肅宗初, 與 九 (兄)劭 旒、黄屋 封霸 俱 遇 害。 城縣公, 左 纛 贈假黃鉞、侍 前 邑一千戶。 後部羽 葆 中 鼓 都 吹、 歴散: 虎賁 督 騎侍郎、 FH 班 外 諸 劍 軍 太常 事 百 11/2 大 卿。 諡 將

子欽,字 世 **点道**,襲。 武定 中,散騎侍郎。 齊受禪,爵 例降。

史臣 日 武宣 王 孝 以 為質、 忠 而 樹行,文謀武略,自得懷抱,綢繆太和之世,豈 徒然哉!

德隆動俗,間言一入,卒不全志。 烏呼! 至夫在安處危之操,送往事居之節,周旦匪他之義,霍光異姓之誠,事兼之矣。 功高震主,

周成、漢昭亦未易遇也。

校勘記

但汝以我親 諸本「以我親」作「亦我」二字。無府卷二八六宋本如上摘句,明本三三六五頁作「以

親」二字。按「但汝亦我」語不可解,顯誤,今據宋本册府改補。

比鳳皇未至 諸本「至」作「一」、下注「疑」字、今據册府卷二六九三一八四頁改。

以其舅潘僧固爲冀州樂陵太守 北史卷一九彭城王勰傳「樂陵」作「長樂」。按冀州有長樂, 無

樂陵,樂陵屬青州,見卷一〇六號北北上及中。此傳當誤。

于時齊州民劉均房頃等扇動三齊蕭衍遣將彭群王辯等搔擾邊 陲 卷九 肅宗紀孝昌 三年 三月

「房頃」作「房須」,參卷九校記[10]。又諸本「彭」下有「城」字、「群」作「郡」。按卷九肅宗紀孝昌

三年正月、卷七九應念傳、冊府卷一二一一四五一頁均作「彭群、王辯」,彭群是人名。 這裏一群」

訛「郡」,後人又妄加「城」字。今據删正。

五 錄尙書事相 按「相」上當脫「丞」字,或「相」下脫「國」字。

魏書卷二十二四

孝文五王列傳第十

廢太子 京兆王 清河王 廣平王 汝南王

人生京兆王愉。 孝文皇帝七男。林皇后生廢太子恂。 羅夫人生淸河文獻王懌、汝南文宣王悅。 文昭皇后生宣武皇帝、廣平文穆王懷。〔三〕袁貴 鄭充華生皇子恌,未封,早夭。

禮。 體正,顏色齊,辭令順;故能正君臣,親父子,和長幼。 臨光極東堂,引恂入見,誠以冠義曰:「夫冠禮表之百代,所以正容體,齊顏色,順辭令。 爲立名恂,字元道,於是大赦。〔三太和十七年七月癸丑,立恂爲皇太子。及冠恂於廟,高祖 字汝元道,所寄不輕。 廢太子庶人恂,字元道。 汝當尋名求義,以順吾旨。」二十年,改字宣道。 生而母死,文明太后撫視之,常置左右。年四歲,太皇太后親 然母見必拜,兄弟必敬,責以成人之

孝

子之情。 太 經籍。 師薨於 遷洛 恒 今日親見吾也。」「图後高祖每歲征幸,恂常留守,主執 汝至彼,太師事畢後日,宜一拜山陵。 詔 一壤,殷旣居皇 恂 詣 代都。 極之重,不容輕赴舅氏之喪,欲使汝展哀舅氏, 其進止儀禮,高祖皆爲定。 拜訖,汝族 及恂入辭,高祖曰「今汝不 祖 南安 廟 可一 祀 就問 拜汝母 訊。 墓, 應 在途,當溫 向 寫爲 但

禁中。 滅親。 射、少保李沖,並觅冠稽首而謝。 不滅,乃是國家之大禍,脫待我無後,恐有永嘉之亂。」 不起者月餘。 其事,仍至汴口 甚銜之。 食所供,粗冤飢寒而已。 恂 不 今恂欲違父背尊,跨據恒朔。 領軍元儼勒門防遏,夜得寧靜。 好書學,體貌肥大,深忌河洛暑熱,意每追樂北方。 高祖幸崧岳,恂留守金墉,於西掖門內與左右謀,欲召牧馬輕騎奔代,手刃道悅於 拘於城 而還。 西別館。 引恂數罪,與咸陽王禧等親杖恂,又令禧等更代,百餘下,扶曳出外, 恂在困躓,頗知咎悔,恒讀佛經,禮拜歸 引見羣臣於清徽堂,議廢之。 高祖曰:「卿所謝者私也,我所議者國也。 天下未有無父國, 厥明,尚書陸琇馳啓高祖於南,高祖聞之駭惋,外寢 乃廢爲庶人,置之河陽,以兵守之,服 何其包藏, 中庶 司空、太子太傅穆亮,尚書僕 心於善。 子高道悅數苦言致諫,恂 心與身俱。 古人有言。大義 此小兒今日

侍 ·郎邢巒與咸陽王禧,奉詔齎椒酒詣河陽,賜恂死, 高 祖幸代,遂如長安。 中尉李彪承間密表,告恂復與左右謀逆。 時年十五。 殮以粗棺常服, 瘞於河陽 高祖 在長安, 使 Ħ

不知 城。 狀,而中尉李彪、侍御史賈尚寢不爲聞。 二十二年冬,御史臺令史龍文觀坐法當死,告廷尉,稱恂前被攝左右之日,有手書自理 賈坐繫廷尉。 時彪兔歸,高祖在鄴,尚書表收

一會赦

)遂不窮

其本末。

賈尙出繫、暴病數

日死。

彪赴洛 於正 朝讀 左 孔子 右 書。 **晝之時**, 孺 初 稱『 高 子 時時 血 我 加 欲 氣 |怕 將爲恂娶司徒馮誕長女,以女幼,待年長。 捨 使恂 未 年十三四。 書御內, 定,戒之在色」,傳曰『晝以訪事,夜以安身』。 旦出省經傳,食後還內,晡時復出, 又非所以安柔弱之體,固永年之命。」高祖 高祖 泛舟天淵池、謂郭祚、崔光、宋弁曰:「人生須自放,不可終 日夕而 先爲娉彭城劉長文、榮陽鄭懿女爲 太子以幼年涉學之日,不宜 龍。 以光言爲然,乃不令恂 卿等以爲 何 如 2 光日:

晝入內。

無

晨昏 鳥 兼 京 寢 長 史,州 處 兆 一,若家 王愉,字宣德。 事 人焉。 巨 細 委之陽烏。 世宗 太和二十一年封。 每 H 華林戲 世宗初, 射, 衣衫騎從,往來無問。 爲 拜都督、徐州刺史,以彭城王中軍府長史盧陽 護 軍 將 軍。 世宗留 愛諸弟,偷等常出 遷中 書 監 入宮掖,

歌,悅之,遂被 世 宗 爲納 順皇后 寵 嬖。 妹爲 罷 州 , 妃, 而 還 京 欲 不 進貴之,託右中郎將趙郡李恃顯 見 禮答。 愉 在徐州 ,納妾李氏,本姓 爲之養父 楊, 東 就就 郡 之禮逆, 夜聞 產 其

子寶月。 **外無所誕,乃上表勸廣嬪侍。** 順皇后召李入宮,毀擊之,强令爲尼於內,以子付妃養之。 因令后歸李於愉,舊愛更甚。 歲餘,后父于勁,以后

常至不接。與弟廣平王懷頗相夸尙,競慕奢麗,貪縱不法。 喜,招四方儒學賓客嚴懷眞等數十人,館而禮之。 所得穀帛,率多散施。 又崇信佛道,用度 |愉好文章,頗著詩賦。 時引才人宋世景、李神儁、祖瑩、邢晏、王遵業、張始均等共申宴 於是世宗攝愉禁中推案,杖愉

五十,出爲冀州刺史。

離 鎖縶之中,飲食自若,略無愧懼之色。至野王,愉語人曰:「雖主上慈深,不忍殺我,吾亦何 詔尚書<u>李</u>平討愉。 愉出拒王師,頻敗,遂嬰城自守。 愉知事窮,攜李及四子數十騎出門,諸 於是遂爲壇於信都之南,柴燎告天,卽皇帝位。赦天下,號建平元年,立李氏爲皇后。世宗 軍追之,見執以送。詔徵赴京師,申以家人之訓。喻每止宿亭傳,必攜字手,盡其私情。雖 面 目見於至尊」於是歔欷流涕,絕氣而死,年二十一。或云高肇令人殺之。斂以小棺,瘞 抑。 諸子至洛,皆赦之。後靈太后令**愉之四子皆附屬籍**,追封**隃**臨洮王。子寶月襲。乃改 始愉自以職求侍要,回旣勢劣二弟,潛懷愧恨,頗見言色。又以幸妾屢被頓辱,內外 及在州謀逆,偷遂殺長史羊靈引及司馬李遵,稱得淸河王密疏,云高肇謀殺害主上。

葬父母,追服三年。

寶月弟寶炬,輕躁薄行,耽淫酒色。 孝莊 時, 特封南陽王。 從出帝沒於關西。 宇文黑

瀬害出帝 ,寶炬乃僭大號

神外偉,黃中內潤,若天假之年,比江一一一矣。」博涉經史,兼綜羣言,有文才, 裕,喜怒不形於色。 清河王懌,字宣仁。 太和二十一年封。 幼而敏惠,美姿貌,高祖愛之。 世宗初,拜侍中,轉尚書僕 彭城王勰甚器異之,並曰:「此 射 善談 理 ,寬仁容 兒風

長亂之基,於此在矣。」 之義。且陛下修政教,解獄訟,則時雨可降,玉燭 卑,君臣道別,宜杜漸防萌,無相僭越。至於減膳錄囚,人君之事,今乃司徒行之,詎是人臣 錄囚徒,以立私惠。 與名,不可以假人。 良宗,屢譖懌及愉等。 頭禿,亦藉渭陽之資,遂纂漢室,今君曲形見矣,恐復終成亂階。」又言於世宗曰:「臣聞 懌才長從政,明於斷決,割判衆務,甚有聲名。 是故季氏旅泰,宣尼以爲深譏,仲叔軒懸,丘明以爲至誡。 |懌因侍宴酒酣,乃謂|肇曰:「天子兄弟, 詎有幾人, 而炎炎不息。 世宗 愉不勝其忿怒,遂舉逆冀州。 笑而不應。 知和,何使明君失之於上,姦臣竊之於下。 司空高肇以帝舅寵任, 因愉之逆,又構殺勰。 旣擅威權, 懌恐不免。肇 諒 以 昔王莽 天 唯器 謀去 尊

地

文

肅宗 初,遷太尉,侍中 ·如故。 韶懌裁門下之事。 又典經義注。 時有沙門惠憐者,自云

邪。 呪水飲人, 能差諸病。 巾之禍,天下塗炭數十年間,角之由也。 南,治療百姓病。 昔在漢末,有張角者,亦以此術熒惑當時。論其所行,與今不異。 |懌表諫曰:「臣聞律深惑衆之科,禮絕妖淫之禁,皆所以大明居正,防遏姦 病人就之者,日有千數。 昔新垣姦,不登於明堂;五利僥,終嬰於顯戮。」「私」 靈太后詔給衣食,事力優重,使於城西之 **遂能該誘生人**,致黃

維希叉旨,自当皆懼謀反,禁懌門下,訊問左右及朝貴,貴人分明,乃得雪釋焉。 謗,乃鳩集昔忠烈之士,爲顯忠錄二十卷,以見意焉。 領軍元叉,太后之妹夫也,恃寵驕盈。 靈太后以懌肅宗懿叔,德先具瞻,委以朝政,事擬周霍。 懌裁之以法,每抑黜之,爲叉所疾。 叉黨人通直郎宋 懌以忠 而獲

[懌竭力匡輔,以天下爲己任。

狀,遂害之,時年三十四。朝野貴賤,知與不知,含悲喪氣,驚振遠近。 之喪,爲之劈面者數百人。云 正光元年七月,叉與劉騰逼肅宗於顯陽殿,閉靈太后於後宮,囚懌於門下省,誣懌罪 夷人在京及歸,聞懌

廣平王懷。 闕 有魏諸王。 召入華林別館,禁其出入,令四門博士董徵,授以經傳。 111

宗崩,乃得歸。

之婢使。 外 小 人之所。 汝 南王悅,好讀佛經,覽書史。 見禮答。 |悅 之出也,妃住於別第。 遂斷酒肉粟稻,唯食麥飯。 有崔 延夏者,以左道與悅遊,合服仙藥松朮之屬。 靈太后 爲性不倫, 敕檢問 又絕房中而更好男色。 俶儻難測 之,引入,窮悅 悦妃閭氏,即東海公之女也 事故。 輕忿 時輕 妃妾, 妃病杖伏床蓐,瘡 與出 至加捶撻, 採芝,宿於城 一,生 尚 同

聞。 若 及 清 有 河 猶 主 行 懌爲元叉 捶撻,就削封位。 (所害,院了無讎恨之意,乃以桑落酒候伺之,盡其私佞。 叉大喜, 以

未愈。

太后

因

悦之杖妃,乃下令禁斷。

令諸親王及三蕃,

其有正妃疾患百日已上,皆遣

奏

門。至 悅 未 葬, 爲 侍 盜 形 中、太尉。 氣 者 羸 便 欲 弱, 斬 臨 暴加 其 拜日,就懌子直求懌服玩之物,不時稱旨。 手。 威 撻, 時 人 懼 殆至 其 不濟。 無常,能行 闕 仍 異事,姦偷 呼 阿見, 畏之而暫息 親 自 l循撫。 乃召亶, 闕 悦爲大剉碓置於州 杖之百 下。 | 亶居 廬

號 年 更 及 興 介 朱 樂 衍 舉 遣 其將 兵 向 洛。 軍 王辯送置 旣 憶 入 間 於境上,[10]以覬侵逼 疑 俄 而 聞 榮肆毒 於 河陰, 逐南奔蕭行。 行立為魏主,

不可扶持 及 齊 獻 武 力 王 此。 旣 誅 出 樂 帝 以悦 初 高 除大司 祖 子,宜 馬。 承大業,乃令人示意。 卒。二 悦旣至, 清狂如故, 動爲罪

老

校勘記

闕,後人所補。」檢傳文也是以北史卷一九孝文五王傳補,溢 魏書卷二十二 諸本目錄此卷注 闕。 卷後當有宋人校 語, 出 傳本 字 句, 脱去。 當出 高氏小史。 殿本考證云:一魏收書 北史五

}傳 也有殘缺,如廣平王懷傳只存三十五字,汝南王悅傳 也多缺文,此傳· 亦同

ヘニン 集釋卷四歷據元悌圖版一九四、元誨一九五、元靈耀一〇九、元夫人 趙光 廣平文穆王懷 卷一一 出帝紀作「廣平武穆王」。 墓誌集釋 元懷墓誌 六四諸墓誌及洛陽伽藍記卷 圖版一九三稱「 諡曰武穆」。

二平等寺條、金石錄卷二一范陽王碑跋,證傳作「文穆」應是「武穆」之誤。

/\ 三 作「詔 是而 也。 常置左右年四歲太皇太后親爲立名恂字元道於是大赦 自元子誕育, 始。』乃大赦天下。」這是魏書元恂傳原文。 太皇太后親發明旨,爲之立名,依德協義,名恂字元道。 曰:『昔塗山有育,美名列於夏典, 於今四載,而名表未写於四方,茂實未昭於朝 任姒作配, 此傳自「年四歲」至「於是大赦」,乃北史據此段 昌發顯於周書。 **維護** 國祚 掖, 卷一四八七二三頁 非所以 永隆 故能 ,儲貳有寄, 憲章遠猷, 輯 一熙丕緒 「常置· 無窮之兆 允 光 禮 ,祚延八百。 左右」下 度者 介於

껃 今日親見吾也 通志 卷八四下孝文六王傳「今」作「如」,疑是。

,簡括、

Ħ. 自以職求侍要

僥終嬰於顯戮 殿本考證云:「載懌表諫,終於此句,文尚未了,定係殘缺。」

此 句下 有「此 事 可 爲 至鑒, 靈太后深納之。」 按表文未完,並未提出 如 何處理辦法, 通志卷八四下 所謂 深納

之」者 詐」,又將 何 指? 此 句 知通志 和 上新垣 只是以意補 加『之』字姦不 上兩 句,並 登於明堂」移在 非 原文。 册府卷二八八三三九六頁「五利僥」作「五 [表首 , 文義稍順,當亦以表文不完,意爲改 利 Z

易,亦 非 原文。 此 本出 北史, 北史 此下脫 文如 何, 已不可 知。 檢通典卷一六有如 下文字

}傳

孝 明 帝 時 清河王懌 以官 人失序, 上表 曰:「孝文帝制 出 身之人, 本以門品高 下有 恒。

若準

·資蔭

自公

卿令僕之子,甲乙丙丁之族,

上則

散騎

秘

著

下逮御史長兼,皆條

例昭

然

文 **〜無虧** 沒。 自 此 或身非三事之子 一解褐公府 正 佐,地 非甲 乙之類 而 得 上宰行 僚。 自 茲以

降 亦多 乖 姌 且參 軍 事 專 '', 非 出 身之職 ,今必釋褐 而 居 "秘著本為 起家之官, 岂久,

今或遷

一轉以

至。 斯 皆 漫,抑 仰 失 , 先準 有 違 明 者? 令。 非 所謂 人之明 式 遵遺範,奉順 當 九流之廣,必令該鑑氏 成規。 此 雖 官 族辨 人之失, 照 人偷 相 循 才職

有 限 固 難 審 悉。 所 以 州 置 中 蓝 一之官 清定門 胄 一品藻 高 卑, 四 海 畫 ----ر 專尸 衡 石, 任 實不

然

推

其

彌

亦

有

电

何

信

輕。 故 自 置 中 庄 以 來 曁 於 太和 之日 ,莫不 高 擬 其 人,妙 盡 茲 選。 皆須 名 位 重 於 鄉 國 才德

允於 具 瞻 然 後 可 以 밂 裁 州 郡 綜 覈 人物。 今之所置 多非其 人, 乞明 爲 敕 制 使 官 A 選

才 備 依 先旨 無 令能 否乖 方, 違才易務。 **幷革退中正**, 依前 軌。 庶 清 源 有 歸 流 序允

孝

文

Ħ.

王

穆。」靈太后詔依表施行而終不能用。

通典所載北魏詔令章奏一 般即出魏書,如此文上面所引高祐、韓顯宗兩疏皆見本傳,則上引元

事。 懌表也必出魏書本傳原文。 今此傳一無所見,疑「五利僥」云云下所脱不止諫優重惠憐表後段,幷脱元懌上表論選舉 北史於詔令章奏多删去不録,或節略。 此表可能不録,但亦應記其

事。

\^\ \-\ \-\ 叉黨人通直郎宋維希叉旨 諸本及北史卷一九「宋維」作「宗準愛」,通志卷八四下作「宋準」。

按卷一六京兆王黎附元叉傳稱:「叉遂令通直郎宋維告司染都尉韓文殊欲謀逆立懌。」卷六〇

韓麒麟附韓子熙傳,子熙等上書爲元懌辯白也説「宋維小子」云云。 中也記載此事。這裏「宗準」顯爲「宋維」之訛,鄭樵所見北史此傳「宋」尚未訛「宗」。今改正。 宋維,附卷六三宋弁傳,

「愛」字或是衍文,或「爰」字之訛,今删。

八へ つ 爲之劈面者數百人 殿本浅證云:「劈面係赘面之訛。」按通志正作「赘面」。

悦爲大剉碓置於州門 錢氏考異卷三八云:「此悦都督徐州時事,其上又有脱文。」按卷九肅宗

經正光四年十二月稱:「以太尉、汝南王悦爲太保、徐州刺史。」通志卷一八四下此句上有「遷太紀正光四年十二月稱:「以太尉、汝南王悦爲太保、徐州刺史。」通志卷一八四下此句上有「遷太

保,出爲徐州刺史」,當是據紀增。

衍遣其將軍王辯送置於境上 諸本「王辯」作「王僧辯」。按「僧」字乃後人妄加,今删。參卷

記

一○校記△四→。

[11] 出帝初除大司馬卒 按卷一一出帝紀太昌元年十二月明記元悦被殺。 北史卷一九也說悦和

前廢帝廣陵王恭並爲孝武帝即出帝「前後害之」,本不誤。此傳後半不出北史,但書「卒」,似善終,

删節失當。

魏書卷二十三

列傳第十一

衛操 莫含 劉庫仁

晉人,於是晉人附者稍衆。 頗自結附。始祖崩後,與從子雄及其宗室鄉親姬澹等十數人,同來歸 助晉氏。 **衞操,字德元,代人也。** 東瀛公司馬騰聞而善之,表加將號。 桓帝嘉之,以爲輔相,任以國事。 少通俠, 有才略。 稍遷至右將軍,封定襄侯。 晉征北將軍衛瓘以操為牙門將,數使於國, 及劉淵、石勒之亂,勸桓帝匡 國,說桓穆二帝招納

清斷,沉浮得情。 姦盜、路有頌聲。 名域外,九譯宗焉。 桓帝崩後,操立碑於大邗城南,自以頌功德,云:「魏,軒轅之苗裔。」言:桓穆二帝「馳 仁如春陽,威若秋零。 自西訖東,變化無形。 治國御衆,威禁大行。 强不凌弱,隱恤孤榮。 威武所向,下無交兵。 聲著華裔,齊光純靈。智深謀遠,窮幽極明。治 南壹王室,北服丁零。 道教仁行,化而 不 刑。 招諭 或 無 則

列

六

遠

天

王

竏

甲

屢

怙

衆

用

將

土

鄴

洛

遘

親

求

乃

招

暴

類

屠

各

匈

奴

劉

淵

朝 規 應 姦 略 天 賊 臣 莫 超 結 遠。 應 展 黨 良 司 高 時 謨 呼 逢 算 o 多難 獨 使 敢 斷 持 擊 ٠, 并 懼 決 節 謀 損 土 平 盟 皇 , 殺 北 意。 祀 害 將 無 軍、 爱 欲 辜 命 引 幷州 0 外國 兵駕 殘破 刺 , 獫 史、護 狼 引 狁 籍 軍 孔 内 城 匈 熾 .储 邑 奴 o 0 丘 中 造 簡 郎 墟 設 賢 將、 權策 選 交 東 土 刃 瀛 濟難 千 命兹 公司 里, 奇 馬 長 良 思。 使。 騰 蛇 塞 欲 遣 塗。 招 浦 參 外 絕 軍虚 晉 枚, 世, 道

倫 开 門 中 行 嘉 義 陽 亭侯 衞 謨、 協 義 亭侯衞 鞬 等, 馬也 奉 檄 書 至 晉陽 城

萬 誻 論 期 奮 叉 不 發 稱 經 H_o 桓 昔 穆 桓 三帝 兄弟 文匡 齊契, 小小 佐 在 功 泱 宸 著 勝 極 周 廟 室 算。 輔 相 顯 鼓 名 課 衞 載 南 籍, 對 征 揚 列 平 毗 賞 夷 翼。 備 險 物。 難 操 ் ட 展 大 文 衆 謀, 迴 動 雄 , 奮 熙 武 同 烈。 霊 集 承 命 興 會議 軍 自

河 指 愼 終 羯黨破 樂平、 如 叉 云 初 上黨 喪 契誓 帝 遽 遣 到 命。 遭 鎭 騎 將, 十萬。 ,「言若 寇 暴 精 銳 白 前 合符 先 骨 臨 驅 交横 0 引 南 接 救 鄴 揭 款 涅 遂 賊 密 縣 振 肆 潰 信 虐 東 義 六 区 解 不 逆 郡 壽 渝 奔 陽 凋 亡。 傷。 0 會盟 窘 軍 羣 迫 汾 之邑, 據 惡 東 州 相 南 銘 應 幽 曜 篆 圖 而 升 鋒 及 復 書。 太行 推 光 堂 永 太 世 翼 旌 原 太 衞 旗 承 西 内 哑

憂 匪 外 國 夷 鎭 以 靜 出 危 入 四 易安。 方。 經 年 志 在 惟 毫 公遠 竭 毛 力,奉 不 略 犯, 臨 戴 百 難 天 姓 能 王 稱 權 傳 0 忠 恕用 應 周 覽 天 順 載 暉 外外 人, 籍 恩 自 動 德 占 亦攘。三 素宣。 及 今。 於是曜武 未 和 戎 聞 靜 外 域 朔 · 振 奔 危 邦 救 旅 復 內 而 旋。 患。 存 棄 長 家 路

勳 Щ 痛 九 烈 其 煩 以 頹 寃 光 叉云 永 茂 延 載 興 林 號 升 非 年 載 凋 平之 桓 六 呼。 枯 天挺 月二 日 仰 舉 + 納 忠 或 訴 造 崩 四 孝 貢 化 絕 充 自 日 蕃 然 痛 攀 寢 援 延 疾 憑 孰 薨 悲 靡 能 瞻 夫。 殂 訴 變蓋 超常 遠 背 不不 近 棄 步 齊 華 爲 趴 異端。 軌 殿 JII雲 奔 Ô 赴 H 回 有 梓 名 動 德 廬。 都 大 無祿 聚 或 百 失 烕 大 公之言。 其 惠 命 主 身 不 哀 延。 盈 感 塞 功濟 門 欷 年 歔 方 舸 有 高 悲

薨 論 殞 勳 諡 叉 不 云 永 日 桑 義 桓 帝 楡 烈 忠於 功 以 施 死 晉室 勤 於 事 人 駿 祀 經 奔長 勳 典 所 同 衢 模 說 隆 垂 冬凄凄, 名 金 石 四 載 出行 美晉 書 誅 蒙 平 犯霜 北 哀 雪, 悼 祭 疹 以 入 豐 脉 膚 厨 考行 用

致

饗 莫 以 與 犧 同 叉 云 牲 列 桓 并 永 帝 域 垂 經 嘉 于 濟 後 歎 沒 存 北 亡 有 或 繼 感 餘 樂 靈 絕 荒 各竭 長 服 存 是 不 其 賴, 朽 J) 思 祚 延 揚 存 於 億 休 不 齡 名 輟 刊 金 石 龜 紀 簫 鼓, 功 晑 軺 像 蓋 殊 存 形 制 靡 反 輟 及 享 代,

其 頌 叉 稱 桓 帝 金 堅 玉 剛 0 應 期順 會 Í 有 北 方 0 行 能 濟國 武 平 四 荒 無 思 不 服 品

六〇二

域 夷 險 大 康。 阻 世路 存亡繼絕,一州蒙祜。 紛糾,運遭播揚。 功烈桓桓,龍文虎武。 羯胡因釁,敢害幷土。 哀痛 朱邑小善,遺愛桐 下民,死亡失所。 鄉。 率衆 勳攘大患,六 百萬,平

皇興初,雍州別駕雁門段榮於大邗掘得此碑,文雖非麗,事宜載焉,故錄 於

刊石勒銘,垂示後昆。」時晉光熙元年秋

也

郡無。闕

悉之來,由功而存。

侯。 衞 將軍、廣武亭侯,賈慶,建武將軍、上洛亭侯,賈循,都亭侯,李壹,關中侯,郭乳, 清, 皆爲桓帝所表授也。 桓穆二帝並禮重操。 並都亭侯,衞泥、段繁,並信義將軍、都亭侯,王發,建武將軍、都亭侯,范班 穆帝三年卒。始操所與宗室鄉親入國者 六脩之難,存者多隨劉琨任子遵南奔。 衛雄、姬澹、莫含等名,皆 ·· 衞懃,安樂亭侯;衞崇、 行折衝 關

遷至左將軍、雲中侯。澹亦以勇績著名,桓帝末,至信義將軍、樓煩侯。 以爲將,常隨征伐,大著威名。桓帝之赴難也,表晉列其勳效,皆拜將軍。 雄字世遠,澹字世雅,並勇健多計畫,晉世州從事。旣與衞操俱入國,桓帝壯其膂力,並 穆帝初,並見委任。 雄連有戰功,稍

六脩之逆,國內大亂,新舊猜嫌,迭相誅戮。 雄、澹並爲羣情所附,謀欲南歸,言於衆 **衞操卒後,俱爲**

左右輔相

騎馳 勱 以 現 滅 生 石勒 如 聞諸舊人忌新人悍戰,欲盡殺之,吾等不早爲計, 隨 屯 平城 廣牧爲之聲援。 將 撫納之。 雄 軍。」於是雄、澹與劉琨任 湾諫 日 會石 亂 |勒率輕騎與雄、澹戰,澹大敗,率騎千餘,奔于代郡。 勒 民飢疲,未可便用,宜休息觀釁而 攻琨樂平、太守韓據請救於琨。 子遵率烏丸、晉人數萬衆而 恐無種矣。」晉人及烏丸驚懼,皆曰 **跟以得雄、澹之衆,欲因其銳,** 動。」現不從,使雄、澹率衆討 叛。 琨聞之大悅,率數百 制造 孔萇追

滅之。

留。 此 往 爲 滅 願 殘 來 代 州,介 含甚 賊, 王 國 琨 莫含,雁門繁畤人也。 中。 諭 腹 報 之日 心 爲 在 雪 穆帝 穆帝 羣 大 非 ...「當今|胡寇滔天,泯滅諸夏,百姓流離,死亡塗地,主 但 耻 胡之間 愛其才器, 所 吾願 重 卿 ,以吾 ~~,亦一 爲 常參 忠節,亦是奮 家世貨殖 善待之。 軍 州 薄 國 所賴。」 德,能自存 [大謀。 ,貲累巨萬。 及 含乃入代,參國官。 養之時,何得苟惜共 爲 卒於左將軍 :立者,賴代王之力。 是以傾 代王, 備置官屬, 劉琨爲幷州,辟含從事。 關中 後現 事 戻。 求含於琨。 之小 其故宅 徙 五 誠,以忘 上 縣之民於脛南,含 身竭寶,長子遠質,覬 幽 在桑乾 執,沉 琨 出身之大益。 遣 含居近塞下,常 入國,含心 j_{\parallel} 溺 南 醜 '', 世 虜。 一稱莫 家 唯 不 獨 入

含壁,或音訛,謂之莫回城云。

子顯,知名於時。昭成世,爲左常侍。

室,規度平城四方數十里,將模鄴、洛、長安之制,運材數百萬根。 東宛侯。及還京師,常與李栗侍宴。 徙亢遲部落于平城。 入,與論興造之宜。 顯子題,亦有策謀。 題久侍頗怠,賜死。 寶上谷太守麟,捐郡逃走,太祖追討,題爲大將,別出東道。 太祖使題與將軍王建等三軍,討慕容寶廣寧太守劉亢遲, 栗坐不敬獲罪,題亦被黜爲濟陽太守。 以題機巧,徵令監之。 後太祖 以 欲廣 功賜 斬之。 宮 爵

鎭 軍 西大將軍。 國謀議。 題弟雲,好學善射。 世祖之克赫連昌,詔雲與常山王素留鎭統萬。 時初幷河西,人心未一,雲撫慰新舊,皆得其所。 太祖時,常典選曹,轉給事中。 以功賜爵安德侯。 進爵安定公, 神歷中卒、諡曰敬公。 加平西將 遷執金吾, 軍, 後遷 常參

劉庫仁,本字沒根,劉虎之宗也,一名洛垂。 少豪爽,有智略。 母平文皇帝之女。 昭成

皇帝復以宗女妻之,爲南部大人。

建國三十九年,昭成暴崩,太祖未立,苻堅以庫仁爲陵江將軍、 關內侯,令與衛辰分國

蘭 部 衆 部 來 而 居 統之。 庫 自河以 盡 忠奉事,不 西屬衛辰, 以興廢易節 自河以東屬庫仁。 · 撫納離 散,恩信 於是獻明皇后攜太祖及衛秦二王自賀 甚

衆。 原太守而叛, 庫仁 苻 堅 進庫仁廣武 西征庫狄部,大獲畜產,徙其部落,置之桑乾川。 攻庫仁西部。 將軍, 庫仁 給幢· 又伐衞辰破之, **麾鼓蓋,儀比諸侯。** 追至陰山 處衞辰 西北千餘里, 苻堅賜庫仁妻公孫氏, 在庫仁之下。 獲其妻子, 衛辰怒,殺堅五 厚 盡 其 收 其

送。

又詣堅,加庫仁振威將軍

文等當徙長安,遁依 麟 兄公孫希 人,攻庫仁。 相持。 後慕 容垂 庫仁聞希破規,復將大舉以救丕。 率騎三千,助永擊規,大破之,阬規降卒五 庫仁匿於馬廐,文執殺之。 圍苻丕于鄴,又遣將平規攻堅幽州刺史王永于薊,庫仁自以受堅爵命, 庫仁部,常思東歸, 其計 乘其駿馬,奔慕容垂。 無由。 發雁門、上谷、代郡兵,次於繁時。 至是役也, 千餘人。 乘勝長驅,進據唐城 知 公孫希聞亂, 人不樂, 文等乃夜率三 自唐城走於丁 先是,慕容 河與與 垂 遺 妻 郡

|佛 · 破之。 二子羅辰,性機警,有智謀,謂屠曰:「比來行兵,所向無敵, 庫仁弟眷, 眷又破賀蘭部于善無,又擊蠕蠕別帥 繼攝國 事。 白部大人絜佛叛,三者力不能討。 肺 渥 于意親 山,破之,獲牛羊數十萬 心腹之疾,願早圖之。」皆曰: 乃引 持堅 并州 刺 史張蚝 頭。 眷

零。

列

顯, 誰 果殺眷而代立。 也?」曰:「 從兄顯,忍人也,爲亂非旦則夕耳。」皆不以爲意。 羅辰奔太祖,事在外戚 (傳。 其後,徙牧于牛川,庫仁子

許之。 太祖 騎 志全 汝兄弟厚, 討 納之。 一名節, 之, 族 顯 犍旣領 ,本名醜伐,旣殺眷代立,又欲謀逆,語在太祖紀。 人奴眞領部來附。 奴眞 是故推讓。 汝今領部, 懼,徙部來奔太祖。 部,自以久託賀訥,德之,乃使弟去斤遺之金馬。 宜來從我。」去斤請之奴眞。 今汝等無狀,乃欲叛主懷貳。」於是殺犍 奴眞兄犍,先居賀蘭部。 太祖自迎之, 遣使責止染干。 至是,奴眞請召犍 奴眞曰:「父爲國家附臣,世効忠貞。 太祖卽位,顯自善無南走馬邑。 及去斤。 奴眞 訥弟染干因 、感恩, 而讓部焉。 染干 請奉 謂 聞 之日:「 妹 其殺兄, 太祖 充後宮, 我 義 待 我 而

容良迎之。 之,遂奔慕容永於長子。 後太祖 顯擊敗 討顯于馬邑, 良軍,掠馬 追至 部衆悉降於麟,麟徙之中山。 而 彌澤,大破 去。 垂怒,遣子麟、兄子楷討之,顯奔馬邑西 之。 衞辰 與慕容垂通好,送馬三千匹於垂,垂 顯弟亢遲,事在皇后傳 Щ 麟 輕騎追 遣

地,回可謂志識之士矣。 史臣曰:始祖及桓、穆之世也,王迹初基,風德未展。 劉庫仁兄弟,忠以爲心,盛衰不二,純節所存, 燥、含託身馳驟之秋,自立功名之 其意蓋遠, 而並貽

校勘記

非命,惜乎

- 操立碑於大形城南 篇首云:『 魏軒轅之苗裔。』考其時未有魏號,以文義度之當云『鮮卑拓跋氏』也。 錢氏考異卷三八云:「此傳載衞操所立碑……惜爲史臣改竄, 碑為 猗包 失其本 m
- 必書晉所授官爵及猗包、猗盧二人名,篇乃稱『桓穆二帝』,亦史臣 「所改。」
- 外動 大 患」句也是此意。似作「勳」是。 亦攘 北史卷二〇本傳「動」作「勳」。按「外勳亦讓」,意爲對外有攘患之功,碑末有 勳攘
- 广\ 三 白 年 ·稱:「夏四月祭天,諸部君長悉來助祭,唯白部大人觀望不至。」又猗盧之三年稱「白部大人叛 部大人絜佛叛 諸本「白」作「曰」。册府卷三五二四一八〇頁作「白」。按卷一字紀力微之三十九
- 入西河」。「曰」字訛、今據册府改。
- 自立功名之地 功 名」與 上、馳 驟」對文、這裏脫「名」字、今據北史補 諸本無「名」字。 殿本考證云:「『功』字下北史卷二〇有『名』字,應以彼爲是。」按

列

傳

第十

校

勘

記

魏書卷二十四

列傳第十二

燕鳳 許謙 張袞 崔玄伯 鄧淵

致之。 堅曰:「彼國人馬,實爲多少。」鳳曰:「控弦之士數十萬,馬百萬匹。」堅曰:「卿言人衆可爾, 安能幷兼。」鳳曰:「北人壯悍,上馬持三仗,驅馳若飛。 遠,一時之雄主,常有幷吞天下之志。」堅曰:「卿輩北人,無鋼甲利器,敵弱則進,强卽 令若一。 軍無輜重 樵爨之苦,輕行 速捷,因敵 成與語,大悅,待以賓禮。 燕鳳,字子章,代人也。 <u>苻堅遣使牛恬朝貢,令鳳報之。堅問鳳:「代王何如人。」鳳對曰:「寬和仁愛,經略高</u> 鳳不應聘。乃命諸軍圍代城,謂城人曰:「燕鳳不來,吾將屠汝。」代人懼,送鳳 後拜代王左長史,參決國事。 好學,博綜經史, 取資。 明習陰陽讖緯。 此南方所以疲弊,而北方之所常勝也。」 主上雄雋,率服北土,控弦百萬,號 又以經授獻明帝 昭成素聞其名,使人 以禮 退走, 昭 迎

列傳第十

_

燕鳳

說馬太多,是虛辭耳。」鳳曰:「雲中川自東山至西河二百里,北山至南山百有餘里,每歲孟

秋,馬常大集,略爲滿 JIĮ 以此推之,使人之言,猶當未盡。」鳳還,壓厚加贈遺。

沖幼,莫相輔立。 及昭成崩,太祖將遷長安。 其別部 大人劉庫仁勇而 鳳以太祖幼弱, 有智,鐵弗衞辰狡猾多變,皆不可獨任。宜分諸 固請於苻堅曰:「代主初崩,臣子亡叛,遺孫

部 爲二,令此 兩 人統之。 兩人素有深讎,其勢莫敢先發。 此禦邊之良策。 待其孫長,乃存

而立之,是陛下施 大惠於亡國也。」堅從之。 鳳尋東還

太祖 即位,歷 吏部郎、給事黃門侍郎、行臺尚書、甚見禮重。 太宗世,與崔玄伯、封懿、

梁越 等入講經 傳,出議 朝 政。 世 祖 初,以舊 動賜爵平舒侯,加鎭遠將軍。 神靡元年卒。

子才,襲。 散騎常侍、平遠將軍。 卒。

子元孫,襲。 官至博陵太守。 卒。 子世宗,襲。

許 謙 ,字元遜,代人也。 中令、兼掌文記。 與燕鳳俱授獻 少有文才,善天文圖讖之學。 明帝 經。 從 征 衞辰,以功賜僮隷三十戶。 建國時,將家歸附,昭成嘉之。擢 昭成崩

後,謙徙長安。 苻堅從弟行唐公洛鎭和龍,請謙之鎭。 未幾,以繼母老辭還。 爲代王郎

條 謙 亦 時 疲 順 之誓, 綽 也。 以翦 告 難 乎 今旣盟之後,言 明 一一期 」。」佛嵩 年 遺 因 於 國 周武 -, 慕容 初 此 姚 至, 乘義 而 興。 。 遂 有 乃倍道 舉,役不 是以遺 婦太祖。 河陽 垂 而 興遣 攻 復 之盟 味 來 歸 一兼行。 將 使 其好 寇。 ·再駕。 未 楊 命 太祖 ,所 佛嵩 有 軍 太祖 千 太祖 非 分災恤 以 悦, 藉 載 必 率 其 謂謙 之 望 以爲 運 神 大 衆 惠, 悅 勳 克 靈 來 而 日 赴。 右司 顯 援 休 昭 賜 功, 忠信。 朝 今事急矣, 戚 謙 丽 馬, 將 是 無 可立。 佛嵩 爵 軍據 同 其 與張袞等參贊初基。 關 0 時 夫 稽緩。 內 方邵之任, 親 然後 而 有 侯。 非 著 違 卿 高會 業。 此 善隣,古 重 太 造能 盟 遣 祖 雲中 慕容 總熊 謙與 命謙 神 復 祗 之令軌 致姚 無道, 佛嵩 虎之師, 爲 進 斯 慕容寶來寇 書 殛 師三魏, 師 以 盟 侵 歃 遺 日 寶 卿 我 事 血 佛嵩 其 敗 疆 與 割 舉 昔殷湯 行 埸 機 觴 也 佛嵩 牲 也。」 日 稱 太 以 師 壽 功 謙 今 敦 老 夫 祖 有 還 了, 不 未 永 鳴 共 兵 杖 使

發 而 垂 退 功 止 及 聞 垂 死 謙 上 書 勸 進。 太祖 善之。

東 將 軍 并 大左 州 平 光 祿 以 謙 大 夫、幽 爲 陽 曲 州 護 刺 軍 史、高 賜 爵 陽 平舒 公, 侯 諡 日 安遠將 文。 皇始 元 年 卒官 時 年 六十三。

守。 洛陽 子 洛陽 家 田 襲。 生嘉 從 征 禾, 慕容寶, 皆異 壟合穎, 爲冠軍 世祖 司 馬。 後 爲 那 進 令。 爵 北 太宗 地 追 加鎮南將 錄 謙 功, 軍 以 洛 出 陽 爲 爲 雁 明壘鎭 門 太

將,居八年,卒。諡曰恭。

魏

子寄生,襲爵,降爲侯。 皇興元年卒。

洛陽弟安國,中山太守。

軍、冀州刺史、東光侯、諡曰烈。 安國弟安都,廣寧、滄水二郡太守。 加揚威將軍。

賜爵東光子。

天安初卒。

贈平遠將

子白虎,襲爵。 爲侍御中散。 後以罪免官,奪爵。

張袞,字洪龍,上谷沮陽人也。 祖翼,遼東太守。 父卓, 昌黎太守。 袞初為郡五官掾,

純厚篤實,好學,有文才。 太祖爲代王,選爲左長史。

宜深入,請速還軍。」太祖令袞問諸部帥,若殺副馬,足三日食否。 從太祖征蠕蠕。 蠕蠕遁走,追之五六百里。 諸部帥因衰言於太祖曰:「今賊遠糧盡,不 皆言足也。 太祖乃倍道

對曰:「皆莫知也。」太祖曰:「此易知耳。 追之,及於廣漠赤地南床山 下,大破之。 蠕蠕 旣而太祖問袞三卿曹外人知我前問三日糧意乎。」 奔走數日,畜產之餘,至水 必留。 計其道程,

輕騎卒至,出其不意,彼必驚散,其勢然矣。」衰以太祖言出告部帥,咸曰:「聖策

長遠,非愚近所及也。」

三日足及。

委身於魏武,自己蓋命世難可期,千載不易遇。主上天姿傑邁,逸志凌霄,必能囊括六合,混 四海。 衰常參大謀,決策幃幄,太祖器之,禮遇優厚。衰每告人曰:「昔樂毅杖策於燕昭,公達 夫遭風雲之會,不建騰躍之功者,非人豪也。」遂策名委質,竭誠伏

時 ·劉顯地廣兵强,跨有朔裔,會其兄弟乖離,共相疑阻。 衰言於太祖曰:「 顯志大意高,

事

居山, 雄 若輕師獨進, 希冀非望,乃有參天貳地,籠罩宇宙之規。 懷遐邇,此千載一時,不可失也。」太祖從之,遂破走顯。 遊宴終日。 或恐越逸。 從官及諸部大人請聚石爲峰,以記功德,命袞爲文。 可遣使告慕容垂,共相聲援,東西俱舉,勢必擒之。 吳不幷越,將爲後患。 又從破賀訥,遂 今因其 八內釁, 命羣官登勿 然 宜速 後 總括英 乘之。

愚 以爲宜羸師卷甲,以侈其心。」太祖從之,果破之參合。 慕容寶之來寇也,袞言於太祖曰:「寶乘滑臺之功,因長子之捷,傾資竭力,難與爭鋒。

渭侯。 書,聊將授首。 以成敗。 池 一之固,雖皇威震赫,勢必擒殄,然窮 皇始 衰清 寶見 初,遷給事黃門侍郎。 儉 寡欲,勸課農桑,百姓安之。 書 臣誠德非古人,略無奇策,仰 大懼,遂奔和龍。 太祖 旣克中山 兵極武,非王者 南伐,師次 ,聽入八議,拜滾奮武將軍、 :憑靈威,庶必有處。」太祖從之。 中山。 所宜。 衰言於太祖 昔酈 生一說, 日:「寶憑三世之資,城 幽州刺史, 田 横委質 衰遺寶 賜爵臨 魯連 書, 飛 喻

薦之。又滾未嘗與崔逞相見,聞風稱美。及中山平,盧溥聚黨爲逆,崔逞答書不允,並乖本 言,故忿之。 之始,以有才謨見任,率心奉上,不顧嫌疑。 興初,徵還京師。 後與崔逞答司馬德宗將都恢書失旨,黜衰爲尚書令史。 太祖曾問南州人於袞。 衰與盧溥州里, 衰遇創業 數談

卒,年七十二。後世祖追錄舊勳,遣大鴻臚卽墓策贈太保,諡曰文康公。 終,寄言城郢,荀偃辭哈,遺恨在齊。臣雖闇劣,敢忘前志,魂而有靈,結草泉壤。」後數日 撥亂乘時,而因幾撫會,實須經略。介焉易失,功在人謀。伏願恢崇叡道,克廣德心,使揖 誠,塵山露海。今舊疾彌留,氣力虛頓,天罰有罪,將塡溝壑。然犬馬戀主,敢不盡言。 驅革命之會,託翼鄧林,寄鱗溟海,遂荷恩寵,榮兼出內。陛下龍飛九五,仍參顧問,曾無微 興二年疾驚,上疏曰:「臣旣庸人,志無殊操,值太祖誕膺期運,天地始開,參戎氛霧之初,馳 讓與干戈並陳,文德與武功俱運,則太平之化,康哉之美,復隆於今,不獨前世。 昔子囊將 今中夏雖平,九域未一,西有不賓之|羌,南有逆命之虜,|岷|蜀殊風,遼海異教。雖天挺明聖, |袞年過七十,| 闔門守靜,手執經書,刊定乖失,愛好人物,善誘無倦,士類以此高之。 永

子貳興,昌黎太守。卒

溫 弟楷, 州 主 蒲

子 誕 有 學尙 性 尤 雅直。 初與高允同時被徵,後除中書侍郎、 通直散騎常侍、 建威將

軍。 賜爵容城子。

稱。 節, 都督幽州廣陽、安樂二郡諸軍事,平東將軍,崎城鎭都大將,又轉和龍鎭都大将,所在著 袞 次子度,少有志尚,襲爵臨渭侯。 上谷太守, 入爲武昌王 師。 加散騎常侍, 除 使持

還朝爲中都大官。 子 陵,襲爵。 後爲赤城典作都將。 卒,贈征東大將軍 卒。 、冀州刺史, 諡康侯。

子狀,襲。 爲 中散。 卒。

子法,襲。 太和 中,例降爲伯。 世宗時,除懷荒鎭金城戍將。

| 陵弟延,散騎常侍、左將軍、庫部尚書。 賜爵永寧侯。

世 高宗初,除中散,遷殿中曹給 延弟白澤,言 年十一,遭母憂,居喪以孝聞。 事中,甚 見寵任,參預機密 世 祖 聞而 嘉之。 長而好學博 通,敏於當

不 如持重 後 蠕蠕犯塞,顯祖引見羣臣議之。 固 守自安。 **虜懸軍深入,糧無繼運,** 尚書僕射 元目辰進曰:「若車 以臣量之, 自退不久, 駕 親行, 遣将 追 恐 撃, 京 師危懼) 破 之必

列 傅 第 + 張 袞

房衆。 敵。萬乘之尊,嬰城自守,進失可乘之機,退非無前之義,惟陛下留神。」顯祖從之,遂大破 安於近毒,仰惟神略,則不然矣。今若鑾輿親動,賊必望麾崩散, 矣。」白澤曰:「陛下欽明則天,比蹤前聖,而蠢爾荒愚,輕犯王略。 寇乃顚沛於遠圖,我將宴 寧容仰挫 一神兵, 坐而 縦

顯

刑措之風,三年必致矣。」顯祖納之。 貴仕,而服勤無報,豈所謂祖襲堯舜,憲章文武者乎? 律令舊法,稽同 望,忠臣懈節。 也,皆翊扶萬幾,讚徽百揆,風化藉此而平,治道由茲而穆。且周之下士,尚有代耕,況皇朝 之者代職。伏惟三載考績,黜陟幽明,斯乃不易之令軌,百王之通式。今之都曹,古之公卿 罪狀者,各隨所糾官輕重而授之。。白澤上表諫曰:「伏見詔書,禁尙書以下受禮者刑 **祖詔諸監臨之官,所監治受羊一口、酒一斛者,罪至大辟,與者以從坐論。 糾告得尚書已下** 白澤本字鍾葵,顯祖賜名白澤,納其女爲嬪。 前典,班祿酬廉,首去亂羣,常刑無赦。 而欲使事靜民安,治淸務簡,至於委任責成,下民難辯。〔三如臣愚量,請依 出行確州刺史,清心少欲,吏民安之。 苟能如此,則升平之軌,期月可望, 羊酒之罰,若行不已,臣恐姦人闚 身,糾

諫 曰:「臣聞上天愛物之生,明王重民之命,故殺一人而取天下,仁者不爲。 太和 初,懷州民伊祁苟初三十餘人謀反,將殺 刺史。 文明太后欲盡誅一城之民。 且周書父子兄

焉,或有仁者, 伏惟聖 弟,罪不相及,今羣凶肆虐,轘裂誅盡,合城無辜,奈何極辟。不誣十室,而況一州,或有忠 卒滅宗姬 德昭明殷鑒, ,文聽輿頌,終摧强楚。 若淫 刑濫及, 水 鏡 前 殺忠與仁,斯乃西伯 禮, 願不以人廢言,留神省察。」太后從之。 止迅烈之怒,抑雷霆之威,則溥天 所以歎息於九 侯, 孔子 知幸矣。 所以 轉散騎常侍,遷殿 **昔**厲 回 輪 防民 於 河上。

太和 五年卒,詔賜帛一千匹、粟三千石,遺侍御史營護喪事,册贈鎮南將軍、相州刺史、 中尙

廣

不公,諡曰簡

長子倫,字天念。 年十餘歲,入侍左右。 稍遷護軍長史、員外常侍, 轉大司農少卿、燕

州大中正。

熙平中,蠕蠕主醜奴遣使來朝,抗敵國之書,不修臣敬。 朝議將依漢答匈奴故事, 遺使

報之。倫表曰:

亦由中國多虞,急諸華而緩夷狄也。 著羈縻之事。 臣聞古之聖王,疆理物土,辨章要甸,荒遐之俗,政所不及。 太祖以神武之姿,聖明之略,經略帝圖,日有不暇,遂令竪子遊魂一方, 高祖光宅土中,業隆卜世,赫 雷霆之威,振熊羆之 故禮有壹見之文,書

未 及 旅 行 純, 開 方 抑 境 役 揚 國富 而 南轅,未 旌 不 許。 一、衣裳 兵强,能言率職。 遑北伐。 先帝棄戎於前,陛下交夷於後,無乃 所 及, 舟車 昔舊京烽起, 虜使在郊, 萬 何憚 里。 而爲之,何求 于時 醜 類 款 而 關, 主上按劍, 行 上亦 上 此? 乖 往 述尊遺志。 高 日蕭衍 祖之心,下違世宗之意? **墾**書不 通敬求和 崽 今大明臨朝, 世宗運籌帷 ,以誠 肅 澤

宗 輒 憑軾 望之寵 方 我 之 敢 1 知 禮 固 也 F 其 且 列則 若 恐 執 齊 虜 此 雖慕德,亦來觀 叉 徒 口 長纓繋越。 小 生 來旣莫逆,去又不追。 豐其勞賄 一虜慢, 人難近,夷狄 無益 **苟異曩時**,猶 籍 我,懼之以强,儻卽歸附,示之以弱,窺覦或起,春秋 聖朝。 以珍 無親, 物。 假 疏之則怨,狎之則侮,其所由來久矣。 爲不 令選 至於 不一之義,於是乎在。 願,而況極之以隆崇,申之以宴好,臣 衆 王人遠役,銜 而 舉,使乎稱 命 職、資 虜庭, 必其委贄 酈生之辯,騁終軍 優以 匹敵 (玉帛 是以 之尊, 之辰 . 雖 一屈膝 高 所謂「以 加 之辭, 下愚, 祖 世世 相 蕃

之師,蕩定雲沙,掃淸逋孽,飲馬瀚海之濱,鏤石燕然之上,開都護,置戊己,斯亦陛 徐 明 舞 我 干 話 若 戚 言 事 不 以招之, 則 獲已,應頒制詔,示其 萬 乘 之盛 敷 文德 不 失位 m 懐遠。 於域 上下之儀,宰臣致書,諷 中,天子之聲必 如迷 Ù 不已, 或肆 龍 罩 ·犬羊, 於 無 以歸順之道。 外。 則當 脫 命辛李 或未 從 若 之將,勒 活馬 聽 受 能 心忠誨, 損 衞 益 霍 下

抑。以古方今,竊爲陛下不取。 遽虧典制。 之高功,不世之盛事。 將取笑於當時,貽醜於來葉。昔文公請隧,裹后有言,荆莊問鼎,王孫 如思按甲養民,務農安邊之術,經國之防,豈可以戎夷兼幷,而 又陛下方欲禮神岷瀆,致禮衡山,登稽嶺,窺蒼梧,而反 是

不從。

風者哉?臣以爲報使甚失如彼,不報甚得如此。

願留須臾之聽,察愚臣之言。

出爲後將軍、肆州刺史。 還朝,除燕州大中正。 孝莊初,遷太常少卿,不拜,轉犬司農

卿。卒官。

倫弟恩,奉朝請,員外郎。

白澤弟庫,瀛州刺史、宜陽侯。

庫長子臟,累遷龍驤將軍,行光州事。

蘭弟修虎,都牧、駕部二曹給事中,上谷公,司農少卿。 奉使柔玄,察民疾苦。 遷平北

將軍、燕州刺史。

度弟太,平西將軍、荆州刺史、俎陽侯。

太弟那、寧遠將軍、雍城鎮將。

列傳第十二 張袞

崔 玄伯,清河東武城人也,名犯高祖廟諱,魏司空林六世孫也。 **父潛,仕慕容暐,爲黃門侍郎,** 並有才學之稱。 玄伯少有儁才, 祖 悦, 仕石虎, 號曰冀 官 至

司

徒

左

長

、史、關

内侯。

所 時, 苻丕 友 州 歷著稱,立 神 不因扶 衆 牧冀州, 避 苻融 童 務修 難 於 牧冀州、虚心禮敬、拜陽平公侍郎、領冀州從事、管征東記室。 搖之勢,而 理,處斷無滯。 齊魯之間,爲丁零翟釗 身雅正,與世 爲征· 東功曹。 與鷃雀 不羣,雖在兵亂,猶勵 苻堅聞而奇之, 徵為太子舍人, 辭以母疾不就, 太原 飛 沉, 豈不 郝軒,世名知人,稱玄伯有王佐之才,近代所未有也。 及司馬昌明叛將張願所留繁。 ·惜哉」慕容垂以爲吏部郎、尚書左丞、高陽內史。 志篤學,不以資產爲意,妻子不免飢寒。 郝軒歎曰:「斯人而遇斯 出總庶事, 左遷著作佐郎 入爲賓 堅

之名。 旭 將報之, Bĺ 太祖 見與 故虞夏商周始皆諸侯, 征 、語,悅之,以爲 詔 慕容寶, 有 司 博議 次於常山 或 黃門侍郎,與張 號。 ,玄伯棄郡,東走海濱。 玄伯 及聖德旣隆, 議日: 衰對總機要, 「三皇五帝之立號也, 萬國宗戴, 草創 太祖 稱號隨本, 制度。 一素聞其名,遣騎追求, 或因所 時司馬德宗遣使來朝,太 不復更立。 生之土, 唯商 或卽封 執送於 國 軍

亦奉 廣漠之土,逮于陛下,應運 宅殷土茫茫』。此其義 徙,改號 進魏土。 殷,然猶兼行,不廢始基之稱。 夫『魏』者大名,神州之上國,斯乃革 也。 龍飛,雖曰舊邦,受命惟新,是以登國之初,改代 昔漢高 祖以漢王定三秦,滅强楚,故遂以漢爲 故詩云『殷商之旅』, 命之徵驗,利見之玄符也。 又云『天命玄鳥,降而生商, 號。 日 魏。 國 臣愚以爲宜 家 雖 又慕容永 統 北方

號

爲魏。」太祖

從之。

於是四方賓王之貢,咸稱大魏矣。

以爲 太祖嘗使人密察,聞而 傾 給以車牛。 登 朝 山 永式。 廷。 頂,撫慰新民,適遇玄伯扶老母登嶺,太祖嘉之,賜以 太祖幸鄴,歷問故事於玄伯,應對若流,太祖善之。 而 儉約自居,不營產業,家徒四壁,出 及置八部大夫以擬八坐,玄伯通署三十六曹, 遷吏部尙書。 益重之,厚加饋賜。 命有司制官爵,撰朝儀,協音樂,定律令,申科禁, 時人亦或譏其過約,而 無車乘,朝晡步上,母年 及車駕還京師,次於恒嶺。 如令僕統事, 牛 米。 玄伯爲之踰 因詔諸徙人不能 七十,供養無重 深爲太祖 玄伯 甚。 總 所任 而 自進者, 太祖 裁之, 親 勢

者良 無譴者,由於此也。 廢 興之由,甚合上意。 是以諸公主皆釐降于賓附之國,朝臣子弟,雖名族美彥,不得尙焉。 太祖曾引玄伯講漢書,至婁敬說 未嘗謇諤忤旨,亦不諂諛苟容。 漢 及太祖季年,大臣多犯威怒,玄伯 祖 欲以魯元公主妻匈奴,善之,嗟歎 尚書職罷, 賜 獨

太祖常引問古今舊事,王者制度,治世

之則。

玄伯陳古人制作之體,及

明

君賢臣,往代

列

傅

玄伯爵白馬侯, 加周兵將軍,與舊功臣庾岳、奚斤等同班,而信寵過之。

伯與長孫嵩等坐朝堂,決刑獄 使者巡行郡國、糾察守宰不如法者、令玄伯與宜都公穆觀等按之、 即位,命玄伯 太祖 崩,太宗未即位, 居門下,虛己訪問,以不受紹財帛,特賜帛二 清河王紹聞人心不安, 大出財帛班賜 百匹。 朝士。 長孫嵩 太宗稱其平當。 已下咸愧焉。 玄伯獨不受。 叉詔玄 韶遺

者,誅之不晚。」太宗從之。 行,自秦漢 鼠。 小曲直也。譬琴瑟不調,必改而更張,法度不平,亦須蕩而 之,似若有求於下,不如先誅首惡,赦其黨類。」玄伯曰:「王者治天下,以安民爲本, 壽光侯叔孫建、元城侯元屈等問曰:「前以兇俠亂民,故徵之京師,而守宰失於綏撫,令有逃 相 扇 動,所在聚結。 今犯者已多,不可悉誅,股欲大赦以紓之,卿等以爲何如。」屈對曰:「民逃不罪 太宗以郡國豪右,大爲民蠹,乃優詔徵之,民多戀本,而長吏逼遣。 以來,莫不相踵。 西河、建興盗賊並起,守宰討之不能禁。 屈言先誅後赦,會於不能兩去,孰與一行便定。 更制。 太宗乃引玄伯及北新侯安同、 夫赦雖非正道,而 於是輕薄少年,因 若其赦而 何能 而 口 反赦 不 以權 改 顧

將 軍 公孫表等率師討之,敗績。 神瑞初,詔玄伯與南平公嵩等坐 |太宗問羣臣曰:「'問寇縱暴,人衆不少, 表等已不能制。 止 車 聽 理萬 機事。 幷州 胡數萬家 南掠 河 遣 若

伯 所 不 風 謂 ·早誅, 震 對 怖 千 日 奴共 則良民大受其禍。 表 壽 等諸軍,不爲不足,但失於 光 膽 侯建,前在 也。 宜 得 拜州 大將軍為 今旣盛秋, 不可爲此小盜, 號 爲 威猛 胡 所 處分,故 ,胡醜畏服, 服信者,將數百騎,就攝表軍以討之,賊聞之,必望 使 小盜假 諸將莫及。」太宗從之,遂平胡寇。 而復興衆以廢民業。 息耳。 胡衆 雖盛,而 將若之何? 無猛 健主將,

拜

天部

大

人,進爵

爲

公。

及卒 會葬, 楷。 妙。 ·, 下 泰常 玄伯 玄伯 諶 自 傳 詔 親 子偃 自 祖 三年夏,玄伯 痛 王 非 悅 以外,盡 **惜**, 偃 朝 與范陽 廷 贈 傳子 文 司 盧諶 語 **令拜送**。 空, 邈, 病 篤,太宗遣侍中宜都公穆觀就受遺言, 四方 諡 悅 並 文貞 傳子潛 以博 書檄, 太 和 公。 藝著名。 中,高 初 喪禮 潛 不染翰, 傳玄伯。 祖 諶 追錄先 依 法 安城王叔孫俊故事。 故 鍾繇,悦 世 世無遺文。 朝 示 功臣,以 ·替業。 法 衞 瓘,而 玄伯配饗 故魏 尤善草隸行 更遣侍臣問疾,一夜數返。 初重 俱習索靖之草,皆 詔羣 崔盧之書。 廟 庭。 臣及附國渠 押之書, 爲 叉 玄伯 盡 帥皆 世 其

之行 押,特盡 次 子簡, 精 字 沖亮, 巧,而 名覽。好學,少以 子浩 善書 I知名。 {{傳 太祖 初,至 歷位 中書侍郎、征 房將

不見遺迹。

,襲爵,別

有

軍,爵五等侯,參著作 事 卒。

簡

弟恬, 字叔玄, 小 名白。 歷給事中,賜爵繹幕子。 出爲上黨太守、 平南 將軍、 豫州 刺

史。進虧陽武侯。坐浩伏誅。

揚之。 集。 誄至今,將二百載,寶其書迹,深藏祕之。 於時,蓋懼罪 始玄伯父潛爲兄渾誄手筆草本,以三延昌初,著作佐 始玄伯因 左光祿大夫姚元標以工書知名於時,見潛書,謂爲過於已也 也。 苻堅亂,欲避地江南 及浩誅,中書侍郎高允受敕收浩家,始見此詩。 ,於泰山爲張願所獲,本圖 武定中, 遵業子松年以遺黃門郎崔季 郎 王遵業 不遂,乃作詩以自傷, 買 允 知 書 其意, 於市 允孫 而遇得之。 綽 錄於 而不 人多摹 計 沧 行

不歎惜。 平生,或講論道義,誨誘後進,終日不止。 將,行樂安王傅,進爵濟南公。 書監,賜爵貝丘侯,加龍 乃選忠淸舊德之士,與範 玄伯弟徽,字玄猷。 驤將軍。 少有文才,與勃海高演俱 俱鎭。 徽爲政務存大體,不 以徽 樂安王範鎭長安, 爲散騎常侍、督雍 以疾徵還京師。 知 親 世 名。 祖 小 涇梁秦 事。 以範 初徵 眞君四年卒,諡曰元公。 性好 年少,而三秦民夷,恃險多 相 四 州 人 州諸軍 別駕、中書侍郎,稍遷秘 偷 事、平西將軍 引接賓客,或談 士類無 副 及

毎 慷 **慨有懷東土,常歎曰:「風雨** 時清 河崔寬,字景仁。祖彤,隨晉南陽王保避 如晦,鷄鳴不已,吾所庶幾。」及世祖 地隴右、遂仕於 沮渠、李暠。父剖,字伯宗, 西巡, 剖乃總率同義,

剖 使 寛 詣 送款 京 師 未 世 至 祖 一,病 嘉 卒。 之,拜寬威遠將軍 高宗 以剖 誠著 岐 先 朝 陽 令,賜 贈 散 爵 騎常侍、 沂水男。 鎭 西 遺 將 使 與 軍 寬 涼 俱 州 西, 刺 史、武 撫 慰 初 陵公, 附。 諡 徴

元

之。諸 是以 受 延 崤 墟 徒 灾 興二年卒, 一,以 浩 地 能 嶮 寬 鎭 而 一子繼浩弟覽妻 還 得 浩 之中 $\overline{\mathbb{S}}$ 與之者無恨。 民 與 京,拜散騎侍 (庶忻心) 莫不 民多寇劫。 相 年六十三,遺命 號爲能 齒 一次,厚 政。 封氏, 叉 存 郎、寧朔 寬性 弘農 感其意 撫 及 之。 薄 滑 解鎭還京 (F) 出 稽, 葬 將 及浩 漆蠟竹 氣 相 つ, 斂 軍、安國子。 誘 奉 時 以 接 誅 如 民民 官 時 木 豪 親 ,以遠來疏族,獨 之饒 服 多 無祿 右、 寬後襲 追 宿盜 路路 戀 力, 未幾,出爲弘農太守。 治 唯 與 魁 爵 闕 南 取 帥 武 給 上章者三百餘 通 ٠, 陵公、 得 ,販貿 於民。 與 不 相 坐。 交結, 鎭 來 寛善 西 遂家于 往 將 傾衿: 撫納 初,寬 軍 家 ٠, 產 武 待遇, 拜 書 一豐富 城 招 之通款 [奏,高] 陜 致 城鎮 居 禮 不 司 而 遺 祖 逆 也, 空 將。 百 嘉之。 微 林 姓 見 大 細 樂 有 舊 口

班 車 明 鴐 元 下 巡狩 詔 年 長 遷 子衡 命 及 以衡 內 御 都 字伯玉,少以孝 所覽書,多其 坐令, 爲 大都 善折 督 長史。 迹 獄 行 也。 高 著 衡涉獵書史,陳備禦之方,便國利民之策,凡五十 祖 稱。 衡 嘉 舉 學崔 之。 李 冲 太 浩 李元 書, 和 頗 年 愷 亦 ٠, 程 襲爵 類 駿 焉。 等, 武 陵 天安元年, 終爲 公, 名器 鎭 旭 將 擢 世 軍 爲 以 內 是 遷 秘 ·餘條。 稱 給 書 之。 事 中 中。 承 以

列

本將 農 刺 桑, 史,帛一千匹、穀一 軍 周 除 年之間 泰 州 刺 寇盜 史〈 千斛,諡 止息。 む徒爵齊郡 十二年卒,年五 日 惠公。 公。 先是,一 衡 有 河東 十四。 五 子。 年饑,劫盜 贈 散 騎常侍、左光祿 大起, 衡 至, 大夫、本 修龔遂 之法 將 軍 勸 孙 課

迭相 復爵 悉見籍沒 表列 齊 長子 郡 侯 唯 敞 敞,字公世 敞 坐 拜龍驤將軍、中散 一発官。 妻李氏,以公主之甥,自隨 ,襲爵,例降爲侯。 世宗初 大夫。 爲 鉅鹿 孝昌 太守。 自 謁 奴婢田宅二百 中, 者 弟朏 趙郡 僕 射 之逆, 太守。 出 爲平 餘口 敞 卒。 爲黃木 原相。 得 発。 軍主 敞性狷急, 正光 韓文 中 , 殊 普 與 所 釋 刺 藏 禁錮 史楊 其 敞 家 椿

辭 北 訴 將 ·累歲, 軍 敞 、金紫 弟 鍾 土 光 字 禄 嫉 公祿、奉朝請 之。 大夫、冀州 **介**朱 世 大中 。弟朏之逆,以出 隆 爲尙 莀 書令,奏除其官 敞亡後,鍾貪 後被原。 其 終 歷 財 尙 身 物 ,誣敞 書郎 不 齒 國 息 子 子積等三人 博 士、司 徒 非 右 兄之胤 長 史、征

朏 好 (學,有 文 才。 歷治 書侍御史、京兆王愉錄 事 參軍 與 愉 同 逆, 伏

衡弟恕,尚書郎。

模, 慕容熙末南渡河外,爲劉裕滎陽太守,戍虎牢。 叉 崔模, 字 思範 魏 中 尉 崔 琰 兄 霸 後也。 **父**遵, 神磨 慕容 中, 平滑 垂 少 府 臺, 卿 模 歸 叔 父整, 降。 後 廣 賜爵武 Ш 太 陵

男,加寧遠將軍。

朱脩 輩 來也。」行 隔 下, 令 遠 之守 始 坐致 乃聚貨物 模 滑 人遂以 在南 八刑辱 臺, 妻張氏,有二子,沖智、 當當 間 神麝 財) 賄至都 爲 託關境,規贖模 中 爾 一,被執 取 當竊 人, 入國,俱得賜妻,生子 使名 模還。 歸。 季柔。 位 模果顧 其 不 减 母 模至京 於 張 我 念 氏 沙沙沙 毎謂 幼 靈度。 度等, 師, 授 之日:「汝父 賜妻金氏, 以申謨。 申 指幼度謂行人曰:「吾 謨 聞 此, 个性懷, 謨, 生子 乃棄妻子, 劉 幼度。 義隆 本自 東郡 無決, 沖智等以父 走還江 何 太守, 忍 必 捨 不 颠 此 能

靈度刑爲閹人。

如 家 0 模 長 和 者 平 篤 中 厚,不 卒。 營榮利,頗爲崔浩輕侮,而守志確然,不爲浩屈。 與崔 賾相親,C10〕往 來

赴 白 曜 軍 幼 度 亦 豫 令左 右 覘 迎 之, 而差互不 相值 一,爲 亂 兵 所 害

皇

興

初

幼

度

隨慕容白

曜

爲將。

時季柔爲崔道

固長史,

帶濟南

太

守。

城將降,

先

馬也

燙葬 之。 廣 寧 |懐順 青 太 初 州 守 真 與 卒 君 冲 次 末 於 智子 恩 郡 車車 累 o 徽 駕 邪 政 伯 南克鄒山 利 州 等俱 主簿 二子。 奔江 至 模兄協 懷 外 刺 順 史 以 陸 父 子 龍 入國 邪 成時 利 故 爲 謀叛 劉 不 義 /^,聚城 出仕 隆 魯 郡 北高柳村 及 太守,以 或 家 克 青州, 郡降,賜 將 攻 州 懷 城 舒臨 順 迎 龍 淄 邪 成 子,拜 利 討 喪, 斬

始 邪 利 與二女俱入國,一女爲張氏婦, 一女爲劉休賓妻,生子文華。自己邪利後生庶子

後懷順 法始。 歸 邪 化 利 迎 亡後,二女 喪,始與法始相見。 侮法始庶孽, 未幾,法始得襲爵,傳至孫延族,正光中,爲冠軍將軍 常欲令文華襲外祖爵臨淄子。 法始恨忿,無所不爲。 、中

散大夫。

季柔孫睦,正光三年,自郁州歸降。

模孫景茂,冀州別駕、青州長史、隨郡太守、武城男。

景茂子彥遠,襲。武定中,北徐州司馬。

始睦 來 降也,自回與高陵、張炅、郭緼俱至。陵,蕭寶夤西討開府西閣祭酒,寶夤反,陵其

於 征 南將軍、 司 空長史。 贈 驃騎大將軍、大司 . 農卿。

黄門侍

鄎。

關

中平,還洛,歷尚書郎、定州

別駕。

齊文襄王作相,以陵頗

有文學,引參賓客。

太守。 顕 祖 道固 時,有崔道固,字季堅,琰八世孫 賤 出 嫡 母兄攸之、目連等輕 也。 侮 之。 祖瓊,慕容 輯 謂 攸 之 垂車 日 一騎屬。 此 見姿識 父輯,南徙 如 此, 青州,為 或能 興 泰

門戶,汝等何 以輕之。」攸之等遇之彌薄,略無兄弟 之禮 Щ

時 劉義隆子駿爲徐克二州刺史,得辟他州民爲從事 o 輯乃資給道固,令其南仕。 旣 至

彭 無 過 彭 人 歎 城 力 下 息 城 皆 駿謂 以 詣 靑 爲 親 州 道 從事 自 之曰:「崔 固 刺 執 道 史至州 0 劬勞。」諸客皆 固 道 諸 道 固 辟 美 固 兄 一等逼道 形容, 爲 人 身 主 簿, 知 如 善舉 其 此,豈 固 轉治 兄 所 止; 弟 生 可爲 中。 母母 所 便弓馬, 作,咸 自致酒炙 寒 後 土 爲 至老乎? 起 義隆諸子參 好武 **拜謝** 於客前。 事 其母。 , IMI 駿稍 世 軍 道 人以 母 事, 語之。 固 謂 驚 被遣 道 其 起接 固 偏 會青州刺 向 庶,便 曰:「我賤不 取, 青州 謂 相 客 募 史新除, 陵 日「家 人。 侮 足以 '', 可 長

彧 舉 造 兵 推 說 後 道 立 爲 子 寧 固 業 朔 以 弟 將 爲 子 軍 前 勛。 冀 將 州 軍 子 刺 徐 勛 史, 敗 州 刺史。 一,乃遣 移鎭 歷 表 復叛受彧 城 歸 誠 劉 顯 彧 命 祖 旣 以爲 殺 子 安南 業自 將軍 、南冀州 徐州刺史薛安都與道固 刺 史、清 河 等 劉

報

貴

賓,

汝宜

答拜。」

諸

客皆

I歎美道

固

母

子,賤

其

諸

兄。

曜、二 續 魏。 請 罪 遣 前 一表 使, 雖 皇 Ē 遭 興 振 日 恕 崔 初 曜 希 啓 臣 威 生 之 顯 百 臣 靈 奉 資 死 祖 懼 漸 表 生 韶 大 經 愚 征 歸 南 魏 誠 南 境 以 之所 載 、限 大將 世 幸蒙 奉 不 隔 大 劉氏,深 軍 許 將 陛 大 慕容白 化, 臨 下 是用 過 城,以今月十四 本 您蒙 垂 朝 曜 迷 矜 固 不 回 宥, 納 以 築 長 卑 孤 幷 若 負 末 重 賜 猶 日 天 以 達背, 爵 委授藩: 守之。 ·; 臣 日 竉 東郭 冒 慶 則 萬 佩 任 是不 及白 失守, 死 罔 之 極 忠 而 曜 艱, 劉 攻其城 於 於 應 氏 本朝 臣款彧之誠 固 奔 蕭 執 闕 牆 而 東郭 庭。 拒 内 守。 欲 侮 道 求 但 惶懼 忠 僕 庶 固 劉 可 臣 於 彧 貽 面 白 縛 大 大

死尸 彰 聖澤,未足 於 、 肉 大魏 臣 矣。 以喻。 朽 骨,天地 臣勢窮 旣未奉朝旨,無由 造物所不能行,而陛下育之。 力屈,以十七日 親 面縛請罪, 馳道路,謹遣大息景徽,束骸歸 白曜奉宣皇恩, 雖虞舜之貸有苗, 恕臣 生命。 闕,伏聽刑斧。」 姬文 之宥崇壘, 斯實陛下 起臣

治京 周 家於桑乾 盡 ,是以多有怨叛。 城 旣 西南二百餘里舊陰館之西。 而 ,立平齊郡於平城 白曜送道固 赴都,有司案劾,奏聞,詔恕其死。 延興中卒,年五十。 西北北新城。 是時,頻 以 歳不 道固爲太守, 登,郡內 乃徙 飢弊,道固雖在任積 賜爵 青齊士望共道固守城者數 臨淄 子, 加寧朔 年,撫慰 將 軍 未能 尋 徙

時安都志已衰朽,於道固情乃疏略 非 我族類,其心必異」,信不 初 ,道固之在客邸 ,與薛安都、畢衆敬隣館, 虚 也。 而 安都 衆 視 敬 毎盡 人殊自 殷勤 時以朝集相見,本旣同 1蕭索, 道固 舉捺! 謂劉休賓、 固依 依 也。 房法 由武達,頗結僚舊 壽 「古人云

小 卿 ò 子景徽,字文叡,襲父爵臨 出 除龍 驤將軍 平州刺 史。 淄 子, 卒,贈本將軍、 加寧朔將軍。 南 青州 出爲 青州 刺 史,諡曰 廣 陵王 定。 羽 征 子休纂 東 府 司 馬、大鴻臚

景徽 弟景業,字文季。 別 有功,太和中,賜爵昌國子, 加建威 浴將軍。 卒。 子休緒襲館,

員外郎。

景業弟景淵,亦有別功,賜爵武城男。 鷹揚將軍、平齊太守。 卒於郡。

道固兄目連子僧祐。 白曜之圍歷城也,僧祐母明氏、弟僧淵並在城內。 劉彧授僧 祐 輔

援。 國將 將至不其,聞道固 軍,領衆數千, 與青齊人家口 已敗,母弟入國,徘徊 在歷城、梁鄒者明同慶、明菩薩等爲將佐,從淮 不進。 白曜圍東陽 時, 表請景徽 往喻僧祐 海 揚 聲 救 乃

歸降。 或 無誠,拘之歲餘,因赦乃釋。 白曜送之,在客數載,賜爵層城侯。 後坐與沙門法秀謀反,伏法。 與房法 壽、畢薩諸人皆不穆。自己法壽等訟其歸

子道寧,給事中。

葬 遣其族兄惠景遺僧淵書,說以入國 敕 出 以白衣賜構 僧淵 爲 征 入國,坐兄弟徙於薄骨律鎭,太和初得還。 東 大將軍、廣陵王羽 ii 入聽于永樂經 諮議參軍,加顯武將軍,討海賊於黃郭,口亞大破之。 武殿。 之屈,規令改圖。 後以 僧淵爲尚書儀曹郎。 僧淵 高祖聞其有文學, 復 書 日 遷洛之後, 叉問 佛經, 為青州 善談論, 蕭鸞乃 中正。

主上之爲 人也,無幽 不照,無細 不存,仁則 無遠不及,博則無 典不究,殫三墳之微,

分氏定族,料甲乙之科;班官命爵,清九流之貫。 迹,安遷靈荒, 盡 九丘 一之極。 至於文章錯綜, **兆變帝基**, 惟新 煥然蔚炳, 中壤, 宅臨 **猶夫子之牆矣。** 伊域。 禮俗之敍,粲然復興,河洛之間,重隆 三光起重輝之照,庶物蒙再化之始。 遂乃開 獨悟之明,尋先王之

列傳第十二 崔玄伯

强富, 竭,自己殊爲未然。 周 者乎。Clk3聖上諸弟,風度相類,咸陽王已下,莫不英越,枝葉扶疎,遍在天下,所稱稍 道。 人神欣仰,道德仁義,民不能名。 巷歌 邑頌,朝熙門穆,濟濟之盛,非可備陳矣。 文士競謀於廟堂,武夫效勇於疆場,日己若論事勢,此爲實矣。 且大人出,本無所在,況從上聖至天子 加以累葉重光, 地兼四岳, 天孫 士馬

無益 社之榮,鄙心之相望矣。今執志不寤,忠孝兩忘,王晏之辜,安能自保,見機而作,其在 任,兄何 矣;論安與危,不同者驗矣;羣情背去,獨留者謬矣。曰己願深察之。 非雄朗,專華保望,便就屠割。方之於兄,其全百倍。 以效矣而又弗爲,非孝也。 之於兄,恩則不可酬,義則不可背。身可殺也,故非其酬,功不逮也,故非其報。 能離辱,故世之所未解也。 復途遙二千,心想若對,敬遵軌範,以資一生。今名可揚矣而不能顯親,專可 無施,器非時用,生不振世,沒無令聲,先師以爲鄙,君子以爲耻。 ,故其宜矣。 計彼主篡殺之迹,人鬼同知,疑親猜貴,早暴遐邇。 由発。以是而言,猜嫌已決。 以兄之才,夙超鄕土,如弟之徒,誰不瞻仰,每尋昔念,未敢忘懷。 卽實而言,兄之不變,得爲忠乎?至於講武爭强,不敵者久 且君子在家也不過孝於其親,入朝也不過忠於其君。 又宗門未幾,南北莫寄,先構之重,非兄 且淮蕃海捍,本出北豪,壽春之 兄投心逆節,千載何名! 此則事困伎殫,自勉 王晏道絕外交,器 變矣而不 何託,受 物忠 今可 主上 雖

非一,空已犬馬之心,誠有在矣。 間不容髮,精哉斯談。 月,雲羅必舉,賈不及時,雖貴不用,若不早圖,況枉連城矣。回回枚乘 或 家西至長安,東盡卽墨,營造器甲,必盡堅精,晝夜不息者,於茲數載。 弟中於北京,身罹事譴,大造之及,有獲爲幸。 雖復彼此爲異,猶昔情不移也,況於今日哉。 有言,欲出不出, 比蒙清 舉,超進 如 今秋中 兄之

誨,如弟之規,改張易調,易於反掌,萬一乖情,此將運也。

出除龍驤將軍、南靑州刺史。久之,坐擅出師無據,檢覈幽禁,後乃獲免。 僧淵之徙也,與杜俱去,

後薄房氏,更納平原杜氏。

僧淵元妻房氏生二子伯驎、伯驥。

母房氏居于冀州,雖往來父間,而心存母氏,孝慈之道,頓阻一門。僧淵卒,年七十餘。 生四子,伯鳳、祖龍、祖螭、祖虬。得還之後,棄絕房氏,遂與杜氏及四子家于青州。 伯驥與 伯

麟雖往奔赴,不敢入家,哭沙門寺。

伯麟率州軍討之於煮棗城,為賊所殺,贈龍驤將軍、洛州刺史。 伯麟,自奉朝請,稍遷步兵校尉、樂陵太守,加中堅將軍。 後兼冀州長史。 大乘賊起,

伯驥,爲京兆王愉法曹參軍。 愉反,伯驥不從,見害,詔贈 東海太守。

伯鳳,少便弓馬,壯勇有膂力。 自奉朝請、員外郎、稍遷鎭遠將軍、前將軍,數爲將帥。

列

六三四

永安末,與都督源子恭守丹谷,戰歿。三三

祖龍,司空行參軍。 性剛躁,父亡後,與兄伯麟訟競嫡庶,並以刀劍自衞,若怨讎焉。

祖螭,小字社客,粗武有氣力。 刺史元羅板爲兼統軍,率衆討海賊。 普泰初,與張僧皓

祖虬,少而好學,下帷誦書,不驅競當世。舉秀才不就。

僧淵從弟和,平昌太守。家巨富,而性吝嗇,埋錢數百斛。 其母李春思堇,惜錢不買。

子軌,字啓則,盜錢百萬,背和亡走。 後爲儀同開府鎧曹參軍,坐貪汙,死於晉陽

父業。 玄伯同郡董謐。 中山平,入朝,拜儀曹郎,撰朝覲饗宴郊廟社稷之儀。 證父京,與同郡崔康時、廣陽霍原等,俱以碩學播名遼海。 **監好學**,傳

爲後將軍、冀州刺史、真定侯。 一主,自古通義,未敢聞命。」重遣使喻之曰:「吾與車騎結異姓兄弟,卿亦猶吾之子弟,安得 鄧淵,字彥海,安定人也。 翼泣對使者曰:「先君忠于秦室,翼豈可先叛乎!忠臣 祖羌,苻堅車騎將軍。父翼,河問相。 慕容垂之圍鄴,以翼 不事

쫡 乎。]翼曰:「冀州宜任親賢,翼請他役效命。」垂乃用為建武將軍、河間太守、尚書左丞

有 聲 稱。卒於趙郡內史。

忤旨 律令 軍。 誅 剪 太祖 、音樂,及軍國文記詔策,多淵 姦猾,盜賊肅淸。 淵 性貞 詔淵撰 素,言行 國記,淵造十餘卷,惟次年月起居行事而已,未有體例。 可復,博覽經書,長於易筮。 入爲 尚書吏部郎。 所爲。 從征平陽,以功賜爵漢昌子,改下博子,加中壘將 淵明解制度,多識舊事,與尚書崔玄伯參定朝 太祖定中原、擢爲著作郎。 淵謹於朝事,未嘗 出為蒲丘 儀、 令,

暉 將 送出之。 其 從父弟暉爲尚書郎,兇俠好奇,與定陵侯和跋厚善。 由 是太祖 疑淵 知 情,遂賜淵死,旣 m 限之。 時人咸愍惜焉。 跋有罪誅;其子弟奔長安,或告

穎爲 弟覽 等俱 文, 子 穎 銘于 参著作 襲爵。 漢南, 事。 爲 以紀功德。 太學生,稍遷中書侍郎。 駕幸漠南,高 兼散 車莫弗庫若干率騎數萬餘,驅鹿 騎常侍,使於 世 祖韶太常崔浩集諸文學,撰述國書,領 劉義隆。 進爵爲侯,加龍 百餘萬,詣行 驤將 軍。 在 所。 與浩 延和

三年,從 征 胡 賊 白龍。 還,卒於路。 諡 日 文恭。

官

至

刺

史、假

寧南

將

軍。

賜

爵南陽公。

和

平中

卒。

子|怡 長子良奴 ,襲爵。 襲爵。 荆 良奴弟侍、高祖賜名述。 州 歷吏職,以貞謹見稱。 遷 中 大夫,守廷尉少

列 傅 第 + 鄧 淵

卿 以述爲太傅長史,帶太原太守。 出為 建忠將軍 、齊州刺史。 尋徴 初改置百官, 爲司空長史,卒官。 始重公府元佐。 詔賜錢十萬、布五十匹,諡 時太傅元丕 出 爲 科州 日貞。 刺史,

長子屬,奉朝請,累遷中散大夫。

纂弟獻,奉朝請、司空西閤祭酒、員外常侍、 建義初,聞介朱榮入洛,朝士 河陰令。 見害,遂奔蕭 尋遷鎭遠將軍、諫議大夫。 衍 肅宗

宗慶在南部積年,多所敷奏,州鎭憚之,號爲稱職。 趙 末,除冠軍將軍、潁州刺史。 那公。 怡弟宗慶,以中書學生,入爲中散。 宗慶在州,爲民所訟,雖訊鞫獲情,上下大不相得。 稍遷尙書, 進爵南陽公,除安南將軍 加散騎常侍,賜爵定安侯。 轉徐州刺史,仍本將軍。 涇州刺史,徙 轉 典 南 未

幾,坐妻韓巫蠱,伏誅。

宗慶子伯忻,與父俱死。

伯忻子儼,逃越得免。 後歷尚書郎,除常山太守,轉安南將軍、 光祿大夫、持節、

書左丞、郢州 行臺,又加撫軍將軍。 卒,贈鎭南將軍 て、荆州 刺史。

穎 弟權 從 世 祖 征伐,官至龍驤將軍、豫州刺史,賜爵新野侯。 從征蠕蠕,坐法死。

弟顥,卒於中書侍郎。

顥 長子靈珍,中書學生、三司秘書中散。 卒,贈員外散騎常侍。

齊州 卿。 恤 封 仍 事 大 黄 黄 多 門, 千石。 門 出 子 兼給 仍爲 有 侍 行 羡 時 所 加 幽 荆 郞 濟 平 事 長史,帶東魏郡太守。 歷 州 及代還,大受民故送遺,頗 瀛 ,黄門侍郎,副侍 南 中書學生、 尋 事,轉征 滄、冀 將軍 神龜 加 後 0 初 將軍、 う發疸 大水 虜將 羡 侍御史, 以 義陽 河南 軍 中游肇 卒,年五 頻 一、野州 經 軍 尹 寇 以 在 、黄門 司 難 爲畿 治 明謹 刺 之勳 + 民民 史,鎭義陽。 十 以 四。 內 如 見知 此 年,經三刺 封 飢 大使。 故。 爲 詔 損 安陽縣開國子,邑三百戶 賻 詔 未 出爲 帛 羡 (拜, 而 後行 中山 三百 兼尚 史, 在 齊州武昌王征虜長史。 州 貨於錄 以清勤 王英攻義陽,羨爲 書、假散騎常侍,持節 銳於聚斂。 匹、朝服 靈太后 尚書、北 著 臨 稱。 朝, 襲,贈鎭東 叉納 齊人懷: 以元 0 海 王詳, 羡 賄 軍 昭 曲 於 司。 後李元護之爲 爲 其 將 詣 于忠, 徵爲給 附 轉大司 (恩德) 河南 軍 州, 左右, 龍 、青州 除 隨 尹 故獲 方 農 號 諫 羨 賑 小 議 刺 日

訟 久 之, 長子躋 始 聽 字伯昇 紹 封。 稍 頗 遷 有 前 意尚。 將 軍 秘 太中大 書郎。 夫、 朝議以羨本不 梁州 開 府 長 ·合山 史。 與 河 之賞, 刺 史元 故不許躋襲。 羅 同 陷 蕭 衍 卒於 躋 史,

諡

日

恭

子 孝 緒 ,元象 中,以躋柩 還 國 興 和 中,襲爵。 齊 受禪 例 降。 江

南

靈 珍 弟 靈 奇, 立 忠將軍 一、齊州 刺 史。 進 號 冠 軍 ·將軍 賜 爵 昌 或 侯。 爲 政淸簡 ,有威惠。

六三八

子恭伯,右光祿大夫。

歟。 寬模俱能見幾而動,道固窮而委質。 無寬政,斯言貽咎。 許謙才術俱美,馳騁艱難之日,觀幾獨勸,事契冥符。 史臣曰:爲國馭民,莫不文武兼運。燕鳳以博識多聞,昭成致禮,和隣存國,賢之效 玄伯世家儁偉,仍屬權輿,總機任重,守正成務,禮從淸廟,不亦宜乎。 鄧淵貞白幹事,才業秉筆,禍非其罪,悲哉! 張袞以才策見知,早蒙恩遇,時

校勘記

- 公達委身於魏武 諸本「達」作「遠」,册府卷七六五九〇九五頁作「達」。按荀攸字公達三國志卷一〇,
- 曹操輔佐中著名人物不聞有「公遠」其人,今據册府改。
- ヘニン 延弟. 白澤 諸本「延」下有「孫」字,北史卷二一張袞傳作「度子白澤」,則是延弟。「孫」字行,

今删

ヘミし 下民難辯 民安,治淸務簡,至於委任責成」爲句,疑是。 按此句和上文不貫。 册府卷五四一六四八五頁作「不亦難辨」,連接上文「而欲使事靜

- \neg 29 \Box 次子簡字沖亮 北史卷二一 崔宏傳「沖」作「仲」。按簡兄浩字伯淵卷三五本傳,弟恬字叔玄,簡是
- 次子,作「仲亮」是。
- 31. 太祖 初 張森楷云:「玄伯以太祖中年歸魏,簡安得於太祖初入官,疑爲『太宗』或『世祖』
- ッペ 爲兄渾誄手筆草本 諸本「誄」訛「誅」,今據北史卷二一改。

之誤。」

-1: 二字,但 以一子繼浩弟覽妻封氏 此傳也可通,今不補。 北史卷二一「浩」字下有「與浩」二字,「以一子繼浩」爲句。 疑此傳脫

如

- **π** 北史卷二一改。 拜陝城鎭將二崤地 北史「二」作「三」、今從册府。 嶮 諸本「鎭」下有「西」字,下無「二」字,顯誤,今據册府卷四一二四八九八頁。
- 94. __/ 秦州、此「秦州」乃「泰州」之訛。 以本將軍除泰州 刺史 諸本「泰」作「秦」。按云「河東民饑」,則即卷一○六下地形志下治庸坂之 這裏「秦」也是「泰」之訛。 今改正。 參卷一○六下校記□売」。
- [0] 與崔 賾 相親 諸本「賾」訛「頤」,今據墓誌集釋盧令媛墓誌圖 版三七改。 參卷三二校記(二)。
- 生子 文華 卷四三劉休賓傳「文華」作「文曄」,疑作「曄」是。
- 始睦 列 傅 水降 第 + 也 百衲 校 勘 、南、汲、局四本「睦」作「陸」、北、殿二本作「睦」。按上云「柔孫睦,正光三年 記 六三九

自郁州歸降」。作「睦」是、今從北、殿本。

- 僕臣白 曜 按崔道固豈得稱白曜爲「僕臣」。卷五〇慕容白曜傳, 白曜攻靑、齊時、 官尚書右僕
- 射。這裏「僕」下當脫「射」字。
- 與房法壽畢薩諸人皆不穆 按青齊降魏諸將無「畢薩」其人,「薩」當是「薛」之訛,指薛安都。
- 計海賊於黃郭 諸本「賊」訛「戒」,今據册府卷三七二四四二四頁改。
- 所在,況從聖繼聖至夫册府宋本作「天」子孫者乎」。 且大人出本無所在況從上聖至天子天孫者乎 較明白,此傳當有訛脫。 册府卷三 七二四四二五頁作「且 大人 之出,本 無
- [1-1] 所稱稍竭 諸本[竭」訛[蝎],今據册府同上卷頁改。
- 武夫效勇於疆場 諸本「勇」訛「通」,今據册府同上卷頁改。
- 羣情背去 獨留者認矣 無所同上卷頁「背去」作「皆去」、與下「獨留」對文、當是。但「背去」亦通、
- 今不改。
- 况枉連城矣 册府同上卷頁「況」作「沉」、疑是。但檢宋本冊府也作「況」、今不改。
- 超進 非 諸本「超進」訛「起崖」,下注「疑」字,今據册府同上卷頁改,並 删 疑」字。
- 與都督源子恭守丹谷戰歿 守丹谷,見卷一〇莊帝紀永安三年十月和卷四一本傳。 諸本「丹谷」作「單父」,册府卷四二五五〇五五頁作「丹父」。按源子恭 班帝紀永安三年十二月壬寅更明云

記

「介朱兆寇丹谷,都督崔伯鳳戰死。」册府「丹」字不誤,「谷」已訛「父」,舊本當同册府,後人又妄

改「丹」爲「單」,今改正。

中書學生 諸本「中」下無「書」字。 按「中書學生」屢見,下子|羨條卽云「歷中書學生」,今補

「書」字。

魏書卷二十五日

列傳第十三

長孫嵩 長孫道生

父統軍。 長孫嵩,代人也,太祖賜名焉。 昭成末年,諸部乖亂,苻堅使劉庫仁攝國事,嵩 **父仁,昭成時爲南部大人。** 與元他等率部 嵩寬雅有器度,年十四,代 衆 歸之。

厅、北新侯安同、白馬侯崔宏等八人,坐止車門右,聽理萬幾,故世號八公。 史,賜爵鉅鹿公。 見太祖于三漢亭。 ,嵩欲歸之。 劉 顯之謀難也,嵩率舊人及鄉邑七百餘家叛顯走,三 見于鳥屋,稱逆父之子,勸嵩歸太祖。 歷侍中、司徒、相州刺 太祖承大統,復以爲南部大人。 史,封南平公, 所在著稱。 累著軍功。 嵩未決, 將至 五原。 烏渥回其牛首,嵩 太宗卽位,與 後從征 時寔君之子,亦聚衆 中山,除冀 山陽侯奚 僶 免從 州 刺

晉將劉裕之伐姚泓 ,太宗假嵩節,督山東諸軍事,傳詣平原,緣河北岸,列軍次於畔城

列

傳

第十

三

長

孫

嵩

之。 是 陝 軍 間, 叔孫建等尋河趣洛。 頗 又敕簡 失 乃班 必與姚泓相持,一死一傷,衆力疲弊。 利。 師 精 詔假裕道 兵爲戰備,若裕西過者,便率精銳南出彭沛 , 裕於舟中望嵩麾蓋, 遺以酃酒及江南食物, 比及秋月, 徐 乃乘之, 如 晉諸屯戍皆望塵奔潰。 不 時過 則裕首 嵩皆送京 但 引 軍 可 不戰 隨 師 之。 詔嵩 而 裕克長 彼 懸 厚答 至 於 崤

也 正。 安 武 之 武 衆 皮 爲 日 勸 肉 京 則 患, 土 ·請立。」乃定策禁中。 韶問 頓 行 彼 筋 侯 不 太宗寢疾, 蠕 安原 能 角 辱 岩 蠕 及之。 公卿,赫連、蠕 杜 城 以 世 請 守, 尋 超 爲 充 先平馮跋。[四帝默然,遂 之贊成之,至崔浩又言西伐利。 遷太尉。 問後事於嵩,嵩曰:「立長則順,以德則人服。 以逸代勞,大檀聞之,乘虛而寇,危道也。」帝乃問幽微於天師寇謙之, 邊害,宜先討大檀。 軍實,亦愈於破一小國。」太常崔浩曰:「大檀遷徙鳥逝,疾追則不足經久,大 赫連屈丐,土宇不過千里,其刑政殘虐, 蠕 於是詔世祖臨朝監國 久之,加柱國大將軍。 征 討 何先。 及則收其畜產,足以富國,不及則校獵陰山,多殺 嵩與平陽王長孫翰、司空奚斤等曰:「赫連居土,未能 西巡狩。 了、嵩爲左輔。 嵩等固諫不可。 後聞屈丐死, 人神 世祖 所棄,宜先討之。」尚書劉潔、 關 今長皇子賢而世嫡, 即位,進爵北平王 帝大怒,責嵩在官貪汚,使 中 大亂,議欲征 之。 一,司 天所 《禽獸, (吾)謙 州 嵩等 中 命

自是,輿駕征伐,嵩以元老多留鎭京師,坐朝堂,平斷刑獄。薨,年八十。 諡 曰宣王。 後

高祖追錄先朝功臣,以嵩配饗廟庭。

子 頹, 善騎射,彎弓三百斤。 襲爵, 加侍中、征南大將軍。 有罪,黜爲戍兵,後復爵。

薨,諡曰安王。

子敦,字孝友, 位北鎮都將。 坐黷貨,降爲公。 高宗時, 自頌先世勳重,[刊]復其王爵。

薨,諡簡王。

子 道,字念僧,襲爵。 久之,隨例降爲公,位右衞將軍。 卒,諡慎。

子悅,襲爵。 建義初,復本王爵,尋降爲公。 位光祿少卿。 卒,贈

出 入詔 長孫道 命。 生,嵩從子也。 太宗卽位,除南統將軍 忠厚廉謹,太祖愛其慎重,使掌幾密, 、冀州刺 史。 後 取 人美女以獻,太宗切責之,以舊臣 與賀毗等四人內侍左右, 二不加

罪黜。

而 還。 世 祖 世 即位,進爵汝陰公,云 祖 征 赫 連 昌 道道 生 與 司 徒 遷廷尉卿。 長 孫翰、宗正娥青爲前驅,遂平其國。 從征蠕蠕, 與尉眷等率衆出白黑兩漠間, 昌弟定走保平涼, 大捷

列傳第十三 長孫道生

太尉,諡曰靖

隆將檀道濟,邀其前後,追至歷城而還。 劉 義 隆遣將到彦之、 王仲德寇河南以救定。 除司空, 韶道生與丹陽王太之屯河上以禦之。 加侍中, 進封上黨王。 薨,年八十二。 遂誘義 贈

祖世,所在著績,每建大議,多合時機。 無用 「智如崔浩,廉如道生。」及年老,頗惑其妻孟氏, 《家爲,今强寇尙遊魂漠北,吾豈可安坐華美也!」乃切責子弟,令毀宅。 其恭愼如此。世 第宅卑陋,出鎭後,其子弟頗更修繕,起堂廡。 道生廉約,身爲三司,而衣不華飾,食不兼味。 爲將有權略, 善待士衆。 以此見譏。 道生還, 歎曰:「昔霍去病以匈奴未滅, 熊皮鄣泥, 與從父嵩俱爲三公,當世以 數十年不易, 時人比之晏 帝命歌工歷頌羣臣,曰:

子抗,(云)位少卿,早卒。

藏,焚其所居城邑而還。高祖初,拜殿中尚書、侍中。 佐 後爲征南大將軍。 命先朝,故特不降。 抗子觀,少以壯勇知名,後襲祖爵上黨王。時異姓諸王,襲爵多降爲公,帝以其祖道生 薨,諡曰定。 以征西大將軍、假司空督河西七鎮諸軍討吐谷渾。 葬禮依其祖靖王故事,陪葬雲中金陵。 吐谷渾又侵逼,復假觀司空討降之。 部帥拾寅遁

子冀歸,六歲襲爵,降爲公。 高祖以其幼承家業, 賜名稚, 字承業。 稚聰敏有才藝,虛

心 愛 士。 爲 前 將 軍 ,從高祖南討,授七 兵尚書、太常 瀬、右 將軍

戰,爲 難 臨 州 淮 之,號曰「鐵 刺 王彧 史,假 世宗時,侯剛子淵,稚之女壻。 賊 所 、)
() 乘,稚後殿。 鎭南大將軍 :書李憲等三都督,外聲助稚,内實防之。 小兒一。 詔 ,都督淮南諸軍 初 河間王 稚旣總强兵, 琛總衆援之。 岡 事 爲 o 元叉所厚,故稚 久不決戰, 蕭 衍 琛欲決戰,稚以雨久, 將裴邃、虞鴻襲據壽 議者疑 驟得 有 轉進。 異圖 Ö 更須 春, 出 朝廷重遣 「爲撫軍· 持 稚 重 諸 子 大將軍 河 驍 琛 間王 · 弗從, 果, 領 琛 邃 遂 頗 揚 及

從。 全 加 一、遂生 間 行達 王 會 鮮于脩 琛爲 私 五. 隙。 鹿, 爲 脩 禮 大 一都督, 禮反於中山,以稚爲 且. 臨 機奪 酈道元 邀 撃,琛 帥,非算所 爲行臺。 不赴之。 大都督 長。 稚 遣 賊 書奏,不 北討。 子子裕 總 至,遂大 納。 尋以 奉表,稱 敗 本使達鄴城。詔稚解行臺,罷 琛 ~,稚與 與 與琛同在淮 稚 前 琛 到 並除名。 呼沱, 南 俱 稚 未 當 欲 或 戦 難 深 大使,遣 而 琛 敗 不 臣

勞之曰 份 亦 患脚 書 右 尋 薄,扶 僕 而 射。 卿 IE 疹 平郡蜀反,復假稚 杖 源 未 入 幾,雍 如 此, 州 尙 肸 刺 書僕射 欲 史蕭 相 停,更 鎭 寶夤據 |元順顧相謂日:「吾等備位 西將軍 無可寄 ||加反, · 討 蜀 如 都督。 何 復 以 雅答 稚 頻 爲 戰 日 行 有 臺討之。 一大臣, 功, 死 除 而 各居 後 平 Ē, 東 稚 寵 時 將 位 敢 背 軍 • 不 疽 危難 自 復 未 力。 本質。 愈, 之日 胩 靈 了, 病 子 太 後 除 彦 后

列

傅

第

+

Ξ

長

孫

道

生

先行, 無乃不可乎。」莫有對者。時薛鳳賢反於正平,薛脩義屯聚河東,分據鹽池,攻圍蒲坂,

東西連結,以應寶夤。稚乃據河東。

州置於畿甸。 臣 百官尸祿、租徵六年之粟、調折來歲之資、此皆出人私財、奪人膂力。豈是願言,事不獲已。 之年,無所乏少,猶創置鹽官而加典護,非爲物而競利,恐由利而亂俗也。況今王公素餐, 而 須經綸,出入相補。 四境多虞,府藏罄竭。然冀定二州且亡且亂,常調之絹,不復可收。 急蒲坂。 輒符司 時 有韶廢鹽池稅,稚上表曰:「鹽池天資賄貨,密邇京畿,唯須寶而護之,均贍以理。今 、監將尉還率所部,依常收稅,更聽後敕。」 蒲坂一陷,沒失鹽池,三軍口命,濟贍理絕。 今若廢之,事同再失。臣前仰違嚴旨,不先討關賊而解河東者,非是閑長安 略論鹽稅,一年之中,準絹而言,猶不應減三十萬匹也,便是移冀定二 天助大魏,茲計不爽。 仰惟府庫,有出無入,必 昔高祖

稚 克寶夤將侯終德,寶夤出走,雍州平。除雍州刺史。

稚 仍 鎭 入洛,啓帝誅世隆兄弟之意。 回授其姨兄廷尉卿元洪超次子惲。 長安。 莊 帝 初,封上黨王,尋改馮翊王,後降爲郡公。遷司徒公,加侍中,兼尚書令、大行臺, 前廢帝立,遷太尉公,錄尚書事。及韓陵之敗,斛斯椿先據河橋,謀誅尒朱。使 出帝初,轉太傅,錄尚書事。 初,稚生而母亡,爲洪超母所撫養,是以求讓,許之。 以定策功,更封開國 子。

出帝入關,雅時鎭虎牢,亦隨赴長安。

紹遠、士亮、季亮,兄弟皆廉武。 歲,妒忌防限。 會赦乃免。因以後妻羅前夫女呂氏,妻興德兄興恩以報之。 稚 妻張氏,生二子,子彦、子裕。 雅雅相愛敬,旁無姻妾,[10]僮侍之中,嫌疑致死者,乃有數四。 。稚少輕俠,鬭鷄走馬,力爭殺人,因亡抵龍門將陳興德家, 後與羅氏私通,遂殺其夫,棄張納羅。 羅年大稚十餘 羅生三子,

餘,乃命開肉鋸骨,流血數升,言戲自若。 中軍大都督、行臺僕射,鎭弘農,以爲心膂。 子彥,本名儁,有膂力。以累從父征討功,封槐里縣子。 時以爲踰於關羽。 後從帝入關。 子彥少嘗墜馬折臂,肘上骨起寸 出帝與齊獻武王構隙,加子彥

校勘記

子裕,位衞尉少卿。

魏書卷二十五 諸本目錄此卷注「闕」。百衲本、南本、汲本卷未殘存宋人校語:「魏收書列傳第

十三。」局本下補「亡」字。殿本考證云:「魏收書闕,後人所補。」按此卷以北史卷二二長孫嵩、長

孫道生傳補,附長孫稚傳有溢出語,當出於高氏小史。

嵩率舊 人及鄉邑七百餘家叛顯走 北史卷二二長孫嵩傳「鄕邑」作「庶師」。按「庶師」 和「舊人」

列傳第十三 校勘記

對 「舊人」指拓跋本部人、「庶師」當是指非本部的諸族人。 疑這裏的「鄕邑」乃後人所改。

ニ 於是叔孫建等尋河趣洛遂入關 按尋河趣洛者是叔孫建所領魏軍 入關者是劉裕所統的晉軍

這裏牽連敍述,遂似叔孫建等入關。 疑「遂入關」上脫「裕」字。

尚書劉潔武京侯安原請先平馮跋 卷三〇安原傳「武京」作「武原」。按晉書卷一五地理志下徐

州彭城 國有「武原縣」。地不屬魏,但當時封邑取南朝郡縣名的很多。「武京」不聞有此縣,

「京」字疑誤。

. 五 山 帝乃問幽微於天師寇謙之 北史卷二二「微」作「徴」、「微」當是「徵」之訛。

. 杜超之贊成之 按杜超,卷八三外戚傳有傳。 可能是雙名「超之」,單稱作「超」,也可能涉上「寇

謙之」而衍「之」字。

レポン 高宗時自頌先世勳重 諸本「宗」作「祖」。按事 見卷五高宗紀興安二年歲末,「祖」字訛,今改正。

進爵汝陰公 張森楷云:「以前初無封爵之文,而云『進爵』, 疑誤。」按此傳以北史卷二二長孫

道生傳補, 當是李延壽删節之失。 這種删節失當,下文還有, 如「帝以其祖道生佐命先朝」,不

知爲 何 一帝,「以本使達類城」,不知爲 何使。 今不悉出校記。

[10] 旁無姻妾 北史卷二二[姻]作「姬],是。

魏書卷二十六

列傳第十四

長孫肥 尉古眞

長 孫肥,代人也。昭成時,年十三,以選內侍。 少有雅度,果毅少言。 太祖之在獨孤及

賀蘭部,肥常侍從,禦侮左右,太祖深信仗之。

蠕蠕,大破之,肥降其主匹候跋,事具蠕蠕傳。 又從征衞辰及薛干部,破滅之。 蠕蠕別主縕

登國初,與莫題等俱爲大將,從征劉顯,自濡源擊庫莫奚,討賀蘭部,並有戰功。太祖征

乾提子曷多汗等率部落棄父西走,肥以輕騎追至上郡,斬之。

范陽,不及而還。 之至蒲泉,獲其妻子。太祖將圍中山,慕容寶棄城奔和龍。 後 從征 中山,拜中領軍將軍。車駕次晉陽,慕容寶幷州刺史、遼西王農棄城筲遁,肥追 遂破其研城戍,俘千餘人。 中山城內人立慕容普隣爲主,太祖圍之。普隣 肥與左將軍李栗三千騎追之,至

列傳第

千騎襲中山,入其郛 時 乃 中流矢,瘡重,乃還。 以 出 士馬 步卒千餘人,欲伺 少糧 ,遂罷中山之圍,就穀河間。 而還。 中山 間犯圍。 平,以功賜爵琅邪公。 賀隣以步騎四千追肥至泒水,肥自魏昌擊之, 太祖 命肥挑戰,爲退,普隣衆追肥,太祖截其後,盡擒斬之。 慕容賀隣殺普隣 遷衞尉卿,改爵 而自立。車駕次魯口,遣肥帥七 盧鄉 獲鎧騎二百。

續, 毗 詣 爲 陵 肥 千騎討之,破准於九門,斬仇儒,生擒准。 [長史,聚黨二千餘人,據關城,連引丁零, 欲知 王 請降,貢其方物。 除 時 順 肥鎭遠將軍、兗州刺史,給步騎二萬,南徇許昌,略地至彭城。 中山太守仇儒不樂內徙,亡匿趙郡,推羣盜趙准爲主。 其名,淮水不足。」准喜而從之,自號使持節、征西大將軍、青冀二州牧、鉅鹿公,儒 等六萬騎爲前鋒。 姚平之寇平陽,太祖 進攻屠之。 車駕次永安,平募造勇將,率精騎二百闚軍,肥逆擊擒之,匹馬 將討之,選諸將無如肥者, 殺害長吏,易 韶以儒肉食,准傳送京師,轘之於市,夷 動常山、鉅鹿、廣平諸 妄造妖言云:「燕東傾, 司馬德宗將劉該 乃徵還京 郡 師 遣 八其族。 遣 心遣使 肥率 趙當 肥 與

討 畜物以千計。 肥 撫 失敗, 慰 河 南,得 故每 後降爵為藍田侯。 有 吏民心,威信著於淮泗。 大難,令肥當之。 天賜五年卒,諡曰武,陪葬金陵。 南平 中原,西摧 善策謀,勇冠 羌寇,肥功居多,賞賜 一諸將,每戰常爲 子翰襲爵。 土 奴婢數百口, 卒先, 前後征

不

平退保柴壁,太祖

遣肥還鎭兗州

憚之。 宗即位,遷散騎常侍,與磨渾等拾遺左右。以功遷平南將軍。 翰,少有父風。太祖時,以善騎射,爲獵郎。 後為都督北部諸軍事、平北將軍、眞定侯、給殿中細拾隊、加旌 太宗之在外,翰與元磨渾等潛謀奉迎。 率衆鎭 旗鼓吹。蠕蠕毎犯塞, 北境,威名甚著,蠕蠕 太

翰拒擊有功,進爵爲公。

世祖即位,徵還京師,進封平陽王,加安集將軍

檀奔走。 擊,克獲而還。 伏干於柞山,斬首數千級,獲馬萬餘匹。 萬爲前驅。 蠕蠕大檀之入寇雲中,世祖親征之,遺翰率北部諸將尉眷,自參合以北,擊大檀別帥阿 其弟匹黎率衆赴之,遇翰交戰,匹黎衆潰走,斬其渠帥數百人。 昌戰敗,奔上邽,翰以八千騎追之,至高平,不及而還。 尋遷司徒。襲赫連昌,破之。世祖復征昌,翰與廷尉道生、宗正娥淸率騎三 又與東平公娥青出長川以討大檀。大檀衆北遁,追 從襲蠕蠕,車駕度漠,大

依安城王叔孫俊故事,賻賜有加。諡曰威,陪葬金陵。 翰清正嚴明,善撫將士,太祖甚重之。神麍三年薨,深見悼惜,爲之流涕,親臨其喪,禮

子渾,襲爵。 平成,襲爵,降爲公。平成,少以父任爲中散,累遷南部尚書。 渾,初爲中散,久之爲彭城鎭將。 太和中卒。子盛襲爵 卒,陪葬金陵。

翰弟受興。 世祖時,從征平涼,以功賜爵長進子,除河間太守。 卒。

列傳第十四 長孫肥

子安都,襲爵。顯祖時,爲典馬令。

尙書。 下。[I] 以功賜爵五等男。 受興弟陳,世祖 復出爲北鎭都將。 時爲 羽林郎。 又從征涼州,爲都將領。 陳性寬厚,好學愛士,所歷輒爲人追思之。 征和龍,賊自西門出, 入官,遷殿中給 將犯外圍,陳擊退之,追斬至長城 事 中,進 高宗卽位,進爵吳郡 爵爲子 遷 駕部

公,加安東將軍 興光二年卒。 贈散騎常侍、吳郡王,諡 日恭,陪葬金陵。

頭,襲爵。 高宗時,爲中散,遷內行長,典龍牧曹。 天安初卒。 子拔襲爵。

|子 加奮武將軍。 陳弟蘭。 世 祖 遷散騎常侍、北部尙書。 初,爲中散。 常從征伐,典御兵器,賞賜 後除 豫州刺史。 基厚。 卒。 後以破平涼功,賜爵睢陽

子烏孤,襲爵。高祖初,出爲武都鎭將,入爲散令。

子樂,孝靜時,金紫光祿大夫。

肥弟亦干 - ,太祖初,爲羽林 鄎。 從平中原,除廣平 太守。 卒。

子 石洛, 世 祖 初,爲羽林郎 ,稍遷散騎常侍。 從征赫連昌,爲都將,以功拜樂部尙書,賜

鹤臨淮公,加寧西將軍。神廳中卒,諡曰簡。

父爵,降爲建義將軍、臨淮侯。 子真,少以父 任爲 中 散 從征平涼,以功 遷司衞監。 征蓋吳。 賜 爵臨 遷殿中尙書, 城子,拜員外散騎侍郎 加散騎常 、廣武 侍。 將 從駕征 軍。 |劉| 襲

養隆,至江。進爵南康公,加冠軍將軍,卒於軍。

子吳兒,襲爵。 高祖初、爲中散、武川鎭將。 太和初,卒,贈恒州刺史。

子長樂、襲。坐事爵除。後歷陵江將軍、羽林監。

子榮族,武定中,征西將軍、繁昌男。

子元慶,平州倉曹參軍。吳兒弟突,朔州長史。

十萬頭,掠二萬餘家西還。 千,鎭大洛城。|太宗西巡,古眞與奚斤等率前軍討越勒部,〔三大破之,獲馬五萬匹,牛羊二 寶於參合陂。 密以馳告,侯引等不敢發。染干疑古眞泄其謀,乃執栲之,以兩車軸押其頭,傷一目,不伏, 乃発之。 尉古真,代人也。太祖之在賀蘭部,賀染干遣侯引乙突等詣行宮,將肆逆。 登國初,從征庫莫奚及叱突隣,並有功。 又從平中原,以功賜爵東州侯,加建節將軍。 泰常三年,除定州刺史。 又從救賀蘭,破衞辰子直力鞮,復擊慕容 卒,子億萬襲。 太宗初,爲鴻 卒,子盛襲。 飛 將軍,率 古眞知之, 衆五

列傳第十四 尉古真

古真弟太真,太宗初,爲平南將軍、相州刺史。

延普率 大人。 世榮之。 毁其目,以建功效 人張廣達等二百餘 第八子觀,三 太宗 師次遼西。 燕土亂 弟諾,少侍太祖,以忠謹著稱。 初,爲 久,民戶凋散,諾在州前後十數年,還業者萬餘家 幽州刺史, ,誠可嘉也。」寵待遂隆。 襲爵。 人詣闕請之,復除安東將軍、幽 轉寧東將 卒,子崘襲。 軍,進爵武陵 加東統將軍,進爵爲侯。 從圍 公。 除平東將軍,賜 中山,諾先登,傷一 |諾之在州,有惠政,民東追 州刺史,改邑遼 長孫道生之討 爵安樂子 目。 西公。 、從計 馮跋 延和 太祖 也,諾 中卒。 思之。 兄弟並爲方伯 姚平 歎曰: 諾 - , 還 , 拜 與驍騎 世 祖 记弟並 時 將 國 薊 軍

居守。 庫仁等八人分 擒受斤於大檀 之,遂至虜庭。 諾 後征 長子眷,忠謹有 河 <u>'</u>南,督<u>高</u>車騎,臨陣衝突,所向 典四部,綰 前。 大檀問其故,眷曰:「受斤負罪天子,逃刑在此,不時執送,是以來取。」眷遂 左右救之,乃免。 父風。 奏機 要。 太宗時,執事 賜爵 由是,以驍烈 山桑侯,加 左 無前 右,爲太官 ,賊憚之。 陳兵將軍 聞。 遷司 令。 世祖即位,命眷與散騎常侍劉 **衞監。太宗幸** 時侍臣受斤亡入蠕蠕,詔眷追 幽州、韶眷輔世 祖

撃蠕 蠕 叉 爲 別帥便度弟庫仁直,引師而北 安北 將軍,出鎭 北境。與平陽 王長 蠕蠕部帥莫孤率高車騎五千乘來逆,眷擊破之,斬 孫翰擊蠕蠕 別 帥阿伏干於祚山,率師 至 歌 删

保周於番禾。 後從征和龍,眷督萬騎前驅,慰喻降二千餘戶。 首千餘級。 諸軍事、安西將軍,領護羌戎校尉。 軍事、安南將軍、開府,鎭虎牢。 南道,擊昌於上邽。 眷與侍御史安頡陰謀設伏,邀擊擒昌。以功拜寧北將軍,加散騎常侍,進爵漁陽公。回 又從征 保周遁走,眷率騎追之,保周窮迫自殺。 蠕蠕。 士衆乏糧,臨淮公丘堆等督租 眷出白、黑兩漠之間,擊其東部,大獲而還。 張掖王禿髮保周之反也, 轉敦煌鎮將。 尋爲假節、加侍 於郡縣,爲昌 又擊破吐谷渾,俘三千餘口。 韶眷留鎮 徵眷與永昌王健等率師討之,破 所敗。 中、都督豫洛二州及河內 涼州, 昌 又從征赫 加都 一乘勝 督涼沙河三州 抄掠,諸將忠 連昌,眷出 眷歷鎭四

渡漠而還。 而 等評尙書事。 便旋駕,虜必疑我有內難。 高宗時,率師北擊伊吾,克其城,大獲而還。 以眷元老,賜杖履上殿。 高宗北巡狩,以寒雪方降,議還。 雖方寒雪,兵人勞苦,以經略大體,宜便前進。」高宗從之,遂 和平四年薨。 眷諫曰:「今動大衆,以威 尋拜侍中、 高宗悼惜之,贈大將軍 太尉, 進爵為 北敵,去都 證 王。 日 與太宰常英 莊 不遠,

蕃

了<u>威名並著</u>

蠕部 至鎮,上表求率輕騎五千,西入于闐, 帥无盧眞 子多侯,襲爵。多侯少有武幹,顯祖時,爲假節、 率三萬騎入塞圍鎮,多侯擊之走,以功進號征西大將軍。 兼平諸國, 因敵取資, 平定爲效。 征西將軍、領護羌戎校尉、敦煌 弗許。 後多侯獵于南山, 高 祖 鎭 初

列傳

蠕 北數十里,斬首千餘級。 蠕遣部帥度拔 入圍敦煌, 斷其還路。 因 上疏 求北取 伊吾, 多侯且前且戰,遂衝圍而入。 斷蠕蠕通西域之路。 高祖善其計 率衆出戰,大破之,追 以東作方

興,難之。 太和元年,爲妻元氏 所害。

子建,襲爵。 歷位給 事 中。 卒,無子。

建弟那,襲爵。 卒。

子範,襲。

範弟顯業,散騎常侍。 與太原公主姦通,生子彦。武定中,衞將軍、南營州 刺

肅宗時,議欲送蠕蠕主 多侯弟子慶賓,善騎射,有將略。 阿那瓌還國,慶賓上表固爭,不從。後蠕蠕遂執行臺元字,大掠 高祖 時,釋褐員 外散騎侍郎, 稍遷 左 將軍、太中 北境。 大夫。

州,又詔慶賓爲別將隸安豐 詔尚書令李崇討之,慶賓別將隸崇,出塞 王延明討之。 一而返。 尋除後將軍、肆州刺史。 元法僧之外叛,蕭衍遣 時介朱榮兵 其豫章 威 主 蕭綜鎭 漸 盛, 徐 曾

僚屬 經 肆州, `,拘慶賓還秀容,呼爲假父。後以母憂還都,尋起爲平東將軍、光祿大夫、都督,鎭汝陰 慶賓畏惡之,據城不出。 榮恨慶賓,舉兵襲之。 慶賓別駕姚 和 內應, 榮遂害慶賓

還朝,永安二年卒。 贈車騎將軍、雍州 刺史,又追加侍中、司空公。

慶賓子豹,起家員外郎。 肅宗時,行潁州事,與蕭衍將裴之禮戰歿。

豹弟瑾,武定中,東平太守。

世祖 冢,地干爲索所胃,折脅而卒。 之,即位 眷弟 見其效人舉措,忻悅不能自勝。 一、擢為庫部尚書,加散騎常侍、左光祿大夫,領侍輦郎。 地干,機悟 言有才藝,馳馬立射五的,時人莫能及。 世祖親往臨撫,哭之甚慟。 甚見親愛,參軍國大謀。 贈中領軍將軍、燕郡公,諡 太宗時,為左機令。 世祖將征平涼、試衝 地干奉上忠謹、尤善嘲笑。 世祖少而善 車 一曰惠, 以攻

贈賜豐厚。

公,

稽 子 加冠軍 長壽,幼拜散騎常侍,遷殿中右曹尚書,仍加散騎常侍。 將軍。 高宗時,除涇州 刺史。 和平五年卒。 從征劉義隆,至江。 賜爵會

子 彌眞 襲爵。 彌眞 卒, 無子。 弟狀德,襲爵。

地 干弟侯頭,襲地干職,為庫部尚書。

侯頭 弟力斤,亦以 忠 謹 聞。 歷位 御史中尉、幷州刺史,有政績。 加冠軍將軍,賜爵晉陽

侯。 卒,贈平南將軍

力斤弟焉陳,尙書、安樂侯。

不致敬,而津 古眞族玄孫 獨 長揖 丰, 不 字成興,性耿 拜。 尋 出 爲 介。 平 西將 肅宗時,爲武衞將軍。 軍 ·、東涼州刺史。EB涼州緋色,天下之最,叉送白 是時,領軍元叉秉權,百 僚莫

列

傳

第

六六〇

綾二千匹,令津染,拒而不許。 叉諷御史劾之,驛徵至京。 覆驗無狀, 還復任。 尋卒於 州,

時年五十。贈安北將軍、朔州刺史。

子儉。武定中,開府祭酒。

翰 增隆家業,青紫麾旄,亦其宜矣! 有父風,不隕先構,臨喪加禮,抑有由哉 史臣曰: 長孫肥結髮內侍,雄烈知名,軍鋒所指,罔不奔散,關張萬人之敵,未足多也。 尉眞兄弟,忠勇奮發,義以忘生。 眷威略著時,

校勘記

- 追 斬 至長城下
- __ 越 勒 部 按「勒」當是「勤」之訛,詳卷一一三校記越勒氏條。 下同,不 ·再列 舉。
- \equiv 第 八 子 觀 北史卷二〇尉古眞傳「觀」作「歡」。魏書當因避高歡 諱改。
- 껃띡 進 爵 漁陽 年 正 月 公 見「漁陽公尉眷」, 諸本「漁」作「源」。 和平四 北史卷二〇作 年五 月書「漁陽王 「漁陽王」,節去 尉眷薨」。「源陽」無此郡名,今據改。 由 公進王事。 按卷五高宗紀太
- Γ٦ Ŧī. 東 安三 涼州刺史 北史卷二〇無「東」字。 按「東涼州」無考了「東」字當是衍文。

魏書卷二十七

列傳第十五

穆崇

告太祖。 乘良馬付崇曰:「事覺,吾當以此自明。」崇來告難,太祖馳如賀蘭部。顯果疑眷泄其謀,將 居 獨 孤部,崇常往來奉給,時人無及者。 穆崇,代人也。 **|眷謂||崇曰:「顯若知之問汝者,丈夫當死節,雖刀劍別割,勿泄也。」因以寵妻及所** 其先世效節於神元、桓、穆之時。 後劉顯之謀逆也,平文皇帝外孫梁眷知之,密遣崇 **崇機捷便辟,少以盜竊爲事。** 太祖之

失,願舅圖之。」崇乃夜告太祖,太祖誅桓等,北踰陰山,復幸賀蘭部。 崇甚見寵待。

窟咄之難,崇外甥于桓等謀執太祖以應之, []告崇曰:「今窟咄已立,衆咸歸附,富貴不可

崇乃唱言曰:「梁眷不顧恩義,獎顯爲逆,今我掠得其妻馬,足以雪忿。」顯聞而信之。

囚之。

太祖爲魏王,拜崇征虜將軍。從平中原,賜爵歷陽公,散騎常侍。後遷太尉,加侍中, 列 傅 第 + Ŧī. 穆 崇

六六二

千騎赴之。未至,恭靖敗,詔崇卽鎭野王,除豫州刺史,仍本將軍 徙爲安邑公。 天賜三年薨。先是,衞王儀謀逆,崇豫焉, 又從征 高車,大勝 而還。 姚興圍洛陽,司馬德宗將辛恭靖請救, 太祖惜其功而秘之。 及有司奏諡, 徴為: 太尉,又徙宜都公。 太祖親覽諡 太祖遺崇六

法,至述義不克曰「丁」。太祖曰:「此當矣。」乃諡曰丁公。

<u>崇立祀,子孫世奉焉。</u>太和中,追錄功臣,以<u>崇</u>配饗。 白狼向崇而號,崇乃覺悟,馳馬隨狼而走。 火光,爲春妾所識,賊皆驚起。一崇求從者不得,因匿於坑中, 初,太祖避窟咄之難,遣崇還察人心。崇夜至民中,留馬與從者,乃微服入其營。 適去,賊黨追者已至,遂得免難 徐乃竊馬奔走。 宿於大 太祖異之,命 澤, 會有 有

崇長子遂留,歷顯官。 討蠕蠕有功,賜爵零陵侯。 後以罪廢。

子乙九,內行長者。 以功賜爵富城公,加建忠將軍,遷散騎常侍、內乘黃令、侍中。

諡曰靜。

除南部尚書、侍中。 子真,起家中散,轉侍東宮,尚長城公主,拜駙馬都尉。 卒,諡曰宣。 高祖追思崇勳,令著作郎韓顯宗與眞撰定碑文,建於白 後敕離婚,納文明太后 姊。

登山。

刺 曹 史。 事 賜 眞 子泰,本名石洛,高祖 例降為 爵 馮 翊 侯。 侯。 尋徵爲右光祿 遷 殿 中尙 賜名焉。 書,加散騎常侍、安西 大夫、尚 以功臣 書右 子孫,尚章 僕 射。 將 叉出 軍 武長 爲 進 使持節 爵 公主,拜 爲 公。 鎭北將軍 駙馬都 出爲 鎭南 尉, 一、定州 將軍 典 羽 刺史。 洛州 獵 几

改封

馮

翊縣

開

國侯,食邑五百戶。

進征

北

將

軍

伏誅。 州 泰 克,單馬走出城西,爲人擒送。 以禍福,於是凶黨離心,莫爲之用。。泰自度必敗,乃率麾下數百人攻煥郭門,冀以一 相 頭 自 刺史陽平王頤爲主。 扇 陳病久,乞爲恒州,遂轉陸叡爲定州,以泰代焉。 初 澄先遣治書侍御史李煥單車入代, 出其不意, 泰等驚駭, 射 了文明 誘,圖爲叛。 聲校尉元樂平, 太后幽 高祖於別室,將謀黜廢,泰 乃與叡及安樂侯元隆, 頤不從,僞許以安之,密表其事。 前彭城鎮將元拔,代郡太守元珍,鎮北將軍、樂陵王思譽等謀推 澄亦尋到,窮治黨與。 撫冥鎭將、魯郡侯元業,驍騎將軍元 切 諫 乃 泰不 高祖幸代,親見罪人,問其反狀,泰等 止 高祖 願遷都, 高祖德之,錫以 乃遣任城王澄率幷肆兵以討 計無所出。 叡 未及發而 山河, 煥曉諭 超 泰已至, 龍待 逆徒, 捷。 陽平 隆 侯 崩

子 伯智, 八歲侍學東宮, 十歲拜太子洗馬、 散騎侍郎。 **尚饒陽公主,拜駙馬都尉。**

列傳第十

Ŧi.

穆

崇

伯 智 弟士 儒,字叔賢。 徙涼州 後乃得還。 爲太尉參軍事。

子容,武定中,汲郡太守。

乙九 弟忸 頭,侍中、北部 尚書。 卒,贈司空公,諡 日敬。

子蒲 坂 ,虞曹尚書、征 房將 軍、 涇州 刺 史。 贈征 西將軍、雍州刺史、諡 日 昭

督冀相 子 殷 韶 三州 一,字 伏興, 諸軍 事、驃騎 員外散騎侍郎、 大將軍 代郡太守、 、冀州刺史、諡 征東將軍、 日文。 金紫光祿大夫。 卒, 贈使持節、

都

子遵伯,幽州司馬。

決焉 都尉 勳 贈宜 三十 將軍 臣 文武 都 Ħ. ,綰門下中 **遂留弟觀,字闥拔,襲崇爵。** 稍遷太尉。 終 王 太宗 諡 兼濟無及之者,見稱 日 怡 日 怡 親臨其 文成。 書 , 無慍喜之色。 世: 出 納 喪, 祖 世 之監 詔 祖 悲 命。 卽 慟 國 如 位 左 一,觀爲 及訪 勞謙 此 毎 右。 少以文藝知名, 舊 與羣 右 善誘,不 賜 事, 一碗,出 以 臣 未嘗 通 一談宴, 身隱 以富 則 有 統 所遺! 起 選充 未嘗不歎惜殷勤 貴 攝 金 騎 朝 內侍, 飾 漏, 政 人。 棺 入則 太宗奇 泰常 喪 太祖器之。 禮 應 八年, 對 之。 依 以 左 爲 安 暴疾薨 右, 尙 太宗 自泰常以來,佐命 城 宜 事 陽 王 無 於苑 叔 即位,爲 公 主,拜 巨 孫 細 內, 俊 故 時 皆 左衞 駙 事 年 關 馬

福於 大將 之, 虧 擢爲下 典。 後。 軍 子壽, 世 昔陳平受賞 壽 大夫。 襲爵, 祖嘉之。 辭 曰 『臣祖崇,先皇之世,屬值 少以父任選侍東宮。 敷奏機辯,有聲內外。 乃求眷後,得其孫,賜 ,歸功無知,今眷元勳 尚樂陵公主,拜駙馬都尉。 遷侍 爵郡 未 艱危,幸天贊梁眷,誠 中、中 錄 而 公。 書監 臣獨 一領南 奕世受榮, 部 尙 ì 書,進 密告,故得效功 豈惟仰愧古賢, 明敏有父風, 色爵宜都 王,加 世 前 抑亦 祖 愛 征 有 流 東 重

或

州, 令諸 子師 授,爲虜侵害,朕還斬卿。 保南山。 祖 不來,竟不設備。 分伏要害,以待虜至,引使深入,然後擊之, 別 必來犯塞,若伏兵漠南,殄之爲易。 父餕 御靜室,召壽及司徒崔浩、尚書李順, 興駕 恭宗監 餘 征 但令吾兒及我,亦足勝 惠太后不聽,乃止。 涼州, 國,壽與崔浩 其自 而吳提果至,侵及善無,京師 命壽輔恭宗, 矜 無禮 等輔政,人皆敬浩,壽獨凌之。 崔浩、李順 如此,爲時人所鄙笑。 遣司空長孫 總錄 人,不須苦敎之。」遇諸父兄弟 要機, 爲證, 股故留壯 世祖 道生等擊走之。 內外聽焉。 非虚言也。」 擒之必矣。 大駭。 謂 兵肥馬, 壽 眞君八年薨。 日 壽不 蠕蠕吳提 行次雲中,將濟河,宴諸 壽頓首受詔。 又自恃位任,以 凉州路遠,朕不得救。 使卿輔佐太子。 世祖 知 所 有 還,以 爲, 贈太尉、諡曰文宣。 如 與牧犍 僕 欲築西郭門, 隸,夫妻並坐共食,而 無 壽信 爲 大損傷,故不 連和 人莫己及。 收 1 筮之言 田 1, 今聞 卿若違 將於宮。 旣 請恭宗避 訖 朕 ·追咎。 謂 謂 股 征 便 指 其 賊 涼 世 미

六六六

子 子 伏干 · 平 國 襲 爵。 尙 尚濟北公主,拜駙馬都尉。 城陽長公主,拜駙馬都尉、侍中、中書監,爲太子 和 平二年卒, 諡 日 康。 四 無子。 輔。 正平元年卒。

伏干弟羆, 尚新平長公主, 拜駙馬都尉。 又除虎牢鎭將,頻以不法致罪。 高祖

以其勳德之胄,讓而赦之。

恩信 吐京· 寇掠 郭洛 砥礪 民悅,增秩 成威 太守劉升,在郡甚 郡 ,戶增數倍。 頭 轉 縣,羆討 拒 征 化 東 違不從。 大行 延 將 限 軍、吐京鎭將。 滅之。 ,百姓安之。 羆 羆遂上表自劾, 以 吏民懷之,並爲 自是部內肅 有 :威惠, 州民李軌、郭及祖等七百餘人、詣闕頌羆恩德。 麗賞善罰惡,深自克勵。 限滿還都, 然, 以威不攝 表請。 莫不敬憚。 胡民 下,請於 高祖皆從焉。 八 一百餘 就 後改 刑戮。 人詣羆請之。 時西河胡叛,羆欲討之,而 吐京鎭為 高祖 | 麗旣頻薦 汾州, 乃
発
洛
頭
官 升等,所部守令,咸自 前定陽令吳平仁 仍以 羆 高 祖 爲 Щ 以脈 胡 離石都將 刺 史。 劉 政 亦 什 和 有 前 婆

寧。 之反,膬與潛通,赦後事發,削封爲民。 後 尋遷都督 徴 爲 光 夏州、 祿 勳 高平鎭諸 隨例降王 軍 一為魏 事 郡 本 開 將 卒于家。 國公, 軍, 夏州 邑五 世宗時,追贈鎭北將軍、恒州刺史。 刺 百戶。 史,鎭 統萬。 又除鎭北將 又除 侍 軍、 中 燕州 一中 書 刺史, 監 穆 鎭

右僕射、俄轉侍中、驃騎大將軍。 後遷散騎常侍、車騎大將軍、左光祿大夫、兼尚書、北道行臺、幷州事。 之妹,建常依附榮。 子建,字晚興,性通率,頗好文史。 榮入洛之後,除鎭東將軍、金紫光祿大夫、征北將軍,封濟北郡開 出帝末,本將軍、儀同三司、洛州刺史。 起家 秘 書郎,稍遷直閤將 軍, 兼武衞。 元曄之立,建兼尚書 天平中,坐事自殺 建妻介朱榮 國公。

子千牙,武定中,開府祭酒。

於五原城北

建弟衍,字進興。 解褐員外郎,封新興縣開國子,稍遷通直常侍,行雲州事。

在州 拜 駙 馬都尉,封趙郡王,加侍中、征南大將軍。 未期,大著聲稱。 政尙寬簡,賑恤窮乏。被徵還朝,百姓追思之。 |羆弟虎, 字幼輔, 徵爲殿中尙書。 初字老生,早有風度。 又遷使持節、征西大將軍、西戎校尉、敦煌鎭都大 徙封長樂王。 顯祖時,起家爲侍御中散。 高祖初、除使持節、秦州刺史。 尚中山長公主,

羌所棄;彌機兄子彌承,戎民歸樂,表請納之。 子彌博立,爲吐谷渾所逼,來奔仇池。 除都督秦梁益三州諸軍事、征南大將軍、領護西戎校尉、仇池鎮將。 亮以彌機蕃欵素著, 三 矜其亡滅, 高祖從焉。於是率騎三萬,次于龍鵠,擊走 時宕昌王梁彌機 爾博凶悖,

不聞。

亮表卜爲廣業太守,豪右咸悅,境內大安。

<u></u>亮副將楊靈珍率騎擊走之。

氐豪楊卜,自延興以來,從軍征伐,二十一戰,前來鎮將, 吐谷渾,立彌承 而還。 是時,階陵比谷羌董耕奴、斯卑等率衆數千人,寇仇池,屯于陽遐嶺,

正,可謂得人。 正,以定選舉。 徵爲侍中、尙書右僕射。[三]于時,復置司州。 公卿等宜自相推舉,必令稱允。」尚書陸叡舉亮爲司州大中正 然中正之任,必須德望兼資者。 世祖時,崔浩爲冀州中正,長孫嵩爲司州 高祖曰「司州始立,未有僚吏,須立 43

州諸 軍事以討之。 時蕭賾遣將陳顯達攻陷醴陽,加亮使持節,征南大將軍,都督懷、洛、南、北豫、徐、兗六 顯達遁走,乃還。尋遷司空,參議律令。例降爵爲公。

儀,惠澤覃河海,宣禮明刑,動遵古式。以至孝之痛,服期年之喪,練事旣闋,號慕如始。 重極之尊,同衆庶之制,廢越紼之大敬,闕宗祀之舊軌。 之言,未見居喪之典。然則位重者爲世以屈己,居聖者達命以忘情。 伏惟陛下至 德參 二 喪無過瘠之紀。 用能四時不忒,陰陽和暢。 懷柔百靈。 時文明太后崩,已過期月,高祖毀瘠猶甚。 是以古先哲王,制禮成務。施政立治,必順天而後動,宣憲垂範,必依典而後行。 堯書稽古之美,不錄在服之痛, 若有過舉, 咎徵必集。 ' 亮表曰:「王者居極,至尊至重,父天 禮備諸侯之喪,而無天子之式。雖有上達 故大舜至慕, 事在納麓之前, 誠由文明太皇太后聖略超古,惠訓 孔子至聖, 母地, 統

膳,修 深 至,無 德; 見,咫尺 旣 何 人 仰 爲 至 有 則 慶,兆 欲 天 而 崇 所 休 地 不 旒 [報之德,昊天罔極,比之前代,戚爲過甚。 不 徵 郊 所子, 民賴之』,今一人過哀 冕, 祠 通 可 致,嘉應 垂 嘉禾 聖容哀毁,駭 **今**飄 叉爲萬 惠 何由 咸 風亢旱,時雨 必 秩,輿駕 而 民父母。 臻, 播 感無· 禮 殖 時 教 動, ,黎元焉繫? 止,況 子過哀, 並宣, 願 不降,實 陛 以 下上承 釋憂煩 神 孝慈兼 祇 父 由 至 誠 則 金册 一靈,而一 羣官所 備, 為 慕未濃, 博採廣諮 之慘悴; 遺訓 **豈所謂順帝之則**, 普天蒙賴, 不久虧和 以顚殞震懼,率土 幽顯 ,以導性氣, 下稱億兆之心, 父過 無威 氣, 含生幸 戚,子 也。 微 息 致 甚。」詔 則 約躬隨衆者也。 所言 所 無益之戀,行 風 爲之憂傷。 時 以 早者哉? 過哀 襲 危惶悚慄,百姓 日:: 輕 之咎,諒 服, 芍孝 **書稱**『 數 近蒙接 利 · 悌之 陛 見之 御 爲

便就 興 改 對 役 未 建 衷,省 制 卿 夫 之功, 等, 旣 尋 仰 若 領 至, 啓 惟 與 太子 仍 事 之 興 嚋 歲 增 昔 在 取 功 大人傅。 頻 悲 別 有 不 惟深悲 興, ·易,願: 日。 愧 恐民 此 時將建太極殿 殿 今欲 陛 感 力凋 乃高宗 亮。」亮 下 徙居永樂, 訊 弊。 之蓍 稽首 所制 且 引 對 龜,以定 爱歷 材幹新伐 曰:「臣 以 見羣臣於太華殿,高祖曰:「朕仰遵先意,將營殿宇, 避囂埃。 顯 可 祖, 聞 否。 爲 稽 速股 功不固, 之卜筮,載 土 叉 木 去 冲 雖 歲 · 年, 復 役 願得逾年, 受位於此。 無 作,爲 自 心,毁之能 典經 功 占占 甚 小 多 以 但 康 力,太 決疑, 不悽 事 百 來 姓。 廟 愴。 奪 古今 明 情, 高 堂 今故 祖 攸 將 尙。 年 臨 有

以

列

表 靈臺 終 晏, 一,洪 不 车 漢 穀 一, 可 受終,未央是作。 又登,爱及此時,以就 如 筮。」 卿 Ö 後必為之, 草創之初 大功。 逾年 ",猶 何盆? 尙 人 若 生定分,修短 此, **朕遠覽前王**, 況 朕 承累 命也, 聖之運, 無不 著蔡雖智,其 興 造。 屬 太平之基。 故 有 如 周 之何 創 業 且. 當 經 今 委 建

之大

分,豈

假

1

逐

移

御永

樂宮

者民 化 集 中 何 歲歲 後 如 公 ()]亮 之父 卿 與 後 食百萬 卿 於 高 對 母 朝 等 祖 堂 臨 共 曰:「所存遠 一若聽 誠 朝堂 議 而 宜 論 可 一許之。 否。」 其給 政 謂 事 亮 一途命 , 大 也, 日 亦 但 三代之禮, 實 則 今荆 無天子親臨之文。 讀奏案, 蕃 如 聖旨。」及 儲 揚 虚 不 竭。 賓 高 祖 車 日出 書軌 雖 親 鴐 得 自 視 南 戶千萬, 未 决 今因 朝, 遷,遷 之。 9 「卿等日· 自漢 方欲 叉謂 武 猶 魏 衞 親 未 亮日 中 已降, 大 成 御 之集, 將 六 軍, 司 師 徐州 禮儀 O 以 H 問 且 前 本 表 漸 罪 欲 官董攝 則 給 江 殺。 隨 卿 歸化 介。 貧 等自論 晉令 賑 中 計 $\sqrt{}$ 恤 軍 稟 有 萬 事 政 朔 卿 戶 事 投 王 望 意

況 堂 慮 一之誨 萬 廣 乘 高 且 德 車 之尊, 祖 將以 振 ·乘由 南 古 伐 首血 成 含 人,猶有奔逸致敗之害,況水之緩急, 規,於安思危,著 以亮錄 生 汙 所 車 仰, 輪 尚 而 書 帝 事 可 乃 忽乎 感 留鎭 於 而 {周 1 就 浴陽。 是 易 橋 故 是以 處則深宮廣廈,行 夫 後 高 憑險 渡小 祖 將自 非人所制 弗 水, 防 小 沒 猶 平 尙 則 面 汎 若斯 萬 脱難 不 舟 騎 弔 幸 干乘。 出慮表, 石濟, 況 匹 洪 . 夫 河 昔漢 亮 之賤, 浩汗 其 諫 如宗廟何」 帝 目 猶 有 欲 万臣 不 不 乘 自 聞 測 舟 輕, 之 渡 重

高祖曰:「司空言是也。」

· 虎頻煩固請,久乃許之。 尋除使持節、征北大將軍、 及亮兄羆預穆泰反事,亮以府事付司馬慕容契,上表自劾。 開府、儀同三司、冀州刺史。 高祖優詔不許,還令攝事。 徙封頓丘

郡開國公,食邑五百戶,以紹崇爵。

斂。 十二。給東園溫明祕器、朝服一具、衣一襲,錢四十萬、布七百匹、蠟二百斤。 贈太尉公,領司州牧,諡曰匡。 世宗卽位,遷定州刺史,尋除驃騎大將軍、尚書令,俄轉司空公。 景明三年薨,時年五 世宗親臨小

陽王 大將軍、左光祿大夫、中書監,復爲侍中,領本邑中正。 固辭,忤旨殆官。除中書令,轉七兵尚書,徙殿中尚書。 祿卿,又遷衞將軍、太常卿。 十一尙琅邪長公主,拜駙馬都尉、散騎侍郎,領京兆王愉文學。 產友。遭父憂,詔起襲爵,散騎常侍,領主衣都統。 子紹,字永業。 高 祖以其貴臣世胄,顧念之。 尋除使持節、都督冀瀛二州諸軍事、本將軍、冀州刺史,以母老 九歲除員外郎,侍學東宮,轉太子舍人。 遷秘書監、侍中、金紫光祿 遭所生憂免,居喪以孝聞。 世宗初,通直散騎常侍、高 大夫、光 又除衞

紹無他才能,而資性方重,罕接賓客,希造人門。 領軍元叉當權熏灼,曾往候紹,紹迎

列

被而 子巖 河陰之役,故得発害。 事還家。 爲給事 階 起,正色讓順曰:「身二十年侍中,與卿先君亟 而 已,時 詔喻久乃起。 中。 人歎尚之。 尋加儀同三司,領左右。 除車騎大將軍、開府、定州刺史,固辭不拜。 及靈太后欲黜叉,猶豫未決,紹贊成之。 時侍中远順與紹同直,順嘗因醉 |連職事 ,縱卿後進,何宜相排突也」」遂謝 以功加特 又除侍中, 託疾未起。 入其寢所。 進, 叉拜 其 紹 摊 次

亦 國主,待之不 班劍四十人,仍加侍中。 矯意禮之,顧謂人曰:「穆紹不虛大家兒。」車駕入宮,尋授尚書令、司空公,進虧爲王,給 莊帝立、余朱榮遣人徵之。 ·爲動膝。 獎憚其位望,致拜而還。 時河南尹李獎往詣紹。 紹以爲必死,哭辭家廟。 議者兩譏焉。 獎以紹郡民,謂必加敬,紹又恃封邑,是獎 及往見榮於邙山,捧手不拜。 榮

未發, 介朱榮之討葛榮也, 詔上黨王天穆爲前鋒, 次於懷縣, 會擒葛榮乃止。未幾,降王復本爵。 元顯入洛,以紹爲兗州刺史。 司徒公楊椿爲右軍; 行達東郡,顥敗 紹為後繼

而反。

日文獻。

月薨,時年五十二。贈侍中、都督冀相殷三州諸軍事、大將軍、尚書令、太保、 普泰 元年,除都督青齊兗光四州諸軍事、驃騎大將軍、開府、靑州 刺 史。 冀州刺史、盆 未行,其年九

子長嵩,字子岳。 起家通直郎,再遷散騎常侍。 襲臂,轉鎭東將軍、光祿 少 卿。 興 和 中

卒,贈都督冀滄二州諸軍事、征東將軍、冀州刺史。

子巖,武定中,司徒諮議參軍。

平國弟相國,官至安東將軍、濟州刺史、上洛公。

相國弟正國,尚長樂公主,拜駙馬都尉。

子平城,早卒。 高 祖 時,始平公主薨於宮,追贈平城駙馬都尉,與公主合葬。

平城弟長城,司徒左長史。

長城弟彧,符璽郎中。卒。子世恭,武定中,朱衣直閤。

子永延,尚書騎兵郎、靑州征東司馬。

正國弟應國,征西將軍、張掖公。

子度孤,襲爵。平南將軍、梁城鎭將。

子清休,頗有將略。 司農少卿、武衞將軍 、左光祿大夫。 出爲 驃騎 大將軍、夏州刺

子鐵槌,秘書郎。

列

傅

第

十五

穆

崇

應國 弟 安 (國)歷 金部 長、殿中尚書, 加右衞將軍,賜爵新平子。 爲 乙渾所殺,追贈征 虜

將

子 ,吐萬, 襲爵。 襄城鎮

子金寶、祕書郎

壽弟伏眞,高宗世,稍遷尚書,賜爵任城侯。 出為兗州刺史、假寧東將軍、 濮陽公。

子常貴,南陽太守。

所望也 時 司 徒陸麗在代郡溫湯療病,渾忌之,遺多侯追 伏眞弟多侯, 去必危, 歷位殿中給事、左將軍, 宜徐歸而圖之。」麗不從, 賜爵長寧子。 遂爲渾所害,多侯亦見殺。 麗。 多侯謂麗曰「渾 遷司 衞 監。 有無君之心, 高宗崩, 諡曰烈。 乙渾 子胡兒 大王衆 專權

觀 弟翰、平原鎭將、西海王。

子龍仁,襲爵,降爲公。

子豐國,襲爵

實 頗 以 **漢慚屈。**」 損 豐 焉。 國弟子弼,有風格,善自位置。 ||高祖曰:「朕欲敦厲胄子,故屈卿光之。〔8〕白玉投泥,豈能相汚。]||兩曰:「旣遇明 高祖初定氏族,欲以弼爲 國子助敎。 涉獵經史,與長孫稚、陸希道等齊名於世,矜己陵物, 丽 一辭曰:「先臣以來,蒙恩累世,比校徒流,

角

追 州 令。 之。 時 拜 羌 耻 E 平 却 因 沉 西 鐵 數 爲 泥 將 忽 高 有 軍 反 匡 祖 諫 所 會 華 云 之益 知 州 司 敕 州 刺 兼 興駕 史。 牧 黄 世 門, 宗 咸 南 卒 善之。 陽王 征 於州 慰喩 禧 特 忽。 除 時 敕 入 年 中 隨 高 以 書 從 五 祖 功 舍 + 謂 加 人 世 禧 前 宗 0 轉 日 將 初 贈 司 軍 , 使 股 州 除 持 賜 治 與 尙 節 卿作 以 中 書 征 錢 郞 別 州 北 帛 ٠, 駕 將 都 以 軍 歷 選 尋 繑 以 任 定 本 有 廣 州 主 將 平王 稱 海 刺 軍 史 懷 行 肅 刨 宗 諡 揚 國 命 日 州 時 郎 酮 懿 謁 中 泂 ,

之。 樂 侯 遷 翰 侍 弟 釐 顗 郞 忠 殿 謹 中 有 將 材 力。 軍 , 賜 太宗 爵 泥 時 陽 爲 子。 中 散 從 征 轉 侍 和 龍 御 郎 功 0 超 從 諸 肚 將 祖 拜 征 赫 司 連 衞 監 昌 加 勇 龍 冠 驤 時 將 軍 世 進 祖 舒

長

子

季

齊

釋

褐

司

徒

參

軍

事

開

府

騎

兵

參

軍

將 之。 徴 後 曾從 拜 從 殿 駕 世 中 祖 西 尙 征 田 書 於 白 嵉 龍 出 Щ 鎭 北 5 涼 討 有 州 虎 蠕 蠕 突 所 出, , 在 以 著 顗 功 稱 搏 加 散 而 還 騎 獲 加 常侍 之。 散 騎 世祖 常 鎭 侍 北 歎 將 日 領 軍 太 詩所謂『 倉 進 尙 簡 書 建 安公 有 力 如 虎 出 وأ 爲 顗 北 鎭 乃

都

渦

高 祖 高 叉 宗 以 顗 時 著 爲 勳 征 前 西 朝 大 徴 將 爲 軍 內 督 都 諸 大官 軍 事 , 天安元 西 征 吐 年卒 谷 渾 贈 出 征 南 西 道 大 將 坐 軍 摼 賊 建 安 不 進, Ŧ 免 諡 官 日 康 爵 徙 邊

列

子寄生,襲。

寄生弟栗,凉州鎮將、安南公。

子 祁,字願德。 通直常侍、上谷河內二郡太守、 司州治中、 太子右衞率。 卒, 贈齊州

刺史。

子景相,字霸都。中書舍人、上黨太守

栗弟泥乾,爲羽林中郎,賜爵臨安男。 後稍歷顯職, 除冀州刺史, 假安南將軍、 鉅鹿

公。卒。

子渾,襲舒。祕書中散。

子令宣,通直常侍。

崇宗人醜善,太祖初, 率部歸附,與崇同心勠力,禦侮左右。 從征窟咄、劉顯、破平之。

又從擊賀蘭部,平庫莫奚。拜天部大人,居於東蕃。 卒。

子吐,太宗世,散騎常侍。 子莫提,從平中原,爲中山太守。 卒於侍中、鎭東將軍 除寧南將軍、相州刺史,假陽陵侯。

子敦,輔國將軍、西部都將。賜爵富平子。卒

子純, ,襲爵。 歷散騎常侍、光祿勳。 高祖時,右衞將軍,尋除右將軍、河州刺史。 卒,贈

鎭北將軍、幷州刺史。

子盛,襲爵。直閣將軍。

盛弟裕,輔國將軍、中散大夫。

裕子禮,東牟太守。

禮弟略,武定末,魏尹丞。

|純弟饑,歷東宮庶子、汲郡太守。 世宗時,爲懷朔鎭將,東、北中郎將,豳、幽 、涼三州刺

在公以威猛見稱。

卒時年七十四,贈

散騎常侍、征東將軍、相州刺史、諡曰安。

肅宗世,除平北將軍、幷州刺史、金紫光祿大夫。

史。

子顯壽,長水校尉。

顯壽弟顯業,卒於散騎侍郎。

位,以攝儀曹事,封高唐縣開國男,邑二百戶。 子子琳,舉秀才,爲安戎令,頗有吏幹。 隨長孫稚征蜀有功,除尚書屯田 孝靜初,鎭東將軍、司州別駕。 郎中。 以占奪民田, 出帝即

安北將軍、肆州刺史、封高車王、招慰夷虜、表子琳爲去賓長史、復其前封。 免官爵。 久之,阿至羅國主副羅越居爲蠕蠕所破,[+] 其子去賓來奔。 齊獻武王奏去賓爲 尋遷儀同開府

長史、齊獻武王丞相司馬。 卒時年五十三,贈驃騎大將軍、都官尚書、瀛州刺史。

子伯昱。弟朏,武定中,開府中兵參軍

入為司徒司馬、大將軍從事中郎、中書舍人。 武定六年卒。 子琳弟良,字先德。 司空行參軍、將作丞、司徒祭酒、安東將軍、南鉅鹿太守。 贈征東將軍、徐州刺史。 頗有民

烈顯達,亮寬厚致位,紹立虛簡之操,砌有風格之名,世載不隕,靑紫兼列,盛矣。 主之於勞臣,不亦厚矣!從享廟庭,抑亦尚功之義。 貴終,羆止削廢,人之無禮,爲幸蓋多。 史臣曰:穆崇夙奉龍顏,早著誠節,遂膺寵眷,位極台鼎;至乃身豫逆謀,卒蒙全護,明 醜之子孫,不乏名位,亦有人哉 觀少當公輔之任,業器其優乎? 至於壽以 題 壯

校勘記

崇外甥于桓等謀執太祖以應之 北史卷一五窟咄傳作「桓」。册府此條採自穆崇傳,却也作「桓」。知「植」字訛,今據册府改。下 六頁作「桓」。按卷二太祖紀記此事百衲本、南本作「桓」,他本作「植」。北史卷一魏紀一、本書及 諸本及北史卷二○穆崇傳「桓」都作「植」。册府卷一三四一六·

同。

- 蕃欵素著 謂作爲 「藩臣」的「忠誠」態度素著,「教」字訛,今據改。 諸本「欵「作「教」。冊所卷三五三四一九二頁作「欵」。按「欵」是「欵服」「誠欵」之意,意
- 徵爲侍中尚書右僕射 北史卷二〇「右」作「左」。按卷七上高祖紀太和十二年四月、十二月並
- 見「左僕射穆亮」。疑作「左」是。
- 於此官有光,今從百衲本。 故屈卿光之 南、北、殿、局四本「光」作「先」、百衲本、汲本作「光」。按這是說穆觀當國子助教,
- <u>≠</u> 北史卷一九有傳、「高」字顯訛、今據改。 以選為 廣平王懷國郎中令 諸本「廣」作「高」,北史卷二〇作「廣」。按廣平王懷,本書卷二二、
- 書三朝本屢見「傍乞鐵忽」、殿本也常訛作「忽」。今據紀改。 河州羌却鐵忽反 「忽」。卷四一源賀附源子恭傳作「忽」, 諸本「忽」作「忽」。卷九肅宗紀神龜元年、卷一〇五之四天象志四記此事作 而北史卷二八源子恭傳作「忽」。按却鐵忽乃羌人名。 }周
- -至羅」,今據册府改。 「阿」。按北史卷六齊紀上,北齊書卷一神武紀上補永熙二年、卷二神武紀下補武定三年並見「阿 阿至羅國主副羅越居為蠕蠕所破 百衲本「阿」作「河」,他本作「何」,册府卷七二八八六六〇貞作

魏書卷二十八

列傳第十六

和跋 奚牧 莫題 庾業 延 賀狄干 李栗 劉 潔

古弼 張黎

常山 跋。 門 雅 拒 有 王遵 :智算。 跋逆擊, 守。 慕容德使兄子和守滑臺,和長史李辨殺和, 和跋,代人也,世領部落,爲國附臣。 跋使 率衆 頻使稱旨,拜龍驤將軍。 大破之, 尚 五萬,討賀蘭部別 書郎鄧暉說之,辨乃 擒其將士千餘 帥木易于,破之。 開門。 未幾,賜爵日南公。 人而還。 跋以才辯知名,太祖擢爲外朝大人,參軍國大謀, 跋 於是陳願之民,多來向 入,收其府 求援於跋。 出爲平原太守。 從平 藏。 跋 率輕騎赴之。 中原,以功進爲尚書,鎭鄴 德聞之, 化。 遣將率三千騎, 改封定陵公。 旣至,辨悔,閉 與

太 列 傅 寵 第 遇 + 跋,冠於諸將。 六 和 跋 時羣臣皆敦尚恭儉,而跋好修虛譽,眩曜於時, 六八一 性尤奢淫, 太

散。 之,羣下僉言跋世居此土,祠 修。」令之背已曰:「汝曹何忍視吾之死也」」毗等解其微意,詐稱使者,亡奔長安,追之不 太祖怒, 其諸弟毗 膩 戒之,弗革。 後世 遂誅 祖 等視 蒐狩之日,每先祭之。 其家。 決,跋謂 後車駕北狩豺山、收跋、刑之路側。 後世 毗曰:「灅北地瘠,可居水南,就耕良田,廣爲產業,各相 祖 西巡五原,回幸豺 冢 猶 存,其或者能 致斯變。 山 校 獵, 妻劉氏自殺以從。 忽遇暴風,雲霧 帝遣建 興公古弼祭以三牲,霧 初, 四塞。 將刑 勉 世 跋, 勵 一祖怪 務自 太祖 卽 而 及。 除 問 纂 命

節 爵 冠 高 陽侯。 少子歸,從征赫連昌有功,拜統萬將軍,賜爵成皐男。 軍將 軍、雍 後以罪徙配 城鎮都大將、高陽侯。 涼州 爲民。 蓋吳作亂於關 卒。 中,復拜歸龍驤將軍往討之。 與西平公安頡攻虎牢,拔之。 還,拜使持

進

度, 襲爵。 尙 書都官郞 昌 平太守。

度子 延穆, 司 州部郡 從 事 ,早卒。

子 安 武定 末,給 事黃門 侍 鄎

潛使牧 **奚牧,代人也,重厚有智謀。** 與穆崇至七介山 以告,語在崇傳。 太祖 **寵遇之**, 太祖錄先帝舊臣,又以附告顯之功,拜 稱之日 一仲兄。 初, 劉顯謀害 太祖 梁眷 爲治民 知 其

長,敷奏政事,參與計謀。

責 軍 、興侵邊不直之意。 功拜幷州 太祖 征慕容寶,加輔 刺史,賜爵任城公。 興以與國通和,恨之。 國將軍,略地晉川,獲寶丹陽王買得及離石護軍高秀和 州與 姚 興接界,興頗寇邊,牧乃與興書,稱頓首,鈞 有言於太祖,太祖戮之。 於平陶。以 禮抗之,

柳公,進號左將軍,改爲高邑公。出除中山太守,督司州之山 順曰:「此大事,不可輕爾,宜審待後要,不然禍將及矣。」順乃止。 人驚駭。 莫題,代人也,多智有才用。 遂有亡還京師者,言官軍敗於相肆,京師不安。 初爲幢將,領禁兵。 太祖之征慕容寶也, 南安公元順因之欲攝國 東七 郡 以功拜平遠將軍,賜爵扶 事 寶夜來犯營,軍 事。 題謂

上黨太守捕頗,斬之。 車駕征姚興,次於晉陽,而上黨羣盜秦頗、丁零翟都等聚衆於壺關,詔題帥衆三千以討 都走林慮。詔題搜山窮討,盡平之。

興太守。 則人主。 「三歲犢豈勝重載」,言窟咄長而太祖少也。 初,昭成末,太祖季父窟咄徙于長安。 太祖乃使人示之箭,告之曰:「三歲犢,能勝重載不。」題奉詔,父子對泣,詰朝 登國初,劉顯遣弟亢埿等迎窟咄, 苻堅敗,從慕容永東遷。 寇南鄙。 太祖旣銜之。 題時貮於太祖, 天賜五年, 及永自立,以窟咄爲新 遺箭於窟咄, 有告題居處倨傲, 謂 之目 擬

列

刑之。

得其資 謹 內 ,善處危難之間,太祖喜之。 侮 庾 用。 業延,代人也,後賜名岳。 事 ,難之間,收斂畜產,富擬國君。 以和辰為內侍長。 與王 和辰 其父及兄和辰,世典畜牧。 |建等俱爲外朝大人,參預 分別公私舊畜,頗不會旨,太祖由是恨之。 劉顯謀逆,太祖外幸, 軍國。 稍 和辰 轉中部大人。 奉獻明太后歸太祖,又 昭成崩,氐寇 岳獨恭慎修

援, 岳 太祖旣絕慕容垂,以岳爲大人,使詣慕容永。 與陳留 王虔以五 萬騎東渡河救之,次於秀容,破山胡部高車門等,徙其部落。會永滅, 永服其辭義。 垂圍永於長子, 永告急求

乃班師。

從平

中原,拜安遠將軍

千,討 等, 黨 張 超、清 反 殄之, 於陰館。 官 破 軍 之,斬鐵擒崇, 泂 之驚於 百 太守傅世,並破 姓乃安。 南安公元順討之, **栢肆也**,賀蘭部 離石胡帥呼延鐵、西河 搜山 平。 窮討,散其餘黨。 以后 帥附力眷、紇突隣部帥匿物尼、紇奚部帥叱奴根等聞之,聚 不克,死者數千人。太祖聞之,詔岳率萬騎,還討叱奴根 爲鄴行 臺。 胡帥張崇等不樂內徙, 以功 親爵西昌公,進號征虜將軍。 聚黨反叛。 岳 叉討反人 率騎三

岳爲將有謀略,治軍淸整,常以少擊多,士衆服其智勇,名冠諸將。 及罷鄴行臺,以所

不受,曰:「果未進御,吾何得先食。」其謹如此。 統六郡置相州,即拜岳爲刺史。 公廉平當,百姓稱之。 後遷司空。 舊有園 岳兄子路有罪,諸父兄弟悉誅, 池, 時果初熟, 丞吏送之,岳

特赦岳父子。

赫連氏,經其墓宅,愴然動容,遂下詔爲立廟,令一州之民,四時致祭。 者,得其子陵。從征有功,聽襲爵。 太祖時旣不豫,多所猜惡,遂誅之。 天賜四年,詔賜岳舍地於南宮,岳將家僮治之。 時人咸寃惜焉。 候官告岳衣服鮮麗,行止風 岳葬在代西善無之界。 求其子孫任 後世祖討 采,擬儀 爲將帥

路,皇始初,從征慕容寶,爲城門校尉。 遷司隸校尉。 爵高平公而誅

賀狄干,代人也。 家本小族,世忠厚,爲將以平當稱。 稍遷北部大人。 登國初,與長孫

嵩爲對,明於聽察,爲人愛敬。

陽,太祖討平之,擒其將狄伯支、唐小方等三十餘人。〔〕天賜中,詔北新侯安同送唐小方於 社崘馬。 太祖遣狄干致馬千匹,結婚於姚萇。 後蠕蠕社岭與興和親,送馬八千匹。始濟河,赫連屈孑忿興與國交好,乃叛興,邀留 興乃遣使,請以駿馬千匹贖伯支而遣狄干還。 會萇死興立,因止狄干而絕婚。 太祖意在離間二寇,於是許之。 興弟平率衆寇平

列

功臣 類羌俗,以爲慕而習之,故忿焉,旣而殺之。 ,狄干雖爲姚興所留,遙賜爵襄武侯,加秦兵將軍。 狄干在長安幽閉,因習讀書史,通論語、尚書諸經,舉止風流,有似儒者。 及狄干至,太祖見其言語衣服,有 初,太祖普封

弟歸,亦剛直方雅。 與狄干俱死

非戚舊,當世榮之。 在元從二十一人中。 至,莫不降下。 栗性簡慢,矜寵,不率禮度,每在太祖前舒放倨傲,不自祗肅,咳唾任情。 李栗,雁門人也。 遷左將軍。 數有戰功, 拜左軍將軍。 太祖愛其藝能。時王業草創,爪牙心腹,多任親近,唯栗一介遠寄,兼 昭成時,父祖入國。少辯捷,有才能,兼有將略。初隨太祖幸賀蘭部, 慕容寶棄中山東走也,栗以輕騎追之,不及而還 太祖征慕容寶,栗督五萬騎爲前驅,軍之所 太祖積其宿

過,天興三年遂誅之。於是威嚴始厲,制勒羣下盡卑謙之禮,自栗始也

入朝。 劉 賜 潔,長樂信都人也。 以妻,生子。父提,太祖時,官至樂陵太守,賜爵信都男。 祖父生,頗解卜筮。 昭成時,慕容氏來獻女,爲公主家臣,仍隨 卒。

潔 性强力多智,數從征討有功,進爵會稽公。 河西胡張外、建興王紹等聚黨為逆,潔與

離 永 安 胡 侯 魏勤 出 以眷引 率衆三千人, 屈丐騎,斷截 屯于西河 山嶺邀潔,潔失馬,登山力戰, 以鎭 撫之。 又 與勤及功勞將軍元屈等擊吐京叛胡。 矢刃 俱 盡, 爲胡 所執, 送詣 莊 屈

丐。 潔 聲 氣不 撓,呼其字而與之言,神色自若。 屈丐壯而釋之。 後得還 國,典 東部 事

者,又獻直言,所在合旨,奇其有柱石之用,委以大任。 太宗寢疾,世 祖 監國 ,潔與古弼等選侍東宮,對綜機要,敷奏百揆。 及議軍國,朝臣咸推其能。 世 祖 即位,以 於是超 告反

遷尙書令,改爲鉅鹿公。

州 馮跋 原奏,欲及河冰未解,徙之河西,冰解之後,不得北遁。 死。 三萬餘落於河西,西至白鹽池。 久,有似園中之鹿,急則衝突,緩之則定。 吾自處之有道,不煩徙也。」
潔等固執,乃聽 請收田 潔與侍中古弼屯五原河北,左僕射安原屯悅拔城北,備之。旣而新民數千騎北走, 世 世祖 祖破蠕蠕大檀于雲中,潔言於世祖曰:「大檀恃衆,雖破膽奔北,恐不懼往敗,將復送 走者糧絕,相 不從。 · 訖,復一大舉,東西並進,爲二道討之。」世祖然其言。 敕勒新民以將吏侵奪,咸出怨言, 枕 而 新民驚駭,皆曰「圈我於河西之中,是將殺我也」,欲西走涼 期牛馬飽草,當赴漠北。 世 祖曰:「不然。 後大議征討,潔言宜 此等習俗,放散 潔與左僕射安 一先平 分徙 日

時 南 州大水,百 姓阻飢。 |潔奏曰:「臣聞天地至公,故萬物咸育; 帝王無私,而黎民戴

大八七

所洽, 賴。 租 食他 討,服勤 難旣平,皆蒙酬錫,勳高者受爵, 如 **、**,人神協暢,若與**兆**民共饗其福, 伏惟陛 無遠不懷,太平之治,於是 農桑,以供軍 臣聞 下 率 以 (神武 土之濱,莫非王臣,應加 、之姿,紹重光之緒,恢隆大業,育濟羣生。 ·國,實經世之大本,府庫 而 功卑者獲賞, 在。 則惠處和氣, 自頃邊寇內 哀矜,以 之所資。 寵賜 鴻 蒼生悅樂矣。」 侵,戏 覆育。 優崇, 自 山以東,偏 車屢駕,天資聖明 有過古義。 今南摧 世祖從之,於是復天 威之所 强 遇水 寇, 而 振, 西敗 郡 害, 無思 或 ,所在克 一之民, 頻 醜 年不 虜, 不 服, 下 雖不 四海 收 澤之 歲 征 晏 就 方

鼓却 簡 駕 進 帥 一日 兵六千,將以戍 以示 西伐,潔 陳, 潔 隴 王 與樂平王丕督諸軍取上邽。 故後 一威, 土新民,始染 爲 前鋒。 潔不 軍 不進,董來得 姑臧 聽。 沮 大化, 渠 撫慰秦隴,秋毫 牧犍 胡 不 宜賜 入城。 弟董來率萬餘 從命,千餘 優復以饒實之。 軍至啓陽,百姓爭致牛酒。 世祖 無犯,人皆安業。 人叛走。 微嫌之。 人拒戰於城 。兵馬足食, 潔與崇擊誅之,虜男 後潔 與 南。 世祖 建寧王崇督諸軍,於三城胡部 潔信 然後 將 潔至上邽,諸將 發隴 卜者之言, 可用。」 右 女數千人。 騎 世 卒 東伐· 祖 日辰 咸欲斬其 深 高 納 不 之。 麗。 協, 擊 潔 車

欲、言於世祖曰:「虜非有邑居、遷徙無常、前來出軍、無所擒獲、不如廣農積穀 潔朝 夕在 樞 密,深 見 委任,性旣 剛 直 恃 寵 自 專。 世祖 心稍 不 平。 時議 伐 ,以待其來。」 蠕蠕 潔 意

羣 臣 皆從 其議。 世祖 決行,乃問於崔浩, 浩固言 更期, 可伐。 故諸 將不至。 世祖 從 浩議 時虜 衆大亂, 旣 出, 與諸 恭宗欲擊之, 將期會鹿

渾谷。 潔 歸 次漠中,**糧盡,士卒多死**。 罪於崔浩。 執不可,語在帝紀。 而 潔恨其計不用,欲沮諸將,乃矯 世祖曰:「諸將後期,及賊不擊,罪在諸將,豈在於浩。」浩又言潔矯詔 停鹿渾谷六日,諸將猶不進。回賊已遠遁,追至石水,不及而還。 潔陰使人驚軍, 詔 勸世祖棄軍輕還, 世祖 不從。 潔以軍行無 、功,奏 師

發。輿駕至五原,收潔幽之。

張嵩 ||求圖讖,問:「劉氏應王,繼國家後,我審有名姓否?」||嵩對曰:「有姓而無名。」窮治款引, 世祖之征也,潔私謂親人曰:若軍 潔與南康公狄隣及嵩等,皆夷三族,死者百餘人。 出無功,車駕不返者, 吾當立樂平王。」 潔又使右丞

搜嵩家,果得讖書。 國者,聚斂財貨,與潔分之。籍其家產,財盈巨萬。 潔旣居勢要,擅作威福,諸阿附者登進,〔三〕忤恨者黜免,內外憚之,側目 世祖追忿,言則切齒 而

視。

拔城破

敏 正著稱。太宗嘉之,賜名曰筆,取其直而有用,後改名啊,言其輔佐材也。 古朔,代人也。 少忠謹,好讀書,又善騎射。 初爲獵郎,使長安, 稱旨, 轉門下奏事,以 **令**酮典西部,

列傳第十六 古驹

與

劉潔等分館機要,敷奏百揆

從 南 來 救, 征 部 赫 奏 世 與酮等相遇 連定。 事 祖 刨 與安原 位 駕至 以功拜 , 所偽 平涼, 降 東部 立 退 節 高 以 次于涇南 將軍 、誘之。 車於巳尼陂。 賜 爵 世 震壽! 祖 遺 使 丽 與侍 又與 侯。 髙 車 征幷州 敕勒 劉 中張黎擊平涼 潔 馳擊定, 屯 叛胡。 五 原 河北,以 斬首 還, o 赫連定自安定率步騎二萬 數 進爲 千級。 備 侍 叛 民。 中 丽 吏 乘 拜 部 安西 勝 尙 取 安定 將 典

甲 城 高 启 門 麗 奔。 中 以 叉 引 與永 高 其 官 麗 精 昌王 救至,文通 軍 卒 皆 及高麗 一健等計 怨 **两疑古埿譎詐,不入城。** 不擊。 陳兵於外。 將東奔,民多難之。 馮文通。 世 祖 大怒, 文通 丽 部 嬰 微還, 將 城 高 高 其大臣古埿, 固 荷子 麗 、黜爲 守, 軍 至, 率 丽 騎 **芟其禾而** 文通 衝擊賊軍 河門卒。 因 乃隨之。 民心之不欲, 還。 可,阿 後 酒醉, 文通 又征 之奔 逐率 文通 拔刀 也, 止之, 衆攻文通,開 文通 令婦 放文 求救於 人 通 被

議 征 涼 尋 州 復 爲 丽 侍 與順 中, 與尙 咸言涼州乏水草,不宜 書李 順 使于 涼州 ō 行師。 拜 安 西 世 將軍,賜 祖 不從。旣克 爵 建 興公,鎭長安, ,姑臧,微嫌之,以其有將略, 甚著威名。 及

得

東

將

士

弼

廣

夏

故

弗

之

也。

仇 池 西將軍元齊邀崇之於濁水,臨陣擒之, 劉 立 義 楊玄 隆 遭 庶子 將 裴 保熾 方明 等擊南秦王楊難當 於是假 弼 節 督 隴 難 其衆走還漢中。 右 諸 當 軍 遣使請 義 隆 救 遣 兵。 丽 其 等從 秦 未 州 至, | 解郊 刺 難 史 胡 當 Щ 南 奔 崇之屯 上邽, 入, 與東道 仇 方明 池, 將 克 彌

練甲,蓄力待之。不出秋冬,南寇必來,以逸待勞,百勝之策。」豹子乃止。世祖聞之,曰:「弼 軍,恐彼君臣未體大分,耻其負敗,或來報復。 走漢川。 未幾,諸氐復推楊文德爲主,圍仇池。 時又雪深,用馬不便,皆遲留不進。 皮豹子等討仇池,遣永安侯賀純攻義隆,塞狹道。 之言,長策也。 時豹子督關中諸軍次於下辨,聞仇池圍解,議欲還軍。 制南秦,弼謀多矣。」 弼獨 所發上邽、高平、 济城諸軍討之, 同 仇池圍解 進軍,使元齊、賀純等擊狹亭,道祖南走, 若其班師,寇衆復至,後舉爲難。 守將姜道祖退守狹亭。諸將以山 **爾使謂豹子曰:「比連破賊** 不如繕兵 道嶮 仇池平。 文德

之事,功名等於張黎而廉不及也。 之勤,賜帛千匹、綿千斤。遷尙書令。 恭宗總攝萬幾,徵爲東宮四輔,與宜都王穆壽等並參政事。 **|** | **|** | **|** | **|** | **|** | **|** | **|** | **|** | **|** | **|** | **|** | **|** | **|** | **|** | **|** | **|** | **|** | **|** | **|** | **|** | **|** | **|** | **|** | **|** | **|** | **|** | **|** | **|** | **|** | **|** | **|** | **|** | **|** | **|** | **|** | **|** | **|** | **|** | **|** | **|** | **|** | **|** | **|** | **|** | **|** | **|** | **|** | **|** | **|** | **|** | **|** | **|** | **|** | **|** | **|** | **|** | **|** | **|** | **|** | **|** | **|** | **|** | **|** | **|** | **|** | **|** | **|** | **|** | **|** | **|** | **|** | **|** | **|** | **|** | **|** | **|** | **|** | **|** | **|** | **|** | **|** | **|** | **|** | **|** | **|** | **|** | **|** | **|** | **|** | **|** | **|** | **|** | **|** | **|** | **|** | **|** | **|** | **|** | **|** | **|** | **|** | **|** | **|** | **|** | **|** | **|** | **|** | **|** | **|** | **|** | **|** | **|** | **|** | **|** | **|** | **|** | **|** | **|** | **|** | **|** | **|** | **|** | **|** | **|** | **|** | **|** | **|** | **|** | **|** | **|** | **|** | **|** | **|** | **|** | **|** | **|** | **|** | **|** | **|** | **|** | **|** | **|** | **|** | **|** | **|** | **|** | **|** | **|** | **|** | **|** | **|** | **|** | **|** | **|** | **|** | **|** | **|** | **|** | **|** | **|** | **|** | **|** | **|** | **|** | **|** | **|** | **|** | **|** | **|** | **|** | **|** | **|** | **|** | **|** | **|** | **|** | **|** | **|** | **|** | **|** | **|** | **|** | **|** | **|** | **|** | **|** | **|** | **|** | **|** | **|** | **|** | **|** | **|** | **|** | **|** | **|** | **|** | **|** | **|** | **|** | **|** | **|** | **|** | **|** | **|** | **|** | **|** | **|** | **|** | **|** | **|** | **|** | **|** | **|** | **|** | **|** | **|** | **|** | **|** | **|** | **|** | **|** | **|** | **|** | **|** | **|** | **|** | **|** | **|** | **|** | **|** | **|** | **|** | **|** | **|** | **|** | **|** | **|** | **|** | **|** | **|** | **|** | **|** | **|** | **|** | **|** | **|** | **|** | **|** | **|** | **|** | **|** | **|** | **|** | **|** | **|** | **|** | **|** | **|** | **|** | **|** | **|** | **|** | **|** | **|** | **|** | **|** | **|** | **|** | **|** | **|** | **|** | **|** | **|** | **|** | **|** | **|** | **|** | **|** | **|** | **|** | **|** | **|** | **|** | **|** | **|** | **|** | **|** | **|** | **|** | **|** | **|** | **|** | **|** | **|** | **|** | **|** | **|** | **|** | **|** | **|** | **|** | **|** | **|** | **|** | **|** | **|** | **|** | **|** | **|** | **|** | **|** | **|** | **|** | **|** | **|** | **|** | **|** | **|** | **|** | **|** | **|** | **|** | **|** | **|** | **|** | **|** | **|** | **|** | **|** | **|** | **|** | **|** | **|** | **|** | **|** | **|** | **|** | **|** | **|** | **|** 詔以剛保傅東宮,有老成

床 遇 股躬, 樹何罪。置之 」 阿具狀以聞。 世祖奇 阿公直, 皆可其所奏, 以写百姓。 而 逞其志於君前者,非無罪也。」乃詣公車,冤冠徒跣,自劾請罪。 ,以手搏其耳,以拳毆其背曰:「朝廷不治,實爾之罪」」世祖失容放碁曰:「不聽奏事,實在 世祖與給事中劉樹碁,志不聽事。 上谷民上書,言苑囿過度,民無田業,乞滅太半,以賜貧人。 啊覽見之,至入欲陳奏, 弼侍坐良久,不獲申聞。 乃起,於世祖前捽樹頭,掣下 世祖遣使者召之。及至,

列

傅第十

六

古頸

+ 八 六九二

世 自 一个以後,苟利社稷,益國便民者,雖復顯沛造次,卿則爲之,無所顧 祖 百二 卿其冠 履。 吾聞築社之役,蹇蹙而築之,端冕而事之,神與之福。然則卿有 也。 何罪?

世祖 波所耗,朝夕參倍, 乞賜矜緩, 使得收載。」世祖謂左右曰:「筆公果如朕所卜, **弼屬官惶怖懼誅。** 運之速。」遂還。 麋鹿數千頭,詔尙書發車牛五百乘以運之。 實,爲不虞之遠慮。 态逸,其罪大也。 頭 奴,敢裁量朕 聞 世 祖 而歎曰:「有臣如此,國之寶 大関, 也 將校獵於河西。 行百餘里而 今北狄孔熾,南虜未滅,狡焉之志, ! 朕還臺,先斬此奴。」 | 胸頭尖, **顾告之曰:「吾以爲事君使畋獵不適盤遊,其罪小也。** 苟使國家有利,吾何避死乎!明主可以理干,此自吾罪,非卿等之咎。」 弼表至,曰:「今秋穀懸黃,麻菽布 爾留守, 也 ! 賜衣一襲、馬二匹、鹿十頭。 詔 以肥馬給騎人, 世 祖 尋謂從者曰:「筆公 世祖常名之曰筆頭,是以時人呼爲筆公。 窺伺 邊境,是吾憂也。 爾命給弱者。 野,猪鹿竊 後車 必不 不備 駕 食, 與我,汝輩不 世祖大怒曰「尖 殿於山 故選肥 鳥雁 不虞,使戎寇 可謂社稷之 侵費, 【北,大 馬 備 如 獲 風 軍

留文德 初,楊難當之來也,詔弼悉送其子弟於京師。 而 遇之無禮,文德亡入劉 義隆。 世祖 以 其正 楊玄小子文德,以黃金四十斤賂剛,剛受 直有 戰 功, 弗加罪責 也。

世祖崩,吳王立,以關爲司徒。 高宗卽位,與張黎並坐議不合旨,俱免,有怨謗之言。其

張 黎, 雁門平原人也。[8] 善書計, 太祖知待之。 太宗器其忠亮, 賜爵廣平公,

機要。

定功 黎與 之日,家無餘 7,進號 侍 勳。」恭宗薨於東宮,黎兼太尉,持節奉策諡 司空道生拒擊之。 世 中廣平公黎、東郡公浩等、保傅東宮、有老成之勤、朕甚嘉焉。 祖 以其功舊,任以輔弼,除大司農卿,軍國大議,黎常與焉。 征 財。 北大將軍。與樂安王範、濟南公崔徽鎭長安,「刊清約公平,甚著聲稱。 世 祖詔黎領兵一萬二千人,通莎泉道。 恭宗初總百揆,黎與東郡公崔浩等輔政,忠於奉上,非公事 焉。 車駕征凉州,蠕蠕吳提乘虛 加鎭北將軍。以征 其賜布帛各千匹,以 不言。韶 入寇, 代下 赫連

吳王余立,以黎爲太尉。 後以議不合旨,免。仍與古弼並誅。

遠略 誅 滅 史臣 正 一情,有: 岳 日一和跋、奚牧、莫題、賀狄干、李栗、劉潔等,並有忠勤征伐之効,任 見紀危難 柱石之量。 之中 - , 受事: 張黎誠謹兼方,功舊見重。 草創之際,智勇旣 中, 功名尤舉,乃良將 纖介之間,一 朝殞覆,宥 之材。 遇 及十世, 丽 仍優。 謀軍 輔國。 乃徒 俱至

列

言爾,惜乎

校勘記

擒其將狄伯支唐小方等三十餘人 北史卷二〇賀狄干傳「三十」作「四十」。按卷二太祖紀天興

五年十月、卷九五姚萇傳都作「四十」,此傳「三」字訛。

[] 諸將猶不進 北史卷二五劉潔傳「進」作「集」,當是。

諸阿附者登進 諸本「進」訛「長」、不可通、今據册府卷三三八四〇〇〇頁改。

酮發上邽高平汧城諸軍討之 諸本「济」作「沂」、册府卷四二八五〇九八頁作「峅」、通鑑卷一!!

济縣故城,在今陝西隴縣,地當隴砥要道,卷四下世祖紀下太平眞君六年十一 四三九〇〇頁作「蝌」。胡注:「『蝌城』意當作『汧城』。」按秦隴一帶無「沂城」,或「峅城」。汧城 月記蓋吳領導的 刨 漢

起義軍「殺汧城守將」。 知其地駐有軍隊。北魏末年即在汧城設置東秦州見太平寰宇記卷二九。「汧」

是水名了「蝌」是山名了皆在其地,故亦寫作「岍城」。「沂」是「汧」之訛了「峅」 是「岍」之訛。

「汧城」。

 $\overline{}$ 五 弼覽見之 (A)覽卷四二八一九七○頁作「酌覽而善之」。按「覽」「見」重複,疑細覽是。

バ 雁門平原人也 按卷一〇六上她形志上肆州雁門郡有「原平」,無「平原」。 原平乃漢晉舊縣。

記

崔徽附卷二四崔玄伯傳,今據改。

ファフ 諸本「徽」作「徴」。北史卷二五張黎傳、册府卷四〇六四八二六頁作「徽」。按

濟南公崔徽鎭長安

魏書卷二十九

列傳第十七

奚斤 叔孫建

庫仁求之急,簞遂西奔衞辰。及太祖滅衞辰,簞晚乃得歸,故名位後於舊臣 求之不得。後知南部大人劉庫仁所盜,養於窟室。簞聞 而逆擊簞。 奚斤,代人也,世典馬牧。 父簞,有寵於昭成皇帝。 算控其髮落,傷其一乳。及苻堅使庫仁與衞辰分領國部,^簞懼,將家竄於民間。 而馳往取馬,庫仁以國甥恃寵,慚 時國有良馬曰「騧騮」,一夜忽失,

討平之。 師,博陵、勃海、章武諸郡,羣盜並起,所在屯聚,拒害長吏。 容寶於參合。 斤機敏,有識度。 從征 高車諸部,大破之。 皇始初,從征中原,以斤爲征東長史,拜越騎校尉, 登國初,與長孫肥等俱統禁兵。後以斤爲侍郎,親近左右。 又破厙狄、宥連部,徙其別部諸落於塞南。 斤與略陽公元遵等率 典宿衞禁旅。 叉 進擊侯莫 車駕 |Щ 從破慕 東 還京 諸 軍

列

傳

第

+

七

奚

斤

六九七

陳部 俘虜獲雜畜十餘萬,至大峨谷,置戍而還。 遷都水使者,出爲晉兵將軍 幽州刺 史,賜

舒山陽侯。

之徒李沈等三百餘人謀反,斤聞 厅 十 蒐 厅 爲 與 南 皇太子,臨 於 萬 等追之。 世 忠孝 太宗 石 頭 平公長孫嵩等俱坐朝堂,錄決囚徒。 介徙二 會山 ·,贈其父簞 即位 Ó 事 萬餘家而還。 朝 ,爲鄭兵將軍,循 具蠕蠕傳。 車駕西巡、詔厅爲先驅 聽政,以斤爲 爲長寧子。 拜天部大人, 叉詔 左 輔 行州郡, 厅 太宗幸雲中,斤留守京師。 而召伯兒入天文殿東無下 與長孫嵩等八人,坐止車門右,聽理萬機。 ,討越勒部於鹿那山,行 進爵爲公,命斤出入乘軺軒,備威儀導從。 問民疾苦。 太宗大閱于東郊, 章武 民劉牙聚黨爲亂,斤討 ٠, 昌黎王慕容伯兒 窮問 治兵講武, 大破之,獲馬五萬匹,牛羊二 款引, 以斤行左丞 悉收 收合輕 其黨誅 蠕蠕 平之。 犯塞, 世祖之 相, 之。 俠 失志 詔 令 大

走 軍 求 軍 濟 姚勇錯 事 司 師 劉 司空公、晉 馬 義 楚之等並 太宗怒 符 、竇霸等率五千人據土樓以拒斤,斤進擊,破之。 立, 其大臣不附, 其不 兵大 遣 使詣 先 將軍、行 略 **广降**。 地, 揚州 戜 切責 內 厅自 離 刺 之。 史,率吳兵將 阻。 滑 臺 功 乃遣厅收劉裕前侵河南地 趣洛陽, 親 南 巡, 軍 義符虎牢守將毛德祖 公孫 次 中 Щ 表等南征 廣等單馬走免,盡殪其衆。斤長 義 符東郡太守王景度捐城近 0 用 假斤節, 表 遣其司 計 攻 都督 滑臺,不 馬翟廣、將 前鋒諸

義符 驅至 置守宰以撫之。 陳留 虎牢,軍於汜東。 太守嚴稜 自魏初,大將行師,唯長孫嵩拒劉裕,斤征河南,獨給漏刻及十二牙旗。 以郡 留表守輜重, 降。 斤遂平 克豫諸郡, 自率輕兵徇下河南、潁川、 還圍 虎牢。 德祖 陳郡以南,百姓無不歸附。 拒 守 木下。 及虎牢 潰,

宗崩,斤乃班

師

晚。」厅抗表固執,乃許之,給厅萬人,遣將軍劉拔送馬三千匹與厅。厅進討安定,昌退保平 及而 是秦 |升曰:「||昌已敗矣。」乙升懼,棄蒲坂西走。 千人襲蒲坂。 百姓安業。 還。 JF屯軍安定,以糧竭馬死,遂深壘自固。 雍氐羌皆來歸 世祖卽位,進爵宜城王,仍爲司空。 請益鎧馬,平昌而還。」世祖曰:「昌亡國叛夫,擊之勞傷將士,且可息兵,取之不 韶斤班師,厅上疏 昌弟助興,先守長安,乙升至,復與助興棄長安,西走安定,斤叉西據長安。於 昌守將赫連乙升聞斤將至,遣使告昌。 附。 與赫連定相持,累戰破定。 曰:「赫連昌亡保上邽,鳩合餘燼,未有盤據之資。 厅追敗之,乙升遂奔長安。 厅入蒲坂,收其資器, 世祖征赫連昌,遣斤率義兵將軍封禮等督四萬五 監軍侍御史安頡擊昌,擒之。 定聞昌敗,遂走上邽,厅追之,至雍,不 使至統萬,見大軍已圍其城, 語在頡 今因其危,滅 還告乙

重 了輕<u>о</u>一百糧,追定於平涼。 昌衆復立

昌弟定爲主,守平凉。

斤自以元帥,而擒昌之功,更不在己,深耻之。 娥清欲尋水而往,斤不從,自北道邀其走路。 定衆將出, 會

乃舍輜

魏 卷 ___ 十 九

拔 爲定所擒, 小將有罪亡入賊,具告其實。 士卒死者六七千人。 定知斤軍無糧乏水,乃邀斤前後。 後世祖克平凉,斤等得歸。 **免爲宰人,使負酒食從駕還** 斤衆大潰,斤及娥淸、劉

京師以辱之。

具 出 南道。 尋拜安東將軍,降爵爲公。 太延 初,爲衞尉,改爲弘農王,曰 車駕將討馮文通,詔斤發幽州民及密雲丁零萬餘人, 加征南大將軍。 後爲萬騎大將軍

無克獲。」世祖 地 不 鹵薄 純臣,而 世 略 祖 大集羣臣於西堂,議伐涼州。 外修 無水草,大軍旣到,不得 不從,征之。 職貢,宜加寬宥,恕其微愆。 涼州平,以戰功賜僮隸七十戶。 **人停。** 厅等三十餘人議曰「河西王牧犍,西垂下國,雖內 彼聞軍來,必嬰城固守。 去歲新征,士馬疲弊,未可大舉,宜且覊縻。 以斤元老,賜安車,平決 攻則難拔,野無所掠 刑 其

諮訪朝政

政,多見從用,朝廷稱焉。 斤聰辯强識,善於談論, 眞君九年薨,時年八十。 遠說先朝故事, 雖未皆是, 世祖親臨哀慟 時有所得。 證 聽者歎美之。 日昭王。斤有數十婦, 毎議大

子男二十餘人。

孟 明之效。今斤終其天年,君臣之分全矣。」於是降他觀爵爲公,除廣平太守。 長子他觀襲爵。 世祖曰:「斤關西之敗,國有 常刑。 以其佐命先朝, 故復其爵秩, 後爲都將, 將收

征懸瓠,卒於軍。

子延,襲爵。出爲瓦城鎭將。[三卒。

子緒,襲爵。 初爲散令,後爲太中大夫,加左將軍。 開建五等, 封弘農郡開國

三百戶。 後例降爲縣,改封澄城縣開國侯,增邑九百戶。 卒。

朝 ·、司徒從事 功臣,以斤配食廟庭。 子遵,襲封。 中郎。 卒,贈鎭遠將軍、洛州刺史,諡曰哀侯。 贈龍驤將軍、肆州刺史。 世宗繼絕世, 韶以緒: 弟子鑒特紹其後, 無子, 國除。 以承封邑。 太和中。高祖追錄先 鑒卒於中堅將

子紹宗,武定中,開府田曹參軍。

他 観弟 和觀,太祖 時內侍左右。 太宗以其世典戎御、遂拜典御都尉、賜爵廣興子、建威

將 軍 葬 進 爲宜陽侯,加 雜驤將軍,領牧官中郞將。 出爲冀靑二州刺史。

子冀州,襲爵。

冀 州 弟受真, 爲中散。 高宗即位, 拜龍驤將軍, 賜爵成都侯。 遷給事中, 出爲離石

鎭將。

後 以罪徙 和 觀 弟拔,太宗時內侍左右。 邊。 徴 爲 散騎常 侍。 從征蠕蠕,戰沒。 世 祖卽位,稍遷侍中、選部尙書、鎭南將軍,賜爵樂陵公。

列傳第十七 奚斤

費 卷 _ + 九 七〇二

子 買奴 有 寵 於 顯 祖 官至 神 部 長。 與安成王萬安國 一不平, 安 或 繑 詔 殺 買奴於苑 内。

高 祖 賜 安國 死 追 贈 買 奴 爲 幷 州 刺 史、 新 興公。

厅 弟普 回 陽 曲 護 軍

普 回 子 鳥侯, 世 祖 時 拜治書 御 史, 建義將 軍,賜爵夷餘侯。 從征 蠕 蠕 及赫 連 昌, 以 功 進

爵城 陽 公, 加員 八外散騎 常 侍, 出 爲 虎 牢 鎭 將 興 光 中 卒, 喪 禮 依 其伯父 弘 没農王 故 事 陪 葬

金 陵

鳥 侯 子 兠, 世 祖 時親侍左右, 隨從 征討, 常持 御 劍。 後 以 罪 徙龍 城。 尋 徵 爲 知 臣 監

出 爲 薄骨 律 鎭 將,假 鎭 遠 將 軍 , 賜 爵 富城 侯 時 高 車 叛 重 鎭 城 破 之, 斬 首 千 餘 級 Ó

延 興 中卒。

幸賀 謀。 隨 蘭 叔 秦 部 孫 建, 王 建常 觚 代 使 人也。 從 慕容 左 右 垂 父骨,為 , 歷六 登 或 載 初, 昭 乃還 成 以 母 建 王 爲 拜 太后 外 後 朝大 將 所 軍 養, 人, 與 頃之, 與安同 皇 子 爲 同 等 都 列 + 水使 $\dot{\equiv}$ 建 少以 人 者, 迭 H 典 智 領 庶 勇著 軍 事 9 , 稱 賜 參 爵 軍 太 安平 國 祖 Z

公,

加龍

驤

將軍

出

[為幷州]

刺

史。

後

以

公事免,守鄴城

園

虎 所 太 敗 宗 卽 太宗 位,念建 假 建 前 前 功, 號 安平 乃 以 公 建 爲 正 表 直 等 將 以討 軍 , 虎 相 斬 州 刺 首 史。 萬 餘 飢 級 胡 劉 餘 虎等聚黨 衆 奔 走, 投 反 沁 叛 而 公孫 表 水 等 爲

也 矣 建 魏 將 魏 遣 和 建 棄 城 不 之 與 有 以 晉 使 城 濟 而 加 劉 請 小 和 日 河 司 虜 姚 其 何 內 太宗 裕 致 魏 好 氏 屍 其 必 難 德宗 相 之 帝 王 大 德 收 建 於 衆 屢 聞 聞 乖 義 征 遂 集 旗 陳 河。 興 之, 之, 房爲 將 和 不 萬 此 鼓 將 入 以 劉 好 廢 滑 等 詔 不 以 假 呼 餘 觀 Ż 裕伐 於 劉 暇 臺。 耀 道 仲 建 П 其意 體 削 太 欲 0 經 威 德 自 尉 姚 以 營 乃宣 武 而 軍 河 圖 和 表 泓 所 魏 平 內 人 裕 晉 之日 遣, , ____? 日 兗 言 令 與 向 司 是 仲 其 語 馬 州 枋 日 入 尉 三 王 晉 以 德 河 部 休 刺 頭 計 建 伐之。 卑辭 之、 史 以 將 西 失 其 洛 征 不 行 觀 本 王 守 侵 虜 魯宗 是 仲 相 其 意 之 境 權 將 晉 常 體解 道 勢。 德 欲 罪 乏 住 取 之舊 之父 自 由 爲 以 洛 意。 於 言 於魏 仲 前 布 自 望 此, 城 子 京, 不 德 鋒 帛 有 仲德 風 敢 以 掃 入 -6 常 司 將逼 捐 軍 而 與 滑 待 萬 山 馬 刑 遣 羌 ·之初 去 大 臺 衆 陵 匹 或 滑 姚 司 魏 之寇 假 軍 將 月 璠 因 據 馬 舉 抗 之 餘 道 兄弟 更 空 之。 丛 , 造 衡 集, 於 城 兗 將 非 和 叉 魏 良 之, 而 州 晉 以 建 敢 諸 比 詔 牧 入, 重 侵 不 刺 欲 不 當 相 建 建 鸺 史 謂 修 宗 能 犯 西 渡 非 彼 命 尉 假 復 制 魏 魏 屬 過 河 戰 軍 公 途 之。 建 Щ 之 孫 曜 攻 宜 皆 滑 守 率 凌 威 西 相 表 會 晉 之 太宗 臺 太 將 所 與言 逼 彼 Ż 計 還 不 尉 斬 部 便 也 蠹 邊 自 令 然 N 棄 久

列

鎭 北 棄守 寇 及 而 班 去, 師, 故晉前 乃止。 軍得以西進,非敢憑陵魏境。」裕以官軍在 語 在帝紀 建 與 南 平公長孫嵩 各簡精兵二千,觀 河南 恐斷 劉 其前路, 裕事 勢。 功 命引 語 在 軍

州 {傳。 道 匿 刺 濟 孤 史, Щ 遷 司 王 率衆自平原 馬 廣 仲 阿鎭 受之、 德救夔, 聞 將 建 秀之先聚黨 至,率二千人迎 秦盜斂 濟河 建 不 克 跡,威名甚 徇 而 於 下 湿。 濟 青兗諸郡 建於 東, 建 以功 震。 皆率衆降。 女水,逐 **外之**, 賜 建 爵 濟 壽 重 河 除使持節 光侯, 義 建 符符 入臨 劉裕 青州 加 淄 克州刺 鎭 、都督前鋒諸軍事、 刺 南 史 劉 將 丛 義 史徐琰 軍 夔 符 於 前 東 東 奔彭 陽 牟 太守 城 城 楚兵將軍、 淸 建 義 符 逐 河 遺 張 東 將 幸 入 徐 靑 州 檀 先

荷 大 舍 增 將 其 益 重 所 任 屯 軍 建 戍 表 到 長 討 彦 日 先爲 除 之 逆 寇 臣 順 軍 暴 之備,以 前 旣 在 殊,勞逸不 泗 遺 臣 沙 口 之志 待其 門僧 ,發馬 也。 來。 護 等,平 戒 詣 是以 嚴, 若 彭 寇定 城 不 必 秣馬 豫設, 有 功, 舉斧之志 僧 枕 護 戈, 在 卒 還 難 於 思 稱, 此 擒 效 殄。 日 賊 微 臣 發 節。 聞 臣 且. 軍 爲 吳 雖 向 國 願 越之衆 衰 北, 之道,存不忘亡。 陛 弊,謀 F 前 不 便 鋒 以南 略 將徐卓之已至 寡淺 於 境 舟 檝 爲 過 憂。」 一蒙 宜 今 殊寵 繕 至 世 北 甲 彭 祖 兵, 城, 優

建 與汝陰公長孫道生濟河而南, 彦之、仲德等自清入濟, 東走青州。 劉義隆兗州刺史 詔

答之,

賜

以

衣

馬

坐 救滑臺, 軍 建 事。 威 靈 名南 秀 先是,簡幽州 棄須昌,南奔湖陸,建追擊,大破之,斬首五千餘級, 建與汝陰公道生拒擊之。 震,爲義隆所憚,除平原鎭大將,封丹陽王, 以南戍兵集于河上,一道討洛陽,一 建分軍挾戰,縱輕騎邀其前後,焚燒穀草,以絕 加征南大將軍 道攻滑臺。 遂至 鄒魯。 \ 義隆將檀道濟 都督冀青徐 還屯 范 城。 濟 其糧 、王仲 四 世 州 祖 道 德 以

平 原 十餘年,綏懷 建 沅 敏多智,東西征伐,常爲謀主。 (內外,甚得邊稱)魏初名將尠有及之。 治 軍淸整,號令嚴明。 南方憚其威略,靑兗輒不爲寇。 又雅尙人倫, 禮賢愛 士。 在

道

濟兵飢

,叛者相繼,由是安頡等得拔滑臺

延三 年薨,時年七十三。世祖悼惜之。諡曰襄王,賜葬金陵。

郎 元 磨 渾等 太祖 長子 崩 俊,字醜歸,少聰敏。 說紹,得歸 清 河王 太宗。 紹閉宮門,太宗在外。 事在磨渾傳。 年十五,內侍左右。 是時太宗左右,唯車路頭、王洛兒等, 紹逼俊以爲己援。 性谨密, 初無過行。 |俊外雖從紹,內實忠款,仍與 以便弓馬,轉爲獵 及得俊等,

以 爲 爪 牙。

將 爲 大逆。 太宗卽位, 俊 覺 命俊 悅 舉 與磨渾等拾遺 動 有 異,便引 手掣之,乃於悅懷中得兩刃七首,遂殺之。 左右。 遷衞將軍,賜爵安城公。 朱提王悅懷刃 太宗以俊前 入禁中,

後功重,軍國大計一以委之,群官上事,先由俊銓校,然後奏聞。

車,衞士導從, 悼之,親臨哀慟。 無得踰 事者皆飽之而退,事密者倍至蒸仍。 桓氏乃縊 性平正柔和,未嘗有喜怒之色。 之者。 而死,遂合葬焉。 初,俊旣卒,太宗命其妻桓氏曰:「夫生旣共榮,沒宜同穴,能殉葬者可任意。」 陪葬金陵。 朝野無不追惜。 子浦, 襲爵。 贈侍中、司空、安城王,諡孝元。 忠篤愛厚,不諂 是以上下嘉歎。 後有大功及寵幸貴臣薨, 上抑下。 泰常元年卒,時年二十八。 每奉詔宣外,必告示殷勤,受 賻送終禮, 賜溫明秘器,載以輼輬 皆依俊故事, 太宗甚痛

稱。 貨,專作威福。 轉尙書令。 俊既爲安城王,俊弟隣襲父爵,降爲丹陽公。 遂相糾發,坐伏誅。 出為涼州鎮 大將,加鎭西將軍。 隣與鎭副將奚牧, 少聰慧知名。 稍遷北部尚書, 並以貴戚子弟,競貪財 有當官之

靡立,而恩禮 太宗,義彰顚沛,察朱提之變,有日磾之風。 史臣曰:奚斤世稱忠孝,征伐有克。平凉之役,師殲身虜。 隆渥,沒祀 廟庭。 叔孫建少展誠勤,終著庸伐。 加以柔而有正,見美朝野,可謂世不乏賢矣。 治邊有術,威震夷楚。 雖敗崤之責已赦,封尸之效 俊委節

校勘記

計越勒部於鹿那山 「越勒」疑作「越勤」是,參卷一一三校記越勒氏條。「鹿」字,卷三○閭大肥傳、卷九八高車傳補 册府卷三二三三八一五頁「勒」作「勤」,北史卷二○奚斤傳「鹿」作「跋」。按

都作「跋」。疑此傳誤。

改爲弘農王,北史卷二〇「弘」作「恒」。按「弘農」是漢以來郡名,魏避拓跋弘諱改「恒農」卷一〇

但魏收例避魏諱,原文應同北史作「恒」。當是宋人避宋諱回改作「弘」。此傳下文「封弘農郡開 六下地理志下陝州恆農郡條。奚斤封王在太延時拓跋燾的年號,那時並未改名,作「弘農」是符合事實的。

國侯」,以及他處見「弘農」者都是宋人所改。 「弘農」旣是舊名,魏以後又已恢復,「恒農」只在

拓跋弘卽位後四六六行用一個較短時期,今不再回改。他處作「弘農」者同。

出為瓦城鎮將 見他處,「瓦」「万」當都是「凡」之訛。參卷四上校記凡城條。

29 |牟太守,不聞仕宋。此『劉義符』三字恐誤。| 劉義符前東牟太守淸河張幸先匿孤山 張森楷云:「張彝傳卷六四及南燕錄並云幸是 慕容超東

列

傅

